

საქართველოს სსრ მეცნიერებათა აკადემია
ბ. წამბეთლის სახ. აღმოსავლეთმცოდნეობის ინსტიტუტი

პეველი თოჭუჩია

აგიერკავკასიის ქალაქები

X–XIII ს. პირველი მეოთხედი
(გარეგანი სახე, ხელოსნური წარმოება)



თბილისი
„მეცნიერება“
1985

6 3.3 (24)
9 (21) (17.92)
თ 776

ნაშრომში ამიერკავკასიის ქალაქების ძირითადი ნაწილების (ციხე, ქალაქი, რაბადი) განხილვის საფუძველზე შესწავლილია ქალაქის გარეგანი სახე (ტოპოგრაფია); დახასიათებულია ხელოსნური წარმოების ძირითადი დარგები — საფეიქრო, მეტყევეობა, ხისა და ლითონის დამუშავება, მინის ნაწარმი, მეთუნეობა.

რედაქტორი ვ. ბაბაშვილი

შესავალი

ისტორიის მეცნიერება მზარდ ყურადღებას უთმობს შუა საუკუნეების ქალაქის შესწავლას. ეს იმ გასაგები მიზეზების გამო, რომ დღიდან თავისი აღმოცენებისა, ქალაქი, თავისი განვითარების შესაბამისად, ყოველთვის განსაზღვრავდა ამა თუ იმ საზოგადოების განვითარების დონეს, სოციალურ-ეკონომიკურ წყობას.

თავისი ბუნებით საქალაქო ეკონომიკა პროგრესს ესწრაფვის. ამდენად, მისი შესწავლა (ცხადია, საზოგადოებრივი წარმოების სხვა დარგებთან ერთად), საზოგადოებრივ წარმოებაში მისი წვლილის განსაზღვრა, საშუალებას გვაძლევს ღრმად ჩავწვდეთ შუა საუკუნეების საზოგადოებათა არსს, მათი განვითარების გზებს.

აღნიშნული დროის ამიერკავკასიის ქალაქები განსაკუთრებულ ინტერესს იწვევენ. ცნობილია, რომ სწორედ ამ ეპოქაში აღწევს რეგიონის — განსაკუთრებით საქართველოსა და სომხეთის — საზოგადოებანი ფეოდალური განვითარების უმაღლეს დონეს. რა წვლილი მიუძღვით ამ განვითარებაში ქალაქებს, როგორია მათი სოციალური სტრუქტურა, ეკონომიკური თუ კულტურული განვითარება, საქალაქო მმართველობის ფორმები, როგორ გამოიყურება ქალაქი გარეგნულად? აისახა თუ არა ქართულ-სომხური და აღმოსავლური ფეოდალიზმი ამიერკავკასიის ქალაქების საქალაქო ცხოვრებაში, არის თუ არა აქ არსებითი ან არაარსებითი საკუთარი ნიშნები?

დასმულ და სხვა მრავალ კითხვაზე საფუძვლიანი პასუხი ამიერკავკასიის ქალაქების ერთიან შესწავლას მოითხოვს, ამასთანავე — წინარე ხანის ვითარების გათვალისწინებით.

პრობლემის შესასწავლად თითქოს მრავალენოვანი (ქართული, სომხური, სპარსული, არაბული) წყაროების ფართო წრე არსებობს. მაგრამ თავიანთი ხასიათისა და დანიშნულების გამო ისინი ჩვენთვის საგულისხმო და გამოსადეგ მასალას ერთობ მცირეს შეიცავს. ასეთ ვითარებაში, ცხადია, განსაკუთრებით იზრდება ნებისმიერი, ყოველი იმ ცნობის ღირებულება, რომელიც ქალაქს და საქალაქო ცხოვრების ამა თუ იმ მხარეს ეხება.

შედარებით მეტ ცნობებს შეიცავს ქალაქების გარეგანი სახის და ხელოსნური წარმოების შესახებ აღწერილობითი გეოგრაფიული ლიტერატურა. მაგრამ მისი მთავარი ნაკლი ის არის, რომ კომპილაციური

ხასიათის გამო ერთი ავტორი უცვლელად იმეორებს დროით მისგან საკმაოდ დაშორებულ მეორე ავტორის ცნობებს თუ მთელ პასაჟებს. ამის გამო ჭირს საკითხის ისტორიულ პერსპექტივაში შესწავლა.

აზერბაიჯანის, საქართველოს და სომხეთის ქალაქების თუ ცალკეული ქალაქის შუა საუკუნეების სხვადასხვა მონაკვეთში შესწავლას კარგა ხნის და ნაყოფიერი ტრადიციები გააჩნია. მაგრამ დროის ერთ გარკვეულ მონაკვეთში მათი ერთიანობაში შესწავლის პირველ, და ისიც ნაწილობრივ, ცდას წინამდებარე ნაშრომი წარმოადგენს.

იმ საერთო ნიშნების გამო, რომლებიც ზოგადად ახასიათებთ შუა საუკუნეების ქალაქების გარეგან სახეს და სახელოსნო წარმოებას, შესაძლებლად ჩავთვალეთ მთლიანი თემის ამ ნაწილის ცალკე გამოკვლევა. ძირითად მიზანს შეადგენდა ამიერკავკასიის ქალაქების გარეგანი სახის, ხელოსნური წარმოების შინაარსის და მისი ძირითადი დარგების რაც შეიძლება სრულად წარმოჩენა. მაგრამ ამჯერად მოკვლეული მასალის სრული ანალიზიც ვერ მოხერხდა ზოგიერთ შემთხვევაში. აღნიშნულის გამო, ნაშრომი ოდნავადაც არ არის დაზღვეული მთელი რიგი ნაკლოვანებებისგან და იგი მხოლოდ ყამირის პირველ კვლად თუ შეიძლება ჩაითვალოს.

შუა საუკუნეების ამიერკავკასიის გეოგრაფიული საზღვრები მნიშვნელოვნად განსხვავდება დღევანდელისაგან — ის გაცილებით ფართო ტერიტორიას მოიცავს. ამის გამო კვლევის არეში შემოვიდა ის ქალაქებიც, დღეს რომ სხვა სახელმწიფოთა ფარგლებში იმყოფებიან.

ამჯერად თავი ავარიდეთ განმაზოგადებელ შეფასებებს და საერთო დასკვნებს. ასეთი რამ პრობლემის სრული შესწავლის შემდეგ იქნება გამართლებული.

სასიამოვნო მოვალეობად მიგვაჩნია ულრმესი მადლობა მოვახსენოთ ყველა ჩვენს კოლეგას ნაშრომზე მუშაობის დროს გაწეული დახმარებისათვის.

თ ა ვ ი პ ი რ ვ ე ლ ი

ამერიკამკაცის ქალაქების გარემბანი სახე

ქალაქის გარეგანი სახის ჩამოყალიბება მჭიდროდ უკავშირდება ქალაქის აღმოცენების პროცესს. ხოლო მისი შესწავლის წარმატებას განაპირობებს თვით ქალაქის ცნების ნათლად გარკვევა, იმ პირობების გამოკვეთა, რომლებიც ქმნიან ქალაქს, როგორც ისტორიულ კატეგორიას. რა არის ქალაქი, ადამიანთა დასახლების რომელი სახე შეიძლება ჩაითვალოს ქალაქად და რომელი არა? როდესაც საქმე ეხება „დიდი“ ქალაქებს, საკითხი ნათელია, მაგრამ რომელი დასახლება ჩავთვალოთ (ითვლება), და რის საფუძველზე, პატარა ქალაქად, დაბად, სოფლად? რითი განვასხვავოთ, თუ განსხვავდებიან, ერთმანეთისგან ქალაქი და ციხე-ქალაქი?

ამა თუ იმ დასახლების ტიპის განსაზღვრა მხოლოდ ტოპოგრაფიული ნიშნების მიხედვით ყოველთვის არ იძლევა ამომწურავ პასუხს. განვითარებულ ფეოდალურ ურთიერთობათა ხანაშიც გვხვდება ვალენით გამაგრებული დასახლება, რომელსაც თვით შუა საუკუნეების წყაროც სოფელს უწოდებს. იბადება სხვა კითხვაც: ერთნაირად გვესმის ქალაქის ცნება დღევანდელ მკვლევარს და შუა საუკუნეთა მემკვიდრის?

ქალაქის ცნების განმსაზღვრელ ძირითად კრიტერიუმად სოციალურ-ეკონომიკური ნიშნებია მიჩნეული სრულიად მართებულად, რადგანაც სწორედ სოციალურ-ეკონომიკური განვითარების შედეგად ხდება საქალაქო ეკონომიკის გამოყოფა სოფლის მეურნეობისაგან, ქალაქისა — სოფლისგან. სიძნელეებს გარდამავალ საფეხურთა დიფერენციალობა ქმნის.

ამავე დროს გასათვალისწინებელია ისიც, რომ თავიდანვე, „კაცობრიობის ისტორიის გარიჟრაჟზე“, ხდებოდა გამაგრებულ, შემოზღუდულ დასახლებათა აღმოცენება — თვით „ქალაქის“ ეტიმოლოგიაც ხომ აქ იღებს სათავეს. განა ასეთ დასახლებებში იმთავითვე იყო გამიჯნული „სოფლის“ და „ქალაქის“ შრომა? ფეოდალურ ეპოქაში, მის წიაღში აღმოცენებული თუ წინარე ეპოქებიდან „გადმოსული“, ასეთ და სხვა ნიადაგზე წარმოშობილი განსხვავებანი დასახლებათა ფორმებსა და შინაარსს შორის ქალაქთა ტიპების განსაზღვრით უნდა ავხსნათ.

ფეოდალიზმის ხანაში სოფლის გამოწვლილვით შესწავლა თავის-თავად გასცემდა პასუხს ქალაქთან დაკავშირებით აღძრულ მრავალ კითხვას. სინამდვილეში, რამდენადაც ვიცით, ამიერკავკასიის ქვეყნებში სოფლის შესწავლას არ ექცევა სათანადო ყურადღება. არადა, ფეოდალიზმის ძირითადი ეკონომიკური კანონი ხომ მიწას და მასთან დაკავშირებულ ურთიერთობებს ემყარება; სოფელი კი — მიწა, გლეხია.

როგორც აღვნიშნეთ, ქალაქის გარეგანი სახის ჩამოყალიბება ქალაქის აღმოცენებასთან ერთად ხდება. აღმოცენებაში იგულისხმება როგორც ნებისმიერი დასახლების სოციალურ-ეკონომიკური განვითარების შედეგად „გაქალაქება“, ასევე, თუ შეიძლება ასე ითქვას, ხელის ერთი დაკვრით „შიშველ ადგილზე“ ქალაქის დაარსებაც.

გავადევნოთ თვალი მცხეთის გარეგანი სახის ჩამოყალიბებას, რაც ასე ნათლად იკვეთება ლეონტი მროველის თხზულებაში.

მტკვრისა და არაგვის ხერთვისთან მოსული ქართლოსი „განვიდა მთასა მას ზედა... და პირველად შექმნა სიმაგრენი მას ზედა, და იშენა მუნ ზედა სახლი, და უწოდა მთასა მას სახელი თავისა თვისისა ქართლი“. აქვე საკულტო ნაგებობის აღმართვის შემდეგ მთას სახელად ეწოდა არმაზი. აქვე „დაფლეს“ ქართლოსი. „და შემდგომად ამისა ცოლმან მისმან (აქ) აღაშენა დედა-ციხე“¹. ქართლოსის ძემ მცხეთოსმა, რომელიც „დარჩა საყოფელთა მამისა მათისა ქართლოსისათა, რომელსა აწ ჰქვან არმაზი... აღაშენა ქალაქი შესაყრებელსა შორის მტკვრისა და არაგვისასა, და უწოდა სახელი თვისი მცხეთა. ხოლო არდამ ერისთავმა „მოზღუდა მცხეთა ქალაქი ქუთაირითა... ამანვე... მოჰკიდა კირი-ზღუდე ციხესა არმაზისასა“.

გარდა გალანისა საკუთრივ ქალაქი მცხეთა გამაგრებულთა კიდევ ოთხი ციხით. გავიდა ხანი და აღერკი მეფემ თავის ორ ძეს „განუყო ყოველი ქუეყანა თვისი: მისცა ქალაქი მცხეთა და (სხვა) ყოველი ბარტომს... ხოლო არმაზით კერძო ქალაქი (და სხვა) ყოველი მისცა ქართამს“. ბარტომისა და ქართამის შემდეგ „მეფე იქმნეს შეილნი მათნი: არმაზს — ფარსმან (ქართამის ძე) და შიდა ქალაქსა — კაოს (ბარტომის ძე)“². C და III ნუსხები პირდაპირ აღნიშნავენ: „...შიდა ქალაქსა, რომელ არს მცხეთა“³. გაყოფა ხდება I საუკუნეში⁴.

¹ იგივე არის „თავადი ციხე“.

² ლეონტი მროველი, ძ. ცხ., I, გვ. 8, 9, 11, 13, 17, 19, 23, 43, 44, 85—86.

³ იქვე, გვ. 51₁₂ შ. შტრ. იქვე, გვ. 50 ვ—4 და 50; „...შიდა ქართლს“, ხოლო RT6 ნუსხებში: „...შიდა ქალაქსა“.

⁴ Г. А. Меликишвили, К истории древней Грузии, Тб., 1959, с. 55—57.

ლეონტი მროველის თანახმად, მცხეთა საერთოდ ქალაქის აღმოცენება-განვითარების კლასიკურ სქემას მიჰყვება. „დიდი მცხეთის“ ძირითად ნაწილებს შეადგენენ დედაციხე (თავადი ციხე), ქალაქი, გარეუბანი. ჩვენ არ განვიხილავთ მროველის ცნობების შუქზე მცხეთის ტოპოგრაფიას. ქართულ ისტორიოგრაფიაში ქალაქის არქეოლოგიური შესწავლის საფუძველზე ამ საკითხს არა ერთი ნაშრომი მიეძღვნა.

აღნიშნული სქემის მიხედვით განვიხილავთ ამიერკავკასიის ქალაქების გარეგან სახეს, რაც ნათლად წარმოაჩენს ზოგად თუ კონკრეტულ, მათთვის დამახასიათებელ ნიშნებს.

შუა საუკუნეების ქალაქის ეს სამი მთავარი ნაწილი, თავისთავად დიაქრონულ კრილში მათი თანმიმდევრობა ქალაქის განვითარების ზოგად გზას ასახავს.

ამიერკავკასიაში ქალაქმშენებლობას და საქალაქო ცხოვრებას ღრმა და ძლიერი ფესვები გააჩნდა ჯერ კიდევ განვითარებული ფეოდალიზმის ეპოქამდე დიდი ხნით ადრე.

საერთოდ გამაგრებული საცხოვრისი, მიწათმფლობელი არისტოკრატის ციხე-სიმაგრე ხშირად გამსდარა საფუძველი, კვეთი ქალაქის აღმოცენებისათვის. ასე ხდებოდა ამიერკავკასიის ქვეყნების სინამდვილეშიც. „აშოტ კურაპალატმან პოვა კლარჯეთის ტყეთა შინა კლდე ერთი, რომელი პირველ ვახტანგ გორგასალს ციხედ აღეშენა. სახელთ არტანუჯი; და აოხრებულ იყო ბაღდადელისა მის ყრუობითგან. იგი განაახლა აშოტ და აღაშენა ეგრეთვე ციხედ, და წინა — კერპო მისსა ქუეშეთ აღაშენა ქალაქი. და აღაშენა ციხესა მას შინა ეკლესია წმიდათა მოციქულთა პეტრესი და პავლესი, და შექმნა მას შინა საფლავი თუსი, და დაემკვდრა ციხესა მას შინა ცხოვრებად“; ხოლო, როდესაც „...მოიკლა უფალი იგი მათი“ აშოტ კურაპალატი „წარმოიღეს და დაფლეს მისსა მას საფლავსა შინა ციხესა არტანუჯისასა, ეკლესიასა წმიდათა მოციქულთასა“⁵.

ჭეშმარიტად მრავალმხრივ საყურადღებო და მნიშვნელოვანი ცნობაა, რადგანაც მასში ესოდენ გამოკვეთილად, დაწურულად, მაგრამ არა მწირად არის ჩამოყალიბებული ქალაქის მშენებლობის, მისი გარეგანი სახის, ქალაქის ცნების ამსახველი საკითხები.

ქალაქმშენებლობის თვალსაზრისით საგულისხმოა, რომ აშოტ კურაპალატმა გორგასლის დროინდელი ციხე განაახლა, მასში დაიდო ბინა და მის ძირში აღაშენა ქალაქი, რომელსაც „სრულ გაქალაქებამდე“ აკლია ერთი — ასეთ გამაგრებულ, გალავნით მოზღუდულ ციხე-ქალაქთან აღმოცენებული დასახლებანი, გარეუბანი, რაბადი. მაგრამ ეს

⁵ სუ მ ბ ა ტ დ ა ე ა თ ი ს ქ ე , ც ა ა კ რ ე ბ ა დ ა უ წ ყ ე ბ ა ბ ა გ რ ა ტ ო ნ ი ა ნ თ ა , ძ . ც ხ . , 1 , გვ . 377 .

უკვე, უმეტესწილად, ფეოდალური განვითარების ნაყოფია და მისი წვლილი ფეოდალური ქალაქის ჩამოყალიბებაში. „უმეტესწილად“ იმიტომ, რომ სოციალური ტოპოგრაფიის ფაქტორები ყოველი დროის ქალაქისათვის იყო დამახასიათებელი.

ქალაქის დაარსების, მისი გარეგანი სახის ჩამოყალიბების იმ ერთ-ერთ გზას, რომელიც მცხეთისა და არტანუჯის სინამდვილეში გამოვლინდა, აშკარად „იმეორებს და მიჰყვება“ ანისი.

„კავკასიის არქეოლოგიური გვირგვინის ერთი უმსხვილესი მარგალიტი“ უწოდა ნ. მარმა ანისის ნანგრევებს, რითაც სამართლიანად შეუძლია იამაყოს კავკასიამ თავის სხვა სიმდიდრეთა და ღირსშესანიშნაობათა გვერდით⁶. ნ. მარს ამის თქმის სრული უფლება, მტკიცე საფუძველი ჰქონდა. ეს საფუძველი შექმნა მისი ხელმძღვანელობით ჩატარებულმა ანისის მრავალწლიანმა არქეოლოგიურმა გათხრებმა და ქალაქის სვე-ბედის ამსახველი ისტორიული წყაროების შესწავლამ.

ყამთასიავით დანგრეული და მივიწყებული, მიწის ქვეშ დაფლული ანისი ნ. მარის გათხრებმა ერთბაშად გამოამწეურა; მისმა დიდებულმა ნანგრევებმა, მთელმა არქეოლოგიურმა მასალამ, ისტორიულ ფაქტებს თანხმობით მხარში რომ ამოუდგინენ, ანაზღეულად გამოაბრწყინა ეს, მართლაც, მარგალიტი და თვალსაჩინო გახადა, ამიერკავკასიის სხვა ქალაქებთან ერთად, მისი მნიშვნელობა და ადგილი მახლობელი აღმოსავლეთის ქალაქების და საქალაქო ცხოვრების ისტორიაში.

ერთ დროს სომხეთის ანისის სამეფოს დედაქალაქი ანისი დღეს თურქეთის მფლობელობაში, ყარსის ოლქში მდებარეობს. გასული საუკუნის მიწურულს იქ ჩასულ ნ. მარის ექსპედიციას მხოლოდ რამდენიმე ძლიერ დაზიანებული ნაგებობა და მიწით დაფარული ნანგრევები ჰქონდა დახვდა. თავის დროზე კი ჰქმნარიტად ბალუმში და მღელვარე საქალაქო ცხოვრებიანი ანისი გაშლილი იყო მაღალ, წაგრძელებულ სამკუთხა ზეგანზე, რომლის ციცაბო, დახრამული, ორივე ფერდობის ძირში მიედინებოდა მდ. ახურიანი (არპა-ჩაჰ), მდ. არეზის (არაქსის) შენაკადი და ანისის ღელე (ალაჯა), რომელთაც ჩრდილოეთის აყოლვებით მოეკიდებოდა გაილქორის და იგაძორის ხეობები.

ანისის ისტორია მისი ციხე-სიმაგრის ისტორიიდან იწყება. ცნობილია, რომ იგი კამსარაკანთა ფეოდალური გვარის სამფლობელოში შედიოდა⁷. ფავსტოს ბუზანდის (V ს.) ცნობიდან ირკვევა, რომ ციხე-სი-

⁶ Н. Я. Марр, Об учреждении Анийского археологического института, ИАН, 1910, с. 438.

⁷ И. А. Орбели, Басни средневексвей Армении, Избранные труды, т. 1, М., 1968, с. 254; მისივე, Развалины Ани, Избранные труды, Ереван, 1963, с. 3-

მაგრეში, ზევს-არმაზდის ტაძართან სომეხ არშაკუნიანთა საგვარე-
ულო სამარხი არსებობდა⁸.

კამსარაკანები არაბთა გაბატონებამდე ფლობდნენ არშარუნიკის
ოლქს და მასში შემავალ ანისს. VIII ს. მეორე ნახევარში კი ოლქი
ანისითურთ ხელთ იგდეს აღმავლობის გზაზე შემდგარმა სხვაგნით
მოსულმა (როგორც ვარაუდობენ, ლაზთა ქვეყნიდან) ბაგრატუნიანებ-
მა⁹; აშოტ მსაკერმა („ხორცისმჭამელი“), იყიდა ის. ხოლო 961 წ.
აშოტ ოღორმაცმა („მოწყალე“) არაბთა თანხმობით ანისში სო-
მეხთა მეფის გვირგვინი დაიდგა და იგი ანისის სამეფოს (IX ს. 60-იანი
წლები — 1045 წ.) დედაქალაქად აქცია.

ანისის ციხე-სიმაგრე აგებული იყო აღნიშნული ზეგანის უკიდურეს
სამხრეთ, ვიწრო ნაწილში მდებარე მიუდგომელ და მხოლოდ ერთი
მხრიდან ხელოვნურად, მტკიცე კედლით გამაგრებულ გორაზე. ეს კე-
დელი კამსარაკანებმა ააგეს V საუკუნეში დიდრონი, უხეშად დამუშა-
ვებული, რკინის კაეებით გადაბმული ლოდებისაგან. აღსანიშნავია, რომ
არქეოლოგიურმა გათხრებმა ამ ნაგებობაში გაცილებით უფრო აღ-
რინდელი ეპოქის სამშენებლო მასალაც გამოავლინა¹⁰.

როგორც ვნახეთ, X საუკუნეში ანისის პოლიტიკურ ცხოვრებაში
მნიშვნელოვანი ძეგრა მოხდა — იგი ახლად შექმნილი სამეფოს დედა-
ქალაქი გახდა. ცვლილებები ხდება მის გარეგან სახეშიც. 963—964 წწ.
აშოტ მესამემ ანისის ციხე-სიმაგრის ქვევით, ჩრდილოეთისკენ გაშ-
ლილი ზეგანის ფართობი მის ვიწრო ყელთან კედლით გადაკეტა
(ეგრეთ წოდებული „აშოტის კედლები“). ნ. მარი აღნიშნავს, რომ ეს
კედლები საგულისხმონი არიან არა მარტო როგორც სამოქალაქო
არქიტექტურის მასალა — მათმა აღმოჩენამ თავისი წვლილი შეიტანა
ანისის წარსული ცხოვრების შესწავლაშიც, რადგანაც ამ კედლებმა
სრულიად ახალი შუქი მოჰფინეს ქალაქის თანდათანობითი ზრდის ის-
ტორიას და იმთავითვე გაარკვიეს მისი ტოპოგრაფიის ძირითადი სა-
დემარკაციო ხაზი¹¹.

აშოტის კედლებით მოზღუდულმა ფართობმა ანისის შიდა ქალაქი
შეადგინა, სადაც ანისის ძველი ციხე-სიმაგრე უკვე დედაციხის ხარის-
ხში გვევლინება, რომელსაც სომეხურად მიჯნაბერდ („შუა ციხე“,

⁸ Г. Х. Саркисян, Черты эллинизма в духовной культуре древней Арменни, «Эйрене», I.

⁹ И. А. Орбели, Развалины Ани, с. 3.

¹⁰ Н. Я. Марр, Ани книжная история города и раскопки на месте горо-
дища, Л.—М., 1934, с. 49.

¹¹ იქვე, გვ. 54.

შდრ. ქართ. „მიჯნა“) ეწოდება, ხოლო ნ. მარი და სხვები ვიშგოროდ-ით თარგმნიან¹².

„აშოტის კედლების აშენების შემდეგ ანისის ციხე-სიმაგრე, უკვე ვიშგოროდი, იზიარებს ჯერ ბაგრატიუნიანთა სატახტო, შემდეგ კი სომხური ვაჭრობისა და მრეწველობის ქალაქის ბედს. ცნობილია, რომ ვიშგოროდი შემდგომ ხანებშიც რჩებოდა მიუვალ ციხე-სიმაგრედ. სწორად მტრებს აუღიათ ქალაქი... აუღიათ აშოტის კედლებით საგანგებოდ გამაგრებული შიდა ქალაქი, მაგრამ ვიშგოროდი, ძველი ციხე-სიმაგრე, პატრონთა ხელში რჩებოდა“¹³. ასეთ ვითარებაში ქართველი მემატიანე, ჩვეულებრივ, დაწერდა ხოლმე: „აღიღეს ქალაქი თნიერ ციხისა“.

X საუკუნეში ანისი უკვე სავსებით ჩამოყალიბებული ქალაქია¹⁴, და ნიშანდობლივიც ის არის, რომ სწორედ ამ დროს გამოიყო შიდა ქალაქი თავისი ძველი ციხე-სიმაგრით დანარჩენ ქალაქს. საგულისხმოა ისიც, რომ ანისის მკვლევრები (ნ. მარი, ი. ორბელი...) შიდაქალაქს „ძველ“, ხოლო დანარჩენ ანისს „ახალ ქალაქს“ უწოდებენ. გასათვალისწინებელია ისიც, რომ ანისის „ახალ ქალაქს“ გალავანი X ს. დასასრულს, აშოტის კედლების აგების შემდეგ შემოართყეს.

მცხეთისა და არტანუჯის შიდაქალაქის ტოპოგრაფია, წერილობით წყაროებში აღწერილი არქეოლოგიური გათხრებით დადასტურდა; იგივე ითქმის ანისის მიმართ. საერთოდ კი „შიდაქალაქი“ ზოგადი მოვლენაა ქალაქის ტოპოგრაფიაში. აღმოსავლური ქალაქის სინამდვილეშიც ცნობილია ალ-მადნა ალ-დახილა, რაც სიტყვასიტყვით სწორედ „შიდა ქალაქს“ ნიშნავს¹⁵; (შდრ. რუსთაველთან: „...მოიცეეს შიგა ქალაქი...“)¹⁶.

ანისში, შიდაქალაქის უმაღლეს ადგილზე აგებული იყო სამეფო სასახლე. აქვე მდებარეობდა და სასახლის შემადგენლობაში შედიოდა უძველესი, სასახლის პატარა ბაზილიკური ეკლესია. ის სასახლეზე უფრო ძველია — არქიტექტურული სტილისა და ჩუქურთმის ხასიათის მიხედვით მას VI—VII სს. მიაკუთვნებენ. საერთოდ შიდა ქალაქში გამოვლენილია ექვსი, ერთმანეთისგან განსხვავებული გეგმის

¹² იქვე, გვ. 23, 66: И. Орбели. Краткий путеводитель по городищу Ани (с планом), Анийская серия, №4, СПб., 1910, с. 4.

¹³ შევნიშნავთ, რომ რუსეთის სანაპიველოში ქალაქის ციხეს აღნიშნავდა детинец, საგულისხმოა მისი ეტიმოლოგიის შედარება დედაციხესთან.

¹⁴ Н. Марр, Ани, с. 54—55.

¹⁵ იქვე, გვ. 23, ...: Па ишмам ванчичири гчаада... აღნიშნავს ნ. მარი.

¹⁶ О. В. Циктишвили, Гора-парк гчаада Қазвина XIII в. по данным Закария ал-Қазвини. შიხს, II, გვ. 23—24.

¹⁶ „ვეფხისტყაოსანი“, თბ., 1957, სტროფი 1202.

ეკლესია¹⁷. ერთ-ერთი მათგანის (ციხისა) ქვედა ნაწილი X—XI სს. მიეკუთვნება და, როგორც ჩანს, ამ დროს გადაუკეთებიათ¹⁸; ამას ადასტურებს მისი გუმბათის სრულიად უჩვეულო ფორმა. შიდა ქალაქშივე აღმოჩნდა მონასტერი, სასაფლაო. სხვადასხვა საერო ნაგებობათა ნაშთები. მათ შორის ყურადღებას იპყრობს აშოტის კედლებთან გათხრილი საცხოვრებელი სახლები.

შუა საუკუნეების ქალაქის ტოპოგრაფიისა და ამიერკავკასიაში ქალაქმშენებლობის ისტორიის შესწავლის თვალსაზრისით მნიშვნელოვან ძეგლს წარმოადგენს დარუბანდი¹⁹. მას ღღესაც თვალნათლივ აქვს შენარჩუნებული ძველი ქალაქის აღნაგობა.

დარუბანდის ორი, ჩრდილოეთისა და სამხრეთის კედელი, კავკასიონის მთებსა და კასპიის ზღვის სანაპიროს შორის არსებულ ვიწრო გასასვლელს რომ კეტავს, ზღვის სანაპიროდან დასავლეთის მიმართულებით აპყვება ფერდობს, თანდათან ვიწროვდება და მთის წვერზე, მათ შორის აგებული შიდაციხით იკვრება. ამრიგად, შიდაციხე ზემოდან დაპყურებდა და დაპყურებს მის წინ მთის ფერდობზე ჩაფენილ ქალაქს. ქალაქის სიგანე ამ ნაწილში მხოლოდ 350 მ იყო.

შიდაციხე და მისი მიმდებარე ტერიტორია (შიდა ქალაქი) ქალაქისაგან გამოყოფილი იყო ეგრეთ წოდებული „შუა კედლით“. ის ქალაქის ხელისუფლებას იცავდა საკუთარი ქალაქის მოსახლეობისგან²⁰. მისი ასეთი დანიშნულება ნათლად ჩანს დარუბანდში მიმდინარე საშინაო ბრძოლების ფონზე, როდესაც არაერთხელ დაუწვრვიათ და აღუდგენიათ იგი.

დარუბანდის დედაციხე შიდა ქალაქთან ერთად, ანისის შესაბამისი ნაწილების მსგავსად, ქალაქის უმაღლეს ნაწილში მდებარეობდა. თბილისის ციხეს კი „ზემო ციხეს“ უწოდებდნენ²¹. ამ შემთხვევებში, ფეოდალური ქალაქის აღნიშნული ნაწილების მდებარეობა და მათი სოციალური დანიშნულება, შინაარსი ემთხვევა ერთმანეთს.

იყო თუ არა დარუბანდის ციტადელში საკულტო ნაგებობა, დანამდვილებით არ ვიცით. ყურადღებას იპყრობს ციტადელის ჩრდილო-

¹⁷ Н. Марр, Анн, с. 66.

¹⁸ И. Орбели, Кр. путеводитель, с. 16—17.

¹⁹ დაწერილებით იხ. В. Ф. Минорский, История Ширвана и Дербенда, М., 1963, გვ. 119—124 და სვ. 3. თოფურია, ამიერკავკასიის ქალაქების ისტორიიდან (დარუბანდი X—XI საუკუნეებში), „მაცნე“, 1970, № 4, გვ. 107—108, 122—123; მასვე, აღმოსავლეთ ამიერკავკასიის პოლიტიკური ერთეულები XI—XIII საუკუნეებში, თბ., 1975, გვ. 107—114; А. Кудрявцев, Город. не подвластный векам, Махачкала, 1976; მისვე, Древний Дербент, М., 1982.

²⁰ შტრ. ვ. გაბაშვილი, თბილისის მმართველობა X—XI საუკუნეებში, ტსუ შრომები, ტ. 108, 1964, გვ. 354—355.

²¹ ბერი ეგნატაშვილი, ძ. ცხ., II, გვ. 357.

დასავლეთ ნაწილში, მისი კედლისგან 15 მ დაშორებული ერთი ნაგებობა. მისი ჯვრის ფორმა და დაგეგმარების სხვა ნიშნები საკმაო მსგავსებას ამჟღავნებს ადრე შუასაუკუნეების კავკასიის და სხვა ქვეყნების ეკლესიებთან²².

ცენტრალური საკრებულო მეჩეთი ქალაქში, დედაციხის გარეთ მდებარეობდა.

დარუბანდის შიდა ქალაქის შემორჩენილი ნაგებობანი გვიანი შუა საუკუნეების დროინდელი და მრავალჯერ შეცვლილ-გადაკეთებულნა არიან. თუმცა, საკითხის გასაშუქებლად ზოგიერთი ცნობა მაინც გაგვაჩნია. კერძოდ, არაბებმა დარუბანდის დაპყრობის შემდეგ ქალაქის ციტადელში (დ ე რ ბ ე ნ დ-ნ ა მ ე: ნარინ-ყალ'ა) ძველი შენობის ადგილზე იარაღის და ნავთის საწყობი და სურსათ-სანოვაგის ბელღები ააგეს²³. ამ საწყობებს დიდი მნიშვნელობა ენიჭებოდათ დარუბანდელთა ცხოვრებაში და, როგორც ჩანს, ამიტომაც შეურჩიეს მათ ეს ადგილი.

ვ. ბარტოლდი „ისლამის ენციკლოპედიის“ გერმანული გამოცემის პირველ ტომში (1908) წერდა: „თანამედროვე ქალაქის საპირისპიროდ X ს. დერბენტს არ ჰქონდა ციტადელი ...რუბრუკეისი, რომელმაც აქ ერთი დღე (1254 წლის 17—18 ნოემბერი) გაატარა, პირველად ახსენებს დერბენტის ციტადელს“²⁴. ბარტოლდის ეს დასკვნა შემდეგ კ. ტრევერმაც გაიზიარა²⁵.

საკითხი მნიშვნელობას იძენს დარუბანდის და საერთოდ ფეოდალური ქალაქის ტოპოგრაფიის, მისი სოციალური სტრუქტურისა და ურთიერთობის შესწავლის თვალსაზრისით.

არაბული წყაროები (იბნ ხორდადბეჰის, ისტახრის, მას'უდის, იბნ ჰაუკალის, მუკადასის თხზულებანი), ჩვეულებრივ, ყურადღებას ამახვილებენ დარუბანდის გალავნის, ნავსადგურის, სასანელთა მიერ კავკასიონზე სიმაგრეთა მშენებლობის აღწერაზე და არ აღნიშნავენ დარუბანდში ციხის არსებობას. იქმნება შთაბეჭდილება, რომ ის თითქოს მართლაც არ არსებობდა.

²² ვრცლად იხ. А. Кудрявцев, Город, с. 127; მისივე, Древний Дербент, с. 127—128.

²³ დერბენდ-ნამე (Derbend-Nâmeh, or The History of Derberd; transl. from a select turkish version and publ. with the texts and with notes... by Mirza A. Kazem-Beg, St. P. 1851), p. 89: جبه خانه و صورصات انبارلری

²⁴ В. В. Бартольд, Дербент, Сочинения т. III, М., 1965, с. 423, 426!

²⁵ К. В. Тревер, Очерки по истории и культуре Кавказской Албании, М.—Л., 1959, с. 280: «...стены примыкают к цитадели Нарин-Кала, которая построена после X в».

ზემოხსენებული საწყობები, დერბენდ-ნამეს ცნობით, არაბთა სარდალმა დარუბანდის ციტადელში, ნარინ-ყალაში, ააგო²⁶.

ძნელია ვივარაუდოთ, რომ ბარტოლდი არ იცნობდა ამ ცნობას, ის ხომ იმავე სტატიაში სარგებლობს დერბენდ-ნამეს ცნობებით, რომელშიც უარყოფს დარუბანდში ციტადელის არსებობას. როგორც ჩანს, ცნობა მან გვიანდელ ინტერპოლაციად მიიჩნია. საგულისხმოა აღინიშნოს, რომ კ. ტრევერი ციტადელის სახელად, როგორც ვნახეთ, ნარინ-ყალას აღიარებს. ვ. მინორსკისათვის დარუბანდში ციხის არსებობა საეჭვო არ იყო²⁷.

ამის შესახებ ჩვენ ადრეც აღვნიშნავდით.

თარიხ ალ-ბაბი კი დარუბანდში ციტადელის (ყალა) არსებობის შესახებ ყოველგვარ ეჭვს ფანტავს. ამასთანავე, ნათლად ირკვევა, რომ იგი გამიჯნულია ქალაქს, მისგან დამოუკიდებელ ერთეულს წარმოადგენს: „შარვანშაჰი დაიძრა და დაიკავა ალ-ბაბის (დარუბანდის) ქალაქი და ციხე“. შარვანშაჰს კი ალფ არსლანის მონამ წაართვა ქალაქიც და ციხეც²⁸.

XIII ს. მეორე ნახევარში დარუბანდის ციხეს ასახელებს ჟამთააღმწერელიც: „...ივლტოდეს დარუბანდელნი სიმაგრესა ციხისასა, რომელსა ანიყად უწოდეს, და გარე მოადგეს... და წარუღეს ციხე, და თავადნი ი. თნი დაკოცნეს... და ციხე დაწუეს“²⁹. ნიშანდობლივია, „თავადნი მათნი დაკოცნეს“, ხოლო ამ სოციალური ფენის პოლიტიკური დასაყრდენი — „ციხე დაწუეს“.

ამჟამად, რომ ციხის სახელი გადამწერთავან არის წარყენილი.

შუა საუკუნეების ქ. განძის ციტადელი მდ. განჯა-ჩაჰს მარჯვენა ნაპირზე მდებარეობდა. მის გალავანს, კუთხის ძლიერი კოშკებით გამაგრებულს, რამდენიმე კარი ჰქონდა დატანებული. ციტადელთან მიმდებარე ქალაქის ნაწილს თავისი გალავანი ჰქონდა. მდინარის მარცხენა ნაპირზე განლაგებულ განძის დანარჩენ ნაწილს ციტადელი სამი მრავალთაღიანი ხიდით უკავშირდებოდა³⁰.

ლ. ჭილაშვილი იმოწმებს ს. ჯანაშიას და აღნიშნავს: „როგორც

²⁶ დერბენდ-ნამე, გვ. 89.

²⁷ В. Ф. Минорский, История, с. 123.

²⁸ პ. თოფურია, ამიერკავკასიის ქალაქების ისტორიიდან, გვ. 108; მისივე, აღმოსავლეთ ამიერკავკასიის..., გვ. 111. შტრ. А. А. Кудрявцев, Древний Дербент, с. 117—120; თარიხ ალ-ბაბ («История Ширвана и ал-Баба». Перев. с араб., წიგნი В. Ф. Минорский, История Ширвана и Дербенда X—XI веков, М., 1963, § 42, 44 და სხვაც.

²⁹ ჟამთააღმწერელი, ძ. ცხ., II, გვ. 286.

³⁰ И. Джафарзаде, Обследование старой Ганджи, ИАзФАН СССР, 1939, № 3, с. 74.

ჩანს, VI ს. დასაწყისისათვის თბილისს ორი ძირითადი ნაწილი აქვს — ციხე და ქალაქი. ციხე თავისთავად ორი ნაწილისაგან შედგენილი განიცდის მისი დასახლებული ადგილის ზრდას და გადადის ქალაქის ტერიტორიაში, რომელიც თვითვე იჩენს ზღუდეს³¹.

ციხე ფეოდალური ქალაქის აუცილებელ ნაწილს წარმოადგენდა. მაგრამ ქალაქთან დაკავშირებით ციხე ყოველთვის გულისხმობს თუ არა შიდა ციხეს, ციტადელს, შიდა ქალაქს—იმას, რაც ზემოთ განვიხილეთ? არსებობდა თუ არა ქალაქი შიდაციხის გარეშე?

ქ. იაზიდიას შარვანშაჰმა გალავანი შემოარტყა, (იხ. ქვევით) მაგრამ არ ვიცით ააგეს თუ არა ციხე.

ისეთ პატარა ქალაქს, როგორც იაზიდია იყო, შესაძლებელია, გალავანს გარდა სხვა სიმაგრე არ ჰქონოდა. თუმცა, მასზე პატარა ქალაქ (თუკი ის საერთოდ შეიძლება ქალაქად ჩაითვალოს) მიჰიზარიაში შარვანშაჰმა გალავანიც ააგო და ქალაქის შუაში ციხეც. ამ შემთხვევაში, სავარაუდოა, მიჰიზარიას დანიშნულებამ წარმართა ქალაქის გეგმა³². წყაროდან არ ჩანს გამოყოფილი იყო თუ არა ეს ციხე ქალაქისაგან.

საერთოდ ციხე-სიმაგრე, ისევე როგორც ქალაქისაგან გამოყოფილი შიდაციხე (სპარს. ყ უ ჰ ე ნ დ ი ზ, იგივე კრემლი, ციტადელი), სამხედრო-პოლიტიკურ ფუნქციებთან ერთად, ყოველთვის განამტკიცებდა სოციალური ბატონობის საფუძველს. ამიტომაც ხდება ერთიანი გალავნით დაცული ქალაქის შიგნით გამაგრებული შიდაციხის გამოყოფა, რომლის ბინადარნი მის კედლებში ისევე იცავდნენ თავს გარეშე მტრისაგან, როგორც საკუთარი ქალაქის მოსახლეობისაგან. ბაქუვი, მაგალითად, წერს: „...ქალაქს აქვს ყ უ ჰ ე ნ დ ი ზ ი, რომელზედაც ძნელია ასვლა. თავისი მიუდგომლობის გამო მასში ქვეშევრდომთა (ა ლ-რ ა'ნ ა) წინაშე შიშის გამო განცალკევებული არიან მმართველები (ა ლ'უ მ ე ლ)“³³.

ბილყანის არქეოლოგიური შესწავლის შედეგად, დადგინდა ქალაქის ტოპოგრაფიის თვალსაზრისით მნიშვნელოვანი და საგულისხმო ფაქტი. კერძოდ, აქ პირველად აგებული იყო დიდი ქალაქი გალავნით, რომელსაც შემდეგ, არა უგვიანეს XI ს. დასასრულისა, გამოეყო და ცალკე, „თავისი“ გალავნით, კარით და თხრილით შემოიზღუდა პატარა

³¹ ლ. კილაშვილი, ქალაქები ფეოდალურ საქართველოში, II, თბ., 1970, გვ. 59.

³² იხ. თარხ ალ-ბაბ, § 24.

³³ ბ ა ქ უ ვ ი ('Абд ал-Фашид ал-Бакуви, Книга Талхис ал-ġāṣir wa аджаиб-ал-малик алġахġār («Сокращение [книги о] «памятниках» и чудеса царя могучего») — Изд. текста, перев., предисл., примеч. и приложения З. М. Буниятова, М., 1971, ტექსტის ფაქსიმილე), с. 39 (30).

ქალაქი³⁴. ხოლო დიდი ქალაქის გალავანი თანდათან კარგავდა თავის დანიშნულებას და XII ს. მის ნანგრევებზე ქალაქის ლარიბი მოსახლეობის საცხოვრებლები ჩნდებოდა.

საყურადღებოა, რომ მკვლევარნი არ თვლიან პატარა ქალაქს ციტადელად³⁵. მართლაც, ნაქალაქარის საერთო ფართობი შეადგენს 36 ჰექტარზე ოდნავ მეტს, ხოლო პატარა ქალაქის — 14,5 ჰექტარს³⁶. როგორც ირკვევა, პატარა ქალაქის ფართობი დიდის თითქმის ნახევარს მოიცავდა.

ეს ფაქტი ერთ საგულისხმო კითხვას აღძრავს. შეიძლება თუ არა ბაილაყანის პატარა და დიდი ქალაქის მოსახლეობა სოციალურად მკვეთრად გაემიჯნოთ ერთმანეთისგან? ბაილაყანის 1953—1955 წწ. არქეოლოგიური ექსპედიციის მიერ მოპოვებული მასალის ანალიზი ამ კითხვაზე უარყოფით პასუხს გვაძლევს.

ყ უ ჰ ე ნ დ ი ზ ი ს არაბული შესატყვისი არის კ ა ლ ' ა, რომელიც სპარსულშიც დამკვიდრდა ციხის, ფორტის, ციტადელის მნიშვნელობით. თუ ყ უ ჰ ე ნ დ ი ზ ი შიდაციხეს, ციტადელს გულისხმობს, კ ა ლ ' ა ს შემთხვევაში ყოველთვის არ არის ასე და ხშირად კონტექსტის გათვალისწინებაც არაფერს გვაძლევს, რადგანაც ძნელია გაირკვეს, რას გულისხმობს წყაროში არსებული კ ა ლ ' ა შიდაციხეს (კრემლს, ციტადელს) თუ „უბრალო“, ჩვეულებრივ ციხეს. ანისის შესახებ, მაგალითად, იაკუთი წერს, რომ იგი არის „გამაგრებული ციხე (კ ა ლ ' ა) და ქალაქი (მ ა დ ი ნ ა) არმინიის მიწაზე...“³⁷. ტექსტიდან ძნელია გაირკვეს, რა ვიგულისხმობთ კ ა ლ ' ა ში. ამჯერად საკითხი იოლად წყდება, რადგანაც ვიცით, თუ რას წარმოადგენდა ანისის კ ა ლ ' ა — მკვეთრად გამოკვეთილ, „კლასიკურ“ შიდაციხეს, ციტადელს. იგივე იაკუთი: „ულთა... გამაგრებული ციხე (კ ა ლ ' ა) და ქალაქი (მ ა დ ი ნ ა) თბილისის მახლობლად“³⁸.

თუ იაკუთის „ულთა“ ოლთისია, ასეთ შემთხვევაში საყურადღებოა

³⁴ А. А. Иессен, Азербайджанская (Ср.-Кавказская) экспедиция. МИА, 67, с. 11. მსივე, Городище Орси-Кала, 1952, გვ. 40—41, 42; Н. В. Миткевич-Мустафаева, Раскопки на городском месте Орси-Кала в 1952—1954 гг., (Раскоп II), იქვე, გვ. 173. „დიდი ქალაქი“, „პატარა ქალაქი“ ზეღაჯანის მკვლევართა მიერ შემოღებული ტერმინებია.

³⁵ А. А. Иессен, Городище, с. 39.

³⁶ იქვე, გვ. 33.

³⁷ იაკუთის ცნობები საქართველოსა და კავკასიის შესახებ, ნაკვ. 1, არაბ. ტექსტი ქართ. თარგმ. და შესავლი წერტილით გაშოსცა ეთერ სინარულიძემ, თბ., 1954, გვ. 1.

³⁸ იქვე, გვ. 17. ზღრ. „ბზლჷ — გამაგრებულ ციხე და ქალაქი არმინიაში...“, იქვე, გვ. 26; „ბაჷჯან ქურდი... ქალაქი [ბალად] და ციხე [კალა] კარსსა და არზან რაჷმს შორის...“, იქვე, გვ. 37.

გავითვალისწინოთ, რომ „ქართლის ცხოვრების“ გვიანდელი — არა აღრინდელი — წყაროები ასახელებენ ოლთისის ციხეს: „...ლაშქარს მასვე აყრილიყო და შესულიყო ოლთისის ქალაქი დამ ციხეში, რაც რამ ჰყვანდა და ჰქონდა, იგიცა ყველა ციხეში შეხიზნა, რამეთუ უწინ ციხესა დაბლა იდგნენ“³⁹. ეს ცნობა (თავისი კონტექსტით) იმის საფუძველს თითქოს იძლევა, რომ აქ ოლთისის შიდაციხე, ციტადელი ვიგულისხმობთ. იგივეს თქმა რომ შეგვეძლოს იაკუთის ცნობის მიმართ, მაშინ კიდევ ერთი ძვირფასი ცნობა შეგვემატებოდა საქართველოს ქალაქების გარეგანი სახის შესასწავლად.

სხვა წყაროზე დაყრდნობით იაკუთი თბილისის შესახებ მხოლოდ იმას აღნიშნავს, რომ მას არტყია დიდი გალაყანი⁴⁰. ტულათის შესახებ კი წერს: „ქალაქი და ციხე არმინიის მხარეში“⁴¹. ჩვენ კი ვიცით, რომ თბილისის გალაყანის გარდა შიდა ციხეც ჰქონდა — ეს არის „მეფეთა საჯდომი ციხე ისანი“⁴².

ნესავის (XIII ს. პირველი ნახევარი) ცნობით, თბილისის თავისებურება ის იყო, რომ იგი აშენებული იყო მდ. მტკვრის ნაპირზე მთებთან და ვაკეზე და რომ მდინარე გამოყოფს ქალაქს ციხისგან, ქალაქსა და ციხეს შორის იყო ხის ხიდი⁴³.

აჭ ა ი ბ ა ლ - დ უ ნ ი ა კ უ ფ რ ო ნ ა თ ლ ა დ ხ ა ტ ა ვ ს ს უ რ ა თ ს : „თბილისი დიდი, გამაგრებული ქალაქია (შ ა ჰ რ) მღებარეობს ძნელ ხეობაში. ქალაქის შუაში გამდინარე წყალზე (ა ბ) ხილია აგებული... კეთილმოწყობილი ციხე (ყ ა ლ ' ა) ქალაქის პირდაპირაა; ციხეში აშენებულია მეფეთა სასახლეები, მრავალი საგულშაგო კოშკი (მ ა ნ ზ ა რ). მდინარე გადის ციხის ძირში...“⁴⁴.

სპარსულ ანონიმურ თხზულებაში კი ამიერკავკასიის საკუთრივ ქალაქების აღწერის დროს საერთოდ არ გვხვდება ყ უ ჰ ჰ ე ნ დ ი ზ ი ა ნ კ ა ლ ' ა , არამედ მხოლოდ შ ა ჰ რ - ი („ქალაქი“; ეს ტერმინი სასანელობა ეპოქაში აღნიშნავდა „ქვეყანა“-საც. ისევე, როგორც არაბ. ბ ა -

³⁹ ბერი ეგნატაშვილი, გვ. 403.

⁴⁰ იაკუთი, გვ. 33.

⁴¹ იქვე, გვ. 73.

⁴² ისტორიანი და აზმანი შარავანდეღთან, ძ. ცხ., II, გვ. 24.

⁴³ ნესავი (Шихаб ад-Дин Мухаммад ан-Насафи, Жизнеописание султана Джалал ад-Дина Манхбурны, перев. с араб. предисл., комм., примеч. и указатели З. М. Бунятова, Баку, 1973), გვ. 168. ხიდის შესახებ. იხ. ქვემოთ.

⁴⁴ აჭაიბ ალ-დუნია [Н. Д. Миклухо-Маклай, Географическое сочинение XIII в. на персидском языке (Новый источник по исторической географии Азербайджана и Армении) — УЗИВАН, IX, с. 202, სპ. ტექსტი, გვ. 214.

ლად). ამ წყაროს თანახმად „მაჰაფარაიყინი ქალაქია (შაჰრ) გალავანს (ჰისარ) შიგნით“⁴⁵

ვ. მინორსკი, როგორც ვნახეთ, გაკვირვებას გამოთქვამს, მაგრამ, თუ ჰისარ-ში გალავანს ვიგულისხმებთ — ეს მნიშვნელობაც აქვს ტერმინს — და არა fortress-ს (ციხე-სიმაგრე), მაშინ სურათი ნათელია. ამ შემთხვევაში მაჰაფარაიყინი (ბერძნ. მარტიროპოლი, ძველი სომხეთის ტიგრანაკერტი) ქართული წყაროების ციხე-ქალაქს ესადაგება მნიშვნელობით. ამ აზრს პასუხის ვ. მინორსკისეული გაგება — „ქალაქი ციხის შიგნით“ — საესებით ეთანხმება.

აღნიშნულის გათვალისწინებით დავასკვნით, რომ მხოლოდ ნარატიულ წყაროებზე დაყრდნობით ყოველთვის არ ხერხდება ქალაქის გარეგანი სახის (ამ შემთხვევაში, განხილული ნაწილების) დადგენა. ზოგჯერ, შესაძლებელია, მათ მცდარი წარმოდგენაც კი შეგვიქმნან. განსაკუთრებით მაშინ, თუ მხოლოდ ერთი მათგანის მონაცემებს დავყრდნობით.

ქალაქის შიდაციხის, ციტადელის დანიშნულება ნათელია — იგი წარმოადგენდა მეფის ან მსხვილი ფეოდალის, ქალაქის მფლობელის საცხოვრებელს და პოლიტიკური ბატონობის საყრდენს. ასეთი საცხოვრებელი ფეოდალური ქალაქის ჩანასახადაც გამომდგარა. მაგრამ აღნიშნულ დანიშნულებას ზოგჯერ ცალკეული ციხე-სიმაგრე ასრულებდა.

ჰოდუდ ალ-ალემის ცნობით „შარვანის, ხურსანის და ლიზანის ფადიშაჰი“ ცხოვრობდა შემახადან ერთი ფარსახით დაშორებულ „ლაშქარბანაკში“ (ლაშქარგაჰ). ეს „ბანაკი“ მაღალ, თითქმის მიუწვდომელ, ბრტყელთავა მთაზე მდებარეობდა და მისი ფართობი იყო „ოთხი ფარსანგი ოთხ ფარსანგზე... და იქ ოთხი სოფელია (დეჰ); ამ მეფის ყველა ხაზინა და ზეასტაგი (ხაზინეჰან ოხანსთეჰან) იქ არის. იქვე არიან ყველა მისი მსახურნი (მოულაჰან) ქალი და კაცი, ყველანი იქვე თესენ (ჰანანდ) და ჰამენ. იმ ციხეს (ყალე) ნიალს უწოდებენ, მის ახლოს მეორე ციხეა, მათ შორის ერთი ფარსანგია; (მეფის) პირქუში და მტკიცე საპყრობილე (ზენდან) იქ არის.“⁴⁶

⁴⁵ ჰოდუდ ალ-ალემი ۳۷۲ سال المشرق الى المغرب که حدود العالم من المشرق الى المغرب حصرى قمرى تالیف شده است بکوشش دکتر منوچهر ستوده تهران ۱۳۴۰. Hudūd al-'Alam „The Regions of the World“ a persian geography 372 A. H.—982 A. D., transl. and expl. by V. Minorsky, GMNS, XI, L. 1937), p. 160. ვ. მინორსკი თარგმნის „Mayyāfāriqin, a town inside [sic] a fortress (hisār)“ — ინგლის. თარგმ., გვ. 143.

⁴⁶ ჰოდუდ ალ-ალემი, გვ. 163, § 36. შარვანკი (ფარსახი) = 6 კმ.

ამ ციხეს მას'უდიც იცნობს; მისი სიტყვით „მსოფლიოს ციხეებს შორის არ მოიხსენიება უფრო მაგარი ციხე“⁴⁷.

საყურადღებო, პირველ რიგში, აქ ის არის, რომ შარვანშაჰი თითქოს შემანაში არ ცხოვრობს. რატომ? ამ ქალაქს ციტადელი არა აქვს, თუ ეს ჯერ კიდევ ის ხანაა (გარდამავალი, ადრეფეოდალური), როდესაც მეფეს (ფეოდალებს) ჯერ კიდევ არ „უცენიათ“ ქალაქის სიკეთე და თავი მისგან შორს უჭირავთ? მაგრამ ასეთი ხანა რამდენიმე საუკუნით ადრე თუ აღინიშნება ამიერკავკასიის ისტორიაში, როდესაც, მაგალითად, სომხეთში მეფე „ძალით“ აარსებდა ქალაქს (ქ. ტიგრანაკერტი). ვერც შარვანის შედარებითი ჩამორჩენა-განუვითარებლობით აიხსნება საკითხი, რადგანაც ამ ქვეყანაშიც საქალაქო ცხოვრება ხანგრძლივ დროს მიითვლიდა, დარუბანდი ხომ ცნობილი ქალაქია და შემახასაც, როგორც ქალაქს, ხომ თვით თხზულებაც ასახელებს.

დაბეჭითებით მხოლოდ ის შეიძლება ვთქვათ, რომ ეს დასახლება თუ ციხესიმაგრე ქალაქად, თუნდაც ციხე-ქალაქად ვერ განვითარდა; მას სხვამ „აჯობა“.

როგორც აღვნიშნეთ, შარვანშაჰმა სატახტოდ იაზიღია ირჩია. რატომ ახალი იაზიღია და არა შარვანის რომელიმე ძველი ქალაქი? თუმცა, ვ. მინორსკი ვარაუდობს, რომ შარვანშაჰებმა, შესაძლებელია, მხოლოდ ხელახლა ააშენეს ძველი არაბული შემახა და მას იაზიღია უწოდეს⁴⁸. იაკუთი ამას პირდაპირ აღნიშნავს: „ალ-მაზიღია — შარვანის ვილაიეთის ერთ-ერთი ქალაქის სახელი. იგი ცნობილია აგრეთვე შამახიად“⁴⁹.

საგულისხმოა, რომ „ქართლის ცხოვრების“ თხზულებანი მხოლოდ შამახიას იცნობენ, იაზიღიას არა.

შამარანში შარვანშაჰების საძვალეც არსებობდა და მას ყურადღებასაც არ აკლებდნენ — 983 წ. მას გალავანი შემოავლეს⁵⁰; მაგრამ, შესაძლებელია, მათ ტახტი აქ იმიტომ არ დაიდგეს, რომ ქალაქი. მართლაც, „განსეტქილების ვაშლი იყო შარვანსა და დარუბანდს შორის“⁵¹. და შარვანშაჰები აქ თავს მშვიდად ვერ იგრძნობდნენ.

როგორც ზემოთ აღვნიშნა, შილაციხის (აკროპოლისის) გარეთ ან მის ფარგლებში აღმოცენებულ ან დაარსებულ ქალაქის ნაწილს ეწოდება „შიდა ქალაქი“. ამ მნიშვნელობით მის შესატყვისად წარმოგიდ-

⁴⁷ В. Ф. Минорский. Мусули о Каказе, წიგნი, В. Ф. Минорский, История, с. 211—212.

⁴⁸ В. Ф. Минорский, История, с. 106.

⁴⁹ იაკუთი. გვ. 90.

⁵⁰ შარხ აღ-ბ. ჯ. 60. § 21, გვ. 51, § 13.

⁵¹ В. Ф. Минорский, История, с. 89.

გება მიჯნაბერი (ვიშგოროდ)⁵², არაბ. მაღინა, სპარს. შაპრისთან. ეს ტერმინები შუა საუკუნეების საკუთრივ ქალაქის ისტორიის დასაწყისს, მისი ტოპოგრაფიის ჩანასახს გამოხატავენ. ეს ნათლად იკვეთება აღმოსავლეთის ქალაქის გარეგანი სახის შესწავლის თანამედროვე დონეზე. მაღინა (შაპრისთან) აღნიშნავს ქალაქის იმ ნაწილს, რომელიც აღმოცენდა ციხესიმაგრის, ციხე-დარბაზის (სპ. ყუჰენდიზ-„ძველი ციხე“, არაბ. კალ'ა-„ციხე“) სიახლოვეს.

რუსულ აღმოსავლეთმცოდნეობაში პირველი ვ. ბარტოლდი იყო, რომელმაც გამოიკვლია და ჩამოაყალიბა ქალაქის ტოპოგრაფიის სქემა. მაღინა (შაპრისთან) ამ სქემაში პირველ ადგილზეა და ასეა განმარტებული „— შიდა ქალაქი, ე. ი. პირველდაწყებითი ქალაქური დასახლება, უმეტეს ნაწილად ისლამამდელი პერიოდისა“⁵³.

ქრონოლოგიური ფაქტორი ამ განმარტებაში საკმაოდ ბუნდოვნად არის წარმოსახული. „ისლამამდელ პერიოდში“ ძირითადად თუ ადრეფეოდალურ ეპოქას ვიგულისხმებთ, ასეთ შემთხვევაში აღნიშნული სქემაც ამ ხანას უნდა მივაკუთვნოთ. მაგრამ ეს ოდნავადაც არ ნიშნავს, რომ ქალაქის ტოპოგრაფიის ეს ნიშნები „უცხო“ იყოს წინარე ეპოქების ქალაქებისათვის. ამიერკავკასიის სინამდვილეშიც არქეოლოგიური გათხრებით დადასტურდა ქალაქის ტოპოგრაფიის ის შინაარსი, რომელიც შემდგომში „ფეოდალური“ ქალაქის გარეგანი სახის ძირითად დამახასიათებლად იქცა⁵⁴. ამიერკავკასიაში ქალაქის „ფესვები“ (ციკლოპური ციხე-ქალაქები) გვიანბრინჯაოს ხანას აღწევს⁵⁵.

ყუჰენდიზ-შაპრისთანის (კალ'ა-მაღინა) ურთიერთმიმართებას ქართულ სინამდვილეში, ვფიქრობთ. „ციხე“ და „ციხე-ქალაქი“ გამოხატავს. ამ მოსაზრებას მხოლოდ სამუშაო ჰიპოთეზის სახით თუ მივიღებთ, რადგანაც ადრეფეოდალური ეპოქის ქართულ წყაროებში „ციხე-ქალაქის“ და „ქალაქის“ შინაარსის ზუსტად დადგენა ჭირს; ეს კი ართულებს „ციხისა“ და „ციხე-ქალაქის“ ურთიერთმიმართების გარკვევას. რასაც ვერ ვიტყვით „ციხისა“ და „ქალაქის“ მიმართ — ეს უკანასკნელნი შინაარსობრივად ნათლად განსხვავდებიან ერთმანეთისგან.

⁵² Н. Марр, Ани, гл. 66; Н. А. Орбели, Кр. путеводитель, с. 11: «Холм.. ядро древнейшего Ани, первоначально только крепость, а затем Вышгород».

⁵³ В. В. Бартольд. К истории Мерва, Соч., т. IV, М., 1966, с. 173.

⁵⁴ იხ. თუნდუ ვ. მ. მასსონის რეცენზია წიგნზე «А. А. Мартиросян, Архитектурные памятники Ереван, 1974», ВДИ, 1976, № 2.

⁵⁵ გ. მელიქიშვილი. საქართველოში კლასიკური საზოგადოებისა და სახელმწიფოს წარმოქმნის სკიზისისათვის, თბ., 1955, გვ. 75—77.

რა ნიშნებით გავარჩიოთ, რა ტოპოგრაფიულ შინაარსს გულისხმობს ერთი და იმავე ხანის ერთსა და იმავე ავტორთან დამოწმებული „ქალაქი“ და „ციხე-ქალაქი“. მით უმეტეს, რომ ზოგიერთ შემთხვევაში ერთსა და იმავე ქალაქს ერთი და იგივე ავტორი „ქალაქსაც“ უწოდებს და „ციხე-ქალაქსაც“⁵⁶.

თუ „ციხე-ქალაქი“ და „ქალაქი“ თანაბრად გულისხმობენ ქალაქში ციხის არსებობას, ასეთ შემთხვევაში ეს ტერმინები სინონიმებად წარმოგვიდგებიან. მაგრამ XI ს. „გაქალაქებულ“ ჯავახეთის ახალქალაქს, სადაც ციხის არსებობა გათხრებმა დაადასტურა⁵⁷, მემატრიანე „ქალაქს“ უწოდებს, ისევე, როგორც იმ ქალაქებს, რომლებშიც ციხის არსებობა ეჭვს არ იწვევს.

როგორც ჩანს, ანტიკურ და ადრეფეოდალურ ეპოქებში „ციხე-ქალაქი“ და „ქალაქი“ ფარავდნენ ერთმანეთს. შესაძლებელია, ამას ამოწმებდეს ტერმინ „ქალაქის“ საწყისი მნიშვნელობით, მისი ეტიმოლოგიური შინაარსითაც (სიმაგრე, შემოზღუდული, გამაგრებული საცხოვრებელი) ხმარება: ვახტანგ გორგასალი „აშენებდა ქალაქსა თბილისისასა და საფუძელი ოდენ დაედვა“⁵⁸; „...იწყო შენებად კახეთს ქალაქსა ნელქარისსა“; „...ჯავახოს ალაშენა ორნი ციხე-ქალაქნი: წუნდა და ქალაქი არტანისა“⁵⁹; „...ეგრე ავაშენეთ დარბაზი და ქალაქი“⁶⁰.

მაშასადამე, ვახტანგ მეფე აშენებდა არა ქალაქ თბილისს, არამედ ქალაქსა თბილისისასაო, გადმოგვცემს მემატრიანე. ასეთივე შინაარსი გამოსტევივის სხვა, დამოწმებულ შემთხვევებშიც. ატენის სიონის წარწერაში კი ქალაქის აშენება დარბაზის აშენებას უთანაბრდება. ცხადა, მემატრიანე „ჩვეულებრივი“ მნიშვნელობითაც ხმარობს ტერმინს: „ქალაქი გაჩიანი“, „ქალაქი ხუნანი“⁶¹ და სხვა.

„ციხე-ქალაქისა“ და „ქალაქის“ შინაარსის გასარკვევად, პირველ რიგში, საზოგადოების სოციალურ-ეკონომიკური წყობა, განსაკუთრებით საქალაქო ცხოვრების, საქალაქო ეკონომიკის განვითარების დონე უნდა გავითვალისწინოთ.

ციხე-ქალაქის თუ ქალაქის დაარსებას და შემდგომ არსებობას

⁵⁶ წუნდა (ლეონტი მროველი, გვ. 30, 40), კასპი, კარი (ჯუანშერი, ცხოვრება ვახტანგ გორგასლისა, ძ. ცხ., I, გვ. 159—160. შდრ. „ალილო ქალაქი კარისა, ციხე-ქუეყანა...“, მატრიანე ქართლისა, ძ. ცხ., I, გვ. 317).

⁵⁷ ე. ჭანდოერი. ჯავახეთის ახალქალაქის ისტორიისათვის, ფსაპ. I, გვ. 54—55, 57—58, 68—69.

⁵⁸ ჯუანშერი, გვ. 200.

⁵⁹ ლეონტი მროველი, გვ. 29, 10, 47.

⁶⁰ თ. ბარნაველი, ატენის სიონის წარწერები, თბ., 1957. გვ. 39.

⁶¹ ლეონტი მროველი, გვ. 8, 31.

მხოლოდ ან უპირატესად პოლიტიკური ან სამხედრო-სტრატეგიული მიზნები ვერ უზრუნველყოფდნენ⁶². ასეთ შემთხვევაში მისი ფუნქციები და მნიშვნელობა ციხისას გაუთანაბრდებოდა.

აღძრული საკითხის ღრმად განხილვა სცილდება ნაშრომის ფარგლებს.

მოგვეპოვება რამდენიმე ცნობა ამიერკავკასიის ქალაქების ციტადელის, შიდა ქალაქის ფართობის შესახებ, რომელთა განხილვა ქალაქების საერთო ფართობთან ერთად უფრო მიზანშეწონილად მიგვაჩნია, რაც წარმოაჩენს კონკრეტული ქალაქის ტოპოგრაფიულ ნაწილების ფართობთა ურთიერთშეფარდებას, საერთოდ ამ ქალაქის გარეგანი სახის კონტურებს. ეს კი ქალაქის ტიპის გარკვევის დროს ყურადსაღებ ინფორმაციას წარმოადგენს.

ამიერკავკასიაში ქალაქმშენებლობის ისტორიის, ქალაქის არსის და მისი სოციალური ბუნების შესასწავლად მნიშვნელოვანია იმის გარკვევა, ყველა ქალაქს ჰქონდა თუ არა დედაციხე, ციტადელი. წყაროების არასრული მონაცემების შევსება-შემოწმება სხვა ხასიათის წყაროებით, განსაკუთრებით, არქეოლოგიური მონაცემებით, აუცილებელია. მხოლოდ ასეთი კომპლექსური მიდგომა თუ დაგვაახლოებს წარსულის ჭეშმარიტ ასახვასთან.

არაბი გეოგრაფებიდან ამ შემთხვევაში მხოლოდ მუკალასი გვაწვდის საჭირო ცნობების შედარებით მეტ რაოდენობას.

დვინთან დაკავშირებით იგი წერს: „დაბილი (დვინი) მნიშვნელოვანი ქალაქია (ბ ა ლ ა დ), მასში მიუღვამელი ციხეა (ჰ ი ს ნ) და მრავალი სიკეთე; სახელი მისი ძველია... მასში მდინარე წყალუხვია; გარს ერტყმის მას ბალები (ბ ა ს ა თ ი ნ); ძველ რაბადიანია (რ ა ბ ა დ ა თ ი კ), მისი ციხე (ჰ ი ს ნ) საიმედოა; ბაზრები ჭვარედინია (ს ს ვ ა კ უ ს ა ლ ი ბ); მისი სანახები (ს ა ვ ა დ) საუცხოოა; საკრებულო მეჩეთი არის დიდ გორაზე, მის გვერდით ეკლესიაა; ქალაქთან არის ციხე (ქ ა ლ ა) ნაგებობანი თიხისა და ქვისაა; მას მრავალი კარი აქვს, მათ შორის ქაიდარის კარი, თბილისის (თფლანს) კარი, ანისის (ანის) კარი... ახლა უკვე შემცირდა მისი ხალხი (ა ჰ ლ) და ციხე (ჰ ი ს ნ) დაიშალა“⁶³.

ეს არის არაბ გეოგრაფებთან ამიერკავკასიის ქალაქთა ტოპოგრაფიული აღწერის ერთი საუკეთესო ნიმუში. ეს „სტენოგრაფიული ჩანაწერი“ (თითქოს კინოკამერის თვალით დანახული) ნათლად წარმოგვიდგენს საერთოდ ასეთი ხასიათის წყაროთა ცნობების სტილს. მისი უკეთ აღქმისათვის აქ მთლიანად მოვიყვანეთ ეს ცნობა. მასში დამოწმებულ ქალაქის ტოპოგრაფიულ ნაწილებს კი ქვემოთ განვიხილავთ თითოეულს ცალ-ცალკე.

⁶² შტრ. ლ. ქილ ა შ ვ ი ლ ი, ქალაქები, II, გვ. 34—35.

⁶³ მუკალასი, BGA, III, გვ. 377, СМОНПК ტ. 38, გვ. 10.

სინონიმებია თუ არა დამოწმებული ცნობის ჰისნი და კალა? ჩვენ ორივე „ციხელ“ ვთარგმნეთ, რადგანაც ქალაქში არსებული ციხე თუ ჰისნია, მით უმეტეს, „ციხის“ და არა „ქალაქის ციტადელის“ მნიშვნელობა ენიჭება ქალაქგარეთ („ქალაქთან არის კალა“) მდგარ კალა-საც⁶⁴.

აქვე უნდა გავიხსენოთ ერთი ცნობაც: „ჯანბდაკი სოფელია მარალას ოლქში. მასსა და დავინის (დვინის) ციხე-სიმაგრეს (კალა) შორის ფარსახზე ნაკლებია“⁶⁵. თუ ავტორი საკუთრივ ქალაქ დვინს გულისხმობს, ისევე როგორც წყაროს მთარგმნელი და კომენტატორი⁶⁶, რატომ წერს „დვინის ციხე-სიმაგრეს“ (კალათუ დავინ) და არა, ვთქვათ, „ქალაქ დვინს“; განა კალა=ქალაქს, მით უმეტეს, „სომხეთის მთავარ ქალაქს“? იაკუთი, მაგალითად, საერთოდ არ ახსენებს დვინის ციხეს⁶⁷.

ზოგიერთ შემთხვევაში მუკადასი თითქოს ანსხვავებს (ჩვენი შეხედულებით?) ჰისნს და კალას: „ურმია გამაგრებულია ციტადელით... ქალაქთან ციხეა (ჰისნი)“; „მარალა... მასთან არის ჰისნი, საში (ქალაქში) — კალა“. კალა აქვთ აგრეთვე ბაღლისს და ნაქარინს. მაგრამ, ამავე დროს, თბილისი, ყაბალა, მანაზკერტი, მარანდი ქსოლოდ „გამაგრებული“ (ჰასინათუნ) ქალაქებია. ბარდავთან და არდებილთან კი, შესაბამისად, „უზარმაზარი და მიუვალი ჰისნია“⁶⁸.

ჰისნი და კალა ასევე ცვლიან ერთმანეთს სხვა ავტორების იმ ცნობებშიც, რომლებიც ამიერკავკასიის ქალაქებს ეხებიან.

ასე, რომ ის კონკრეტული ფუნქციონალური დატვირთვა, ბარტოლდის ზემოხსენებულ სქემაში რომ აქვს კალას, აქ არ ჩანს. ხოლო, თუ რას წარმოადგენს ქალაქში ეს ჰისნი და კალა, ქალაქის თავდაცვისუნარიანობის განმამტკიცებელ ციხე-კოშკს თუ დანარჩენი ქალაქისაგან გამოყოფილ, გარკვეული სოციალური ფენის საცხოვრებელს (ციტადელს), — ამას ამიერკავკასიის ქალაქების ტოპოგრაფიული შინაარსის გასარკვევად დიდი მნიშვნელობა ენიჭება. ასეთ ვითა-

⁶⁴ დვინის გარეთ მდგარ ციხის (ციხეების?) შესახებ უფრო მეტიც ვიცი; იხ. ბ. თოფურია, აღმოსავლეთ ამიერკავკასიის..., გვ. 56—57.

⁶⁵ ზაქარია ალ-ყაზვინი (ზაქარია ალ-ყაზვინის ცნობები საქართველოსა და კავკასიის შესახებ, არაბ. ტექსტს შესავალი წაუთმდვარა, ქართ. თარგმ. და შენიშვნები დაურთო ო. ციტიშვილმა, თბ., 1975), გვ. 27

⁶⁶ დავინის ციხე-სიმაგრეში ზაქარია ალ-ყაზვინის მხედველობაში აქვს მდ. არაქსის ახლოს ვრეენის სამხრეთით მდებარე ქალაქი დვინი (ამჟამად პატარა სოფელი, G. Le Strange, [The Lands of the Eastern Caliphate], p. 182), რომელიც ადრეულ შუა საუკუნეებში, არაბთა ბატონობის ხანაში, წარმოადგენდა სომხეთის მთავარ ქალაქს — ზაქარია ალ-ყაზვინი, გვ. 91, შ. 83.

⁶⁷ იაკუთი, გვ. 53.

⁶⁸ მუკადასი, BGA, ტ. III, გვ. 375—377, СМОНПК, ტ. 38, გვ. 7—10.

რებაში გამოსავალს, ცხადია, თითოეული ქალაქის კონკრეტული შესწავლა წარმოადგენს.

იაკუთის და აჯაიბ-ალ-დუნიას ავტორის ყურადღება ბაქოს აღწერილობის შედგენის დროს მხოლოდ „ნავთის დიდმა წყარომ“ მიიპყრო⁶⁹. ეს გასაგებია, რადგან სწორედ ამით გამოირჩეოდა იგი სხვა ქალაქებისგან. ხოლო ამჟერად ჩვენთვის არანაკლებ საინტერესო ციხის, კოშკის ან სხვა ტოპოგრაფიული ნიშნის შესახებ ორივე წყარო დუმს, იმ დროს, როდესაც XII ს. პირველ ნახევარში ბაქოში დადასტურებულია „ქალწულის კოშკი“⁷⁰.

გაცილებით მეტს მოგვითხრობს მამამისის მშობლიური ქალაქის — ბაქოს — შესახებ ბაქუვი. „ქალაქს აქვს ქვის ორი, საგანგებოდ გამაგრებული მტკიცე ციხე (კალა). ერთი მთგანი, უფრო დიდი, დგას ზღვისთან ახლოს, რომლის ტალღები ეხლებიან მის კედლებს. ეს ის (ციხეა), თათრებმა რომ ვერ აიღეს. მეორე (ციხე) პირველზე მაღალია... ქალაქის მახლობლად მრავალი სოფელია და ყოველ სოფელს აქვს გამაგრებული ციხე (კალა) მაგარი კედლებით“⁷¹.

შაბურანი (შაბარანი), ისევე, როგორც ამიერკავკასიის სხვა მრავალი ქალაქთაგანი „გამაგრებულია“ აღნიშნავს წყარო⁷². მაგრამ მასში ციტადელის არსებობა, ნარატიულ წყაროთაგან განსხვავებით, არქეოლოგიურმა ძიებამ გამოავლინა⁷³.

ერთი ცნობით, „ნახჭევანი... მდებარეობს მაღალ ადგილას. ძლიერ გამაგრებულია... ქალაქის ახლოს ააგეს ციხე (ყალა) ქვისგან და ციხეში ააშენეს მედრესეები, მეჩეთები და რეზიდენციები (მაყარკან)“⁷⁴. მეორე ცნობით: „ნაყუენი მშენიერი ქალაქია აზერბაიჯანში, აქვს კედლები და ყუჰენდიზი. იგი აშენებულია მაღლობზე“⁷⁵. ამ ცნობების თანახმად, ნახჭევნის კალა ციტადელის მნიშვნელობას იძენს.

⁶⁹ ა. ი. იაკუთი, გვ. 26; აჯაიბ-ალ-დუნია, გვ. 200, ქართ. თარგმ. („სამყაროს საკვირველებათა“ ცნობები საქართველოსა და კავკასიის შესახებ, სპარ. ტექს. თარგმ. შესავ. და შენიშვ. გამ. რ. კიკნაძემ, თბ., 1978), გვ. 27.

⁷⁰ В. М. Сысоев, Кракий пугзарицель по дозвухтям гор. Баку и его районов, Баку, 1930, с. 10—11; О. Ш. Исминая, О девичей башне в Баку, СА, 1968, № 2. с. 292.

⁷¹ ბაქუვი, გვ. 89.

⁷² ა. ი. იაკუთი, გვ. 21.

⁷³ И. А. Алиев, В. М. Мамедов, Работы Ширван—Шабранской экспедиции, АО — 1931 года, М., 1983, с. 419.

⁷⁴ აჯაიბ-ალ-დუნია, გვ. 209. შტრ. ქართ., თარგმ., გვ. 34; სადაც كارة თარგმნილია როგორც „საეზოვრებელი სახლები“. იქვე, შ. 82: „...რუსულ თარგმანში „საცხოვრებელი სახლები“ გამოტოვებულია“. თუ რატომ, ეს ძნელი სათქმელია, რადგან რუსულ თარგმანს ღართულ ტექსტის ფოტოპარზე სრულად ვარკვევით ჩანს დამოწმებული სიტყვა.

⁷⁵ ბაქუვი, გვ. 99.

აღსანიშნავია, რომ პირველი ხაზგასმით აღნიშნავს ციხეში მ ა ყ ა რ ე ბი ააგესო.

ჩვენთვის ცნობილი მასალით შეუძლებელია ერთნაირი სისრულით განვიხილოთ ამიერკავკასიის ქალაქებში ციტადელის არსებობის, აღნაგობის და სხვა საკითხები. კერძოდ, უმრავლეს შემთხვევაში არ ვიცით გამოყოფილი იყო თუ არა ციხე საკუთრივ ქალაქს. იშვიათად ვხვდებით ცნობას, თუ სად მდებარეობდა ციხე ქალაქში: „სუმამსატი... ქალაქი ალ-ჭურათის ნაპირას, რუმის ქვეყნის მხარეს... მას აქვს ციხე [ქალაქი] მის შუაგულში. ცხოვრობენ იქ არმანები“⁷⁶.

მიუხედავად ყოველივე აღნიშნულისა, განხილული მასალა, ვფიქრობთ, გვაძლევს საფუძველს დავასკვნათ, რომ X—XIII საუკუნეების პირველი მეოთხედის ამიერკავკასიის ქალაქების გარეგანი სახის დამახასიათებელი ნაწილია დედაციხე, ციტადელი და აქედან შესაბამისი დასკვნები გამოვიტანოთ.



„ქალაქი (მადინა) ააშენო“ — სამჯერ ზედიზედ ეზმანა მუჰამედ ბ. იაზიდს⁷⁷ და მანაც სიხმარში მითითებული ჯუბანთის (ხუნანთა?)⁷⁸ მიდამოებში არსებული სამი გორიდან ერთში ნაპოვნი განძით ააგო ქალაქი და როგორც სიხმარეულმა ხმამ ურჩია უწოლა მას განძა. წყაროს თანახმად ეს მომხდარა 859 წ.⁷⁹

ქალაქის მშენებლობის მსგავს თქმულებების საბურველში ვახვევა იშვიათი არ არის. მაგრამ ამ შემთხვევაში თარიღის ზუსტად განსაზღვრა იქცევს ყურადღებას. როგორც ჩანს, IX ს. მეორე ნახევრისთვის დასრულდა (უკეთესად: მუჰამედ ბ. იაზიდმა დაასრულა) განძის „გაქალაქების“ პროცესი. ეპოქისათვის ნიშანდობლივია, რომ ჯადოსნური ხმა „ავალებს“ მუჰამედს „ქალაქი ააშენო“ და არა, ვთქვათ, ციხე.

ძველ ციხე-სიმაგრესთან ქალაქის აღმოცენება ერთ-ერთი გზა იყო ქალაქების წარმოშობისა. მაგრამ ამიერკავკასიაშიც იყო შემთხვევები ქალაქის ერთბაშად აშენებისა. აბუ ტაჰირ ბ. მუჰამედმა (იმავე საგვარეულოდან) „...917 წ. შარვანი დაიკავა, ხოლო 918 წ. შარვანის მიწაზე ააგო ქალაქი (მადინა) იაზიდიან“. თუ რას გულისხმობს ამ

⁷⁶ მ ა კ უ თ ი, გვ. 63.

⁷⁷ შარვანში გამეფებულ იაზიდიანთა სავარაუდოდან.

⁷⁸ დედანში არის ასეა; ვ. მინორსკის აზრით შესაძლებელია ხუნანი, რომელიც განძასა და თბილისს შორის შუა გზაზე მდებარეობდა. იხ. თარის აღმზ. გვ. 47, შ. 10.

⁷⁹ იხ. იქვე, გვ. 46—47.

შემთხვევაში მაღინას აშენება არ ჩანს. მომდევნო ცნობები უფრო მეტყველია: „1053 წ. სალარმა ძალით აიღო ციხე მალუ, გაამაგრა იგი, ჩააყენა შიგ მეციხოვნენი და მოამარაგა ის სურსათით და იარაღით. მასთან ახლოს მან ააშენა მაგარი ქალაქი (მაღინა), სადაც დაასახლა ხალხი და აავიო საკრებულო მეჩეთი“; 1045 წ. შარვანშაჰმა „აავიო ქალაქ იაზიდის ირგვლივ თლილი ქვის მაგარი კედელი და აპკიდა მას რკინის კარი თურქ-ლუზების შიშის გამო“⁸⁰.

შარვანშაჰებს დარუბანდის საამიროსთან რთულ ურთიერთობაში არა ერთხელ განუცდიათ მარცხი. XI ს. 60-70-იან წლებში ამ ურთიერთობაში შადადიანების და თურქ-სელჩუკთა ჩარევით ვითარება კიდევ უფრო დაიძაბა⁸¹. მდგომარეობის განსამტკიცებლად შარვანშაჰმა „აავიო კედლები მიჰიარიას „მამულის“ (დიფა) ირგვლივ, რომელიც მან გადააქცია ქალაქად (მაღინა) ციხით შუაგულში. უმეტესი ხნის განმავლობაში შარვანშაჰი ცხოვრობდა მიჰიარიასში, იქიდან ალ-ბაბის ხალხზე თავდასხმის მიზნით“⁸².

მეფის ან მსხვილი მიწათმფლობელის დომენში ცენტრალური ხელისუფლების მფარველობით და ხელშეწყობით ქალაქის დაარსება ამიერკავკასიაშიც ერთ-ერთი უძველესი, კარგად გამოცდილი და ათვისებული გზა იყო.

„ქ. სახელითა ღმრთისაჲთა მე გურგანელმან, მირიანის ყმაჲან თარხუნის ძისაჲმან, ატენის ციხისთაჲმან ავაგენ ატენს სახლნი და ქუღბაგი მას უამსა ოდეს... მეფეთა მეფემან ბაგრატ უბრძანეს მიწასა მათსა მირიანს პატრონსა ჩემსა, სეფისა ზოუარსა შიდა ქალაქისა შენებაჲ... ვითა სწადდა მეფობასა მათსა, ეგრე ავაშენეთ დარბაზი და ქალაქი. შეგვწყალა მეფობაჲმან მათმან, სასახლენი ადგილნი და საქუღბაგენი მკვდრად, ნებიერობით გუბოძა მირიანს და ყმათა მისთა, რომელთაცა შენება შეეძლო. მე ავაგე სახლი და ქუღბაგი და შევწირე წმიდასა სიონსა ატენ(ნ)ისასა...“. წარწერა ბაგრატ მეოთხის მეფობაში, 1060—1068 წწ. არის ამოკვეთილი⁸³.

თუ მოღვაწეობდა ატენის ციხისთავე, ესე იგი, არსებობდა ატენის ციხეც და, მამასადამე, მასთან შენდება ქალაქიც (ქართულ ისტორიოგრაფიაში ეს საკითხი ივ. ჯავახიშვილით დაწყებული არაერთხელ არის განხილული).

ანისის ქალაქი — ესე იგი ის, რაც არსებითად წარმოადგენს შუა საუკუნეების ქალაქს — როგორც აღვნიშნეთ, მიჯნაბერდის, ცი-

⁸⁰ იქვე, გვ. 48, § 9; გვ. 56, § 18, § 17.

⁸¹ ვრცლად რხ. პ. თოფურიია, აღმოსავლეთ ამერკავკასიის..., გვ. 85—87; 107—141.

⁸² თარხ ალ-ბაბ, § 24, გვ. 62.

⁸³ თ. ბარნაველი, დასახ. ნაშრ., გვ. 39—40.

ტადელის გალანნიდან (აშოტის კედლები) ჩრდილოეთის მიმართულე-
ბით, ზეგანზე გაშენდა და ჩამოყალიბდა; X ს. დასასრულს მისი ბუ-
ნებრივად დაუცველი ნაწილი ზღუდით (სუმბატის კედლები) გაამაგ-
რეს.

დარუბანდის გვიანდელ სქემა-ნახაზებზე და სურათებზე გარკვე-
ვით ჩანს დედაციხის ქვემოთ მთის კალთაზე ჩაფენილი ქალაქი. ადამ
ოლეარჩუსი, 1636 წ. თავად რომ იხილა დარუბანდი, წერს: დარუ-
ბანდში „გამორჩევა სამი ნაწილი. უმაღლესი მათგან არის ციხე მთა-
ზე, შუა ნაწილი და ქვედა ნაწილი...“⁸⁴.

დარუბანდისა და ანისის მაგალითები განსაკუთრებით საყურად-
ღებოა ამიერკავკასიის ქალაქების ტოპოგრაფიის შესწავლის თვალსაზ-
რისით; პირველი — ჩვენს დრომდე კარგად შემონახული უძველესი
აგებულების, მეორე — არქეოლოგიურად ასევე კარგად შესწავლის
გამო.

საერთოდ, ქალაქის ტოპოგრაფიის ასეთი სქემა ქალაქის ზოგადი,
საერთო განვითარების შედეგია და, ცხადია, მას ვერც ამიერკავკასიის
ქალაქები ასცდებოდნენ. ეს ნათლად ირკვევა ყოველი მათგანის მაგა-
ლითზე, მიუხედავად მათი შესწავლის სისრულისა.

„როგორც ჩანს, VI ს. დასაწყისისათვის თბილისს ორი ძირითადი
ნაწილი აქვს — ციხე და ქალაქი“⁸⁵. ციხე თავისთავად ორი ნაწილისაგან
შედგენილი, განიცდის მისი დასახლებული ადგილის ზრდას და გადა-
დის ქალაქის ტერიტორიაში, რომელიც თვითვე იჩენს ზღუდეს. VI სა-
უკუნეიდან ...თბილისს უჩნდება მესამე ნაწილიც... ამდენად, VI საუ-
კუნის ბოლოსათვის უკვე თბილისში სამი ძირითადი ნაწილი შეიძლება
გაირჩეს: თბილისის ციხე, ქალაქი გორგასლის აშენებული და სოლდე-
ბილი, რომელიც მოგვიანებით ისინი სახელით გახდა ცნობილი“⁸⁶.

შემდეგ ლ. ჭილაშვილი წერს: „გარდამავალ ხანაში დაწინაურე-
ბულ პუნქტთაგან ასეთი მრავალნაწილიანობა მხოლოდ თბილისს ეხა-
სიათებს. ამდენად მისი გარეგანი სახე არ შეიძლება იყოს გასავრცელე-
ბელი სხვებზე“⁸⁷. თუ სწორად გავიგეთ ავტორის აზრი, გამოდის, რომ
„გარდამავალ ხანაში“ საქართველოში „მრავალნაწილიანი“ მხოლოდ
ერთი ქალაქი ყოფილა.

სწორედ ეს, დედაციხესთან (კ ა ლ ' ა , ყ უ ჰ ე ნ დ ი ზ) აღმოცენებუ-
ლი „ცენტრალური, გალანანშემოვლებული ნაწილი ქალაქისა არის სა-

⁸⁴ ადამ ოლეარჩუსი, (А дам О леар ий, Описание путеше-
ствия в Московию и через Московию в Персию и обратно. Введен., перев., примеч.
и указатель А. М. Ловягина, СПб., 1906). с. 485—486, იხ. იქვე ნახატი.

⁸⁵ აქ ავტორი იმოწმებს ს. ანაშას.

⁸⁶ ლ. ჭილაშვილი, ქალაქები, II, გვ. 59—60.

⁸⁷ იქვე, გვ. 60.

კუთრივ შუა საუკუნეების ქალაქი (მ ა დ ი ნ ა, შ ა ჰ რ ი ს თ ა ნ ი) ამ სიტყვის ფეოდალური მნიშვნელობით⁸⁸. აქ განლაგებულ საერო თუ სასულიერო არქიტექტურის ნაგებობათა ფუნქციონირება და მათ ბინადართა ყოველდღიური საქმიანობა შეადგენდა საქალაქო ცხოვრების მაჯისცემას. ეს მაჯისცემა ციტადელის დაარსებასთან ერთად იწყებოდა და ისტორიული განვითარების შესაბამისად მზარდი ინტენსიურობით მას რაბადიც ინაწილებდა. ასე, „ნამდვილი ქალაქი, ანისის ახალი ნაწილი, ჩაისახა და იზრდებოდა 989 წ. სუმბატის კედლების აშენებამდე დიდი ხნით ადრე; ის შენდებოდა და იმკობოდა დიდი ხნით ადრე 964 წ. აშოტის კედლების აგებამდე...“⁸⁹.

დედაციხისა და ქალაქის გენეზისი, მათი ურთიერთობა რომ სოციალურ საფუძველსაც გულისხმობს და მას ემყარება, ეს ნათლად ირკვევა დარუბანდის საქალაქო ცხოვრების ისტორიიდანაც. კერძოდ, ეგრეთ წოდებული, „შუა კედლით“ (ა ლ - ს უ რ ა ლ - ვ ა ს ტ ა ნ ი) და მასთან დაკავშირებული ამბებით⁹⁰. დარუბანდის ორ გარეკედელს შორის აგებული ამ განივი კედლის „დანიშნულება იყო გადაეღობა ქალაქის ზედა ნაწილი და მიეერთებინა იგი ციტადელთან, რომ ამ გზით ამირებს შესაძლებლობა ჰქონოდათ მასში მოეკრიბათ თავიანთი მიმდევრები და გამიჯვნოდნენ ურჩ ქვეშევრდომებს“⁹¹.

ასე რომ, თუ ერთი სოციალურ-პოლიტიკური ძალა აშენებდა „შუა კედელს“, მეორე ანგრევდა მას. მასთან მჭიდროდ იყო დაკავშირებული ციტადელის ბედიც. ეს ფაქტი კიდევ ერთხელ ადასტურებს შუა საუკუნეებისათვის ესოდენ დამახასიათებელ ვითარებას, როდესაც ქალაქი უპირისპირდება ციტადელს. ეს „დაპირისპირება გასაგები ხდება მხოლოდ კლასობრივ და სოციალურ წინააღმდეგობათა შუქზე“⁹².

დარუბანდის „შუა კედელი“ ერთეული და განსაკუთრებული მოვლენა, რა თქმა უნდა, არ იყო შუა საუკუნეების ქალაქის ტოპოგრაფიაში. ასეთივე დანიშნულება ჰქონდა ანტიოქიაში ბოემუნდ ტარენტელის მიერ აგებულ შუა კედელსაც⁹³. ასევე, ბუხარის ოაზისის მნიშ-

⁸⁸ ბ. ზახოდერის შენიშვნა. იხ. Снасет-намэ книга о правлении вазира XI столетия Низам ал-Мулька. Перев., введ. в изуч. памятника и примеч. Б. Н. Заходера, М.—Л., 1949, с. 497.

⁸⁹ Н. Марр, Ани, с. 79.

⁹⁰ იხ. თარის აღ-ბაბ, გვ. 52, 62, 68, 69, 77.

⁹¹ В. Ф. Минорский, История Дагестана, т. I, М., 1967, с. 142.

⁹² ვ. ვაბაშვილი, საქართველო-ეგვიპტის ურთიერთობის ისტორიიდან (XI—XII სს). — XII საუკუნის საქართველოს ისტორიის საკითხები, ტსუ შრომები, ტ. 125, ისტორ. მეცნ. სერ., IV, თბ., 1968, გვ. 78.

⁹³ Анна Комнина, Алексиада. Вступ. статья, перев. и комм. Я. Н. Любарского, М., 1965, с. 302.

ვნელობით მეორე, მდიდარი სავაჭრო ქალაქის ფაქენდის შ ა პ რ ი ს-
თ ა ნ ი ო რ ა დ ი ე უ ო გ ა უ ო ფ ი ლ ი შ ი დ ა კ ე ლ ლ ი თ⁹⁴. მაგრამ აღსანიშნავია:
ისიც, რომ უკვე ბიბლიაში (ახალი აღთქმა) არის: „შუაკედელი მის
ზღუდისაჲ დაჯსნა“⁹⁵.

ქალაქისა და ციხის „ბრძოლის“ შედეგი, მრავალი სოციალური,
ეკონომიკური, პოლიტიკური ფაქტორებით განპირობებული, ქალაქის
საზოგადოებრივ-პოლიტიკური წყობის შინაარსს განსაზღვრავდა და,
ამდენად, მას დიდი მნიშვნელობა ენიჭება შუა საუკუნეების ქალაქის
შესწავლის საქმეში

X—XI საუკუნეებში ბრძოლა ამირასა და რაისებს შორის დარუ-
ბანდში გარდამავალი უპირატესობით მიმდინარეობდა. რაისებმა ვერ
შეძლეს ქალაქში ამირას ხელისუფლების მოსპობა, ვერ განდევნეს იგი
ქალაქიდან. XII საუკუნეში კი, როგორც ირკვევა, ქალაქში ისევ ამი-
რას ხელისუფლება სუფევს⁹⁶.

X—XI საუკუნეების ნოვეგოროდშიც ქალაქის ციხეს (დ ე ტ ი ნ ე ე)
მთავარი ფლობდა⁹⁷. შემთხვევითი არ არის, რომ XI ს. დასაწყისში ქა-
ლაქის ციხის მშენებელი და მზრუნველი ნოვეგოროდის მთავარი იყო.
მომდევნო ხანაში სურათი მკვეთრად იცვლება. XII საუკუნის 30—
40-იანი წლებიდან ქალაქის ციხეს დაეპატრონა სწორედ აღნიშნულ
წლებში მიმდინარე ბრძოლაში გამარჯვებული ის სოციალური ფენა,
რომელსაც ადგილობრივი ბოიარები — ერთი მხრივ პ ო ს ა დ ნ ი კ ა,
ხოლო, მეორე მხრივ, ნოვეგოროდის არქიეპისკოპოსი შეადგენდნენ⁹⁸.
ამ გამარჯვების შედეგად ბოიარებმა ქალაქის მთავარი ნოვეგოროდიდან
გააძევეს. მთავარს ხელი აღარ მიუწვდებოდა ქალაქის ციხეზე. ამიერი-
დან იგი ქალაქის მოშორებით, იურის მონასტრის კომპლექსში დამ-
კვიდრდა.

⁹⁴ А. М. Беленицкий, И. Б. Бентович, О. Г. Большаков, Средневековый город Средней Азии, Л., 1973, с. 182.

⁹⁵ იხ. ი. აბუ ლაქე, ძველი ქართული ენის ლექსიკონი (მასალები), თბ., 1973, გვ. 508. „შუაკედელი, შუაკედელი“.

⁹⁶ В. Ф. Минорский, История, с. 184—187.

⁹⁷ ნოვეგოროდი აქ შემთხვევით არ გაჩნდა. ვ. შ ი ნ ო რ ს კ ი მ გამოთქვა მოსაზ-
რება, და სხვა მკვლევარებმაც გაიზიარეს, რომ «Многими чертами структура Дер-
бенда напоминает строй Новгорода Великого» იხ. მისი «История», გვ. 166, შ. 160.
ეს აზრი შედარებით ვრცლად არის განხილული — პ. თ ო ფ ე რ ი ა, ამიერკავ-
კასიის ქალაქების ისტორიიდან.

⁹⁸ М. К. Каргер, Раскопки и реставрационные работы в Георгиевском соборе Юрвева монастыря в Новгороде (1933—1935), — СА, VIII, 1946, с. 175—176.



ერთ-ერთი ის რამაც წარმოშვა ქალაქი და საფუძველი ჩაუყარა მის, როგორც ისტორიული კატეგორიის, არსებობას ზღუდე, გალავანი იყო. ფეოდალურ ეპოქაშიც საქალაქო ცხოვრების შეუფერხებელი მიმდინარეობისთვის მას ძირითადი მნიშვნელობა ენიჭებოდა. მაგრამ შეიძლებოდა ქალაქი ზღუდის, გალავნის გარეშეც არსებულიყო, ყოველ შემთხვევაში, გარკვეულ მონაკვეთში მაინც. გალავანი არ ჰქონდა შეიზარს⁹⁹, სარმინს¹⁰⁰, ხოლო „პარავა არ იყო გამაგრებული“¹⁰¹, კაბროს კედლის მაგივრობას ქალაქის მაღალი სახლები უწყევდნენ¹⁰².

მსგავსი ფაქტები ამიერკავკასიაშიც აღინიშნება. მიხეილ ატალიატეს ცნობით, სომხეთის ერთ-ერთი მნიშვნელოვანი სავაჭრო ქალაქი არწნი გაუმაგრებელი იყო¹⁰³. შაბარანს 983 წ. შემოავლეს გალავანი, ხოლო იაზიდიას 1045 წელს — „მაგარი, თლილი ქვის კედელი...“¹⁰⁴. ამრიგად, დაახლოებით 130 წლის განმავლობაში ეს ქალაქი უგალავნოდ არსებობდა; მისი აგების მიზეზსა და დანიშნულებასაც პირდაპირ აღნიშნავს მემატიაწე — „...თურქი-ლუჯების წინაშე შიშის გამო“.

„და ჰყვეს ლიპარიტს კახნი და ბერძენნი... გავიდეს ჭავახეთს და იწყეს ახალქალაქისა ზღუდეთა შენებად, რამეთუ მას ჟამსა უზღუდო იყო“¹⁰⁵.

ამ დროს, XI ს. შუა წლებში ლიპარიტ ერისთავთ-ერისთავს, თრი-ალეთის მფლობელს უკვე დაწყებული აქვს „საურავი გუერდქეულთა“¹⁰⁶, ის ბაგრატ მეოთხის ძლიერი და შეუპოვარი მოქიშპეა¹⁰⁷ და საქართველოს მეფესთან ბრძოლაში ახალქალაქს გალავნით ამაგრებს.

თუ შეიძლებოდა ქალაქის, როგორც სოციალურ-ეკონომიკური

⁹⁹ Е. А. Беляев, Век Усамы в Кавказе «Усама ибн Мункиз, Книга назидания». Перев. М. Н. Салье, М., 1958, с. 7.

¹⁰⁰ ნასირი ხუსრაუ, სურ-ანუ, ბუღაია, 1341 (პარტი), გვ. 15.

¹⁰¹ არისტაკეს ლასტივერტეცი (Повесть о воеводе Вардапета Ари-стакеса Ластивертци. Перев. с древнеарм., вступ. статья, комм. и приложения К. Н. Юзбашяна, М., 1968), с. 114.

¹⁰² ნასირი ხუსრაუ, გვ. 63.

¹⁰³ ივ. Я. А. Манандян, О торговле и городах Армении в связи с мировой торговлей древних времен (V в. до н. эры — XV в. н. эры), Ереван, 1954, с. 215.

¹⁰⁴ თარის აღ-ბაბ, გვ. 56, § 17.

¹⁰⁵ მატიაწე ქართლისა, გვ. 298.

¹⁰⁶ იქვე.

¹⁰⁷ ივ. ჭავახიშვილი, ქართველი ერის ისტორია, II, თბ., 1955, გვ. 142—151; პ. თოფურია, ისევ ათაბაგის ინტერეტებს შესახებ, ახლოაღმოსავლურ კრებული, თბ., 1933, გვ. 72—74.

ერთეულის უგალავნოდ არსებობა, მისი სამხედრო-პოლიტიკური დანიშნულება აუცილებლად მოითხოვდა გალავანს.

აღვ არსლანის საქართველოში პირველი ლაშქრობის დროს „...არა ზღუდითა მტკიცითა განსრულებულ იყო ახალქალაქი“¹⁰⁹.

ახალქალაქის ტოპოგრაფიის შესასწავლად ამჟამად შესაძლებელია ახალი მასალის გათვალისწინება.

აღვ არსლანი „გაემართა სხვა ქალაქისაჲენ, რომელსაც ეწოდება (ახალქალაქი)¹⁰⁹. ამ ქალაქის კედლების (ს უ რ) სიმაღლე ასი წყრთა (ზ ი რ ა)¹¹⁰ იყო, სიგანე — ამაზე მეტი. აღმოსავლეთის, დასავლეთის და ჩრდილოეთის მხრიდან ქალაქს ერტყმის მთები, რომელთა მწვერვალებზე მიუდგომელი ციხეებია (კ ა ლ' ა), ხოლო კედლები, რომლებიც მოვიხსენიეთ. მდებარეობდნენ სამხრეთ მხარეზე. ამ კედლების წინ იყო წყალი, ისეთივე ღრმა, როგორც ჯეიჰუნი“. ახალქალაქელებმა ზავი ითხოვეს. სულთანმა მოსალაპარაკებლად ორი კაცი გაგზავნა; „როდესაც ისინი გასცდნენ ქალაქის წინა დაბალ კედელს“¹¹¹ მათ თავს დაესხნენ ქართველები¹¹².

ყურადღებას იპყრობს ქ ა ს ო ლ¹¹³. შდრ. საბასთან: „გისხო

¹⁰⁸ მატთანე ქართლისა, გვ. 306.

¹⁰⁹ დღელაში არის **أغال**. მთარგმნელს შენიშვნა (იხ. ქვემოთ, შ. 112): „ი ბ ნ ა ლ ა ს ი რ თ ა ნ არის: **أغال**».

¹¹⁰ მთარგმნელი (გვ. 190, შ. 12): «локоть [локте] = 49, 875 см».

¹¹¹ **لما جاوزا الفصيل احاط بهما الكرجيون**

¹¹² კ ე ს ა ა ნ ი (Садр ад-Дин 'Али ал-Хусайини, Ахбар ад-Даулат ас-Селджукийна... Изд. текста. перев., введ., примеч. и приложения З. М. Буннятова, М., 1980, ფაქსიმულე), გვ. 50.

¹¹³ ნ. შენგელაა თარგმნის: „როდესაც მათ გაიარეს ციხის სასაზღვრო ხაზი“ იხ. მ. სი „სადრად-დინ ჰუსეინი აღვ-არსლანის საქართველოსა და ამიერკავკასიის ქვეყნებში ლაშქრობის შესახებ“, ძეგბანი საქართველოსა და კავკასიის ისტორიიდან, თბ., 1976, გვ. 187; ზ. ბენიატოვი თარგმნის: «первая стена». ლექსიკონები faṣīl-ის ასე გაცნობიერებენ: E. W. Lane, Arabic-English lexicon....

«...وَتَقَوَّأَ سَوْرَ الْمَدِينَةِ بِكِبَاشٍ وَفَصِيلٍ» [They strengthened the wall of

the city by means of buttresses and a low wall in front of it]; R. Dozy Supplément aux dictionnaires arabes...: „avant—mur“, М. О. А т т а я, Словарь арабско-русский...: «невысокая стена, находящаяся под другой, окружающего город; вал; подпора»; Б. В. М и л л е р, Персидско-русский словарь...» 1) невысокая ограда вокруг земляного вала, окружающего город; 2) ист. бруствер, вал, окоп».

فصيل-ის შესახებ იხ. აგრეთვე ო. ც ჯ ი ტ ი შ ვ ი ლ ი, ქალაქ ბაღდადის ისტორიისათვის (მასალები ფეოდალური ქალაქის წარმოშობა-განვითარების ისტორიისათვის მახლობელ აღმოსავლეთში), თბ., 1968, გვ. 48—51.

(მ)სოფლიოთა ენითა ზღუდე მცირესა ეწოდება სიმაღლე სამ წყრთე-
ულსა, ესე იგი არს გზისა დამაყენებელი, რომელსა ელლენებრ
თ რ ი ნ გ ო ლ (ი) ეწოდება“. „ვისსო(ი) არს მსოფლიოთა ენითა, ხოლო
ელლენთა მიერ თრინგოლი, ზღუდე მცირე. სამი წყრთა სიმაღლე, ესე
იგი არს გზის(ა) დამაყენებელი“. „ზღუდე...ვისსო(ნი) არს ზღუდე სი-
მაღლით სამი წყრთა“¹¹⁴;

მისი არსებობა ახალქალაქში საქართველოს ქალაქების საფორტი-
ფიკაციო ნაგებობათა მშენებლობის მაღალი დონის კიდევ ერთი მაჩვენ-
ებელია.

ექვს იწვევს ქალაქის კედლების დამოწმებული ზომები. ტ უ ლ
ს უ რ ჩვენც „კედლების სიმაღლე“-დ ვთარგმნეთ. მაგრამ ტ უ ლ, პირ-
ველ რიგში, სიგრძეს და მასთან დაკავშირებულ ცნებებს აღნიშნავს;
და თუ „კედლის სიმაღლის“ ნაცვლად „კედლის სიგრძედ“ ვთარგმნით
(„მატიანე ქართლისას“ ცნობის გათვალისწინებით, რომ გალავანი არ
არის დასრულებული), ხოლო „სიგანეში“ ქალაქის სიგანეს ვიგულის-
ხმებთ (იმ პირობით, რომ „...სიგანე ამაზე მეტი“ ახალქალაქის სიგა-
ნისათვის მისაღებ სიდიდეს იგულისხმებდა) — ამას ეწინააღმდეგება
გრამატიკულად უნაკლოდ (სქესში შეთანხმება) შედგენილი ფრაზის
მეორე ნაწილი („...სიგანე ამაზე მეტი“), რომელიც ნამდვილად კედელს
ეკუთვნის და არა ქალაქს¹¹⁵.

ავტორს საერთოდ სჩვევია გაზვიადება. ასე. ანისის კედლებს ის
მაღალ, ძლიერციხეებიან მთებს (ჯ ი ბ ლ) ადარებს¹¹⁶.

მისივე ცნობით, „თბილისის კედლების სიმაღლე ორმოცი წყრთა
არის, და სიგანეც ასეთივეა“¹¹⁷. აქაც, ისევე როგორც ახალქალაქის
შემთხვევაში. კედლების სიგანე არარეალური ჩანს.

იაკუთი მხოლოდ აღნიშნავს, რომ თბილისს „არტყია დიდი გალა-
ვანი“¹¹⁸. ნესაეის ცნობით, ის „გამაგრებული და მიუდგომელი“ ქალა-
ქია და „მისი კედლები უმეტესწილად აღმართულია მთებზე და მაღ-
ლობებზე“¹¹⁹.

¹¹⁴ ს.-ს. ო რ ბ ე ლ ი ა ნ ი, ლექსიკონი, „ვისსო“, „ზღუდე“. საბას თ რ ი ნ-
გ ო ლ ი არის დემინტიური თ რ ი ნ კ ო ს, დადასტურებული როგორც კლასიკურ
ასევე ბიზანტიური პერიოდის ბერძნულში. იხ. Древнеречесско-русский словарь,
сост. И. Х. Дворецкий, М., 1959: „მეგრედ 1) венечный карниз, зубчатый
верх стены 2) стена, ограда“; Greek lexicon of the Roman and Byzantine
periods by E. A. Sophocles, New York, 1900: *ἑρμυξός*.

¹¹⁵ ნ. შენგელია თარგმნის: „ციხის კედლის სიგრძე ასი წყრთა იყო, ხოლო სიგანე
ამაზე უფრო მეტი“; ნ. შენგელია, დასახ. ნაწრ., გვ. 189.

¹¹⁶ კ უ ს ა ი ნ ი, გვ. 51.

¹¹⁷ იქვე, გვ. 55.

¹¹⁸ ი ა კ უ თ ი, გვ. 39.

¹¹⁹ ნ ე ს ა ე ი, გვ. 167.

არაბულ-სპარსული წყაროების თანახმად, თბილისის თიხის ორი გალავანი (სამი კართი) ჰქონდა¹²⁰. არაბ ამირას ისპაკ იბნ ისმაილს (IX ს. პირველი ნახევარი) აქ საფორტიფიკაციო სამუშაოები ჩაუტარებია¹²¹. ჰუსაინის ცნობა, რომ თბილისის გალავნის სიმაღლე დაახლოებით 20 მ ყოფილა (იხ. ზემოთ), შესაძლოა, სინამდვილესთან ახლოს იყოს. 18—20 მ სიმაღლის იყო დარუბანდის გალავანიც¹²². საერთოდ, ასეთი სიმაღლის ქალაქის კედლები იშვიათი არ იყო ახლო აღმოსავლეთის სინამდვილეში.

ორმაგი კედლები ჰქონდა განძის ცენტრალურ ნაწილს და ახალ ანისს სუმბატის კედლების სახით¹²³.

არღებელი. აზერბაიჯანის მთავარი ქალაქი (კ ა ს ა ბ ა), უკვე X საუკუნეში დიდი, ძლიერი, გალავანშემოვლებული ქალაქი იყო¹²⁴. მისი მოსახლეობა მედგრად იცავდა ხოლმე თავს ალყაშემორტყმულ ქალაქშიც¹²⁵. მაგრამ, როგორც ირკვევა, არსებული ზღუდე ვეღარ იცავდა ქალაქს და 613/1216—17 წ. მაღალი გალავანი აუგიათ „ქართველთა თავდასხმებისგან თავდასაცავად“¹²⁶.

ქალაქის ტოპოგრაფიული აღწერის დროსაც მემბტიანე ყოველთვის არ გვაძლევს ცნობას გალავნის შესახებ. ასე, ჰო დ უ დ ა ლ-ა ლ ე მ ი IX საუკუნის აზერბაიჯანის, საქართველოს და სომხეთის 42 დიდსა თუ პატარა ქალაქს აღწერს, მაგრამ მათგან მხოლოდ ექვსში (არღებელი, დარუბანდი, დვინი, თავრიზი, თბილისი, მარაღა) ასახელებს ზღუდეს. ორს კი (ყალიყალა, სუნბათმან) — ციხე აქვს ძლიერი¹²⁷ და გურკვეველი რჩება მარტოოდენ ციხით იყო თუ არა ეს ქალაქები გა-

¹²⁰ ისტახრი, СМОМПК, ტ. 29, გვ. 11, ВГА. I, გვ. 300; იბნ ჰაუკალი, СМОМПК, ტ. 38, გვ. 89—89; ე. სიხარულიძე, იბნ ჰაუკალი თბილისის შესახებ, სიამ, I, თბ., 1976, გვ. 33, 35: «عليه سوران سطين» „მას ტიხის ორი კედელი აკრავს“. მაგრამ არაბული ტინ თიხას ნიშნავს, ხოლო ქართული „ტირა“ — კლდეს. შდრ. ნ. კარაულოვთან: «...две стены из глины...» СМОМПК, ტ. 29, გვ. 11, იქვე, ტ. 38, გვ. 89; თ. გამსახურდია, წიგნში სიფ, ტ. II, თბ., 1973, გვ. 350; ჰოდუდ ალაღემი, გვ. 162: «...داره ارسا...» თუ ოსიგან — არ არის აღნიშნული.

¹²¹ ბაქუევი, გვ. 90 (22).

¹²² В. Ф. Минорский, История, с. 120.

¹²³ И. Д. Джафарзаде, Историко-археологический очерк Старой Гянджи. Баку, 1947, с. 24, 59; Н. Марр, Ашс, с. 66, 78-79.

¹²⁴ ჰოდუდ ალაღემი, გვ. 158.

¹²⁵ ქასრავი ოაზრიზი, შაჰრარანი გომნამ, ნაწ. 1, თურანი, 1307 ჰწ., გვ. 59.

¹²⁶ აჯობ ალაღენია, გვ. 196, ამ თავდასხმების შესახებ იხ. იქვე, ქართ. თარგმ., გვ. 24, შ. 2.

¹²⁷ ჰოდუდ ალაღემი, გვ. 160, 162.

მაგრებული? ოღონდ არც სხვა წყაროები გვაწვდიან სასურველი სის-
რულის ცნობებს: „ბარდავს... აქვს დიდი ციხე (პისი)“ — გალავანი
არ იხსენიება. „შაბარანი სიმაგრის გარეშეა“¹²⁸. ისტახრის ცნობით კი
შაბარანი გამაგრებულია.

ცნობილია შუა საუკუნეების აღმოსავლური წყაროების კომპილა-
ციური ხასიათი. ზოგჯერ ისინი ერთმანეთის საწინააღმდეგო ცნობებ-
საც იძლევიან. ამის გამო, ხშირად ჭირს მათი ურთიერთ შედარებით
ისტორიული პროცესის შედეგად შექმნილი კონკრეტული ვითარების,
კერძოდ, ქალაქის ტოპოგრაფიის განვითარების შინაარსის დადგენა.

სხვა წყაროების მონაცემებით იზრდება პოლუალ-ალემში
აღწერილი გალავნიანი ქალაქების რიცხვი. ასეთებია: ბაილყანი, გან-
ძა, ვარსანი, ნახქევანი, შამახია, შამქორი, ხლათი და სხვა. იმავე ხლათ-
ში, მაგალითად, იაკუთი არ ასახელებს გალავანს. წყაროები წერენ ესა
თუ ის ქალაქი „გამაგრებულია“. მაგრამ არცთუ იშვიათად, ძნელია
გაირკვეს, სახელდობრ, რა იგულისხმება „გამაგრებაში“¹²⁹.

ქალაქის ტიპის, მისი განვითარების შესწავლისათვის, რასაკვირვე-
ლია, მნიშვნელობა აქვს იმ ქალაქების რიცხვის დადგენას, რომელთაც
აღმოცენების ან აშენების დროს უგალავნოებს, შემდეგ შემოარტყეს
ზღუდე.

საერთოდ, გალავნის შესწავლით მრავალი საკითხი ირკვევა ქალაქის
ისტორიაში. მისი „მოძრაობით“ თუ ნგრევა-შენებით „დოკუმენტუ-
რად“ დასტურდება ქალაქის ზრდა, სოციალურ-ეკონომიკური განვი-
თარება. განძის არქეოლოგიურმა შესწავლამ სამი გალავანი გამოავლი-
ნა¹³⁰. ერთ-ერთი მათგანი უნდა იყოს შადადიან აბუ-ლ-ასვარის მიერ
XI ს. მეორე ნახევარში აგებული კედელი, რომელმაც ქალაქის რა-

¹²⁸ შუკადასი, BGA, III, გვ. 376; СМОНПК, ტ. 38, გვ. 7, 9.

¹²⁹ იაკუთი, გვ. 51. აქიბ ალ-დუნია, (ქართ. თარგმ.) მაგალითად, წერს (გვ. 12):

«... و حصاره و قلعه و حاكمه و ... و باروی¹ بند و خندق عمیق
და მტკიცე ციხე... მაღალა გალავანა და ღრმა ხანდაკი [არტყია]». შდრ. აქიბ ალ-დუ-
ნია, გვ. 208: «...ИМЗЗГ УХДЭИТТХИЗ...» (იხ. ქვემოთ). თუმცა حصار = ძლიერ
გამაგრებულია; შეუდგომელია, მაგრამ ზნის (دار «აქვს») გამო სურათი არც ამ შემ-
თხვევაშია მთლად ნათელი. რა ვიგულისხმობთ „სიმაგრეში“? ალბათ, „გამაგრებულობა“
და მივიღებთ: «[განძა] გამაგრებულია». შდრ. იქვე, ქართ. თარგმ., გვ. 32/12: «[ყარსი]
... მაგარი ციხე აქვს და ქვის გალავანი არტყია» قلعه حصار دار و باروها از سنگ

¹³⁰ И. Д. Джафарзاده, დასახ. ნაშრ., გვ. 58.

ბადი მოიცავს¹³¹. ამავე საუკუნეში აგებულმა მერვის ახალი რიგის გალავანმა გარეუბანი ქალაქში „შეიტანა“¹³². როგორც აღვნიშნავდით, 964 წ. აშენებული აშოტის კედლები ძველ ანისს, შიდაქალაქს ერტყა. მეოთხედი საუკუნის შემდეგ (989 წ.) მეფე სუმბატ II ახალ ზღუდეს აგებს (სუმბატის კედლები), რომელმაც „ჩაკატა“ ზეგანზე გაშლილი ახალი ანისი. სუმბატმა „ამოავსო თხრილები და მათზე გაიყვანა ახალი კედელი, რომელიც გარს ერტყმოდა ქალაქ ანისის ადრინდელ კედელს... ის დიდად შორავდა ქალაქის ძველ კედელს, მასზე მაღალი იყო და მოიცავდა ქალაქის მთელ სივრცეს“¹³³. ნ. მარის გათხრებით გამოვლენილი ეს კედლები ანისის საერო არქიტექტურის თვალსაჩინო ძეგლს წარმოადგენენ.

თუ დარუბანდის გალავანი ძირითადად სასანელი შაჰინჰაშების ნახელავია და მათივე ეპოქის მკაფიო მახასიათებელი ძეგლი, არანაკლები სიციხადით გვიხასიათებს ანისის გალავნის ნანგრევები ქალაქის და მისი მფლობელების პოლიტიკურ ძალას და ეკონომიკურ სახსარს.

გალავანი ზრუნვა-პატრონობას და ყურადღებას მოითხოვდა. არცთუ იშვიათად. მისი მშენებლობა მთლიანად არ მთავრდებოდა და დროთა განმავლობაში გადაკეთდებოდა კიდევ. ერთ-ერთმა შადადიანმა გააფართოვა და გაამაგრა ანისის გალავანი. „ამრიგად, წერს ვარდანი, ანისი ადრინდელთან შედარებით არანაკლებ კეთილმოეწყო“¹³⁴. ამ სამუშაოთა კვალი აშკარად გამოავლინა სუმბატის კედლების არქეოლოგიურმა დამუშავებამ.

XIII ს. პირველ მეოთხედში „მარანდის კედლები არ იყო გამაგრებული“ და მტერსაც ვეღარ გაუძეკლავდა¹³⁵. ჩვენ კი ვიცით, რომ მუკადასის დროს მარანდი „გამაგრებული“ (ჰასინათუნ) იყო¹³⁶; ხოლო ბალაზურის თანახმად, რომელსაც იმორწმებს იაკუთი, იგი „პატარა სოფელი იყო, სადაც ჩამოხდა ჯალნს იბნ ალ-ბა'ისი. შემდეგ გაამაგრა იგი ალ-ბა'ისმა, შემდეგ მისმა ძემ მუჰამმად იბნ ალ-ბა'ისმა და ააგო იქ მუჰამადმა ციხე [ჰასარ]. მან ურჩობა დაიწყო მუთავაქქი-

¹³¹ ბაბ ფი-ლ-შადადია, წიგნში V. Minorsky, Studies in Caucasian history. London, 1953. p. 20.

¹³² В. В. Бартольд. К истории Мерва, с. 186—187.

¹³³ ასოლიკი, (Всеобщая история Степаноса Таронского. А сох'яка по прозванию, писателя XI столетия переведена с армянского и объяснена Н. Эмилем. М., 1864), გვ. 130; Н. Марр, Ани, с. 66, 78.

¹³⁴ ვარდანი (Всеобщая история Вардана Великого, перев. Н. Эмил с примеч. и прилож., М., 1861), გვ. 129.

¹³⁵ ნესაეი. გვ. 211.

¹³⁶ მუკადასი, ВГА, ტ. III, გვ. 377, СМОМІК, ტ. 38, გვ. 10.

ლის ხალიფობის დროს და შეებრძოლა მას ბულა მცირე ისე, რომ სძლია იგი... და დაანგრია მარანდის კედელი და ეს ციხე“¹³⁷.

ღრმაშინაარსიანი ცნობაა; გარდა იმისა, რომ წარმოაჩენს ქალაქის დაარსების ერთ-ერთ გზას, იგი მარანდის პოლიტიკური ცხოვრების ერთ მონაკვეთსაც აღწერს.

როგორც ამ შემთხვევაში, კედელი და ციხე პირველი განიციდნენ ხოლმე ქალაქს თავსდამტყდარ ქართველითა შედეგს. ცხადია, ასეთი ქართველები არა ერთი გადაუტანია მარანდს და ნესავის ის „გაუმავრებელი“ უნახავს.

„გამავრება“ გალავნის ირგვლივ თხრილის გაყვანის, ქონგურების, კოშკების, გოდლედების და სხვა საფორტიფიკაციო ნაგებობათა მშენებლობას გულისხმობდა¹³⁸. სხვა შემთხვევაში, როგორც ჩანს, გალავანი არ ითვლებოდა დასრულებულად — „არა ზღუდითა მტკიცითა განსრულებულ იყო ახალქალაქი“, მიუხედავად იმისა, რომ კარი გალავანს აკიდებული ჰქონდა.

გეოგრაფიული პირობების შესაბამისად თხრილი ყოველ ქალაქს არ ჰქონდა. დარუბანდი „გარშემოზღუდულია უმტკიცესი კედლებით უთხრილოდ, დიდი, თლილი ქვისაგან აგებული კოშკებით. მაგრამ თათრებმა დაანგრიეს ქონგურები და კოშკების თავები ისე, რომ დაიყვანეს გალავნამდე“¹³⁹.

თუ რა მასალისგან და როგორ იყო ნაგები გალავანი (და მთელი ქალაქიც, რაღა თქმა უნდა), ესეც მნიშვნელობას იძენს ქალაქის ეკონომიკური და სოციალური ისტორიის ზოგი საკითხის გასარკვევად.

გალავნის ხელშეუხებლობა მხარეთა პოლიტიკურ შეთანხმებაში ზოგჯერ საგანგებო პირობას შეადგენდა (ბაილაცანი, დვინი)¹⁴⁰. გალავნის მორღვევა ქალაქისათვის დიდ სასჯელს წარმოადგენდა. ერთ-ერთმა სალარიანმა ზავის დარღვევის გამო არღებილის წარჩინებულებს (ქალაქის მმართველი ფენა, ვაჭრები) მიწასთან გაასწორებინა ქალაქის კედელი. საუკეთესო ტანსაცმელში გამოწყობილნი და მორთულ-მოკაზმულნი ისინი საკუთარი ხელით ანგრევდნენ გალავანს და კაბის კალთებით გაჰქონდათ ღორღი და მიწა¹⁴¹.

¹³⁷ მ ა კ უ თ ი, გვ. 84.

¹³⁸ შღრ. განძა „...დღი ქალაქია... აქვს სრმაგრე (თარგმანშია: укрепление) და ძლიერი ციხე... მაღალი კედელი და თხრილი“ — აჯაბ აღ-დუნია, გვ. 208. „მტკიცედ განმავრებულ იყო“ განძა მონღოლთა შემოსევის დროსაც — იხ. ემთაღმწერელი, გვ. 184.

¹³⁹ რ უ ბ რ უ კ ე ვ ი ს ი (Путешествия в восточные страны Платона Карпини и Рубрика. Ред., вступ. статья и примеч. Н. П. Шестинский, М., 1957), გვ. 187.

¹⁴⁰ მ ა კ უ თ ი, გვ. 37, 53.

¹⁴¹ ი ბ ნ ქ ა ე კ ა ლ ი, СМОНПК, ტ. 38, გვ. 81—82.

მნიშვნელოვან დასკვნებს გვაძლევს ქალაქის გარეგან სახეში მომხდარი ცვლილების შესასწავლად ბაილაყანის არქეოლოგიური ექსპედიციის მიერ მოპოვებული მასალის დამუშავება. ამჟამად ამ მასალას ვრცლად ვერ განვიხილავთ, ვალავანთან დაკავშირებით კი აუცილებელია აღინიშნოს, რომ „...სწორედ XII—XIII საუკუნის დასაწყისში, ბაილაყანის უდიდესი აყვავების ხანაში, გამაგრებული რჩებოდა ქალაქის მხოლოდ მცირედი ნაწილი (ანუ იგივე „ბატარა ქალაქი“; იხ. ზემოთ — პ. თ.). დანარჩენ, ქალაქის უდიდეს ნაწილს ამ დროს უკვე აღარ ჰქონდა თავდასაცავი ნაგებობანი, ხოლო ქალაქის ამ ნაწილში ყოფილ ვალავანზე რიგითი მოქალაქეების საცხოვრებლები იყო გაშენებული“¹⁴².

მას'ულ ბ. ნამდარი, ბაილაყნელი მოხელე ხალიფას მთავრობას თხოვს საგანგებო სიგელით დაუმტკიცოს ქონება, რომელსაც სხვასთან ერთად შეადგენს ქალაქის თხრილში მდებარე ბაღი¹⁴³.

თუ ეს თხრილი ქალაქის ვალავანისწინა თხრილს გულისხმობს, ამჟერად იმ შემთხვევასთან გვექნებოდა საქმე, როდესაც არქეოლოგიური მონაპოვარი სხვა წყაროებში პოულობს დადასტურებას. ამ მოხელეს მწვევე ურთიერთობა ჰქონდა ბაილაყანის ხალხთან და, როგორც ის ჩივის, მათ ყური არ ათხოვეს მის შეგონებას და უქმყოფილონი „გაიფანტნენ ყველა კედლებსა და თხრილებში ახალი ჭანყის მოსამზადებლად“¹⁴⁴. ეს ცნობა თითქოს ნაკლებ საფუძველს გვიტოვებს ეჭვებისთვის.

X ს. აგებული აშოტის კედლებთან ჩატარებული გათხრების დროს აღმოჩნდა ძველი ანისის „ლარიბი კვარტლის ნაწილი“ თავისი სახელისნობითა და სავაჭრო დუქნებით. როგორც აღნიშნავენ, მან ნათელი წარმოდგენა შექმნა ქალაქის ყოველდღიური ცხოვრების და უბრალო მშრომელთა შესახებ, რომლებიც აქვე ცხოვრობდნენ ძირძველ თავადებთან და დიდებულ მოქალაქეებთან ერთად¹⁴⁵.

ამიერკავკასიის ქალაქების სოციალურ-ეკონომიკური განვითარების

¹⁴² А. А. Иессен, Азербайджанская..., с. 11; მისვე, Городище, с. 43.

¹⁴³ مع مبقلة في خندق المدينة Мас'ūd ибн Нāмдār, Сборник рассказов, писем и стихов, факсимиле текста, предисл. и указатели В.М. Бейлиса, М., 1970, с. 35, არაბ. ტექსტი, გვ. 156.

¹⁴⁴ იქვე, გვ. 27, არაბ. ტექსტი, გვ. 142: في كل سور و خندق

¹⁴⁵ Н. Я. Марр, Раскопки в Ани в 1904 году, ИАК, вып. 18, 1906, с. 10—11. შტრ. В. В. Бартольд, Отзыв о трудах Н. Я. Марра по исследованию древностей Ани, Сочинения, т. IV, М., 1966, с. 226.

აღსანიშნავია, რომ უკვე ამ დროს ნ. მარი ყურადღებას აქცევს ქალაქის სოციალურ ტოპოგრაფიას.

დონის კვლევის დროს ძნელია აღნიშნული ფაქტების გადაჭარბებით შეფასება.

საგულისხმოა ისიც, რომ ქალაქის გალავნის შლა და მისი დანიშნულების ქალაქის მხოლოდ ერთ ნაწილში შენარჩუნება არ არის ლოკალური ხასიათის მოვლენა¹⁴⁶.



ქალაქის კარს თავისი სამხედრო, ეკონომიკური და არქიტექტურული მნიშვნელობით ქალაქის გარეგანი სახის შემადგენელ ნაწილებს შორის ერთი ცენტრალური ადგილი ეჭირა.

ქალაქის კართა რაოდენობა და სახელწოდებანიც სათანადო ინფორმაციას შეიცავენ ქალაქის სიდიდის, სავაჭრო-ეკონომიკური ურთიერთობის, ეთნიკური მდგომარეობის შესასწავლად.

შედარებით პატარა ქალაქ ანისის გალავანს დატანებული ჰქონდა ქალაქის შიდა და გარეთა თერთმეტი კარი და სამი კუტი კარი. მათ შორის ყარსის და დეინის კარიბჭეები¹⁴⁷.

დარუბანდის კართაგან სამი ჩრდილოეთის კედელშია გაჭრილი (დღესაც შემორჩენილია), ხოლო სამხრეთისაში — ოთხი. ციტადელს ორი კარი ჰქონდა, დასავლეთის — ქალაქის გარე კედელში და აღმოსავლეთის — ციტადელიდან საკუთრივ ქალაქში გამავალი. თ ა რ ი ხ ა ლ - ბ ა ბ ი ო თ ხ კ არ ს ასახელებს. მათგან საყურადღებოა დამასკოს და პალესტინის, რომლებმაც, როგორც ჩანს, სირიიდან გადმოსახლებული მეომრებით დასახლებულ უბნებთან მდებარეობის გამო მიიღეს ეს სახელწოდებანი¹⁴⁸. ბარდავის ერთ-ერთ კარს „ქურთების კარი“ ეწოდებოდა¹⁴⁹. მაგრამ თუ რატომ მიიღო კარმა ეს სახელი, დანამდვილებით არ ვიცით.

დეინში „რამდენიმე კარია, მათ შორის თბილისის და ანისის“¹⁵⁰. თბილისში იყო განძის კარი¹⁵¹, განძაში კი — ბარდავის კარი¹⁵².

¹⁴⁶ შდრ. М. К. Пачос, К изучению стен городища Афраснаба, СА, 1967, № 1, с. 71.

¹⁴⁷ ჩამოთვლა იხ. И. А. Орбели, Кр. путеводитель, с. V—VI.

¹⁴⁸ В. Ф. Минорский, История, с. 121—122.

¹⁴⁹ ისტაბრი, СМОНПК, ტ. 29, გვ. 9.

¹⁵⁰ მუკადასი, იქვე, ტ. 38, გვ. 9, ВГА. ტ. III, გვ. 377.

¹⁵¹ უამთაღმწერელი, გვ. 175. თბილისის დანარჩენ კართა შესახებ იხ. თ. გამსახურდია, იქვე, გვ. 351—353. აღენიშნეთ, რომ თბილისში სულდის კარს

(صغد) ასახელებს თარის ალ-ბაბც, გვ. 46, არაბ. ტექსტი, გვ. დ. ვ. შინორსკო შასში ისევ ქართულ „საგოდებელს“ ხედავს, — იქვე, გვ. 46, შ. 8.

¹⁵² З. М. Буннятов, Государство атабеков Азербайджана (1136—1225 годы), Баку, 1978, с. 188.

ქალაქის ტოპოგრაფიაში კარის მნიშვნელობაზე ისიც მიგვითითებს, რომ მას ზღუდის გასრულებამდეც აჰკიდებდნენ. ამას ახალქალაქის მაგალითი ადასტურებს. როგორც აღვნიშნეთ, ქალაქის გალავნის მშენებლობა არ იყო დასრულებული, მაგრამ კარიბჭეები მას უკვე ჰქონდა: „...განახუნეს კარნი, და შეებნეს ძლიერად“¹⁵³. ქალაქის მესვეურთა ასეთი „მოუთმენლობა“ ეკონომიკური ინტერესებითაც აიხსნება — ქალაქის კარი თავისი საბაჟოთი ხომ შემოსავლის ერთ-ერთი წყაროც იყო.

ქალაქის დაცვაში კარი მნიშვნელოვან ფუნქციას ასრულებდა. მის წინ გამართულ ბრძოლებში და მისი აღებით ხშირად გადამწყდარა ქალაქის ბედი.

ქალაქის კარი საღამო ეამს იკეტებოდა და დილით იღებოდა. ამ წესს კარის მცველები ასრულებდნენ, ანისში ისეთი გულმოდგინებით, რომ მათ ქალაქს თავშესაფრად მიმწყდარ თავისიანებსაც კი ჩაუკეტეს კარები „საღამოს დაღგომის“ გამო¹⁵⁴.

ცხოვრებისეული მწარე გამოცდილება კარნახობდა ასეთ სიმკაცრეს. როდესაც „ცნა არდაველის სულტანმან... მკარგრძელთა შინაუწყოფლობა... უგრძობლად მოვიდა ანისა [sic]... და ვითარ ცისკარი მოეახლა და ჰკრეს ძელსა და განახუნეს კარნი ქალაქისანი, მყის მიეტევნეს კარსა ქალაქისასა, შეუტევეს ცხენი, და ვერ მოასწრეს კარნი, და შევიდეს ქალაქად. იწყეს კოცად, კლვად, ტყუეობად...“¹⁵⁵.

თუ ქალაქი ნებდებოდა, „კლიტენი ქალაქისანი“ გამარჯვებულს გადაეცემოდა¹⁵⁶.

კარი ქალაქის ძლიერების და მორკმულობის გამომხატველიც იყო. ამიტომაც ცდილობდნენ, ვისაც შეეძლო, ის მაგარი და ლამაზი აეგოთ. როგორც ჩანს, კარის ჩამოხსნა, მით უმეტეს, ნადავლად წაღება, ქალაქისათვის დიდი სირცხვილი იყო. ამიტომ თუ იყო. რომ 1139 წ. დემეტრე მეფემ განძაში მოპოვებული გამარჯვების ნიშნად ქალაქს 1062 წელს გაპედილი რკინის კარი ჩამოხსნა, საქართველოში წამოაღებინა და გელათს გადასცა, სადაც იგი დღესაც ინახება¹⁵⁷.

ქალაქის გალავანსა და კარზე ამოკვეთილ რელიეფურ გამოსახულებათაგან, ზოგიერთი შესაძლებლად მიაჩნიათ ქალაქის გერბად ჩათვალონ. ანისის გალავანზე მთავარ კარებთან ამოჭრილი ბარელიეფი (გაქცეულ ვეფხვის ზემოთ სფერო და ჯვარი), ი. ორბელის აზრით,

¹⁵³ შტიანე ქართლისა, გვ. 306.

¹⁵⁴ ა რ ი ს ტ ა ქ ე ს ლ ა ს ტ ი ვ ე რ ტ ე ი, გვ. 105.

¹⁵⁵ ისტორიანი და აზმანი შარავანდედთანი, ძ. ცხ., II, გვ. 100.

¹⁵⁶ შტიანე ქართლისა, გვ. 299.

¹⁵⁷ კარის შესახებ იხ. პ. თოფურაძე, აღმოსავლეთ ამიერკავკასიის..., გვ.

ანისის გერბი უნდა იყოს¹⁵⁸. ფიგურული კომპოზიციები სხვაგანაც გვხვდება: „ქალაქ ბაბ ალ-აბვაბში ჭიპადის კარზე, კედლის ზემოთ, არის ორი ქვის სვეტი. თვითუღ სვეტზე ლომის ქანდაკებაა თეთრი ქვისაგან. მათ ზემოთ ორი ქვაა. ყოველ ქვაზე (აგრეთვე) ქანდაკებაა დედალი ლომისა. ამ კარის ახლოს არის ადამიანის გამოსახულება ქვისაგან. მის ფეხებს შორის მელიის გამოსახულებაა, რომელსაც პირში ყურძნის მტევანი უჭირავს. ქალაქის განაპირას წყალსაცავია თალიანი საფეხურებით, რომლითაც ჩაღიან ამ წყალსაცავში... ამ საფეხურების ორსავე მხარეს აგრეთვე. ლომის ორი ქანდაკებაა ქვისაგან. ამბობენ, რომ ეს ზღუდის თილისმაა“¹⁵⁹. აღნიშნული კარის წინ ქვის ორ სვეტზე ორი ლომის სასანელების მიერ თილისმად გამოქანდაკების შესახებ გადმოგვცემს სხვა წყაროც¹⁶⁰. იგივე ავტორი ჰამადანის საკვირველებათა შორის ასახელებს „ძალიან დიდ ქვის ლომს ქალაქის კარებზე. ეს არის თილისმა, რომელიც შექმნა ბალინასმა, თილისმათა შემქმნელმა, როდესაც კავადმა სთხოვა გრძნებით შეეკრა მისი ქალაქები...“¹⁶¹. ბაქოს ძველი ციხის კედლის ერთ-ერთი „კარის თავზე ჩადგმულია ორი ბარელიეფი, ძველი სპარსული ან ქალაქის გერბი: ორი ერთმანეთისკენ მიმავალი ლომი და მათ შორის ხარის თავი“¹⁶².

ასეთი გამოსახულებანი ფეოდალური და უფრო ადრეული ამიერკავკასიის ჰერალდიკურ სიმბოლიკას უკავშირდებოდა¹⁶³ და თილისმის და სხვა ნიშნებთან ერთად, შესაძლებელია, ზოგიერთი მათგანი, მართლაც, ჩამოყალიბებულიყო ქალაქის გერბად. იაკუთის ცნობით, ქალაქ კალი კალას დამაარსებელი „გამოხატულია მის ერთ-ერთ კარზე“¹⁶⁴; თითქოს ეს უფრო უაწლოვდება ქალაქის გერბის შინაარსს.



შუა საუკუნეების ქალაქის სოციალურ-ეკონომიკური სტრუქტურის გასარკვევად ქალაქის შემადგენელ ნაწილებს შორის რაბადს ერთ-ერთ

¹⁵⁸ И. А. Орбелли, Развалины Ани, с. 11; შტრ. მისივე «Бронзовая куриница XII века в виде барса». — Избр. тр., Ереван, 1963, с. 345.

¹⁵⁹ იაკუთი, გვ. 23; ზაქარია ალ-ყაზვინი, გვ. 39; თილისმის შესახებ იხ. В. В. Бартольд, Дербент, с. 422.

¹⁶⁰ ბაქუვი, გვ. 83 (118).

¹⁶¹ იქვე.

¹⁶² В. М. Сысоев, Кр. путеводитель, с. 9.

¹⁶³ შტრ. Н. Марр, Ани, с. 52—53; ნ. მარს სომხეთი აქვს მხედველობაში, შვარამ ზემოდაწმობული მასალა, ეფიქრობთ. საერთოდ ამიერკავკასიის შესახებ მსჯელობის საფუძველს გვაძლევს.

¹⁶⁴ იაკუთი, გვ. 74.

თი ძირითადი მნიშვნელობა ენიჭება. ეს მნიშვნელობა, პირველ რიგში, ქალაქისა და რაბადის გენეზისიდან, მათი ურთიერთმიმართებიდან გამომდინარეობს.

ტერმინის ეტიმოლოგიიდან საგულისხმოა აღინიშნოს, რომ მისი ერთ-ერთი მნიშვნელობა¹⁶⁵, თუ არ ვცდებით, აშკარად მიგვანიშნებს იმ გზას, რომელიც რაბადმა გაიარა ცივილიზაციის ადრეულ საფეხურებიდან შუა საუკუნეების ქალაქის ტოპოგრაფიაში დამკვდრებულ მნიშვნელობამდე. ეს მნიშვნელობა კი გულისხმობს ზოგადად ქალაქის (შ ა პ რ ი ს თ ა ნ ი ს) გალავანს გარეთ აღმოცენებულ დასახლებებს, შემდგომ ქალაქის ფარგლებში რომ შედიან (ჩვეულებრივ, ახალი გალავნის შემოვლებით) და მის ერთ-ერთ ნაწილად იქცევიან.

საქართველოში ქალაქთან დაკავშირებით „რაბადი“ მცხეთის სინამდვილეში გვხვდება ცნობილი დიალოგის პასაჟში. წმინდა ნინომ კითხვაზე „რომლისა სოფლისანი ხართ?“ მცხეთელ მწყემსთაგან პასუხად მიიღო: „დაბით ელარბინით და საფურცლით, და ქინძარელნი, რაბატელნი დიდისა ქალაქისა მცხეთისანი, სადა ღმერთნი ღმერთობენ და მეფენი მეფობენ“¹⁶⁶.

საფურცლესა და ქინძარას სხვაგანაც ახსენებს იგივე შემატიანე; აშკარად ჩანს, რომ ეს „ადგილები“ („...ადგილსა რომელსა ჰქვან საფურცლე“), ისევე, როგორც ღართა, „დიდისა ქალაქისა მცხეთის“ მახლობლად მდებარე დასახლებებია, დაბეზია („დაბით ელარბინით...“)¹⁶⁷.

რადას გულისხმობს „რაბატელნი“? რაბატის მცხოვრებლებს, ცხადია, მაგრამ თვით რაბატი? თუ ის მნიშვნელობით „დაბის“ ტოლფარდია, მაშინ გამოდის, რომ მროველისათვის ისინი სინონიმებია და რაბადი=დაბას ან პირიქით. თითქოს ასე არ უნდა იყოს.

როგორც ირკვევა, მცხეთის რაბატი არ აერთიანებს დასახლებულ ტოპონიმებს და ის უშუალოდ ქალაქ მცხეთასთან, გალავნის ახლო-

¹⁶⁵ «ربض [Rābāz]... 1) предместье 2) загон (для скота)» — Персидско-русский словарь... Под ред. Ю. А. Рубинчика. შდრ. გ. წერეთელი და ს. ჯიქია „რაბადის“ ეტიმოლოგიის შესახებ, იხ. ლ. კილაშვილი, ქალაქები, II, გვ. 108, შ. 134. შდრ. მეგრ. „ქართა“.

¹⁶⁶ ლეონტი მროველი, გვ. 85—86.

¹⁶⁷ გამოთქმულია სხვა მოსაზრებაც: „სამივე დაბა მცხეთის რაბატში — გარეუბანში შედიოდა და მასი ეკონომიური რაიონის ერთეულებს წარმოადგენდა...“ — ლ. კილაშვილი, ქალაქები ფეოდალურ საქართველოში, I, თბ., 1968, გვ. 87. „რაბადის“ და „უბანს (გარეუბანს)“ შორის მსგავსება შესაძინებია; მაგრამ მათი შინაარსობრივი ურთიერთობა ტერმინთა სრული შესწავლის შემდეგ გაირკვევა. შდრ. გ. მეღვიშვილი, საქართველოში კლასობრივი..., გვ. 165; მისივე, К исто-рии, გვ. 447; ა. აფაქიძე, ქალაქები, გვ. 13, 40—41, 161—164; ლ. კილაშვილი, ქალაქები, I, გვ. 93—98; დ. ხახუტაიშვილი, წიგნში სთ, I, თბ., 1970, გვ. 643.

მახლო დამკვიდრებულ მოსახლეობას გულისხმობს. აღსანიშნავია დი-
ალოგში მოცემული საზოგადოების სოციალური „განუენილობაც“
(არასრული, რა თქმა უნდა): მცხეთაში „ღმერთები ღმერთობენ, მეფე-
ნი მეფობენ“, ხოლო მცხეთელი მწყემსები ქალაქიდან შორს მწყემსავენ
(ქალაქის?) ნახირს. რაბატში (ქალაქის?) ნახირის მწყემსების მკვიდ-
რობა არ უნდა იყოს გაუპართლებელი. თუ ისინი „ნამდვილი“ მესა-
ქონლეები არიან, რატომღა უკავშირდებიან რაბატს („რაბატელი-
მცხეთისანი“)?

ყოველივე ამის დაზუსტება უფრო ნათლად წარმოაჩენდა მცხეთის-
ირგვლივ არსებულ დასახლებათა სოციალურ-ეკონომიკურ შინა-
არსს, სახეს. თუ ქალაქსა და მისგან დაშორებულ დაბას შორის ჩნდება
რაბადი, მათგან განსხვავებული უჯრედი (გავიხსენოთ, რომ რაბადი,
ასე თუ ვიტყვი, „სოფლიდან გამოდის და ქალაქისკენ მიისწრაფვის“)
სწორედ ეს მოვლენა მიუთითებს საზოგადოების სოციალურ და ეკო-
ნომიკურ დანაწევრებაზე, მის განვითარებაზე.

თუ რას წარმოადგენდა ნასირი-ი ხოსროუს დროს (XI ს.) ქალაქის
რაბადი კარგად ჩანს მათაფარიყინის¹⁶⁸ მაგალითზე: „ამ შაჰრი-
სთანი გარეთ რაბადში ქარვასლები, ბაზრები, აბანოები, მეორე საკ-
რებულო მეჩეთია, სადაც პარასკევ დღეს ნამაზს ასრულებენ“¹⁶⁹. აქ
საცხოვრებელი სახლები და სხვა შენობები არ ჩანს, თორემ რაბადის
ტოპოგრაფიაც შეივსებოდა და ის „ჩვეულებრივი“ ქალაქი იქნებოდა
შაჰრი-სთანი (მადინას) გარეთ აღმოცენებული. სომხეთის
ქალაქი სურმარი კი ამ „დანაკლისსაც“ ავსებს: ამ გამაგრებული „ქა-
ლაქის გარეთ მდებარეობენ შენობები, ბაზარი და სახლები“¹⁷⁰.

რასაკვირველია, შუა საუკუნეების წყაროებს, ჩვენი მიზნების შე-
საბამისად, ვერ მოვთხოვთ, ზუსტად აღწეროს ყოველი დასახლებული
პუნქტი თუ ქალაქი.

განვითარების ასეთი ტენდენციის შედეგად რაბადი ქალაქის (შაჰ-
რი-სთანი) შემადგენელ ნაწილად გადაიზრდებოდა და ხშირად მას
უერთდებოდა გალავნის შემოვლებით ისე, როგორც ეს მოხდა 1063 წ.
განძაში: „აბუ-ლ-ასვარმა ააგო ჭანზის რაბადის გარშემო მტკიცე კე-
დელი. მან დაატანა კედელს მაგარი კარიბჭეები, შემოავლო ღრმა
თხრილი ისე, რომ ჭანზა დიდად გაიზარდა“¹⁷¹. (ბაზი ჩვენია —
პ. თ.).

რაბადი შეიძლებოდა ჰქონოდა ციხესაც — განსაკუთრებით ადრეულ

¹⁶⁸ ამ დროისათვის ქალაქი მერვანიანთა ფეოდალური სამთავროს ცენტრს წარ-
მოადგენდა.

¹⁶⁹ ნასირი-ი ხოსროუ, გვ. 10.

¹⁷⁰ აკიბ ალ-დუნია, გვ. 205; ქართ. თარგმ., გვ. 30.

¹⁷¹ ბაბ ფი-ლ-შადადია, გვ. 20.

შუა საუკუნეებში. „არტანუჯის ციხე ძალიან მტკიცეა და აქვს დიდი რაბატიც და დაბა-ქალაქი“¹⁷². არტანუჯი რომ ქალაქია, ეს ამ ცნობიდანაც კარგად ჩანს. საყურადღებო აქ ის არის, რომ ბერძენი ავტორი ციხეზე ამახვილებს ყურადღებას. ივია მისთვის, X ს. იმპერატორ-მწერლისათვის საწყისი წერტილი ქალაქის აღწერის დროს.

აქ ისევ გავიხსენებთ წმინდა ნინოსა და მცხეთელი მწყემსების დი-
ალოგს. იქ აღწერილი დიდი მცხეთის ტოპოგრაფიისაგან (ქალაქი —
რაბადი — დაბა) განსხვავებით, არტანუჯს „აქვს დიდი რაბატიც და და-
ბა-ქალაქიც. ეს დღევანდელი დაბა-ქალაქი ხვალ შეიძლება ქალაქი
გახდეს. თვით არტანუჯი კი, როგორც ქალაქის ტიპი, თავის ფუნქციებს
დაქვემდებარებული, თავისი დანიშნულების აღმსრულებელი ციხე-ქა-
ლაქია; ხოლო თავრიზსა და არდებილს შორის მდებარე ნაედიზი მხო-
ლოდ ციხეა — „გამაგრებული იქ ხეობაში. ამ ხეობის შუაგულში
მწვერვალია და იგი მის წვერზეა. მას აქვს რაბადი. მე ვნახე იგი“¹⁷³. ამ
შემთხვევაში რაბადი უშუალოდ ციხესთან არის დამკვიდრებული.

ერთი საგულისხმო „ნიმუშიც“ რაბადის არსის შესასწავლად: „მარ-
დინი... ცნობილი ციხე (კაღა) ჯაჯირაში მთის წვერზე. ქვეყნად არ
არის ციხე მასზე დიდი... ციხე-ბატონობს დუნაისარზე, დარაზე და ნი-
სიბინზე. მის წინ არის დიდი რაბადი, რომელშიც არის ბაზრები, ფუნ-
დუკები და მედრესეები. სახლები აქ განლაგებული არიან კიბის მსგა-
სად — ერთი მეორეზე და ყოველი ქუჩა მდებარეობს ერთი მეორის
ზემოდ. სასმელ წყალს იღებენ მრავალრიცხოვან წყლის საცავებიდან
(ს ა ჰ ა რ ი ე), რომლებიც სახლებში აქვთ მოთავსებული. მათ ძალზე
ცოტა წყაროები აქვთ“¹⁷⁴.

იმაგე ავტორთან გვხვდება ქალაქის მოკლე, თუმცა მრავლისმეტყ-
ველი, აღწერა: „ქიში... გამაგრებული ქალაქი (მ ა დ ი ნ ა) სამარყან-
დთან; აქვს ყ უ ჰ ე ნ დ ი ზ ი და რაბადი. მისი გარშემოწერილობა სამი
ფარსანია. მისი შენობები ძალიან ლამაზია. იქ არის გამდინარე წყალი
და ბაღები“¹⁷⁵.

ორი უკანასკნელი პუნქტის ტოპოგრაფიული შედგენილობა ძალიან
წააგავს ერთმანეთს. საყურადღებო განსხვავება ის არის, რომ ბაქუჯი
პირველს რაბადს უწოდებს, მეორეს — ქალაქს. მის დროს (XIV ს. მე-
ორე ნახევარი — XV ს. დასაწყისი) კი მარდინი უკვე კარგა ხნის ქალაქი

¹⁷² კონსტანტინე პორფიროგენეტი, „გეორგია“, ტ. IV, ნაკვ. II, გვ. 278—279. საგულისხმოა ს. ყუბჩიშვილის სიტყვები: „სიტყვა *ჯაბრძილც* დამატრებულია მხოლოდ ამ ადგილას სხვაგან მთელ ბიზანტიურ მწერლობაში არსად არ გვხვდება“. შტრ. ლ. კილაშვილი, ქალაქები, II, გვ. 108.

¹⁷³ ააკუთი, გვ. 88—89.

¹⁷⁴ ბაქუჯი, გვ. 79—80 (100).

¹⁷⁵ იქვე, გვ. 97 (56).

იყო. ამჟამად, რომ ცნობა მას წინამორბედ ავტორთან აქვს დასესხებული.

დამოწმებული მასალიდან ნათლად ირკვევა ქალაქის განვითარების გზა: დედაციხე — ქალაქი — გარეუბანი (ყ უ ჰ ე ნ დ ი ზ ი — შ ა ჰ რ ი ს - თ ა ნ ი — რ ა ბ ა დ ი).

ის, რომ მემეტნიანე რომელიმე ქალაქთან არ აღნიშნავს რაბადს, ჯერ კიდევ არ ნიშნავს ამ ქალაქთან რაბადის არარსებობას. როდესაც წყარო ხაზგასმით აღნიშნავს ქალაქს გარეთ რაიმე შენობები არ არის¹⁷⁶, ამ შემთხვევაში, საკითხი გარკვეულია. მაგრამ, როდესაც, მაგალითად, ჰო დ ლ დ ა ლ-ა ლ ე მ ი ამიერკავკასიის ქალაქების აღწერის დროს არც ერთ მათგანთან არ ასახელებს რაბადს (ასახელებს საეადს — „სანახები, შემოგარენი“), ხოლო, როდესაც დაახლოებით იმავე ხანებში შექმნილი თხზულება — ასახელებს, ეს უკვე წყაროს ნაკლია და არა ამიერკავკასიის ქალაქების განუვითარებლობა.

არაბ გეოგრაფებთანგან მხოლოდ მუჟადასი ამხვილებს ამ საკითხზე ყურადღებას და ამით ერთხელ კიდევ ადასტურებს, რომ მისი „გეოგრაფია სრულიად ორიგინალურია და ნაკლებად არის დამოკიდებული წინამორბედთა თხზულებებზე“¹⁷⁷. მუჟადასის თანახმად, რაბადიანი ქალაქებია არდებილი, დვინი, მარანდი, მარაღა, ყანდარია¹⁷⁸. მათ შორის დვინი ძველრაბადიანიაო აღნიშნავს¹⁷⁹ (იხ. ზევით). ცხადია, ეს სიაც არასრულია. თუ ნაკლებად ცნობილ ყანდარიას ჰქონდა რაბადი, მით უმეტეს ექნებოდა იგი ამიერკავკასიის მსხვილ სავაჭრო-სახელოსნო ცენტრებს. ასე, ბარდავში ბაზრები გარეუბანში იყო¹⁸⁰.

რაბადის არსებობას აღრეშუასაუკუნეების დარუბანდში უარყოფს ა. კულრიავეცი, რომელიც უკანასკნელ წლებში არქეოლოგიურ გათხრებს აწარმოებს ქალაქში. ასეთი დასკვნის საფუძველს მისთვის წარმოადგენს გალავნით შემოზღუდული ქალაქის ფართობის (150 ჰექტარი) სიდიდე, რომელსაც თავისუფლად შეეძლო დაეტიაო დარუბანდის მზარდი მოსახლეობა. ეს აზრი გატარებულია ნაშრომის ორივე გამოცემაში¹⁸¹.

ჩვენ არ ვიცით X—XIII საუკუნეებში მთლიანად იყო თუ არა დასახლებული აღნიშნული ტერიტორია. ოლეარიუსის წიგნში მოთაესებული ნახატზეც იგი აუთვისებელი ჩანს; თ ა რ ი ხ ა ლ-ბ ა ბ ი კ ი გაღ-

¹⁷⁶ ნ ა ს ი რ-ი ხ ო ს რ ო უ, გვ. 18, 96.

¹⁷⁷ А. М. Беленицкий и С. С. Седук, Средневековый город, с. 137.

¹⁷⁸ მუჟადასი, СМОМПК, ტ. 38, გვ. 9—11, ВГА, ტ. III, გვ. 377. მასთან ქალაქს მოკიდებული მიდამოს, მზარის აღსანიშნავად გვხვდება აგრეთვე 'ატრჰტ.

¹⁷⁹ იქვე, გვ. 377.

¹⁸⁰ ისტახარი, СМОМПК, ტ. 29, გვ. 9.

¹⁸¹ А. Кудрявцев, Город, с. 130; მისივე, Древний Дербент, с. 120.

მოგვეცემს: „456 წლის შაბანს (1064 წლის იელისი) რაისებმა გაგზავნეს თავიანთი მონა-მსახურები (ლუღამ), რომლებმაც გაიტაცეს დარუბანდის ხალხის (აჰლ) საქონელი (მაჯაშე)“¹⁸² და დროგამოშვებით თავს ესხმოდნენ ქალაქის რაბადს“¹⁸³.

ჩვენი აზრით, ეს ამბავი დარუბანდის გალავანს შიგნით მცხოვრებ მოსახლეობას არ უნდა ეხებოდეს. გარდა ამისა, ყურადღებას იპყრობს ფეოდალური ქალაქის დამახასიათებელი სურათი — ქალაქი (შაჰარისთან) ჩაგრავს და აწიოკებს რაბადს, დარუბანდის გალავანს-გარეთ აღმოცენებულ დასახლებას. ასეთი ვითარებაც აპირობებდა X—XI სს. დარუბანდის იმ რთულ საქალაქო ცხოვრებას და აშკარა, მწვავე სამოქალაქო ბრძოლას, თარიხ აღ-ბაბი რომ მოგვეთხრობს.

რაბადის წარმოქმნა-განვითარება ასახავს ფეოდალური საზოგადოების წიაღში მიმდინარე ცვლილებებს, მისი განვითარების ერთ-ერთ გზას. აქ „გადმოიღვრება“ შიდაქალაქის (შაჰარისთანის) გალავნიდან, პირველ რიგში, „ქარბი“ მწარმოებელი მოსახლეობა. აქვე იყრის თავს სოფლიდან დამრული დეკლასირებული ფენები თუ საშოვარზე გასული მუშახელი, სოფლის მეურნეობას გამოყოფილი თავისუფალი თუ ფეოდალური ექსპლოატაციის უღელს გაქცეული ხელოსანი. ქალაქის გარეუბნის (რაბადის) „გაქალაქება“ იწვევდა ქალაქის სოციალურ-ეკონომიკური წყობის ცვლას, მის წიაღში ახალი საზოგადოებრივი ურთიერთობების ჩასახვა-განვითარებას. აღვილი შესამჩნევია ამ პროცესების მიზეზ-შედეგობრივი კავშირი.



შიდაქალაქის (შაჰარისთანის) გარეუბანში (რაბადში) საქალაქო ცხოვრების გადანაცვლება-განვითარებას, საქალაქო მეურნეობის გაცხოველებას მოწმობს აქ სხვადასხვა დანიშნულების შენობათა აგება და მათი რიცხვის ზრდა. მათ შორის, პირველ რიგში, აღსანიშნავია საკულტო შენობანი. თავისთავად ასეთი დანიშნულების ნაგებობათა ქალაქგარეთ აგება ახალი მოვლენა არ იყო და მას ამიერკავკასიაშიც ღრმა ფესვები ჰქონდა¹⁸⁴.

¹⁸² შარ. მწყემსები მცხეთის რაბადიდან (იხ. ზემოთ, გვ. 40-41).

¹⁸³ თარიხ აღ-ბაბ, § 40, გვ. 74. შევნიშნავთ, რომ დედანში „რაბადი“ მხოლოდობით რიცხვშია, ისევე, როგორც წყაროს ინგლისურ თარგმანში („Suburb“) — V. Minorsky, A history of Sharvān and Darband in 10th—11th centuries, Cambridge, (1958), p. 51; რუს. თარგმანში კი — მრავლობითი: «предместья».

¹⁸⁴ К. В. Тревер, Очерки по истории культуры древней Армении (II в. до н. э. — IV в. н. э.), М.-Л., 1953, с. 111—112.

„ბარდავი მთავარი ქალაქია (კასაბა), დიდი, ოთხკუთხა (მურაბბა) მდებარეობს დაბლობზე, მას აქვს დიდი ციხე (პისნ), მისი ბაზრები (ასვკ) გადახურულია, ბაზრის უკან საკრებულო მეჩეთია...“¹⁸⁵. ისტახრის ცნობით, ბარდავის საკრებულო მეჩეთი მმართველის სასახლის გვერდით არის ქალაქში, ხოლო ბაზრები — გარეუბანში¹⁸⁶. ამ ორი ცნობის ურთიერთშეჯერებით ირკვევა, რომ საკრებულო მეჩეთი იდგა ქალაქშიც და გარეუბანშიც.

მუკადასი მნიშვნელოვან ცნობებს გვაწვდის. იმ ქალაქებს შორის, რომლებშიც მეჩეთია მოხსენიებული — ასეთი სულ თექვსმეტია — მხოლოდ ოთხში (დვინი, თავრიზი, ნავარინი, ყანდარია) არ არის დასახელებული მეჩეთი ბაზართან ან მის სიახლოვეს, დანარჩენ ქალაქებში საკრებულო მეჩეთი მდებარეობს ბაზრის მოედანზე, მის უკან ან გვერდით. ვარსანში, მაგალითად, „ბაზრის უკან მდინარეა და საკრებულო მეჩეთი“; ურმიაში კი — „აბრეშუმით მოვაკრეთა, ბაზაზების, (რიგებს) შორის“; ყაბალაში, „გამაგრებულ ქალაქში“, საკრებულო მეჩეთი „მოშორებით, მთაზე“ იდგა¹⁸⁷. დარუბანდში — ბაზრების შუაში (ვასტა-ლ-ასვკ)¹⁸⁸. ერთ-ერთი შუთის დროს კი დარუბანდის საკრებულო მეჩეთი აჯანყებულთა თავშეყრის ადგილად იქცა¹⁸⁹.

ქალაქის გალავანსგარეთ საკულტო ნაგებობათა მშენებლობა განსაკუთრებით ახალი სარწმუნოების გავრცელება-დამკვიდრების პირველ ხანებში მიმდინარეობს. ამავე მიზეზით, ფიქრობთ, ვერ აიხსნება მოგვიანებით საკულტო ნაგებობის ქალაქიდან გარეუბანში „გასვლა“. ამ პროცესს შაჰრისთანის (შიდა ქალაქის) ზრდა, მისი გარეუბნების „გაქალაქება“ და აქ იდეოლოგიური დასაყრდენის. იდეოლოგიური პროპაგანდის მოთხოვნილებაც იწვევდა.

მცხეთაში „წარემართა მეფე და ყოველი ქალაქი მტკიცედ ქრისტიანობასა. იწყეს ხუროთა შენებად ეკლესიისა გარეგნივ ზღუდესა, მაყუალთა მათ ზედა, საყოფელსა წმიდისა ნინოსსა, სადა აწ არს ეკლესია საეპისკოპოსო“¹⁹⁰. მუჰამედმაც თავისი პირველი მეჩეთი ზომ ქ. მადინას გარეთ ააგო.

საგულისხმოა ჭუნაშერის ცნობა: და რქუა მეფემან (ვახტანგ გორგასალმა კათალიკოსს. — პ. თ.): „დადგე ეკლესიასა შინა რაჟდენ წმი-

¹⁸⁵ მუკადასი, BGA, ტ. III, გვ. 375; СМОМПК, т. 38, с. 7.

¹⁸⁶ ისტახარი, СМОМПК, ტ. 29, გვ. 9.

¹⁸⁷ მუკადასი, BGA, ტ. III, გვ. 375—377, СМОМПК, ტ. 38, გვ. 7—10.

¹⁸⁸ იქვე, BGA, ტ. III, გვ. 377. შტრ. В. В. Бартольд, Дербент, გვ. 423: „...В середине базарных площадей“. ნ. კარაულოვი СМОМПК-ის დამოწმებულ გვერდებზე სუკას თარგმნის როგორც «рынок» და «площадь».

¹⁸⁹ თარის აღ-ბაბ, გვ. 68.

¹⁹⁰ ლეონტი მროველი, გვ. 118.

ღისასა, რომელი რაბატსა შინა უჯარმოსასა აღმიშენებეს¹⁹¹ (ხაზი ჩვენია — პ. თ.).

997 წ. ზამთარში დავით კურაპალატის ლაშქარმა „თავლად და სადგომად აქცია ზღათის ვალავანს გარეთ მდებარე სომხური ეკლესია და არქიელის სასახლე — ადგილები, საითაც კეთილდღეობის ეამს სომხები სალოცავად მიეშურებოდნენ“¹⁹².

XIII საუკუნეშიც დმანისის ამირას „ჯუარი აღუმართავს არა დმანისის სიონში, არამედ მის გარეუბანში, ქალაქიდან რამდენიმე კილომეტრზე. მცირე ეკლესიაში“¹⁹³.

ანისში, ახალი ქალაქის კედლებს გარეთ, არქეოლოგიურად დადასტურებულია ორი ეკლესია (სულხან-საბა: „მცირე სამწირვლო“), და სამი პატარა ეკლესია; მათ შორის — ეგრეთ წოდებული „გამოქვაბულების ანისის“ ეკლესიები, რომლებიც, „სავარაუდოა, გამოქვაბულების მოსახლეობას ემსახურებოდნენ“¹⁹⁴. აღსანიშნავია ისიც, რომ ეს გამოქვაბულები მდიდარ ანელთა (მათ შორის ტიგრან ჰონენცის) სამარხებადაც არიან გამოყენებული¹⁹⁵. ყველაფერი ეს, ვიმეორებთ, აშოტისა და სუმბატის კედლებს შორის მოთავსებულ ახალი ანისის ვალავანსგარეთ მდებარეობდა.

საერთოდ ანისი, არსებული ცნობების თანახმად, ეკლესიების სიპრავლით გამოირჩეოდა. „დიდ ქალაქ“ ანისში... „მოდღესამდე არს ათას და ერთი ეკლესია“¹⁹⁶. ზუსტად ამავე რაოდენობას აღნიშნავს მათეოს ურჰაეცი. თვითმხილველნიც ანისში ათას ეკლესიას ასახელებენ, ხოლო იბნ ალ-ასირი — ხუთასს¹⁹⁷.

1255 წ. თებერვალში ანისში მყოფი რუბრუკვისი წერდა, რომ მდებარეობით ძლიერ გამაგრებულ ქალაქში ათასი სომხური ეკლესია არისო; ხოლო ნახჭევანში „ადრე 800 ეკლესია იყო, ახლა კი მხოლოდ ორი პატარა ეკლესიაა, დანარჩენი დაანგრის სარაკინებმა“¹⁹⁸.

აღნიშნული რიცხვები შეიძლება გაზვიადებულად მივიჩნიოთ, მაგრამ ანისის გათხრებმა გამოავლინეს დედაციხეში ოთხი ეკლესია, ძველ ქალაქში — ხუთი, ახალში — ოცდაოთხი¹⁹⁹.

¹⁹¹ ქუანშვილი, გვ. 201, იხ. ყ. გაბაშვილი, საქართველოს ქალაქების ისტორიიდან (არტანუჯი და უჯარმა), სიამ, I, გვ. 16.

¹⁹² ასოლიკა, გვ. 192—193.

¹⁹³ ე. ჯაფარიძე, შუა საუკუნეების ერთი ისტორიულ არქეოლოგიური ძეგლი ნაქალაქარ დმანისის გარეუბანში (საყდრისქედის ეკლესია), ფსაძ, II, გვ. 161.

¹⁹⁴ И. Орбели, Кр. путеводитель, с. 36—37 და 1.

¹⁹⁵ იქვე, გვ. 36—38.

¹⁹⁶ ისტორიანი და აზმანი, გვ. 36—38.

¹⁹⁷ იხ. ჰუსაინი, მთარგმნელის შენიშვნა 4, გვ. 190—191.

¹⁹⁸ რუბრუკვისი. გვ. 191, 188.

¹⁹⁹ И. Орбели, დასახ. ნაშრ., გვ. I—III.

რაზე მიგვანიშნებს ყველა ეს ცნობა? პირველ რიგში, ანისის სასულიერო წოდების ეკონომიკურ მორკმულობაზე და შემდეგ — მის პოლიტიკურ გავლენაზე, რამაც მკვეთრად იჩინა კიდეც თავი ქალაქის ცხოვრებაში.

ამიერკავკასიის ქალაქებში საკულტო ნაგებობათა შესწავლის თვალსაზრისით საყურადღებოა, რომ ამოტის კედლების ყოველ კოშკში მოწყობილი ყოფილა პატარა ეკლესია. სომეხი მემატრიანეს ეს ცნობა²⁰⁰ დადასტურდა გათხრების დროს²⁰¹.

მსგავსი ვითარება გვაქვს დარუბანდშიც. ამ ქალაქის გალავნის მრავალრიცხოვან ბურჯებში მოთავსებული იყო მეჩეთები და საგუშაგოები²⁰². ღარნატი უფრო დაწვრილებით გადმოგვცემს: დარუბანდს „აქვს მრავალი კოშკი, ყოველ კოშკში მეჩეთია და სახლები მეომრებისთვის და ზემოთა სათავსოები²⁰³. ურწმუნოთა ქვეყნისკენ (აღმართულ) კედელზე არიან გუშაგები ზანზალაკებით... ამ კოშკებზე დღე და ღამე არიან გუშაგები, რომლებიც ხშირად იცელებიან“²⁰⁴. სხვა ცნობა კიდე უფრო აზუსტებს ბურჯებში მოთავსებულ მეჩეთების დანიშნულებას: ქალაქს მრავალი ბურჯი აქვს. თითოეულ ბურჯში არის მეჩეთი ღვთის მეტყველების შემსწავლელთათვის და თეოლოგებისათვის. კედელზე არიან გუშაგები, რომლებიც იცავენ მტრისგან ნაგებობას“²⁰⁵.

ღვინის საკრებულო მეჩეთს ციხე-სიმაგრის დანიშნულებაც კჷონდა: „ამჟამად²⁰⁶ მცხოვრებლებმა ააგეს ქალაქის ცენტრში საკრებულო მეჩეთი, შემოავლეს მას აგურის კედელი; მეჩეთის ირგვლივ თხრილია და წყარო. მასში ისინი აფარებენ თავს კურჯების²⁰⁷ ლაშქრის მოულოდნელი თავდასხმის დროს“²⁰⁸.

²⁰⁰ ვარდანი, გვ. 114.

²⁰¹ И. Орбели, *დასახ. ნაშრ.*, გვ. 4.

²⁰² მუკადასი, BGA; III, გვ. 376. ე. ბარტოლდი (Сочин. ტ. III, გვ. 422) თარგმნის: «...стены были снабжены сашнями, в которых были устрены мечети и сторожевые посты (масджид ва хуррас)». ნ. კარაულოვი (СМОНПК, ტ. 38, გვ. 9): «...а на стене башни, в городе мечети; охраняют его часовые».

²⁰³ რუსულ თარგმანში: (იხ. ქვემოთ, შ. 204): «...верхние помещения».

²⁰⁴ ღარნატი (რუს. თარგმ.) [Путешествие Абу Хамида ал-Гарнати в Восточную и Центральную Европу (1131—1115 гг.). Публ. О. Г. Большакова и А. Л. Монгайт, М., 1971], გვ. 24.

²⁰⁵ ზაქარია ალ-ყაზვინი, გვ. 10.

²⁰⁶ ავტორი 977—978 წწ. წერდა.

²⁰⁷ მთარგმნელი შენიშვნაში (შ. 22, გვ. 120) წერს: «Курдж или куридж, по-видимому искаженное грузины». ტექსტში კი არის (შეცდომა?) «...курдами». ამიერკავკასიაში ქურთები X საუკუნეში მნიშვნელოვან ძალას წარმოადგენდნენ. ამ საუკუნის შუა წლებში ქურთი შაჰადიანები დვინსაც ფლობდნენ. ასე რომ, აღნიშნულ პასაჟში „ქურთები“ უფრო გამართლებულია.

²⁰⁸ იბნე კაუკალი, СМОНПК, ტ. 38, გვ. 85.

ამიერკავკასიის გეოგრაფიული მდებარეობა, ეთნიკური, პოლიტიკური და რელიგიური ვითარება ქალაქის გარეგან სახეში იმით იჩენდა თავს, რომ აქაურ ქალაქებში ერთმანეთის გვერდით არსებობდნენ სხვადასხვა სარწმუნოების საკულტო ნაგებობანი.

რუმბუკვისი დამოწმებულ ცნობაში ათას სომხურ ეკლესიას ორ „სარაციონთა სინაგოგასაც“ უმატებს²⁰⁹. მანუჩის მეჩეთი ანისის საუკეთესო ნაგებობათაგანი იყო. მისი ქვედა ნაწილი აგებულია X ს. დასასრულს. როგორც აღნიშნავენ. ეს შენობა მკვიდროდ იყო დაკავშირებული ამოტის კედლებთან და მის ქვემოთ მდებარე, ახურიანზე გადებულ ხიდთან და საბაჟო ან საგუშაგო უნდა ყოფილიყო; XII საუკუნეში ძველი კოშკის ადგილზე რვაწახნაგოვანი მინარეთი ააშენეს და მთელი შენობა მეჩეთად გადააკეთეს. მასზე იყო წარწერები არაბულ, სპარსულ, სომხურ და ქართულ ენებზე. XX ს. დასაწყისში მეჩეთი ჯერ კიდევ არსებობდა²¹⁰.

XI ს. მეორე ნახევრიდან ანისში დროგამოშვებით ძალაუფლება მუსლიმან შადადიანთა ხელში იყო²¹¹. სწორედ მათი მფლობელობის დროს იწყება ქალაქში ისლამის საკულტო ნაგებობათა მშენებლობა, ხდება ქრისტიანული ტაძრის მუსლიმანურად გადაკეთება²¹². ანისში ცნობილი იყო მეორე, აბუ-ლ-მა'მრანის მეჩეთიც, რომლის 90 საფეხურის ავლით გასული საუკუნის 80-იან წლებში შეიძლება ასევე შენობის წვერზე მოთავსებულ ოთახში. მასაც სპარსული და სომხური წარწერები ამკობდა²¹³.

ანისში დადასტურებულია ქართული ორსართულიანი ეკლესიაც. მის გარეთა კედელზე მოთავსებულ წარწერათაგან ერთ-ერთი, 1218 წ. დათარიღებული, ყურადღებას იპყრობს იმით, რომ მას სომხურ ენაზე ამტკიცებენ ანისის არქიეპისკოპოსი და ქალაქის ამირა. თვით წარწერა წარმოადგენს ანისში ქართული ეკლესიების საკურთხეველად ჩასული საქართველოს კათალიკოსის ეპიტანეს მიმართვას ანისის ქართველი მოსახლეობისადმი²¹⁴.

ანისის საქალაქო ცხოვრების შინაარსის გასათვალისწინებლად ასევე საყურადღებოა „ნახევრადქართული, ნახევრადსომხური, საერთოდ ქალკედონურ-მართლმადიდებლური, გრიგოლ განმანათლებლის ეკლესია“, ტიგრან ჰონენცის აგებული 1215 წ.²¹⁵.

²⁰⁹ რუმბუკვისი, გვ. 191.

²¹⁰ И. Орбели, Кр. путеводитель, с. 5—7; Н. Марр, Ани, с. 78.

²¹¹ იხ. პ. თოფური, აღმოსავლეთ ამიერკავკასიის... გვ. 91—107.

²¹² Н. Марр, Ани, с. 32.

²¹³ И. Орбели, დასახ. ნაშრ., გვ. 23.

²¹⁴ Н. Марр, Ани, с. 85.

²¹⁵ იქვე.

დვინში კი, როგორც აღვნიშნეთ, საკრებულო მეჩეთი ეკლესიის გვერდით იდგა²¹⁶.

ეთნიკურ-სარწმუნოებრივი სიჭრელე ქალაქში ხელსაყრელ ნიადაგს ქმნიდა უცხო პოლიტიკური ძალის დამკვიდრებისა და გაძლიერებისათვის. გამარჯვების შემთხვევაში ეს ძალა, რაღა თქმა უნდა, თავის პოლიტიკას ატარებდა.

არაბთა ხანგრძლივმა ბატონობამ თბილისში ხელსაყრელი პირობები შექმნა ასეთი პროცესების განვითარებისათვის; არც შემდგომ ისტორიას გამოუცლია მათთვის ნიადაგი.

თბილისში „არის ქრისტიანული ეკლესია. იგი მათთვის იგივეა, რაც ქაბა მუსლიმთათვის. სულთანმა (აღლ არსლანმა) დაიპყრო ეს ქალაქი და ააგო იქ საკრებულო მეჩეთი“²¹⁷. ქართველთა მთავარ ქალაქს არც მანამდე აკლდა და არც შემდგომ დაჰკლებია ამ სახის ნაგებობანი. წყაროები აქ მეჩეთს მრავლობით რიცხვში ასახელებენ²¹⁸.

აღლ არსლანი ქრისტიანობის საწინააღმდეგო პოლიტიკას სხვაგანაც ატარებდა.

ქრისტიანული ეკლესია ამ დროს ჯერ კიდევ ინარჩუნებს პოზიციებს აღმოსავლეთ, „მუსლიმანურ“ ამიერკავკასიაში. მარაღში IX ს. პირველ ნახევარში მოქმედებდა იაკობინელთა ეკლესია, ხოლო XIII ს. 60-იან წლებში — ნესტორიანული მონასტერი, რომელიც, როგორც ვარაუდობენ, XII—XIII სს. მიჯნაზე იყო აშენებული²¹⁹.

XIII ს. თავრიზში მოქმედებდა იაკობინელთა ეკლესია და მოღვაწეობდა თავრიზის ეპისკოპოსი († 1277 წ.)²²⁰, ეს უკვე სხვა დროის ვითარებაა, მაგრამ მისი ფესვები წინარე ხანაში უნდა ვეძებოთ.

გარდა აღნიშნულისა, ამიერკავკასიის ქალაქების და მათი შემოგარენის გარეგან სახეს ქმნიდნენ რელიგიური დანიშნულების სხვა შენობები და დაწესებულებანი (მონასტერი, ხანაგა, მედრესე, მინბარი, მავზოლეუმი, სასაფლაო). ისინი თავიანთ მკვეთრ დაღს ასვამდნენ საქალაქო ცხოვრებას.

თხზულებებში შემონახულია ცნობები ცეცხლთაყვანისმცემელთა ტაძრების შესახებაც. მარაღსა და ზენჯანს შორის მდებარე შიზში არის „ცეცხლის სახლი“ (ბ ა მ თ ნ ო რ) თავისი მომსახურე პერსონა-

²¹⁶ ისტახარი, СМОНПК, ტ. 29, გვ. 9; შუქადასი ВГА, ტ. III, გვ. 377, СМОНПК, ტ. 38, გვ. 10.

²¹⁷ კუსაინი, გვ. 55.

²¹⁸ იბნ ჰაუკალა, იქვე, გვ. 87; ე. სიხარულიძე, დასახ. ნაშრ., გვ. 35.

²¹⁹ ბარ-პებრაი (Р. Гусейнов, Сирийские источники XII — XIII вв. об Азербайджане, Баку, 1960), გვ. 87.

²²⁰ იქვე, გვ. 88.

ლით (ა ლ-მ ა ჯ უ ს). მისგან „მაჯუსების ცეცხლი ინთება აღმოსავლეთიდან დასავლეთამდე“. ირკვევა, რომ ეს ცეცხლი 700 წელიწადს ყოფილა ანთებული — ესე იგი, ტაძარი მოქმედებდა²²¹. მარალასაგან ექვსი ფარსანით დაშორებულ პატარა ქალაქ ქაზნაში „არის მაჯუსების თაყვანისცემის ადგილი (მ ა ბ ა დ უ-ლ-მ ა ჯ უ ს)“ და „ცეცხლის სახლი (ბ ა მ თ ნ ა რ)... ააშენა იგი ქაბხუსრუ მეფემ“²²².

ბაქოს მიდამოებში წყაროებში მოხსენიებული ცეცხლის რაიმე კავშირს ზოროასტრიულ რელიგიასთან და აქ ცეცხლთაყვანისმცემელთა ტაძრის არსებობის ვარაუდს, როგორც უსაფუძვლოს, გამოირიცხავდა ვ. ბარტოლდი²²³, ს. აშურბეილი კი პირიქით — სარწმუნოდ თვლის²²⁴; ხოლო სურახანაში 1810 წ. აგებულ ცეცხლთაყვანისმცემელთა ტაძარს (ა თ ე შ გ ა ჰ) და მონასტერს (ა თ ე შ ქ ე დ ე)²²⁵ ძველად აქვე არსებულ ასეთივე ტაძრის ადგილზე აგებულად მიიჩნევს²²⁶. აღსანიშნავია, რომ, ვ. სისოევის თანახმად, XVII ს. მოგზაურები არ მოიხსენიებენ კომპლექსს. მხოლოდ ჰანეიმ ინახულა 1746 წ. და აღწერა იგი²²⁷.



თუ კულტი და მისი ნაგებობანი იდეოლოგიის დასაყრდენს წარმოადგენდა, ქალაქში ეკონომიკური ურთიერთობების განხორციელების ერთ-ერთ საშუალებას ბაზარი წარმოადგენდა. ხოლო, თუ რა წილი მიუძღოდა მას ამ ურთიერთობაში, ამას უკვე ქალაქის სოციალურ-ეკონომიკური განვითარების დონე განსაზღვრავდა; ამავე დროს, ბაზარი იყო აღმოსავლური ქალაქის უაღრესად კოლორიტული და საკუთარ ცხოვრების მქონე ნაწილი.

ბაზარი მხოლოდ სავაჭრო-ეკონომიკური ურთიერთობის ადგილს არ წარმოადგენდა. ქვეყნის შიგნით ეკონომიკური ურთიერთობების განმტკიცების, სხვადასხვა კუთხეების ურთიერთთან მჭიდროდ დაკავში-

²²¹ ზ ა ქ ა რ ი ა ა ლ-ყ ა ზ ვ რ ნ ი, გვ. 32. ამ ქალაქში ცეცხლის ტაძარს ასახელებენ იბნ ზორადდებში (СМОМПК, ტ. 32, გვ. 7) და აჯაბ ალ-დუნია, გვ. 207; ქართ. თარგმ., გვ. 32.

²²² ა ა კ ე თ ი, გვ. 80.

²²³ В. В. Бартольд, Место прикаспийских областей в истории мусульманского мира. Сочин., т. II, ч. I, М., 1963, с. 671.

²²⁴ С. Ашурбейли, Очерк, с. 45.

²²⁵ В. М. Сысоев, Кр. путеводитель, с. 16—19; იქვეა ამ კომპლექსის აღწერა. არცხ თ:ჟოს აქ ლი მასალა: ვარაუდობენ, რომ შაბრანში აღმოჩენილი თილი ჰქვას და გამოშვება აფრასაგან ნაშენი დროს ნაგებობა XVI ს. ცეცხლთაყვანისმცემელთა ტაძრის ნაშენი უნდა იყოს.— АО—1981, გვ. 419.

²²⁶ С. Ашурбейли, Очерк, с. 45.

²²⁷ В. М. Сысоев, დასახ. ნაშრ., გვ. 18.

რების, საერთაშორისო კულტურული მონაპოვარის გაცვლა-ათვისების, და ბოლოს, ამა თუ იმ ხალხის ვერად ჩამოყალიბების თვალსაზრისით შუა საუკუნეებში ბაზარს, და განსაკუთრებით ბაზრობებს, უაღრესად დიდი მნიშვნელობა ჰქონდა.

„ბაზარი“-ს ეტიმოლოგიას ამჟამად გამოწვლილვით არ განვიხილავთ²²⁸. თუ ის, მართლაც, „საქმე კარებთან“-ს აღნიშნავს²²⁹, ეს უკვე თავისთავად მიგვანიშნებს მაღალი სოციალური ფენის წარმომადგენელთა საცხოვრებელი ციხესიმაგრის თუ სხვა შენობა-დაწესებულებების გალავანთან ან მის სიახლოვეს სავაჭრო-სახელოსნო საქმიანობის, ურთიერთობის დასახლების — მომავალი რაბადის — ჩასახვა-განვითარებაზე ჭერ კიდევ უძველეს დროში²³⁰.

ამიერკავკასიის ქალაქებშიც ბაზრის შესწავლა საგულისხმო დასკვნებს გვაძლევს. ყურადღებას იპყრობს ის, რომ ბაზარი და მეჩეთი თითქმის განუყრელი წყვილია, ასეა ქალაქთა აღწერილობის ჩვენთვის ცნობილ უმრავლეს შემთხვევაში (იხ. ზემოთ, მეჩეთთან დაკავშირებით).

არაბ ავტორთა ინტერესს იწვევდა ბარდავის რაბადში მდებარე ბაზარი²³¹. ვარსანში არსებობდა საგანგებო უბანი ბაზრებისათვის²³².

მოგვეპოვება რამდენიმე ცნობა ბაზრის აღნაგობის შესახებ. ბაზარი რომ გარკვეულ ნაგებობათა კომპლექსს წარმოადგენდა, ჩანს შემდეგი ცნობიდანაც: „უჯანი... პატარა ქალაქი აზერბაიჯანში... მას აქვს კედელი. არის იქ ბაზარი (სუკ), მხოლოდ (ამჟამად) მეტწილად დანგრეულია“²³³. სახელდობრ, თუ როგორი გარეგნული სახე ჰქონდა ბაზარს ამიერკავკასიის ზოგიერთ ქალაქში, შეიძლება წარმოვიდგინოთ შემდეგი ცნობებით: დვინის და არდებილის ბაზრები ჭვარედინი ფორმის იყო²³⁴, ხოლო ბარდავის — გადანურული²³⁵. გარდა ამისა, ბაზრები

²²⁸ იხ. ვ. გაბაშვილი, ბაზარი შუა საუკუნეების საქართველოში, სიამ, I. გვ. 22—28; მ. ნედო სპასოვა, უცხო წარმოშობის ლექსიკა არაბულ ოთხთავში, თბ., 1978, გვ. 41; Ф. И. Тер-Мартirosов, Фляги как торговая тара, «Иррене», II, с. 414; ნ. აღონცის აზრი.

²²⁹ Н. Я. Марр, Надпись Русы II из Маку, ЗВОРАО, т. 25, вып. 1—4, с. 13.

²³⁰ შტრ. В. В. Бартольд, Персидская шу'убия и современная наука, Сочин., т. VII, с. 363: «В сасанидских городах базарная площадь большей частью находилась за пределами городских стен».

²³¹ იბნ კაუკალი, იქვე, გვ. 87.

²³² იქვე, გვ. 101.

²³³ ააკუთი, გვ. 3.

²³⁴ მუკადასი, ВГА, ტ. III, გვ. 377.

²³⁵ იქვე, გვ. 375.

იყო თავრიზში — „უზარმაზარი“, სერატში — „ლამაზი“, არზანში — „კარგი“, უშნუში — „გაცხოველებული“.

ბარდავში ბევრი ბაზარიათ, აღნიშნავენ წყაროები და საგანგებოდ აღწერენ ერთ მთვანს, „ქუთრების კართან“ მდებარე „ალ-ქურქის“ საკვირაო ბაზარს (ს უ ქ ე). „მისი ფართობი არის ფარსახი ფარსახზე“, ხოლო საკუთრივ ბარდავის — „ფარსახზე მეტია სიგრძე-სიგანეში“²³⁶. ვირწმუნოთ, რომ ეს ბაზარი თითქმის ქალაქს უტოლდებოდა სიდიდით? როგორი აღნაგობისა იყო იგი, სავაჭრო ნაგებობებით გამართული თუ ბაზრობისათვის მიჩნეულ „ტრიალ მინდორს“ წარმოადგენდა, რომელიც ბაზრობის, ამ შემთხვევაში, კვირა ღლეს გამოცოცხლდებოდა? როგორც ჩანს, ბარდავის საკვირაო ბაზარი (ბაზრობა) ორივე ამ მნიშვნელობას აერთიანებდა; თავისთავად ტერმინიც (ს უ ქ ე) ხომ ასეთ შინაარსს მოიცავს²³⁷.

ასეთი ბაზრობის არსებობა საყურადღებო ფაქტია X საუკუნის ბარდავის სიდიდისა და აქ მიმდინარე სავაჭრო-ეკონომიკურ ურთიერთობათა მოცულობის გასათვალისწინებლად.

ისტახრისთან დამოწმებულ (იაკუთიც იმეორებს) ბარდავის ბაზრობის სახელწოდების ახსნაში (კვირა ღლე მსგეფსში) აშკარად გამოსკვივის ქრისტიანულ სამყაროსთან კავშირი²³⁸. ამ თვალსაზრისით საგულისხმოა, რომ თიანეთთან, ნაქალაქარ არტანის მიდამოებში არსებულ ადგილსაც „კვირაობა“ ეწოდება²³⁹.

ზემოთ ნახსენები იყო დარუბანდის „შუა კედელი“. იგი ამჯერადაც იპყრობს ყურადღებას შემდეგ კონტექსტში: 1072 წ. თურქმა სარდალმა „დაანგრია შუა (განივი) კედელი დარუბანდის ხალხის ბაზართან“²⁴⁰. აღსანიშნავია, რომ ვ. მინორსკის ეეჭვება ტექსტის ასეთი გაგება²⁴¹. აქ უპრიანია გავცხსენოთ, რომ დარუბანდის საკრებულო მეჩეთიც ხომ ქალაქის „ბაზრების მოედნების შუაში“ იდგა. ასე რომ, გამორიცხული არ არის, ეს კედელი, რომელსაც, როგორც აღვნიშნეთ, გარკვეული „სოციალური დატვირთვა“ ჰქონდა, ქალაქის სწორედ ამ რაიონში, ბაზრებსა და ციტადელს შორის ყოფილიყო აგებული ქალაქის „ბრბოსაგან“ თავდასაცავად.

სავაჭრო-სახელოსნო რიგები, სხვადასხვა საეაჭრო დაწესებულება-

²³⁶ ისტახრი, СМОМПК, ტ. 29, გვ. 8—9, აკუთი, გვ. 31—32.

²³⁷ იხ. E. W. Lane, დასახ. ნაშრ., «سوق».

²³⁸ შლრ. D. M. Dunlop, Bardha'a, EI, ტ. I, გვ. 1041.

²³⁹ ლ. კილაშვილი, ქალაქები, I, გვ. 57—58.

²⁴⁰ თარხ ალ-ბაბ, § 25, გვ. 62.

²⁴¹ В. Ф. Минорский, История, გვ. 62, შ. 45: «...из него выходило бы, что стена... стояла около рыночной площади». შლრ. V. Minorsky, A history, გვ. 40, შ. 1: «... I am not sure that the wall... stood near the market place».

ნი აღმოსავლური ქალაქის ძირითადი დამახასიათებელი ნიშანი იყო. ისინი მკვიდროდ უკავშირდებოდნენ ბაზარს, მის განუყოფელ ნაწილს შეადგენდნენ, სავაჭრო-საფინანსო ურთიერთობების მთავარ ადგილს წარმოადგენდნენ.

სავაჭრო-სახელოსნო სახლები თავიანთი განლაგებით კმნიდნენ განსაკუთრებულ რიგებს, ქუჩებს, რომლებიც სახელს დარჯობრივი წარმოების, ოპერაციების მიხედვით იძენდნენ.

ქართულში ქუჩის მნიშვნელობით „შუკა“-ც იხმარებოდა: „წარმოდგეს ბანსა ზედა და შუკათა შინა ისრის მსროლელნი და ქვის მსროლელნი“²⁴². „შუკა“-ს არაბულ „სუკ“-თანაც აიგივებენ²⁴³. ვ. გაბაშვილის აზრით, „XI—XII სს. საქართველოში ბაზრის აღსანიშნავად იხმარებოდა სპარს. „ბაზარი“ და არაბ. „შუკა“²⁴⁴.

მნიშვნელობა აქვს გაირკვეს ქართული „შუკა“ სავსებით გაემიჯნა „ფოლოც“ („ქუჩას“), თუ ამ უკანასკნელთა შინაარსსაც ინარჩუნებს.

სოციალური ტოპოგრაფიის თვალსაზრისით საყურადღებოა, რომ ანისში „მთავარ ქუჩაზე“ (ბ უ ნ ფ ო ლ ო ც ი ნ) მდებარეობდნენ ქულბაგები (კ ო ლ ბ ა კ). გარდა ამისა, ისინი მდებარეობდნენ მჭედელთა და სარიჭის ქუჩებზე, ვასილის ბაზრის და გოგონცის ეკლესიის პირდაპირ, ტიგრანის კარიბჭესთან²⁴⁵.

ქულბაგების განლაგება ანისში გვიჩვენებს, რომ ისინი მთელ ქალაქში არიან მოფენილი. არსებობს წინარე ხანის ცნობა, რომ მათ ქალაქის შუაში, ამაღლებულ ადგილზე, აშენებდნენ²⁴⁶. სომხური ეპიგრაფიკაც საკმაოდ ხშირად ასახელებს მათ სახლებთან (ტ უ ნ) ერთად. ასევე ხშირად ქულბაგებს სწირავენ ეკლესიებსა და მონასტრებს; IX საუკუნეში ერთ-ერთი თავადი თავის აშენებულ ტაძარს სწირავს ანისში მდებარე ხუთ ქულბაგს²⁴⁷.

ირკვევა, რომ ქულბაგები მრავალგვარი დანიშნულებისა იყვნენ. სუმბატ მეორეს (977—990) ანისში აქვს ქულბაგი, რომელშიც „წლე-

²⁴² ისტორიანი და აზმანი, გვ. 59. «შუკი: შუკთა შინა („ქუჩებშია)», მ. ცხ., II (ს. ყ ა უ ხ ჩ ი შ ე ი ლ ი ს) ლექსიკონი, გვ. 619.

²⁴³ „გეოგნოსტიკოსანი“, 478: „ჩემთა მკვერტელთა მოვეცა ქალაქი, შუკა და ბანი“; 1460: „მოატყდეს მოქალაქენი, დააგდას მუნ ბაზარია“, და უშუალოდ ამას მოსდევს 1461: „შუკათა მოდგეს ვაკარნი, ყოვლგნით მკვერტელთა ჯარია“. ა. შ ა ნ ი ძ ე, იქვე, ლექსიკონში: „შუკა — საბაზრო მოედანი“.

²⁴⁴ ვ. გაბაშვილი, ბაზარი შუა საუკუნეების საქართველოში, სიბჭ, I, გვ. 23.

²⁴⁵ АНКА, გვ. 39, 53—54, 63, 85.

²⁴⁶ ასოლიკი, გვ. 48.

²⁴⁷ ტეფანოს ორბელიანის ცნობა, იხ. Н. Марр, Ани, გვ. 127, მ. 116.

ბის განმავლობაში აწყობდნენ თივას და ნამქას²⁴⁸. ამ მრავალგვარობას სხვა მასალაც ადასტურებს. „ხუარბლის ვაჭართა დაჰკუნეს კარნი ქულბაგთა მათთანი და განაძნელეს იფქლი გლახაკათაჲს“, „...იყო... ესე ქულბაგსა შინა მელუნისასა...“²⁴⁹, როგორც ვხედავთ, პირველ ცნობაში ქულბაგი „თავისდა უნებურად“ სოციალური ექსპლოატაციის იარაღად გვევლინება. მაგრამ ისიც ხომ წარმოების ერთ-ერთი იარაღია და, ამდენად, საზოგადოების სოციალურ-ეკონომიკურ ურთიერთობაში „თავის საქმეს აკეთებს“.

ისიც ირკვევა, რომ ანისში მრავალი ქულბაგი და სავაჭრო სახლი იყო. ამ მხრივ იგი არ წარმოადგენდა გამონაკლისს: თინისში „ათი ათასი სავაჭრო სახლი (ღოქანი) იყო“²⁵⁰. ნახჭევანში კი სტეფანოს ორბელიანი „მხოლოდ“ ოცდაათ ღუქანს ასახელებს მთავარ ქუჩაზე²⁵¹.

როგორც ვნახეთ, ატენშიც ააგეს ქულბაგი და სახლი და ისინიც ეკლესიას შესწირეს²⁵². ასეთი შესაწირავი ჩვეულებრივი ამბავია: „შესწირა მეფემან ჰურქელი ოქროსა და ვერცხლისა და სოფელნი და ქულბაგნი და მეტოქე ქალაქსა შინა“²⁵³. საგულისხმოა „ნაქულბაქევიც“ — „დედაქალაქის (მცხეთის) სამხრეთი კარიბჭე; ადგილი... შესაძლოა ძველადღე სავაჭრო უბანს წარმოადგენდა“²⁵⁴.

ქალაქის რომელ ნაწილში მდებარეობდა ქულბაგი თუ სხვა სავაჭრო დაწესებულებანი, ამას, ცხადია, თავისი მნიშვნელობა აქვს. ახალქალაქის ქარვასლა „შიდაციხეზე უშუალოდ მიშენებული“, «შიდა ციხის უკან, ზღუდის შიდა არეზე განლაგებულ ნაგებობათაგან აღნაგობითა და გარეგნული იერიითაც გამოირჩევა (ტაბ. V, სურ. 1, 2)... გარდა ამისა, საქართველოში „ქარვასლების“ არსებობა ციხე-ქალაქთა შიდა არეში დადასტურებულია იმავე ხანის (XI—XIII სს.) და გვიანფეოდალური საქართველოს სხვა ნაქალაქარებშიც (გრემი, დმანისი, ფარავნა, ზურტაკეტი და სხვა)»²⁵⁵.

ეს ფაქტი ქალაქის ხელისუფლების, ქალაქის „პატრონის“ ვაჭრობით, სავაჭრო ურთიერთობებით დაინტერესების და მის მიერ მათი მფარველობის მაჩვენებელია.

²⁴⁸ ასო დიკი, გვ. 181—182.

²⁴⁹ იხ. ი. აბულაძე, დასახ. ნაშრ., გვ. 453, „ქულბაგი“.

²⁵⁰ ნასირი ხოსროუ, გვ. 51.

²⁵¹ იხ. З. М. Бунятов, Груздарство, с. 56.

²⁵² თ. ბარნაველი, დასახ. ნაშრ., გვ. 39.

²⁵³ ალონის ივერიის მონასტრის 1074 წ. ხელთაწერი აღაპებით, თბ., 1901, გვ.

²⁵⁴ ი. აფაქიძე, ქალაქები, გვ. 40.

²⁵⁵ ე. ჯანდიერი, დასახ. ნაშრ., გვ. 60—61.

გამოქვაბულებში, ანისის გარეგან სახეს განსხვავებულ იერს რომ ანიჭებდნენ, სავაჭრო ღუქნებიც იყო მოთავსებული²⁵⁶.

ქარვასლა ქალაქის აუცილებელ და მნიშვნელოვან ატრიბუტს წარმოადგენდა. შემთხვევითი არ არის ის ყურადღება, შუა საუკუნეების ავტორი რომ იჩენდა მის მიმართ — იგი ხომ, არც თუ იშვიათად, თვითონ იყო ვაჭარი ან მოგზაური.

ქარვასლას, როგორც ვაჭრობასთან დაკავშირებულს, აგებდნენ არა მარტო ქალაქში, არამედ გზებზეც. „შევედით მთის ძირას მდებარე ღია ეზოში. ასეთი ეზოები ან თავშესაფრები, ქარვასლებს რომ უწოდებენ, აგებულია სპარსეთში... დიდი რაოდენობით დიდი გზების პირას აქა-იქ, ერთი მეორისგან ერთი დღის სავალზე დაშორებული. უმრავლეს მათგანში ცარიელი თაღოვანი ნაგებობისა და თავლის გარდა არაფერი; ამიტომ სურსათ-სანოვაგე და საქონლის საკვები თან უნდა ატარო. ეს ქარვასლა (ავტორი ამ დროს შირვანში იმყოფება) ძალზე ძველი, დიდი კვადრატული ლოდებისგან, ოთხკუთხედად აგებული შენობაა, რომლის ყოველი გვერდი 42 ნაბიჯია. მაღლა, კარიბჭის თავზე ორი სენაკია...“²⁵⁷.

მაგრამ სხვა ვითარებაც ირკვევა; კერძოდ, რამინმა „ყოველთა გზათა ზედა თვითო ფუნდუკი საქარაენო აავო და სოფლები შესწირა მგზავრთა მადლისათვის“²⁵⁸. XVII საუკუნეშიც როსტომ მეფემ (1632—1658) — ზემოხსენებული ოლეარიუსი კი 1635—1639 წწ. მოგზაურობდა — „განჯის გზაზე... სოფელი და ქარვანსარაია ააშენა, რომ მგზავრი არ გაისარჯოს, სადგომი და საჭმელი მზათ დახვლეს“²⁵⁹. ასეთივე კვალი ფუნდუკებით და ქარვასლებით კეთილმოწყობილი გზებისა აშკარად ჩანს ჭავჭავთაძის²⁶⁰. ვახუშტიც გვამცნობს: „აქა არს ფუნდუკი თამარ მეფისაგან აღშენებული ზამთარ მოგზაურთათჳს“²⁶¹.

ქალაქის ქარვასლა, ცხადია, უფრო კეთილმოწყობილი და არქიტექტურულად გაფორმებული იყო. ყოველი ასეთი ქარვასლა ქალაქში თუ ქალაქგარეთ აღმოსავლეთის სინამდვილეში საესეებით გამოკვეთილ სოციალურ-ეკონომიკურ უჯრედს წარმოადგენდა.

ტიგრან პონენცის, სომხური ფეოდალური არისტოკრატის და „სომ-

²⁵⁶ И. Орбели, Кр. путешественник, с. 37.

²⁵⁷ აღამ ოლეარიუსი, გვ. 455—456.

²⁵⁸ „რაბატ ო ხონი“ (خان ء طاب) — „ვისრამიანი“, აღ. ბარამიძის, პ. ინგოროყვას და კ. კეკელიძის რედ. და შესავ. წერილი, ლექსაონი ი. აბულაძისა, ტფ. 1938, გვ. 321; იგივე, ა. გვახარია და მ. თოდუას გამოც., თბ., 1962, გვ. 295.

²⁵⁹ ფარსადან გორგიჯანიძის ისტორია, ს. კაკაბაძის გამ.; ტფ., 1926, გვ. 54.

²⁶⁰ იხ. ლ. ქილაშვილი, ქალაქები, II, გვ. 93—95.

²⁶¹ ვახუშტი, გვ. 317.

ხური სავაქრო სამყაროს ერთი თვალსაჩინო წარმომადგენლის“ მიერ აგებული მონასტრის შესაწირავთა სიამ ანისის ტოპოგრაფიის შესასწავლად მნიშვნელოვანი ცნობები შემოგვინახა. შეწირულობათა შორის ანისში დასახელებულია „I. ოთხი სასტუმრო — 1. სასტუმრო-ფუნდუკი (ფუნდუკი), 2. სასტუმრო-ფუნდუკი თალოვანი გადახურვით (კამარაკაპ ფუნდუკი), 3. სასტუმრო-ხანაპარი 4. პაპენცად წოდებული მეორე სასტუმრო-ხანაპარი დანი დანგი; II. პატეცონცის ქუჩაზე (ზუკაკი) მდებარე ყველა სახლი; III. დუქნები: 1. (ყველა) დუქანი (პირველ შეწირულ) ხანაპართან (მდებარე), 2. დუქანი ხანაპარ პაპენცის კართან“²⁶². შეწირულობათა სია აქ არ წყდება. ყველაფერი ეს მდიდარი კაცის (ნ. მარი მას „თავისი ეპოქის ტიპურ კაპიტალისტს“ უწოდებს) ქონების ნაწილს წარმოადგენდა. სასტუმრო სახლებს ფლობდა სასულიერო წოდების უმაღლესი ფუნებიც. ანისში „პატრიარქის პალატების სასტუმრო სახლს“ თავისი გამგებელიც ჰყავდა²⁶³.

აღრინდელი (V ს.) ქართული ცნობის მიხედვით შესაძლებელი ხდება ერთი ასეთი სახლის აღნაგობის გათვალისწინებაც. „...ლაშენეს სახლი სასტუმრო ქალაქსა შინა და განასუჭნებდეს მომავალთა ძმთა ქართულთა და ბერძენთა, რამეთუ განამზადეს ფერკთა საბანელი და ტრაპეზი და სარეცლები...“ (პეტრე იბერი, გვ. 14—15). როგორც აქედან ჩანს, სასტუმრო სახლები შედგებოდა: ა) საპირფარეშოსაგან, ე. ი. ისეთი განყოფილებისაგან, სადაც გარდა „ფერკთა საბანელისა“ იქნებოდა პირის საბანიც და, შესაძლებელია, ტანისაც; ბ) სატრაპეზოსაგან, ე. ი. სასადილო განყოფილებისაგან და გ) ძილისათვის განკუთვნილი განყოფილებისაგან, სადაც „სარეცლები“ იყო გაწყობილი“²⁶⁴.

ჩვენ არ ვიცით ასე იყო თუ არა მოწყობილი სასტუმრო სახლები X—XII სს. საქართველოსა და ამიერკავკასიის ქალაქებში; აღვნიშნავთ მხოლოდ, რომ ამ დროისათვის ქართული ფეოდალური საზოგადოება — და მასთან ერთად ცხადია, საქალაქო ცხოვრებაც — V საუკუნესთან შედარებით კულტურული განვითარების გაცილებით მაღალ საფეხურზე

²⁶² Н. М а р р. А н н, с. 33—34.

²⁶³ არისტაკეს ლასტივერტეცი, გვ. 80: «...нашли перья Кюракоса, ведающего странноприимным дсмсм при гваргаршних палатах...». შტრ. არისტაკეს ლასტივერტეცი, ისტორია, ქართ. თარგმ. გამოკვლევით, კომენტ. და საინფორმაციო გამ. ე. ცაგარეშვილმა, თბ., 1974, | გვ. 66: „...კრაკოსი, რომელიც საკათალიკოსო სასტუმროებზე მზრუნველად იყო (გაწესებული)...“; შტრ. რუსთაველთან, 1070: „...და მყენებელთა უბრძანებს, პმართებდეს ფის დყენება“ (ს. ზი ჩვენია. — პ. თ.).

²⁶⁴ შ. მესხია, ზელოსნობა ძველ საქართველოში (V—XII სს.), საისტორიო ძიებანი, ტ. 1, თბ., 1982, გვ. 40—41.

იდგა. მარადაში, მაგალითად, წყარო აღნიშნავს „მშვენიერი ხანაგების“ (ხ ა ნ კ ა მ თ ჰ ა ს ა ნ ა თ) არსებობას²⁶⁵. საყურადღებოა, რომ ქულბაგი სოფელშიც არის დადასტურებული²⁶⁶.

ანისში გათხრილი ერთი პატარა ქარვასლა „ერთ-ერთი იმ სხვადასხვა გეარტომის ვაჭართა და სხვა ყარიბთა სადგომთაგანი. რომლებიც აადვილებდნენ სავაჭრო და კულტურულ ურთიერთობებს შუა საუკუნეების აღმოსავლეთის შორეულ ქვეყნებს შორის“, თავისი მხატვრული გაფორმებით ახლოს დგას „მცირე აზიის დიდ სავაჭრო გზებზე მდებარე რუმის სელჩუკიანთა მონუმენტურ ნაგებობებთან. ორნამენტული და ფიგურული რელიეფებით შემკული ეს შენობა თავისი პორტალით გადიოდა ქალაქის მთავარ ქუჩაზე“²⁶⁷.

ქულბაგის საქმიანობის ერთ პატარა სურათს რუსთაველიც აღწერს²⁶⁸.

სხვადასხვა წყაროებში დამოწმებული ანისის ტოპოგრაფიული მასალა ქალაქის არქეოლოგიურმა შესწავლამ დადასტურა მეტ-ნაკლებად. ეს ზრდის ნარატიულ წყაროებისადმი ნდობის ხარისხს.

ბარდავში ბაზართა, ქარვასლების, სასტუმრო სახლების სიმრავლეს აღნიშნავს იბნ ჰაუკალი²⁶⁹. დარუბანდში „ბაზრების მოედანზე“, სადაც საკრებულო მეჩეთი იდგა, გამოდიოდა სამი ქარვასლა²⁷⁰. ამრიგად, აქ უკვე წარმოქმნილია საქალაქო ცხოვრების ცენტრი²⁷¹.

სავაჭრო დაწესებულებათა შორის ამიერკავკასიის ქალაქებში დასახლებულია აგრეთვე „საბაზრო ადგილი“ (ბ ა ზ ა რ გ ა მ). (ბაილაყანში) „მრავალი სიკეთეა და ბევრი ბ ა ზ ა რ გ ა პ ი“²⁷². თბილსში კი ეს

²⁶⁵ ზ ა ქ ა რ ი ა ა ლ - ყ ა ზ ვ ი ნ ი, გვ. 45.

²⁶⁶ იხ. ივ. ჯავახიშვილი, მასალები ქართველი ერის მატერიალური კულტურის ისტორიისათვის, I მუხრანის ხეობისა და იქვე აღმოჩენილი ძეგლები, თბ., 1946, გვ. 55.

²⁶⁷ В. В. Бартольд, Отчеты, с. 227. იხ. Н. Марр, Ани, с. 71, 72.

²⁶⁸ „ვეფხისტყაოსანი“, 1074: „ღაც მან ხათუნს გაეცანეს, გააგება მონა ათი, მოუკაშნა ქარვანსრანი, დაყენა ბარგი მათი“. ზღრ. ზემოთ, „...ღამეებელთა უბრძანებს...“.

²⁶⁹ იბნ ჰაუკალი, გვ. 86—87.

²⁷⁰ С. Хан-Магомедов, Древний город селга аулы Табасарана, М., 1979, с. 54.

²⁷¹ ზღრ. გვიანი შუა საუკუნეების ბაქოში სავაჭრო კომპლექსი: მეჩეთი, ქარვასლა, დუქნები — იხ. А. Саламзаде, Материалы о неизвестных памятниках Баку, ДАН Аз. ССР, 1956, № 1, с. 72—73.

²⁷² აქიბ ალ-დუნა, გვ. 201—202. დედანში ქალაქის სახელი არ არის დასახელებული — აღდგენს მთარგმნელი.

„საბაზრო ადგილები“ — ასევე მრავალი — ხილთან არიანო განლაგებული²⁷³.

შედარებით ნაკლები ცნობები მოგვეპოვება სავაჭრო-საბელოსნო რიგების შესახებ. ანისში ზოგიერთი ქუჩის სახელწოდება („მჭედელთა“, „ხარაზთა“) თავისთავად მიგვანიშნებს ამ ქუჩაზე მცხოვრებთა თუ მოსაქმეთა ხელოსნური წარმოების დარგობრივ დანაწილებაზე. ურმიანში. როგორც აღინიშნა, არსებობდა „აბრეშუმით მოვაჭრეთა (რიგები)“ და მათში საკრებულო მეჩეთი²⁷⁴.

აღწერს რა „თავისი ქალაქის“ არწინის დარბევას, არისტაკესი გადმოგვცემს, რომ „მთელი ქალაქი — სავაჭრო რიგები, ჩიხები, სასტუმრო ეზოები — ყველაფერი სავსე იყო გვამებით“²⁷⁵.

შეიძლება ვაჭარბედეთ ცნობის ანალიზის დროს, მაგრამ ჩვენს ყურადღებას იპყრობს შემატანის შეხედულება. თუ რა არის მისთვის „მთელი ქალაქი“. ემთააღმწერელი კი მონღოლ-ქართველთა ლაშქრის მიერ ბაღდადის დარბევის შედეგს ასე აღწერს: „სავსე იყნეს უ ბ ა ნ ნ ი, ფ ო ლ ო ც ნ ი და ს ა ხ ლ ნ ი მკუდართა მიერ“²⁷⁶ (ხაზი ჩვენია — პ. თ.). როგორც ვხედავთ, ორივე ავტორთან მსგავსი მხოლოდ აღწერილი ვითარებაა, ხოლო ქალაქის ტოპოგრაფიული დანაწევრება ემთააღმწერელთან — გაცილებით უკეთესი, ფაქტიურად ისეთივე, როგორც დღეს გვესმის. მაგრამ უნდა გვახსოვდეს, რომ ეს ორი ავტორი სამი საუკუნით არიან ერთმანეთს დაშორებული.

რასაკვირველია. სოციალურ-ეკონომიკური განვითარების რაც უფრო მაღალ დონეზე იდგა ქალაქი მით უფრო რთული იყო მისი ტოპოგრაფიული აღნაგობა, შედგენილობა, მით მეტი იყო მასში „უბანნი, ფოლოცნი და სახლნი“.

ჩვეულებრივ, ქალაქი უბნებად იყო დაყოფილი. მათი შესწავლა ბევრ რასმე საგულისხმოს გვაძლევს. მერვში, მაგალითად, საერთო გა-

²⁷³ იქვე, გვ. 202: ქართ. თარგმ., გვ. 28/4: *ساخه بازار گاه غلبه* ქართ. თარგმანი ტერმინი სხედასხეანაჩად არის თარგმნილი: „ბაზარი“ [ახლანდელი], გვ. 25/6; „სავაჭრო ადგილი“ [ბაილაყანში], გვ. 27—28/4; „სავაჭრო“ თბილისში, გვ. 28/4. იგივე უჯარო (გვ. 203, ქართ. თარგმ., გვ. 28) თბილისში ასახელებს აგრეთვე დუქნებსაც — *كانا*. დამოწმებულ სპარს. პასაჟში „و“ ზედმეტი ჩანს (ქართ. თარგმანი ტექსტში იგი არ არის შეტანილი). სავარაუდოა: *بازار گاه غلبه و كانا* ბრ. „ხილთან ბევრი დუქანი და სავაჭრო ადგილია მოწყობილი“.

²⁷⁴ შეკადასი, СМОНПК, ტ. 38, გვ. 10: „... мечеть соборная в шелконых торговых рядах“ არ არის ზუსტა თარგმანი; დედანშია (BGA, III, გვ. 377):

و الجامع في البزازين

²⁷⁵ არისტაკესი ლასტივერტეცი, გვ. 93.

²⁷⁶ ემთააღმწერელი, გვ. 232—233.

ლავნით შემოზღუდულ ქალაქის შიგნით უბნები და ქუჩებიც კი თავისი კედლებით და კარიბჭეებით იყენენ გამიჯნულნი²⁷⁷.

ქალაქის ცალკეული ნაწილის ასეთ სწრაფვას განცალკევებისაკენ თავისი მიზეზები ჰქონდა, ზოგჯერ — ეთნიკური. არაბებმა დარუბანდში დამკვიდრების ხანაში ქალაქი ოთხ ნაწილად გაყვეს და თითოეულში დაანაწილეს აქ დამასკოდან, ჰიმსიდან, ქუფადან და ალ-ჯაზირადან გადმოსახლებული 24 000 სირიელი მეომარი²⁷⁸. სხვა ცნობით, ქალაქი შვიდ უბნად (მაჰალა) დაყვეს, რომლებსაც მცხოვრებთა უმრავლესობის მიხედვით უწოდეს: ხაზართა, პალესტინის, დამასკოს, ჰიმსის, კაისარის, ჯაზირის და მოსულის²⁷⁹.

მცხეთაში ებრაელთა უბანი უკვე ადრეულ შუა საუკუნეებშია ცნობილი.

წყაროები კანტიკუნტად, მაგრამ მაინც, ასახელებენ უბნებს ამიერკავკასიის ქალაქებში: განსაში — „ციხის უბანი“ (მაჰალა თალკასრ), თვით ციხე კი ალ-ხასისის კარიბჭესთან იდგა²⁸⁰; ბაილაყანში — კვარტალი ასრიდრის („იღრისის ძეგლი“?)²⁸¹.

ძველი ანისის გათხრებმა ზედ ამოტის კედლებთან გამოავლინეს „ანისის ღარიბი კვარტალის კუთხე“²⁸².

ისევე როგორც აღმოსავლეთის. ამიერკავკასიის ქალაქებშიც, სავარაუდოა, ყოველ უბანს თავისი მეთაური ჰყოლოდა. ისპაანში, მაგალითად, არსებობდა ურთიერთმტრულად განწყობილი „ყადის კვარტალი“ და „რაისის კვარტალი“²⁸³.

რა თქმა უნდა, „მთელი ქალაქი“ თავისი უბნებითურთ მხოლოდ საკულტო და სავაჭრო ნაგებობათაგან არ შედგებოდა. მის გარეგან სახეს შეადგენდნენ აგრეთვე ადმინისტრაციული, სამეურნეო, კულტურულ-საყოფაცხოვრებო დანიშნულების შენობები. ასეთი სრული კომპლექსი, ცხადია, ამიერკავკასიის მხოლოდ მნიშვნელოვან საქალაქო ცენტრებს თუ გააჩნდათ.

ადმინისტრაციულ თუ „მთავრობის“ დაწესებულებათაგან სხვადასხვა წყაროები ამიერკავკასიის ზოგიერთ ქალაქში (არღებილი, ბარდავი, დვინი, მარაღა — არაბ გეოგრაფებთან) ასახელებენ „მმართველის

²⁷⁷ В. В. Бартольд, К истории Мерва, с. 192; შდრ. Вл. Гордлевский, Государства Сельджукидов Малой Азии, М.-Л., 1941, с. 124—125.

²⁷⁸ В. В. Бартольд, Дербент, с. 421.

²⁷⁹ დებზენდ-ნამე, გვ. 89—90; ა. კაზემბეგი کازم بن عیسیٰ თარგმნის როგორც street.

²⁸⁰ თარის ალ-ბაბ, § 5, გვ. 47.

²⁸¹ В. М. Бейлис, Мас'уд ибн Намдар, с. 25.

²⁸² Н. Марр, Раскопки, с. 10.

²⁸³ ნესავი, გვ. 115, 119.

სახლს (დარ ალ-იმარა. დარ ალ-ვალ). „ეღლიგუზის უავგუსტოეს ხანაში (ნახევანმა) სრულ სიდიადეს მიადწია. იქ აავგეს მეფის სასახლე (დარ ალ-მულქ) და მთავრობის სახლი (დოვლათ ხანე)“²⁸⁴. როგორც ვხედავთ, წყარო ანსხვავებს ამ ორ შენობა-დაწესებულებას ერთმანეთისაგან.

დარუბანდში დარ ალ-იმარა სატუსალოდაც გამოიყენეს. X ს. დასასრულს ამირა, რომელიც მამამისივით ჩვეულებრივ ციტადელში ცხოვრობდა, „იქიდან წაიყვანეს და მთავრობის სახლში დაამწყვდიეს, ხოლო ქალაქის ხალხმა (აჰლ ალ-ბალად) დაიწყო შუა კედლის დანგრევა. მის აშენებასა და დანგრევას შორის გავიდა შვიდი წელი და ერთი თვე. ამირა მამამუნი იმყოფებოდა მთავრობის სახლში როგორც ტყვე, მთელი ძალაუფლება კი რაისების ხელში იყო“²⁸⁵. ირკვევა, რომ ციტადელი და დარ ალ-იმარა დაპირისპირებული არიან ერთმანეთთან.

აბილისში კი „ტვილელთა ბერთა“ ბაგრატ IV „...შეიყვანეს საამიროსა დარბაზსა“, მეფემ „ალიხუნა კოშკნი კართანი თავის კაცითა, და აღიღო ციხე ქალაქისა დარიჯელი, და ორნივე კოშკნი წყალყინისანი და თაბორი, და დაადგინა შიგან ლაშქარნი თუნდი და ერისთავნი. ხოლო ისნელთა ჩააგდეს ჭიდი და არა მოსცეს ისნი“²⁸⁶.

მცირე ცნობები გავაჩინია ცენტრალურ ხელისუფლებას დაქვემდებარებულ ქალაქის სხვა ნაგებობათა შესახებაც („სააჯო კარი“, „სადილეგო“).

მასუდ ბ. ნამდარის მიმოწერიდან ვიცით, რომ განძასა და ბაილაყანში არსებობდა დივანი („სახელმწიფო კანცელარია“) და აგრეთვე ისეთი საგანგებო დანიშნულების დივანი, როგორც არის დივან ალ-ხარაჯ („გადასახადების დივანი“) და დივან ალ-დივა' („მიწათმფლობელობის დივანი“)²⁸⁷. არ ვიცით ოღონდ, ეს დივანები ცალკე შენობაში არსებობდნენ თუ რომელიმე დარ ალ-იმარას ან დარ ალ-ვალისთან იყვნენ შეთავსებული. განძის დივანის შენობას კი უშუალოდ გვიდასტურებს წყარო²⁸⁸.

შუა საუკუნეების ქალაქის ისეთი მნიშვნელოვანი დაწესებულებების შესახებაც კი, როგორც საბაუო იყო, ერთობ იშვიათი ცნობები გვაქვს. თუ „XVII—XVIII სს. საქართველოს ყველა ქალაქში, დიდსა თუ პა-

²⁸⁴ აჯაიბ ალ-დუნია, გვ. 209. ზღრ. იქვე, ქართ. თარგმ., გვ. 34: „...სატახტო ქალაქი ვახდა და სახელმწიფო საჯამეზლო შენობა აავგეს“.

²⁸⁵ თარის ალ-ბაბ, გვ. 68, § 36.

²⁸⁶ შატრანე ქართლისა, გვ. 299.

²⁸⁷ იხ. В. Ф. Минорский, История, с. 157; მასუდ ბ. ნამდარა, გვ. 498.

²⁸⁸ ნესაეი, გვ. 179.

ტარაში, არსებობდა საბაჟო“²⁸⁹, ამას ვერ ვიტყვით, ვარაუდის გარეშე, ჩვენი საკვლევი ხანის ამიერკავკასიის ქალაქების შესახებ. ვარაუდი, ცხადია, ვერ შეცვლის საბუთებზე დამყარებულ დასკვნებს, მაგრამ მას ერთგვარად ამაგრებს სხვა, „მომოჩნავე“ შინაარსის ცნობების და არსებული სოციალურ-ეკონომიკური ვითარების გათვალისწინება. ასე, ჩვენი წყაროები დუმილით გვერდს უვლიან დარუბანდში საბაჟოს არსებობის საკითხს, იმ დროს, როდესაც მეზობელ ითილის შესახებ გვაწვდიან სათანადო ცნობას²⁹⁰, მაგრამ, ვიცით, რომ დარუბანდი მნიშვნელოვანი სავაჭრო ცენტრი იყო და იქ საბაჟოს არარსებობა გამოირიცხებოდა.

ასევე არტანუჯი: X საუკუნეში დიდი სავაჭრო-სატრანზიტო პუნქტია. „იქ მოდის საქონელი ტრაპეზუნტისა, იბერიისა, აფხაზეთისა და არმენიის და სირიის ყველა ქვეყნიდან და ამ საქონლებიდან მას უამრავი ბაჟი შემოდის“²⁹¹.

ასეთი სავაჭრო-სატრანზიტო ქალაქი არა ერთი და ორი იყო ამიერკავკასიაში. გარდა ამისა, თუ ისეთ პატარა ქალაქში, როგორც ხუნაჯი იყო, არსებობდა საბაჟო, რომელიც X ს. მეორე ნახევრის ავტორის ცნობით, ასი ათასიდან მილიონ ღირებამდე შემოსავალს იძლეოდა წელიწადში, მით მეტი საფუძველი გვაქვს დიდ ქალაქებში მისი არსებობის ვარაუდისთვის²⁹². თუმცა, გასათვალისწინებელია X საუკუნის შუა აზიის ქალაქებში მცირე რაოდენობის საბაჟოების და დაბალი საბაჟო ნიხრების არსებობის ფაქტიც²⁹³; მაგრამ ეს — X საუკუნეში.

ყურადღებას იპყრობს საბაჟოსთან დაკავშირებული ტერმინებიც („მეზურეჭ“, „აზნაურნი საზურეღნი“).

ზარაფხანას არსებობა პოლიტიკურ-ადმინისტრაციულ ცენტრებში მოულოდნელი, ცხადია, არ არის. მაგრამ მონეტას ჰრიდნენ შედარებით პატარა ქალაქებშიც. პოლიტიკური მნიშვნელობის გარდა (მომკრელის „დამოუკიდებლობა“), ეს ფაქტი უშუალოდ უკავშირდება საშინაო ბაზრის განვითარების საკითხს და ზოგიერთ ქალაქში დადასტურებული „საკუთარი“ ზომა-წონის ერთეულის არსებობის ფაქტთან²⁹⁴ ერთად ეკონომიკის შესწავლის დროს არის განსახილველი.

²⁸⁹ Ш. Месхиа, Горада и горадакაჲ სრაჲ ქადალნოჲი გრუზი XVII—XVIII вв., Тб., 1950, с. 288.

²⁹⁰ აკეთი, გვ. 48: „რაც შეეხება შემოსავლის წყაროებს იგი შედგება ბაჟისაგან, უმრისაგან სავაჭრო საქონელზე მათა წესის მიხედვით, ყოველ გზაზე, ზღვაზე, მდინარეზე“.

²⁹¹ კონსტანტინე პორფიროგენეტი, გვ. 279.

²⁹² იბნ კათალი, СМДПК, ტ. 38, გვ. 103.

²⁹³ А. М. Белоницкий და სხვანი, დასახ. ნაშრ. გვ. 293.

²⁹⁴ იბ. აკეთი, გვ. 9: „არღებლას რატლა“, გვ. 87: „ვარავის რიტლი“

ცოტა რამ ვიცით ქალაქის სამეურნეო ნაგებობათა (ბაზრების გარდა) შესახებ.

თბილისის წისქვილები მემატრიანეთა ყურადღებას იპყრობდნენ. „...მას (ქალაქს) მასზე (მტკვარზე) აქვს წისქვილები, სადაც ფქვავენ ხორბალს“, მსგავსად მოსულის, რაკას და სხვა წისქვილებისა ტიგროსზე და ეფერატზე²⁹⁵. ეს წისქვილები ბევრი ააშენეს და ჭაქვით არიანო მდინარეზე დაბმული — გადმოგვცემს სხვა ავტორი²⁹⁶.

წისქვილები დასახელებულია ბაილაყანშიც, არღებლითან მდებარე სერატის სიმდიდრეთა შორის აღნიშნულია წისქვილებიც²⁹⁷. წისქვილის ქვა აღმოჩნდა ბაილაყანის საცხოვრებელი უბნის გათხრების დროს, მაგრამ ავტორი არ აზუსტებს ხელის წისქვილის იყო თუ არა ეს ქვა²⁹⁸. ახალქალაქში კი ასევე გათხრების დროს აღმოჩნდა ხელსაფქვავეები²⁹⁹.

ზემოსხენებულ ტიგრან პონენცის შეწირულობათა სიაში დასახელებულია ანისის „სამი წისქვილის ნაწილი: 1. დვინის კარიბჭესთან მდებარე წისქვილის მთელი ნაფქვავის ნახევარი; 2. იქვე, მეორე წისქვილის კვირაში ორი დღის ნაფქვავი; 3. გლიძორის ერთ წისქვილში კვირაში ორი დღის ნაფქვავი“³⁰⁰. ასეთი ცნობები უშუალოდ ახასიათებენ საზოგადოების რთულ სოციალურ-ეკონომიკურ ურთიერთობებს.

საწარმოო ძალების მახასიათებელ სხვადასხვა საწარმოო იარაღებსა თუ საშუალებებს შორის წისქვილსაც თავისი ადგილი უჭირავს ფეოდალურ საზოგადოებაში და, ამდენად, მისი ტექნიკური სრულყოფის ხარისხი საზოგადოების განვითარების მაჩვენებლადაც გამოდგება. აზერბაიჯანში (ყაზახის რაიონში), როგორც იტყობინებიან, აღმოჩნდა „ძველი ქარის წისქვილის ნაშთები“³⁰¹. გარდა წყლისა და ქარისა, წისქვილის თვალის დასაბრუნებლად იყენებდნენ საქონლის გამწვევ ძალასაც³⁰².

ზეთსახდელთა სიმრავლე (ცხრამეტი) დადასტურდა ანისში³⁰³. გა-

²⁹⁵ ე. სიხარულიძე, დასახ. ნაშრ., გვ. 35.

²⁹⁶ აჯაბ აღ-დღენია, გვ. 202—203; ქაბო. თარგმ., გვ. 28.

²⁹⁷ ეზნ ქაუკალი, იქვე, გვ. 101, 103.

²⁹⁸ А. Л. Яковсон, Раскопки на городище Орен-Кала в 1953—1955 гг. (Раскол I), МИА, 67, с. 52: «...найден часть камennого круглого жернова», შდრ. იქვე, გვ. 57: «...найден жернов».

²⁹⁹ ე. ჯანდიერი, დასახ. ნაშრ., გვ. 60.

³⁰⁰ Н. Марр, Ани, с. 34.

³⁰¹ გ. ა. აბილოვას ცნობა, იხ. СА, 1957, № 4, გვ. 294.

³⁰² С. М. Йовков, Жернова всляксий Булгарии, СА, 1976, № 2, с. 251.

³⁰³ Б. Н. Аракелян, Развитие ремесел и товарного производства Армении IX—XIII вв. СА, 1956, с. 129, ერთ-ერთი მთავანს აღწერა იხ. Н. Марр, Ани, с. 117.

მოვლინდა ის ახალქალაქშიც³⁰⁴. შაბარანში აღმოჩნდა საწნახელი³⁰⁵. მუკადასის ცნობით, „ბაილაყანში ხარშავენ საუკეთესო ნ ა ტ ი ფ ს“³⁰⁶— სხვადასხვა ტკბილეულს. გამოთქმულია მოსაზრება, რომ ბაილაყანის რაბადში აღმოჩენილ ნაგებობათა კომპლექსის დანიშნულება ზილისა და ყურძნის გადამუშავება და მათგან სხვადასხვა პროდუქტის დამზადება იყო³⁰⁷.

ქალაქში არსებული აღნიშნული და სხვა სამეურნეო ნაგებობებთან დაკავშირებით მრავალი საგულისხმო კითხვა აღიძვრის: მხოლოდ მფლობელის ნედლეულს ამუშავებდნენ ისინი? ნედლეულის წყარო მფლობელის საკუთარი მეურნეობაა თუ ბაზარი? მზა პროდუქცია საკუთარ მოთხოვნილებებისათვის არის გამიზნული, ბაზრისათვის თუ ორივესთვის ერთად? ამ საკითხების განხილვა საქალაქო ცხოვრების, ქალაქის ეკონომიკის სფეროს განეკუთვნება.

საქალაქო ცხოვრების განვითარების დონის გასარკვევად მნიშვნელობა აქვს ქალაქის დასახლების სიმჭიდროვის გარკვევას; რასაკვირველია, მხედველობაში უნდა ვიქონიოთ ამიერკავკასიაში დასახლებათა და საცხოვრებელ ნაგებობათა ისტორიულად ჩამოყალიბებული ტრადიციები და ტიპები³⁰⁸.

ბაილაყანის პატარა ქალაქის გამოვლენილი სტრატეგრაფია ცხადყოფს აქ მჭიდრო დასახლებას XII—XIII სს. დასაწყისში³⁰⁹. დადასტურდა უფრო მნიშვნელოვანი ფაქტიც: დასახლებული იყო არა მარტო ნაქალაქარის მთელი ფართობი, არამედ, დიდი უგალავნო ქალაქიც და მისი მიმდებარე მიწებიც³¹⁰. უკვე X ს. თავრიზი და სალმასი მჭიდროდ დასახლებული ქალაქებია („თავრიზი ლამაზი ქალაქია სივიწროვემდე შეჯგუფებული მოსახლეობით“)³¹¹.

ანისში დასახლების სიმჭიდროვე ნათლად ჩანს ზემოხსენებულ განათხარ ლარიბთა უბნის გეგმაზე, თან რომ ერთვის ნ. მარის ნაშრომს³¹². სიბტ იბნ ალ-ჯაუზთან დაცულია ცნობა, რომ ანისში 700 ათასი სახლი

³⁰⁴ ე. ჯანდიერი, დასახ. ნაშრ., გვ. 60

³⁰⁵ И. А. Алиев, В. М. Мамедов, დასახ. ნაშრ., გვ. 419: «...расчищена винодавиляня: давильный бассейн, каменный желоб и селитри кувшия» (ქვევრი?).

³⁰⁶ მუკადასი, СМОМПК, ტ. 38, გვ. 9, ВГА, III, გვ. 376.

³⁰⁷ Н. В. Минкевич-Мустафаева, Мастерские ремесленного квартала Байлакана, КСИА, 120, Средневековая архитектура. 1909, с. 37.

³⁰⁸ А. Ф. Гольдштейн, Генетические связи дагестанского длинноплатного дома, Зодчество Дагестана, Махачкала, 1974.

³⁰⁹ А. Л. Якобсон, Раскопки, с. 52.

³¹⁰ А. А. Иессен, Городище, с. 43.

³¹¹ იბნ ჯაუკალი. СМОМПК, ტ. 38, გვ. 83.

³¹² Н. Марр, Раскопки, с. 10; პიიფე, XI-я Анийская, გვ. 61, ტაბლ. 1.

იყო, გარდა იმ ათასი ეკლესიისა, ზემოთ რაჲმ ვახსენეთ³¹³. ქეშმარიტების რა მარცვალია ამ ცნობაში, ახლა ამის დადგენა, რაღა თქმა უნდა, შეუძლებელია.

ქალაქის გარეგანი სახის და სოციალურ-ეკონომიკური ფონის წარმოსახვისთვის გარკვეულ ინფორმაციას შეიცავს ქალაქის შენობები, პირველ რიგში — საცხოვრებელი სახლები.

როგორც ირკვევა, მსგავსად ახლო აღმოსავლეთისა, ამიერკავკასიის ქალაქებისთვის უცხო არ იყო მაღალი შენობები. ასე, მაგალითად, სამსართულიანი შენობა გამოვლინდა ანისში³¹⁴. ნახჭევანში „ააგეს მრავალი სარკამე, ქუშქი და აფენი... ქუშქების უმრავლესობა სამი და ოთხსართულიანია (ტაბაყე), ციხეების (ყალ'ე) მსგავსად“³¹⁵. ნახჭევანში არის „სახელგანთქმული შენობები, მედრესეები და ხანაგები“³¹⁶. საგულისხმოა აქ მოცემული ნაგებობების თვით კლასიფიკაცია. მათი კონკრეტული შესწავლა დამატებით უქმს მოპოვებულ ქალაქის სოციალურ ტოპოგრაფიას.

ერთი ასეთი აფენი ჯალალ აღ-დინმა თავრიზის მოედანზე ააგო, ხოლო „აფენის უკან სულთანმა ააშენა სახლები და სასახლეები, რადგან მას არ სურდა გამუდმებით ეცხოვრა ქალაქის შიგნით“³¹⁷. აქ მოცემულია აფენის ერთ-ერთი მნიშვნელობა. აფენს უწოდებს წყარო ქაზნაში სასანელების მიერ (ეცხლის ტაძართან ერთად) აგებულ „უზარმაზარ სასახლეს“³¹⁸. ცნობიდან არ ჩანს ავტორის დროსაც არსებობდა თუ არა ეს სასახლე.

ჩვენს შემთხვევაში, მასალის სიმცირის გამო, ჰირს, მით უმეტეს დროის გარკვეულ მონაკვეთში, ქალაქის ტოპოგრაფიის კონკრეტული ობიექტების შესწავლა. არადა ფეოდალური ქალაქის არსში გასარკვევად მნიშვნელობა ენიჭება იმის გარკვევას, მუდმივ, ძირითად საცხოვრებელს წარმოადგენდა თუ არა ქალაქი ცენტრალური ხელისუფლებისა და მასზე უშუალოდ დამოკიდებული, უახლოესი სოციალური ფენისათვის. აღნიშნულია ტენდენცია, რომ პირველ საუკუნეებში სასახლე ციხიდან (ციტადელიდან) გარეთ „გადის“ და ქალაქში მკვიდრდება³¹⁹. ამ ტენდენციის შედეგიც უნდა იყოს, — საზოგადოების ფეოდა-

³¹³ იხ. ჰუსაინი, მთარგმნელის შ., გვ. 190—191, შ. 4.

³¹⁴ Н. Марр, О раскопках и работах в Ани летом 1906 года (Предварительный отчет), СПб., 1907, (Тр, X), с. 55.

³¹⁵ აქიბ აღ-დენია, გვ. 209. უღრ. ქართ. თარგმ., გვ. 34: „...სასახლე, კოშკი და პალატო...“

³¹⁶ ბაქუვი, გვ. 99.

³¹⁷ ნესავი, გვ. 199.

³¹⁸ ააქეთი, გვ. 80.

³¹⁹ Г. А. Меликишвили, К истории, с. 447.

ლიზაციის გათვალისწინებით, — საზაფხულო, და არა მარტო საზაფხულო, რეზიდენციების ქალაქგარეთ მშენებლობა „ხოლო სადგური იყო მეფისა (დავით აღმაშენებლის, — პ. თ.) წადგლის თავი...³²⁰“. საკითხი არ ამოიწურება, რა თქმა უნდა, ზემოაღნიშნული სოციალური ფენის საზაფხულო რეზიდენციების ქალაქგარეთ არსებობის ფაქტით.

სად ცხოვრობს ფეოდალური არისტოკრატია? ამის გარკვევას აქვს მნიშვნელობა. ანისში დადასტურებული სასახლეების მფლობელთა (მათ შორის მსხვილი ფეოდალებიც არიან) სოციალური სახის გარკვევა, საკითხს რამდენადმე გააშუქებს, სომხეთის სინამდვილეში, ცხადია.

ყოველ შემთხვევაში, XI საუკუნეში, როდესაც თბილისელებმა ბაგრატ მეფე ქალაქში შეიყვანეს, ის დასვეს „სამამროსა დარბაზსა“ (ვახუშტი: „...სახლსა სამამროსა“); მაგრამ „ისნელთა ჩაადგეს ჳიდი და არა მოსცეს ისნი“³²¹. ვახუშტი: „...და დაიპყრა კალა-ტფილოსი; არამედ ისანი არა მოსცეს და ბრძოდეს ძლიერად“³²².

მაღალი სამხედრო თუ საერო არისტოკრატის საცხოვრებელი სასახლეების შესახებ შედარებით დაწვრილებით შეიძლება მსჯელობა ანისის გათხრებით მოპოვებული მასალის საფუძველზე³²³. სულთნის სასახლე დამოწმებულია, თავრიზის გარდა, განძაშიც³²⁴.

აღნიშნული რიგის (ს ა რ ა მ, ქ უ შ ქ ი, ა ლ ე ა ნ ი) შენობათა მფლობელების სოციალური სახის დადგენა ადვილია; მით უმეტეს, თუ მემატრიანე უშუალოდ წერს: „ქალაქის მეთაურთა სასახლეები“, „უბრალო ხალხის (რ ა მ ი კ ე ბ ი ს) სახლები“³²⁵. ასეთი სასახლეების შესახებ წარმოდგენას გვაძლევს ანისში გათხრილი მათი ნაშთები. ერთ-ერთი მათგანი ვაჭრობის საგანიც კი გახდა: ის ალფ არსლანმა შადადიან ფაღლუნს მიჰყიდა 1072 წელს³²⁶.

სომხური ეპიგრაფიკის თანახმად, საცხოვრებელი თუ სხვა დანიშნულების სახლები და ცალკეული ოთახებიც, მათ მფლობელთა შემოსავლის წყაროს წარმოადგენდნენ³²⁷.

³²⁰ ვ ა ხ უ შ ტ ი (მატონიშვილი) ვ ა ხ უ შ ტ ი, აღწერა სამეფოსა საქართველოსა, ტექსტი დადგენილი ყველა ძირითადი ხელნაწერის მიხედვით ს. ყ ა უ ხ ი - შ ვ ი ლ ის შ ი ე რ, ქ. ცხ., IV, თბ., 1973), გვ. 156.

³²¹ მატრიანე ქართლისა, გვ. 299.

³²² ვ ა ხ უ შ ტ ი, გვ. 146.

³²³ Н. Марр, Ани, с. 93—94, 97.

³²⁴ ქ უ ს ა ი ნ ი, გვ. 160.

³²⁵ ი თ ა ნ ე კ ა თ ა ლ ი კ ო ს ი ი ბ. Ас. Шахназарян, Двин историко-географический очерк, Ереван, 1940, с. 109; შდრ. „დღებულთა სახლები“ ი ბ. Н. Пигулевская, Города, с. 315.

³²⁶ Н. Марр, Ани, с. 112—113.

³²⁷ Н. Марр, Раскопки, с. 11.

„საბნაო კრიზის“ ერთგვარ გამოხატულებად უნდა მივიჩნიოთ — ვანოქაბულების ანისი, ქალაქთან ახლოს, წაღვოცაძორის ხევის ნარჩენმა დღატეზე აბსტრუქტიული გამოქვეყნებები — არა მარტო საცხოვრებელი ანუ იყო განოქაბულის ეკლესიაც და სხვა დანიშნულების ნაგებობანიც³²⁹. მათ დონზე კარგად ჩანს ანისის სოციალური სახე³²⁹. ამ ვანოქაბულებს თავშესაფარადაც იყენებდნენ. „რომელიმე იელტოდა (ანისი) დარბაზონათა და მუნ გამაგრდა, რომელიმე იელტოდა ქუაბონსა, რომელსა ქარტუნობითა (სომხ. „ქვის სახლი“. — პ. თ.) უვმოხენა“³³⁰. საყურადღებოა მტრის შემოსევის დროს „დარბაზონათა“ თავშესაფრად გამოყენება. ეს ცნობა ქალაქის ამ ტიპის ნაგებობათა აღნაგობაზე მიუვანიწებს. როგორც ჩანს, საცხოვრებელ გამოქვეყნულს გულსჩნობს მარალასთან დაკავშირებული ერთი ცნობაც³³¹.

საერთო. ამირკავკასიაში „კლდის არქიტექტურას“ ღრმა ფესვები და საკმაოდ ფართო გამოყენება ჰქონდა.

მუკადასი გადმოგვცემს, რომ არღებრილეთა სახლების უმეტესობა მიწის ქვეშ არის³³². ამის მიზეზად სოციალურთან ერთად კლიმატური ფაქტორიც უნდა ვივარაუდოთ.

არის რამდენიმე ცნობა კულტურულ-საყოფაცხოვრებო დანიშნულების ნაგებობათა შესახებაც. დავით აღმაშენებელმა „ალაშენა ქსენონი ადვილსა შემსგავსებულსა და შუენიერსა“. მემატთანესევე ცნობით, ეს სააჯადმყოფო — თანამედროვე ტერიმინოლოგიით — ყოველმხრივ უზრუნველყოფილი და აღჭურვილი ყოფილა³³³. მიჩნეულია, რომ იგი დიდებულმა მეფემ გელათში ააგო³³⁴. თუ ასეა, ეს კიდევ ერთი საბუთია საქართველოს საერთო კულტურული განვითარების დონის განსასაზღვრავად აღებულ ხანაში. მას არც სომხეთი ჩამორჩებოდა. X ს. მსგავს ღონისძიებებს ახორციელებდა აშოტ სომეხთა მეფე. „მან ააგო მრავალი თავშესაფარი კეთროვანთათვის“³³⁵.

განძაში დამოწმებულია „წიგნების ხაზინადარი“ (თარგმანში: „ბიბლიოთეკის მეთვალყურე“). საგულისხმოა ისიც, რომ ეს პიროვნება წარმოშობით ნახჭეველი იყო³³⁶.

³²⁹ Н. Марр, Ани, с. 93.

³²⁹ შარ. ა. იაკობსონის რეცენზია წიგნზე «Д. А. Кипшидзе. Пещеры Ани...», ИФЖ, 1973, № 1.

³³⁰ ისტორიანი და აზმანი, გვ. 100—101.

³³¹ ზაქარია ალყაზვინი, გვ. 45.

³³² მუკადასი, СМОМПК, ტ. 38, გვ. 7, ВГА, ტ. III, გვ. 375.

³³³ დავით აღმაშენებლის ისტორიკოსი, გვ. 331.

³³⁴ ის. ძ. ცხ., I, გვ. 445: ს. ყაუხჩიშვილის მიერ შედგენილი ლექსიკონი.

³³⁵ ვარდანი, გვ. 113—114.

³³⁶ აკუთი, გვ. 88, არაბ. ტექსტი, გვ. 92.

არზრუმსა და ხლათში დადასტურებულია „სახლი სამეძაო“³³⁷. ზოგიერთ შემთხვევაში, არქეოლოგიური კვლევის საფუძველზე, ლიტერატურული წყაროების მოშველებითაც, რა თქმა უნდა, შესაძლებელი ხდება საქალაქო მშენებლობის, ზოგადად საქალაქო ცხოვრების შედარებით უფრო კონკრეტული სურათის წარმოსახვა. კერძოდ, აღნიშნულის საფუძველზე დაასკვნიან, რომ XII—XIII საუკუნეების დასაწყისში ანისსა და ბაილყანში აღინიშნება სხვადასხვა მშენებლობის დიდი გაქანება, სისხლსავსე საქალაქო ცხოვრება. ეს ორი ქალაქი არ წარმოადგენს გამონაკლისს — უბრალოდ, ამ ქალაქების ისტორიულმა ბედმა შესაძლებელი გახადა მათი არქეოლოგიურად უკეთ (თუმცა, მაინც არასრული)³³⁸ შესწავლა.

მცირეოდენი ცნობები შესაძლებლობას გვაძლევს მოქალაქეთა საცხოვრებლების შიგნითაც „შევისედოთ“, მაგრამ მათი განხილვა საქალაქო ცხოვრების შესწავლის დროს უფროა მიზანშეწონილი.

აბანოების შესახებ გაცილებით მეტი ცნობები მოიპოვება.

როგორც აღნიშნავენ, აბანო ბერძნულ-რომაული ქალაქისთვის იყო დამახასიათებელი და ირანის ქალაქებში მისი მშენებლობა V ს. დაიწყეს³³⁹. არაბები კი აბანოს მხოლოდ ბიზანტიური ოლქების დაპყრობის დროს გაეცნენ³⁴⁰.

საქართველოს ქალაქებში აბანოს მშენებლობას ძველთაგანვე მდიდარი ტრადიცია მოსდგამს³⁴¹. ტექნიკური თვალსაზრისით ეს მშენებლობა თავისი დროის მიღწევებს ითვალისწინებდა³⁴². შესაძლოა, ამ ძველ ტრადიციებს გულისხმობდა ჰუსაინი როდესაც წერდა: „თბილისში არის აბანო „სულაჰმან იზნ დაუდის მიერ... ცხელი წყლის წყაროზე აშენებული... ეს არის პირველი აბანო დედამიწაზე აშენებული“³⁴³. თბილისის სწორედ ამ ბუნებრივად ცხელი წყლის აბანოებითაც იყო

³³⁷ ა. ჯაიბ ალ-დუნი, 197—198. თარგმანში: «...открытый разврат» «Разврат и распущенность открыты». მთარგმნელს კომენტარი: «Имеются в виду дома терпимости». ზღრ. ქართ. თარგმ., გვ. 25, შ. 14: „აღბათ ავტორს საროსიკოები უნდა ჰქონდეს მხედველობაში“: ავტორი იმეორებს ნ. მიკულხო-მაკლარს.

³³⁸ А. Л. Яковсон, Раскопки..., с. 145.

³³⁹ Н. Пигулевская, Города, с. 303.

³⁴⁰ И. П. Петрушевский, Ислам в Иране в VII—XV веках (Курс лекции), Л., 1966, с. 127.

³⁴¹ იხ. ა. აფაქიძე, ქალაქები, გვ. 28—29, 34—39; „აბანო საქალაქო ცხოვრების დამახასიათებელი ნაგებობა ჩანს აქ (მცხეთაში), ახ. შ. I საუკუნეიდან, ე. ი. ეს ახალი სახეობაა საქალაქო ნაგებობისა ახ. შ. I საუკუნის ქართლის ქალაქებში“.

³⁴² თ. ქველაცი, ძველი ეგრისის დედაქალაქის ნოქალაქევის სამეთო აბანო, ტსუ შრომები, ტ. 205, 1979.

³⁴³ ჰუსაინი, გვ. 55.

სახელგანთქმული დღიდან თავისი დაარსებისა; „მასში სამოცდახუთი აბანოა: ყველა აბანოს წყალი უცეცხლოდ ცხელია... იქ აბანოს ქირას (მ ო ზ დ) არ იხდიან“³⁴⁴.

ეს საყურადღებო ცნობა არაერთ არსებით კითხვას აღძრავს თბილისის საქალაქო ცხოვრების ისტორიიდან.

გოგირდოვანი აბანოები იყო აგრეთვე თავრიზიდან რვა ფარსახით (დაკუთი, გვ. 3: „ათი ფარსახით“; დაახლოებით თბილის — მანგლისის მანძილი) დაშორებულ პატარა ქალაქ უჩანში. ამ აბანოებს „საკვირველი სასარგებლო თვისებები აქვთ და მათკენ მიეშურებიან ავადმყოფები“³⁴⁵.

ანისის ორი აბანო ტიგრან ჰონენცმა მონასტერს შესწირა. საყურადღებოა, რომ ერთი მათგანი მოედანზე მდებარეობდა³⁴⁶. ბაგრატიუნაინების სასახლის შვიდგანყოფილებიანი აბანოს დეტალური აღწერა³⁴⁷ საშუალებას გვაძლევს აბანოს აღნაგობის წარმოდგენისა და შედარებითი შესწავლისათვის. აქვე აღვნიშნავთ, რომ ეს უკანასკნელი საკითხი მნიშვნელოვან დასკვნებს იძლევა³⁴⁸.

საქალაქო ცხოვრების, ქალაქის ტოპოგრაფიის განვითარების მეტყველი ფაქტია აბანოს არსებობა ანისში სუმბატის კედლების გარეთ. დმანისშიც „არა ერთი აბანო ყოფილა. ერთი შეუაგულ ქალაქში, მეორე — გარე უბანში, ღევს გამოღმა“³⁴⁹.

გამოტანილია დასკვნა, რომ სომხეთში აბანო არსებობდა ყველა სასახლეში, ციხესიმაგრეში, ქალაქში და შედარებით დიდ დასახლებებშიც კი³⁵⁰.

ბაილაცანის გათხრებიდან ყურადღებას იპყრობს დიდი საზოგადოებრივი შენობის კომპლექსი მრავალი, მათ შორის ფართო სათავსოებით, ჩვეულებრივი ან ორმაგი (0,40×0,40 მ) აგურით აგებული. წინასწარი ვარაუდით — კომპლექსი სრულად არ არის გამოვლენილი —

³⁴⁴ აჯაიბ აღ-დუნია, გვ. 203; სხვა წყაროს თანახმად, თბილისში 45 აბანოა. იხ. ქართ. თარგმ., შ. 40. იხ. აგრეთვე რ. კიკნაძის ნაშრომები „ცისკარში“, 1958, № 10, გვ. 167; ისტორიის ინსტ. შრომებში, ტ. V, ნაკვ. I, გვ. 128—130.

³⁴⁵ ბ ა ქ უ ვ ი . გვ. 67 (31).

³⁴⁶ Н. Марр, Ани, с. 34: „ჩ ი ი ე ნ ს ი ა“

³⁴⁷ იქვე, გვ. 71; И. Орбели, Кр. путеводитель, с. 14.

³⁴⁸ А. Л. Якобсон, Из истории средневековой архитектуры в Крыму. III. Средневековые бани Херсонеса, СА, VIII, 1946, с. 275: «Важно, прежде всего сам факт наличия ближайших аналогий херсонским баням именно в Грузии и особенно в Армении, что является еще одним свидетельством культурных связей Крыма и Закавказья...».

³⁴⁹ ივ. ჭავჭავაძის ცილი, მსახლები, გვ. 29.

³⁵⁰ А. А. Джагацян, Бани средневековой Армении и их тепло-технические особенности, ИФЖ, 1968, № 3, с. 241.

ეს უნდა იყოს XI საუკუნის დიდი, მდიდრულად მორთული და მხატვრულად გაფორმებული საზოგადოებრივი აბანო³⁵¹. აქ უნდა გავიხსენოთ, რომ მეზობლად მდებარე არღებილში „სასიამოვნო აბანოები“ იყო³⁵².



ქალაქის წყლით უზრუნველყოფა ერთ-ერთ ძირითად საზრუნავს წარმოადგენდა შუა საუკუნეების ქალაქის მესვეურთათვისაც.

წყალსადენი ქალაქის ტოპოგრაფიისა და მის გარეთ მდებარე საცხოვრებელი კომპლექსების ისეთივე შემადგენელი ნაწილი იყო, როგორც აბანო.

წყალსადენების შესწავლით ცხადად ირკვევა ამიერკავკასიის განვითარებულ, სოციალურ-ეკონომიკურად დაწინაურებულ ქალაქებში შუა საუკუნეების კომუნალური მშენებლობის მაღალი დონე. ირკვევა ისიც, რომ მშენებლობის მაღალი ტექნიკური დონე შესაძლებლობას იძლეოდა წყალსადენი რთულ რელიეფურ პირობებშიც გაეყვანათ (სხალტბის, ნადარბაზევისა სამშვილდის მიდამოებში)³⁵³. ანისის კედლებს გარეთ მიაკვლიეს წყალსადენის ნაშთს, რომლითაც ათი ვერსით³⁵⁴ დაშორებული მთიდან ალაჯას წყაროების წყალი შემოყავდათ ანისში. წითელი, გამომწვარი თიხის, ერთმანეთში ჩასაჯენი მილების ფართო ნაწილის სიგრძე 0,40 მ, ვიწროსი — 0,72 მ, სისქე 0,052 მ იყო. ერთი მილის მეორეში ჩასაჯენი, დავიწროებული ნაწილის სიგრძეა 0,088 მ, მილის ფართო ნაწილის წრეხაზი 0,477 მ, მილის ფართო პირის დიამეტრი — 0,114 მ.³⁵⁵ მოცემული ანაზომებით შესაძლებელია წყალსადენის წყალგამტარიანობის დადგენა.

წყალსადენი და აბანო ერთიმეორის არსებობას განაპირობებდნენ. ამას ადასტურებს გეგუთის სასახლეში არსებული აბაზანა და წყალსადენი, ნადარბაზევში — აბანო (თუ „წყაროს აუზი“). ანისის შიდაქალაქის სასახლეში აღმოჩნდა ორგანყოფილებიანი აუზი ოთახის წყალ-

³⁵¹ А. Л. Яковсон, Раскопки, с. 146: იქვე (გვ. 69—94) კომპლექსის სრული აღწერა.

³⁵² მეკადასი, ВГА, ტ. III, გვ. 377—378: حمامات طيبة

³⁵³ აღ. ლოსაბერიძე, ძველი წყალსადენებისა და არსების ნაშთები, შორესთაველის ეპოქის მატერიალური კულტურა, თბ., 1938, გვ. 194; გ. ლომთათიძე, შუაფეოდალური ხანის ნამოსახლარების გათხრა სამშვილდის მიდამოებში, ფსპბ, II, გვ. 131.

³⁵⁴ ვერსი=1,0668 კმ.

³⁵⁵ Н. Марр, Анн, с. 76; მისივე, Раскопки, с. 13—14.

გაყვანილობის თიხის და რკინის და უფრო მსხვილი, სასახლის აბანო-ში წყლის მიმწოდებელი თიხის მილებით³⁵⁶.

ნ. მარი ასკვნის: „უეჭველია ერთი: წყალგაყვანილობის სისტემა ფართოდ იყო განვითარებული და მრავალგვარ ფორმებს ღებულობდა არა მარტო ანისის შიგნით, არამედ მის გარეთაც... გაიჟხარა თიხის მილების წყალსადენი ყვავილოვანი ხევის (წაღკოცაძორას — პ. თ.) გაღმა: წყალი აქ მოვიდოდა მხოლოდ სხვა წყაროდან მეორე მაგისტრალით“³⁵⁷.

ახალციხეში, როგორც აღნიშნავენ, წყალსადენი მხოლოდ ციხეს ჰქონია, ხოლო „მშრომელი ხალხი მდინარის წყლით სარგებლობდა“³⁵⁸. ჩვენი აზრით, ეს არ უნდა ავხსნათ „სოციალური ფაქტორით“. ორი ქალაქის წყლით მომარაგებაში სხვაობა ეკონომიკურ შეძლებაში განსხვავებამ განაპირობა. თუმცა, ამჟერადაც ხომ იგივე „სოციალურ ფაქტორს“ ვღებულობთ. მაშასადამე, რა გამოდის, ანისის კედლებს გარეთ უფრო მდიდარი მოსახლეობა ცხოვრობს, ვიდრე ახალციხის რაზდსა და გარეუბანში?

რთულ ნაგებობას წარმოადგენდა XII—XIII სს. დვინის წყალსადენი. მისი რვა ხაზი და მათი მიმართულების ცვალებადობა სავარაუდოს ხდის ერთიანი, ცენტრალური განმანაწილებელი აუზის არსებობას³⁵⁹.

წყალსადენი, ისევე როგორც აბანო ეკონომიკური ურთიერთობების ობიექტი იყო. ანისში წარჩინებულმა აბულლარიბმა ეკლესიას გაუმართა წყალსადენი, ხოლო ტიგრან ჰონენცმა თავის აგებულ ეკლესიას შესწირა „წინაპართაგან ნაანდერძევი აბანო და წყალსადენი მოედანზე“. აღსანიშნავია, რომ ორივე სომხურ წარწერაში, სადაც ეს ფაქტები დადასტურებული, არის „მილი“; მას ნ. მარი ქართ. „მილთან“ აკავშირებს³⁶⁰.

შიომღვიმის მონასტერს წყლით უზრუნველყოფდა სხალტბის ქედიდან გამოყვანილი წყალსადენი³⁶¹.

ვიციტ, რომ ანისში წყალსადენი მთავარი ქუჩის (ივი სიგრძეზე

³⁵⁶ ივ. ჯავახიშვილი, მასალები, გვ. 29; გ. ლომთათიძე, დასახ. ნაშრ., 123; Н. Марр, Ани, с. 76. შტრ. ა. აფაქიძე, ქალაქები, გვ. 37, 65, 81, 218, 221.

³⁵⁷ Н. Марр, Ани, с. 76, 77.

³⁵⁸ Д. Г. Кожоридзе, Город Ахалцихе в феодальную эпоху (IX—70-ые гг. XIX вв.). საქანდ. დისერტ., 1968, გვ. 12.

³⁵⁹ А. А. Калантарян, К вопросу о способах изготовления керамики в средневековой Армении, ფსბპ, II, გვ. 280.

³⁶⁰ Н. Марр, Ани, с. 34, 110, 117.

³⁶¹ შ. შესხია, ხელოსნობა, გვ. 153—155

კვეთდა ძველ ანისს შიდა ქალაქის გალაენის კარიბჭედან აშოტის კედლებამდე) ქვეშაც იყო გაყვანილი³⁶²; მაგრამ ჩვენთვის უცნობია ანისის მოსახლეობის მიერ ამ წყალსადენით სარგებლობის კონკრეტული პირობები.

დარუბანდში „ქალაქის განაპირას წყალსაცავია (ს ა ჰ ა რ ო ჯ) თალიანი საფეხურებით, რომლითაც ჩადიან ამ წყალსაცავში, როცა იკლებს წყალი“³⁶³. ვინ ჩადის, რისთვის? ამასთან ერთად ცნობილია, რომ ქალაქში „უკვე ხოსროვ ანუ შირვანის დროიდან მოქმედებდა წყალსადენი“, რომელიც არაბებმა შეაკეთეს ქუჩებთან ერთად“³⁶⁴. ქვის კიბეებიანი (80 საფეხურით) წყალსაცავი (ო ვ დ ა ნ ი) არსებობდა ბაქოშიც; ციხის გარეთ „კიბის ქვემოთ იყო ფართო ოთახები, აუზები, რომლებიც ახლა პირამდეა საესე კარგი წყლით: მცხოვრებნი უკანასკნელ დრომდე სარგებლობდნენ ამ წყლით“³⁶⁵. წყალსადენი გამოვლინდა XIII—XIV სს. შაბარანში, XIV—XV სს. ბაქოში³⁶⁶.

იბნ ჰაუკალი გადმოგვცემს ბაილაცანში კეების არსებობას. ჩატარებული გათხრებით დღესდღეობით გამოვლენილი კეები, როგორც ჩანს, სასმელი წყლის არ უნდა ყოფილიყო³⁶⁷. ბაქუვის თანახმად, ბაქოს მცხოვრებლები „კლდოვანი კეების“ მტკნარი წყლით სარგებლობდნენ³⁶⁸.

ქის წყალიც ეკონომიკურ ურთიერთობათა სფეროში გადიოდა: „...დააკისრა ბადლისის მმართველს ხილატისა და მისი კეების მსგავსი ხარაჯა“³⁶⁹.

განძის „პირველი ქალაქის“ კედელთან, შიგნიდან, გაითხარა თიხის მილების წყალსადენი. მილის სიგრძე 40 სმ. ერთი ბოლოს დიამეტრი 15, მეორესი 12 სმ-ია. აქვე, სხვა ადგილას აღმოჩენილი მილების ზომები შესაბამისად არის 38, 18, 15 სმ. ირკვევა, რომ წყალსადენი უფ-

³⁶² Н. Марр, Ашх., с. 76—77. იქვე განხილულია ბერძენი მოხელის, მაგისტროს აარონის მოღვაწეობა ანისში წყალსადენის გაყვანის თაობაზე, რასაც ის საგანგებო სომხურ წარწერაში აღნიშნავს.

³⁶³ ა ა კ უ თ ი, გვ. 23.

³⁶⁴ А. А. Кудрявцев, Древний Дербент, с. 107.

³⁶⁵ В. М. Сысоев, Кр. путеводитель, с. 7: «Эти овдани были выходами обширной системы водоводов, построенных в XVIII в. ... они доставляли в старый Баку... воду из источников, находящихся за несколько километров от города».

³⁶⁶ АО—1981, გვ. 419, 421.

³⁶⁷ იბნ ჰაუკალი, იქვე, ტ. 38, გვ. 83; Н. В. Минкевич-Мустафаева, Раскопки, с. 170.

³⁶⁸ ბ ა ქ უ ვ ი, გვ. 89: أبار صخرية.

³⁶⁹ ა ა კ უ თ ი, გვ. 30.

რო ადრე იყო გაყვანილი, ვიდრე „პირველი“ და „მეორე“ ქალაქის კედლები — ესენი ფარავენ წყალსადენის მილებს³⁷⁰.

თინის მილებიანი წყალსადენის ნაშთი (ხუთი მუხლა) აღმოჩნდა ბაილაყანში³⁷¹.

ქალაქის ტოპოგრაფიის სხვა ობიექტების და საქალაქო მშენებლობასთან დაკავშირებული მთელი რიგი სხვა საკითხების განხილვა ამჟამად ვერ ხერხდება. ორიოდ სიტყვით შევეხებით ხილებს, რომლებიც ქალაქის სხვა ნაგებობათა თანაბრად მნიშვნელოვან ინფორმაციას შეიცავენ პირველ რიგში მშენებლობის ტექნიკის თვალსაზრისით.

საერთოდ უნდა აღინიშნოს, რომ კავკასიაში ხილების მშენებლობასაც ხანგრძლივი ტრადიციები ჰქონდა და ამ საქმეშიც მაღალ ტექნიკურ დონეს მიაღწიეს. შესანიშნავი ნაგებობა, „სინჯის ხიდის — მსოფლიოს ერთ-ერთი სასწაულის — მსგავსი“, აგებული ყოფილა დიდი (თერგის?) მდინარის შესართავთან³⁷². ასეთ ხილებს აგებდნენ არა მხოლოდ დაბლობზე. „ქალათ ალ-ლან ძალზე გამაგრებული ციხე ალ-ლანის მიწაზე, ბაბ ალ-ლანად წოდებულ მთის წვერზე... ქალაქს აქვს დიდი, საკვირველი ნაგებობის ხიდი“³⁷³. ბაქუვის საერთოდ აღაუბრებულ ხილებს ერთთაღიანი ხილები³⁷⁴; ასეთები კი საქართველოში ფართოდ იყო გავრცელებული; იყო ის ანისშიც, ახურიანზე. ხიდის კამარა დაახლოებით 14 საუენი იყო³⁷⁵. გარდა ამ ხიდისა, ანისის გეგმაზე აღნიშნულია კიდევ ერთი³⁷⁶; მაგრამ არც ერთი მათგანი არ უნდა იყოს ის ხიდი, რომელიც სიბტ იბნ ალ-ჯაუზთან დამოწმებული ცნობის თანახმად, ანისში შესასვლელ მთავარ გზაზე მდებარეობდა³⁷⁷.

ამიერკავკასიაში ცნობილი იყო ასაწევი ხილებიც. ახალქალაქში გალავნის წინ „იყო წყალი, ჭვიპუნით ღრმა. იქ იყო ხიდი, მაგრამ ალყაშემორტყმულებმა ასწიეს იგი და ისლამის მხედრებმა დაკარგეს იმედი ქალაქის დაპყრობისა“³⁷⁸. ეს ალფ არსლანის ზემოხსენებული ლაშქრობის დროს ხდება. მულანის შირქაბუთის ციხესიმაგრეში შესვლა შეიძლებოდა მხოლოდ მის ირგვლივ ღრმა და ფართო, წყლით

³⁷⁰ А. Л. Яковсон, Раскопки, с. 126, 131.

³⁷¹ И. Джафарзаде, Ист.-археол. очерк, с. 42, 58.

³⁷² მას'უდი, СМОМПК, ტ. 38, გვ. 35.

³⁷³ ბაქუვი, გვ. 97 (54).

³⁷⁴ იქვე, გვ. 33 (4), 47 (78), 65 (16), 96 (48) ამ ხილებიდან ერთი ფარსშია, მეორე — ანდალუზიაში.

³⁷⁵ И. Орбели. Кр. путеводитель, გვ. 14; საუენი=2,1336 მ.

³⁷⁶ იხ. ანისის ეგვები — Н. Марр, Ани; И. Орбели, დასახ. ნაშრ.

³⁷⁷ ქუსაინი, მთარგმნელის შ. 4, გვ. 190—191.

³⁷⁸ იქვე, გვ. 50.

საესე თხრილზე გადებული, ასაკეცი ხიდის გავლით³⁷⁹. „იტილი... გა-
ყოფილია დიდი მდინარით სამ ნაწილად. იგი აგებულია მდინარის ორ
ნაპირზე, რომელთა შორის არის კუნძული, მასზე კი — მეფის სასახ-
ლე. მეფის ციხე მდებარეობს კუნძულის ერთ-ერთ კიდეზე, რომელიც
შეერთებულია მდინარის ნაპირთან პონტონის ხიდით“³⁸⁰.

იოვანე საბანის ძე აღნიშნავს თბილისში „ხ ი ლ თ ა მათ ქალაქისათა
არსებობას“³⁸¹ (ხაზი ჩვენია. — პ. თ.). ერთი მათგანი ბაგრატ მეოთხის
თბილისთან ბრძოლის ხანაშიც იხსენიება: „ისნელთა ჩააგდეს ჳიდი და
არა მოსცეს ისნი“³⁸². ვახუშტი ხიდს არ ახსენებს. „ჩააგდეს“ „ჩაან-
გრიეს“ მნიშვნელობით? თუმცა, ი. აბულაძის „მასალებით“ „გდება“
„ნგრევა“-ს არ უკავშირდება³⁸³; „ჩააგდეს“, როგორც ჩანს, შემდგომ
საუკუნეებში გაჩნდა ტექსტში, ან კიდეც დამოწმებულ ლექსიკონში
არ აისახა სიტყვის ეს მნიშვნელობა.

თბილისში ერთ-ერთი ხიდი ქვის იყო: „აშენდა მისი (ხიდის) კედ-
ლები ქვით შემდეგ მასზე (კედელზე) გადააკრეს ხე“³⁸⁴. სხვა ცნობით,
„ქალაქსა და ციხეს შორის იყო ხის ხიდი, მაგრამ ის დასწვეს...“³⁸⁵.

თუ ორივე ცნობა ერთსა და იმავე ხიდს გულისხმობს, მათი შედა-
რებით ირკვევა, რომ მთელი ხიდი კი არ იყო ხის, არამედ ნაწილად,
მოაჯირი? იბადება კითხვა: როგორი იყო ქალაქის ხიდები თბილისში
და, საერთოდ, ამიერკავკასიის ქალაქებში, ჰქონდათ მათ მოაჯირი?
მთის სინამდვილეში ამ საკითხს მიაქციეს ყურადღება და აღნიშნულია,
რომ იქ ხიდებს, ისევე, როგორც კიბეებს, არ ჰქონდათ მოაჯირი³⁸⁶.

ცნობილია თბილისის ერთი ხიდის კონსტრუქცია — ის ერთთაღი-
ანი იყო; მაგრამ ცნობა დღემს ხიდის მასალის შესახებ³⁸⁷.



ხიდები და გზები ურთიერთობათა გაცხოველებას უწყობდნენ ხელს.
დარუბანდს, როგორც კასპიის ზღვის მნიშვნელოვან ნავსადგურს, გა-

³⁷⁹ ნესაევი, გვ. 271.

³⁸⁰ მასუდი, მურუჯ... СМОНПК, ტ. 38, გვ. 43.

³⁸¹ ძქვიძე, გვ. 172. შდრ. ივ. ჯავეახიშვილი, ქართველი ერის ისტორია, II, თბ., 1965, გვ. 89.

³⁸² მატჩიანე ქართლისა, გვ. 299.

³⁸³ ი. აბულაძე, ძველი ქართული ენის ლექსიკონი, იხ. „გდება“.

³⁸⁴ მუკადასი, СМОНПК, ტ. 38, გვ. 8, ВГА, ტ. III, გვ. 375—376.

³⁸⁵ ნესაევი, გვ. 168.

³⁸⁶ А. Ф. Гольдштейн, Дороги и мосты старого Дагестана, Зодчество Дагестана, с. 174.

³⁸⁷ აჯაიბ აღ-დუნია, გვ. 202.

შორჩეული ადგილი ეკავა ამიერკავკასიის ქალაქებს შორის. მისი ნავსადგურის აგებულება თვალნათლივ მოწმობს კასპიის ზღვაზე სავაჭრო ურთიერთობათა ინტენსიურ ხასიათს და ქალაქის მონაწილეობას ამ ურთიერთობაში. გარდა ამისა, ნავსადგური, — ერთადერთი ამიერკავკასიაში და ერთ-ერთი საუკეთესო ნაგებობა მთელ ახლო აღმოსავლეთში, — სრულიად განსხვავებულ იერს აძლევდა ქალაქის გარეგან სახეს და საქალაქო ცხოვრებას.

სხვადასხვა ავტორთა აღწერილობათა შეჯერებით ირკვევა, რომ ნაპირიდან ზღვაში აგებული იყო 600 წყრთის (დაახლოებით 300 მ) სიგრძის პარალელური ორი კედელი. ამგვარად შექმნილი ხელოვნური ფარვატერი გემს ზღვიდან ნავსადგურში შესვლას უადვილებდა. კედლებს შორის „გაივლიან გემები იმ ადგილიდან სადაც ფარვატერი გაკეთებულია დაკლანჩილად. ამ ფარვატერის სათავეში გაჭიმულია ჯაჭვი, ტირისა და ბეირუთის ჯაჭვის მსგავსად, მასზე კი არის ბოქლომები, რომლებიც იმის განკარგულებაშია, ვინც თვალყურს ადევნებს ზღვის მდგომარეობას [მას ს ა პ ი ბ ა ლ - კ ო ქ ლ „ბოქლომის პატრონი“ ეწოდებოდა — პ. თ.]. გემი არ შედის და არ გამოდის ნებართვის გარეშე“³⁸⁸. იმავე თხზულების სხვა ხელნაწერთ: ამ კედლებში „არის წყალზე დაკიდებული კარებები; ისინი გაკეთებულია მაგრად და მათი საგდულები თაღებზეა, თაღები კი გამოყვანილია ზედ წყლის ზედაპირზე და წყალი აღწევს თვით კარის საგდულამდე. კარებების მხრიდან დაკლანჩილი შესასვლელია გემებისთვის; სრუტის (ფარვატერის — პ. თ.) სათავეში, რომელშიც შედიან გემები, გაჭიმულია ჯაჭვი...“³⁸⁹ და შემდეგ ისევე, როგორც ზემოთ არის დამოწმებული.

უკვე ელინისტურ ხანაში „ყოველ მნიშვნელოვან ქალაქს უნდა ჰქონოდა შესაძლებლობა ჯაჭვებით ჩაეკეტა თუნდაც ერთი თავისი ნავმისადგომებიდან... ათენს ყველა თავისი ნავმისადგომის ჩაეკეტვა შეეძლო“³⁹⁰. ნავსადგურის გრძელი კედლებით, კებირებით (ერთ-ერთი მათგანის, ძვ. წ. VI საუკუნით დათარიღებულის სიგრძე 220, სიგანე 40 მ იყო³⁹¹) დაცვასაც უძველესი ტრადიციები გააჩნდა. ცნობილი იყო გემების შესასვლელის ჯაჭვის გარდა სხვა საშუალებით ჩაკეტვის ხერხიც³⁹². ჯაჭვით იყო გადაკეტილი კონსტანტინოპოლში ოქროს რქა³⁹³.

³⁸⁸ იბნ ჯაუკალი, СМОНПК, ტ. 38, გვ. 88.

³⁸⁹ იქვე.

³⁹⁰ В. Гарн, Эллинистическая цивилизация. Перев. с англ., М., 1949, с. 283.

³⁹¹ Л. П. Маринович, Г. А. Кошеленко, Археологические работы последних лет в Малой Азии, ВДИ, 1957, № 1, с. 178.

³⁹² ასოლიკია, გვ. 97: «Император Лев... приказал протянуть решетчатую железную стену и замкнуть ворота [этого] цепного укрепления».

³⁹³ История Византии в трех томах..., т. I, М., 1967, с. 363.

„დღემატ... ძველი ქალაქია... ნილოსი აქ ზღვას უერთდება. ნილოსის სივანე აქ დაახლოებით ასი წყრთა არის და მის ორივე ნაპირზე თითო კოშკია, მათ შორის რკინის ჯაჭვია (გაჭიმული), მასზე კი ზარი, და გემები შედიან და გამოდიან მხოლოდ ნებართვით“³⁹⁴. „ალ-მაჰდიჯა... ქალაქი იფრიკიაში. დაარსებული... 913 წ. ...მისი ნაემისადგომი გამოკვეთილია მაგარ კლდეში და იტევს ოცდაათ გემს. ნავსადგურში არის ორი კოშკი, რომელთა შორის რკინის ჯაჭვია გემის ნავსადგურში შესვლის დროს გზავნიან დაცვას, რომელიც დაუშვებს ჯაჭვის ბოლოს რათა შევიდეს უცხო ქვეყნის გემი, შემდეგ კი ისევ დაჰიმავენ მას“³⁹⁵.

კონსტანტინოპოლის ნავსადგურს ჰყავდა უფროსი³⁹⁶. სავარაუდოა, რომ ამ ხელის შესატყვისი იყო დარუბანდის ნავსადგურის ს ა ჰ ი ბ ა ლ - კ ო ლ ი .

ირკვევა, რომ იბნ ჰაუკალის ცნობა არ არის გადაჭარბებული და დარუბანდის ნავსადგურიც თავისი დროის შესაფერი ტექნიკური აღჭურვილობით იყო აგებული. ცხადია, იგი ააგეს კასპიის ზღვის სავაჭრო ურთიერთობათა მოთხოვნილებების შესაბამისად. გვიანი ხანის მოგზაურები დარუბანდში, ნაპირთან ზღვაში ნანგრევი ლოდების სიმრავლეს აღნიშნავენ. პეტრე პირველის დროს სცადეს ნავსადგურის აღდგენა, მაგრამ უშედეგოდ³⁹⁷.



შესაძლებლობა გვაქვს შევეხოთ ქალაქის კეთილმოწყობის და საინტარულ-ჰიგიენურ საკითხებსაც.

საერთოდ, მემატრიანენი იშვიათად, მაგრამ მაინც, ეხებიან ქალაქისა და საქალაქო ცხოვრების ამ მხარეს. ტრიპოლში, მაგალითად, სუფთა ქუჩები არისო, აღნიშნავს დაკვირვებული მოგზაურის თვალი³⁹⁸. „სუფთა, მშვენიერი ქალაქი“ იყო ბარდავიც³⁹⁹. მაგრამ არდებილი სწორედ რომ საწინააღმდეგო სურათს წარმოადგენდა: ქალაქში „ბევრია აიენები“⁴⁰⁰, ხილი და უსუფთაობები; არის გამდინარე წყლები... ქალა-

³⁹⁴ ბ ა ქ უ ვ ი, გვ. 42 (49).

³⁹⁵ იქვე. გვ. 58 (129).

³⁹⁶ ა ს ო ლ ი კ ი, გვ. 178.

³⁹⁷ С. О. Хан-Магомедов, Планировка и застройка Дербента (до конца XIX в.), Зодчества Дагестана, с. 86.

³⁹⁸ ნ ა ს ი რ ი ხ ო ს ო ლ უ, გვ. 17.

³⁹⁹ მ უ კ ა დ ა ს ი, იქვე, გვ. 7 და 375.

⁴⁰⁰ ახე ვთარგმნით ჩვენც დღენის كثير الرواشن -ს, კარაულოვის მსგავსად (много балконов). მაგრამ რამდენად ზუსტია ეს თარგმანი და სახელდობრ, რას

ქი არის ქუჭყიანი, მყრალი, მთელი ქვეყნის ერთი ფეხსადგილთაგანი (აჰაღუ ქუხუჭინ) — გადმოგვცემს მეორე მოგზაური⁴⁰¹.

თუმცა ირკვევა, რომ არდებილი მთლად არ გაუწირავს ალაჰს — მუკადასისვე ცნობით, კმატი, ხვარაზმის ძველი დედაქალაქი მასზე გაცილებით უსუფთაო ყოფილა⁴⁰².

ასეთი ხასიათის ცნობები, ავტორებისთვის ჩვეული გაზვიადება-გადაპარების გამო, ალბათ, სინამდვილის ადეკვატურად არ უნდა აღვიქვათ. უარეს სურათს არდებილზე უფრო დიდ და მნიშვნელოვან ქალაქებშიც წააწყდებით⁴⁰³.

ბილაყანის დამახასიათებელ თავისებურებად თვლიან საცხოვრებელი სახლების ეზოებშიც მრვალრიცხოვანი მშთანთქავი ორმოებისა და ქების არსებობას, მათ სანაგვედაც იყენებდნენ⁴⁰⁴.

დარუბანდში არაბთა ბატონობის დროს ტაბარსარანელებს რიგრიგობით ეგალებოდათ „ქალაქის ქუჩების გაწმენდა თოვლის, ტალახის და ყოველგვარი უსუფთაობისგან“⁴⁰⁵.

თბილისის ციტადელის მცხოვრებნი, როგორც ირკვევა, „ნაგავგამტარად“ მტკვარს იყენებდნენ⁴⁰⁶. სომხეთში დადასტურებულია აბანოს ნახშირი წყლის მშთანთქავი ორმო⁴⁰⁷.

6 . . .

გულისხმობს روشن ეს საგანგებო შესწავლას მოითხოვს. იხ. E. W. Lane, დასახ. ნაშრ., ტ. I, ნაკვ. 3 გვ. 1091.

⁴⁰¹ მუკადასი, იქვე, გვ. 10 და 377—378.

⁴⁰² იხ. В. В. Бартольд, Туркестан в эпоху монгольского нашествия, Сочин., т. I, М., 1963, с. 200: «Город грязнее Ардабиля... жители большею частью совершают свои физические отправления прямо на улице... Жители сгребают грязь в кучи [просто] ногам». ბარტოლდი შენიშნავს: «По переводу де Гюе: «Сни принесят грязь на ноги в мечети».

⁴⁰³ Ибн ал-Факих, Мешхедская пукопись, гл. о городе Самарре. Публ. А. С. Жамкочяна, ИФЖ 1973, № 2, с. 293: «...все равно Самарра, ве похожа на Ваш грязный Багдад... Их отхожее место, как поток, а их дорога как свалка».

⁴⁰⁴ იხ. МИА, 67, გვ. 56—68, 155, 171.

⁴⁰⁵ Тарихи Дербенд-наме. Под ред. М. Алиханова-Аварского, Тифлис, 1894, с. 81—82.

⁴⁰⁶ აჭაიზ აღ-დუნია, გვ. 202. ქართ. თარგმ. გვ. 28 „წყალი ციხეს ძალიან ახლოს ჩაუღის, ასე რომ, რასაც სარკმლები და ნადგომოგდებენ დადმოყრიან წყალში ცვივა“. ხაზგასმული სიტყვის ადგილზე დედანში არის სჯუკა; რუს. თარგმანში არის

«...сыплют и бросают из маленьких ворот...» სპარს. რუს. ლექსიკონები: «сдука (дариче) 1) дверца; окошко, оконце; форточка...» (Б. В. Миллер); «—1)дверца; калитка 2) форточка; окошко ..» (Ю. А. Рубинчик).

⁴⁰⁷ А. А. Джагашлянян, Бани, с. 243.



ქალაქის გარეგან სახეს დიდად განსაზღვრავს მისი სოციალურ-ეკონომიკური განვითარების, სოფლის მეურნეობიდან საქალაქო მეურნეობის გამოყოფის დონე და ხარისხი. გარდამავალი „საფეხური“ ქალაქის ტოპოგრაფიაშიც აისახება. უფრო ფართოდ და ზოგადად ამ პროცესის აღმნიშვნელი უნდა იყოს სხვადასხვა ენაში დამკვიდრებული ტერმინი „სოფელ-ქალაქი“. ამავე დროს, ფეოდალური საზოგადოების განვითარების სხვადასხვა საფეხურის შესაბამისად განსაზღვრული უნდა გქონდეს ქალაქის ცნება, ქალაქის მცხოვრებთა იურიდიული მდგომარეობა და ეკონომიკური ურთიერთობის ფორმები.

ყოველივე აქედან გამომდინარე, წყაროებში დამოწმებული ქალაქის მოსახლეობის კუთვნილი „მიწები“ და „მამულები“, ისევე როგორც ქალაქის ფარგლებში არსებული „სოფლის ობიექტები“, ყოველთვის შეიძლება არ აღნიშნავდეს ქალაქის, როგორც ისტორიული კატეგორიის, განუვითარებლობას. ქალაქი ყოველთვის იყო მასზე „მოკიდებული“ ქვეყნის ცენტრი და მისი სოციალურ-ეკონომიკური განვითარების წარმმართავი.

ყოველ შემთხვევაში, მხოლოდ თითოეული ქალაქის კონკრეტულ შესწავლაზე დამყარებული განზოგადება თუ იქნება მეცნიერულად გამართლებული.

მემბტიანეთა მიერ აღნიშნულ „თბილისის მამულებში“ (დ ი ა ა)¹⁰⁸, როგორც ჩანს, ქალაქს გარეთ და არა მის ფარგლებში მდებარე თბილისის მცხოვრებთა მიწებია ნაგულისხმევი. ასეთი ვითარება, რასაკვირველია, სხვა ქალაქების სინამდვილეშიც დასტურდება. „მიწათმფლობელად“ ქალაქი მისი დაარსების დღიდანვე გვევლინება, და წყაროებიც ხშირად აღნიშნავენ ქალაქის ირგვლივ თუ შემოგარენში, სანახებში მის მფლობელობაში არსებულ მიწის ნაკვეთებს, სახნავ-სათესს, აგარაკებს, სოფლებს, დაბებს. მაგრამ ყველაფერი ეს არ არის ქალაქის გარეგან სახესთან უშუალოდ დაკავშირებული; რა მის „მოკიდებულ“ ქვეყანას წარმოადგენს და სოციალურ-ეკონომიკურ ურთიერთობათა შესწავლის დროს არის განსახილველი.

აღებული ხანის ამიერკავკასიაში ჩვენთვის უცნობია სანახებიტურთ გალავანშემორტყმული ქალაქი. გალავანი აქ უშუალოდ ქალაქის ტერიტორიას ფარგლავს. ამის გამო, სახნავ-სათესი და ბაღები საკუთრივ ქალაქში, გალავანს შიგნით არ არის სავარაუდო.

თავრიზი — „აზერბაიჯანის ყველაზე ცნობილი ქალაქია. ესაა ქა-

¹⁰⁸ ა ა კ ე თ ი, გვ. 43; В. Ф. Минерский, Мас'уды в Кавказе, с. 210.

ლაქი დასახლებული, ლამაზი, მყარი გალავნებით აგურისა და თაბაშირისგან. მის შუაგულში მრავალი მდინარე მიედინება, ბაღები გარს ერტყმის მას⁴⁰⁹ (ხაზი ჩვენია — პ. თ.).

XIII ს. ანონიმი ნახჭევანს საკმაოდ დაწვრილებით აღწერს: „...ქალაქის სანახები (ს ა ე ვ დ) კარგია; გამდინარე წყალია; ბაღები (ბ ა დ) დაწვუნანე' (ს ე ბ ზ ე) ბევრია. მდინარე არეზი ქალაქის არეში მიედინება: ნაყოფი სასიამოვნოა. ამბობენ: მთელ ქვეყანაში ნახჭევანის ყურძენზე უკეთესი და სასარგებლო ყურძენი არ არის⁴¹⁰.

ბაქუვეი ნახჭევანის შესახებ: „...აქეს გალავანი და კ უ ჰ ე ნ დ ი ზ ი. აგებულია გაშლილ ადგილზე (მდებარე) მაღლობზე ისე, რომ მოჩანს მდინარე არეზი. მასში ბევრია ბაღები, ხეები⁴¹¹; უხვია მარცვლეულით და ნაყოფებით⁴¹².

თუ პირველი ცნობა ეჭვს არ ტოვებს სოფლის მეურნეობის ობიექტების ნახჭევანის სანახებში არსებობის შესახებ, მეორეს მიმართ ამას ვერ ვიტყვი; პირიქით მისი ავტორის თანახმად ქალაქში ბევრი ბაღი და ხეა. მაგრამ აშკარად ჩანს, რომ პირველი უკეთესად იცნობს გარემოს. თუნდაც იმიტომ, რომ მეორესგან განსხვავებით მასთან არეზი ქალაქში მიედინება.

ცხადია, ნახჭევანის გარეგანი სახის დასადგენად (და აქედან გამომდინარე სხვა საკითხების გასარკვევად) მნიშვნელობა აქვს დაზუსტდეს — ყ უ ჰ ე ნ დ ი ზ ი ა ნ ქალაქში გალავანის შიგნით მდებარეობდა თუ არა ბაღ-ვენახები და სახნავ-სათესი. ასეთ, შედარებით უკეთეს, ვითარებაშიც კი, როგორც ვნახეთ, ძნელდება ჭეშმარიტი სურათის აღდგენა. ჩვენ უპირატესობას პირველ ცნობას ვანიჭებთ.

XIII ს. შუა წლებში „რაბინი სიმეონი მღვდელი და ექიმი ფლობ-

⁴⁰⁹ მ ა კ უ თ ი. გვ. 37—38; შდრ. ზ ა ქ ა რ ი ა ა ლ - ყ ა ზ ვ ი ნ ი გვ. 31. „თიბრიზი. ვამარგებული ქალაქია, მყარი კედლებით... იქ ბევრი მდინარე და ბაღია რომელნიც მას გარს ეკვრიან“. ქ ა მ დ ა ლ ა ქ ყ ა ზ ვ ი ნ ი, ნუზჰათ ალ-ყულუბ [The geographical part of the Nuzhat al-Qulub compos. by Hamd-Allāh Mustawfi of Oazwin in 740 (1340). Ed. by G. L e S t r a n g e, Leiden—London, 1915 (GMS, XXIII, 1)] გვ. 79: „ნაჰე სარდრუდის სოფლების და ქალაქ თავრიზის ბაღები ერთმანეთს გადაებმოდან, რომელ სოფელს ეკუთვნის ვერ ვაარჩევ“. ბ ა ქ უ ე • გვ. 67 (31): «Табриза... имеет крепкие стены... там много рая и он окружен садами».

მაგრამ გასათვალისწინებელია ისიც, რომ არაბულსა და სპარსულში რა მდინარის გარდა არსაც ნიშნავს!

⁴¹⁰ ა ქ . ბ ა ლ - დ უ ნ ი ა, გვ. 209.

⁴¹¹ დედანში გარკვევით არის الأشجار و البساتين ბაქუვეი, არაბ. ტექსტი გვ. [63a]. ზ. ბუნატოვი თარგმნის: «...много садов, лесов» (sic) იქვე, გვ. 99 (66).

⁴¹² იქვე.

და მარალაში „სამეფო ბაღებსა და ბაღებს და მშენიერ ადგილებს“⁴¹³. ვიცით, რომ X საუკუნეში მარალა „ერთობ ჯანმრთელი, აყვავებული; ბაღებით (ა ლ-ბ ა ს ა თ ნ ნ), სოფლებით (ა ლ-რ ა ს ა თ ნ კ) და ნათესებით (ა ლ-ზ უ რ უ) მდიდარი ადგილი იყო“⁴¹⁴, მაგრამ აქედან მხოლოდ ბაღები თუ შეიძლება იყოს ქალაქში. რუსტაკი „სოფლების ჯგუფია“⁴¹⁵, ხოლო, თუ „ნათესებიც“ ქალაქში აღმოჩნდა, მაშინ სოფელს რაღა „დარჩა“? ასე რომ, აქ და მსგავს შემთხვევებშიც ქალაქს მიმდგომი, მასთან დაკავშირებული სოფლები თუ სხვა სამეურნეო დასახლებანი უნდა ვიგულისხმოთ, სადაც, ადვილი შესაძლებელია, ქალაქის მცხოვრებლების მიწის ნაკვეთებიც მდებარეობდნენ.

მარალაში ბაქუჯი ასახელებს „ბაღს“ (ბ უ ს თ ა ნ) ყიამათაბადად სახელდებულს, რომლის ფართობი ფარსახი ფარსახზე იყო⁴¹⁶; ესე იგი — 36 კვ. კმ. თუ მარალაში მდებარე ბაღი ასეთი სიდიდის იყო, რაღას უდრიდა თვით ქალაქის ფართობი? შედარებისთვის შევნიშნავთ, რომ, ისტახრის თანახმად, ბარდავის ფართობი „კვადრატულ ფარსახზე (ესე იგი, სწორედ 36 კვ. კმ — პ. თ.) მეტი“ იყო⁴¹⁷.

ჩვენი აზრით, იბნ ჰაუკალი უფრო ზუსტია: „მ ა ს თ ა ნ (მარალასთან) ბევრი რუსტაკებია და ნათესები“⁴¹⁸ (ხაზი ჩვენია — პ. თ.).

თუ X ს. მარალაში არ იყო ქალაქის შიგნით ბაღები და სახნავ-სათესი, რა საფუძველი გვაქვს XIII საუკუნეში ვივარაუდოთ მათი არსებობა? ეს ხომ საქალაქო ცხოვრების დაქვეითების მანიშნებელი იქნებოდა. რა თქმა უნდა, ჩვენ არ ვგულისხმობთ ყოველთვის და ყველგან საზოგადოებრივი განვითარების განუწყვეტელ აღმასვლას; მაგრამ ბაქუჯის დროს მარალაში ნასირ ალ-დინ თუსის ობსერვატორია მოქმედებდა⁴¹⁹.

გასარკვევია შემდეგი: რამდენად შეესაბამება, აკმაყოფილებს ქალაქის ცნებას წყაროებში აღწერილი ესა თუ ის გეოგრაფიული პუნქტი, რომელსაც მემატინანე ქალაქს უწოდებს და რომელშიც (რომელთანაც?) ბაღები და სახნავ-სათესებია დასახელებული⁴²⁰. ზოგჯერ ისინი, შესაძლებელია, „სოფელ-ქალაქებს“ წარმოადგენდნენ, სუსტად

⁴¹³ ბ ა რ ჰ ე ბ რ ა ი, გვ. 76.

⁴¹⁴ ის ტ ა ხ რ ი, СМОНПК, ტ. 29, გვ. 5.

⁴¹⁵ В. В. Бартольд, К истории оршения Туркестана, Сочин., т. III, а. 119.

⁴¹⁶ ბ ა ქ უ ვ ი, გვ. 80 (104).

⁴¹⁷ ი ბ . ჰ ა კ ა ლ ი, გვ. 31.

⁴¹⁸ ი ბ ნ ჰ ა უ კ ა ლ ი, იქვე, გვ. 83; შტრ. G. Le Strange, The Lands of the Eastern Caliphate, Cambridge, 1930, p. 164: «Maraghal was a most pleasant town, surrounded by a wall beyond which lay fruitful orchards».

⁴¹⁹ ბ ა ქ უ ვ ი, გვ. 80 (104).

⁴²⁰ ი ბ ., მაგალითად, ი ბ ნ ჰ ა უ კ ა ლ ი, იქვე, გვ. 85.

განვითარებული საქალაქო მეურნეობით, სადაც მცხოვრებლებს მჭიდრო კავშირი აქვთ სოფლის მეურნეობასთან; და რადგანაც მათი დასახლების გარეგანი სახე ქალაქის ტოპოგრაფიის კომპონენტებს (გალავანი, მეჩეთი, ბაზარი) შეიცავს, მემატიაზე ამიტომაც უწოდებს მას „ქალაქს“. მაგრამ ამ საკითხების კვლევა ქალაქთა კლასიფიკაციის სფეროში შედის.

არცთუ იშვიათად ამა თუ იმ ქალაქის აღწერა სინამდვილეში ამ ქალაქის „ქვეყნის“ აღწერას გულისხმობს. ბარდავი „ძველი, დიდი ქალაქია არანის შუაში. (აქ) მრავალი სიკეთე და გამდინარე წყლებია, 'მწუანე' და ქალები (ს ე ბ ზ ე ზ ა რ ო ბ ი შ ე) ბევრია, სასიამოვნო ხილია. ქალაქის გვერდით საძოვარია (ა ლ ა ზ ხ ა რ ი), რომელსაც ბ ა ლ ი ს ა ფ ი ნ დ ს უწოდებენ. მეფეთა საჯდომი ადგილია და კარგი სანაღირო ადგილია (შ ე ქ ა რ გ ა ჰ). ბარდავი არის მეჩეთი...“⁴²¹.

ცხადია, რომ ავტორი ბარდავის „ქვეყანას“ აღწერს. იგივე უნდა ვიგულისხმოთ იმ შემთხვევებშიც, როდესაც იგივე ავტორი არ უთითებს, იშვიათი გამოჩაყლისის გარდა, თუ სად მდებარეობდა (ქალაქში თუ მის ოლქში) სახელდებულ თუ „უსანელო“ (ქალაქის აღწერა ქალაქის სახელწოდების გარეშე) ქალაქებთან აღწერილი „მრავალი მწუანე. მდებარეობი, საძოვრები, ბაღები“⁴²².

აღნიშნული თვალსაზრისით საყურადღებოა ქ. მულანის აღწერა: „მულანი ორი მდინარით და მშვენიერი ბაღებით გარშემორტყმული ქალაქია, თითქოს ის ამ ბაღების სივრცეში (ჩაფლული) წალკოტია; ის თავრიზთან ერთად ორი ბაღია“⁴²³.

რუსული თრგმანის მიხედვით ბაღები ქალაქში, მოედნებზე — ყოველ შემთხვევაში, ქალაქის ფართობზე — მდებარეობენ. მაგრამ, როგორც ვხედავთ, ასე არ არის. რასაკვირველია, არ არის გამოორიცხული ბაღების არსებობა ისეთი პატარა ქალაქის შიგნით, როგორიც მულანი იყო, მაგრამ არც ისეთი კატეგორიული მტკიცების საფუძველს ვაძლევს წყარო, როგორც ეს კარაულოვის თარგმანშია მოცემული.

თარგმანის „ბაღი“ დედანში სამი სხვადასხვა სიტყვით არის გად-

⁴²¹ აქ: ბ აღ-დენია, გვ. 201, სპარ. ტექსტი, გვ. 214. შდრ. ქართ.თარგმ., გვ. 27: „...დღი სომღირე აქეს, ნაკადულები, მდებარეობი და ბევრი ტყე... ქალაქთან ერთი მდინარია, რომელსაც „თეთრ ბაღს“ უწოდებენ.

⁴²² იქვე, passim.

⁴²³ შ ე ქ ა რ გ ა ჰ ი, BGA, ტ. III, გვ. 378: «مَوْغَانٌ مَدِينَةٌ قَدْ أَحَاطَ بِهَا نَهْرَانٌ وَحَوْلَهَا حَدَائِقُ حَسَنَةٌ، كَانَهَا فِي رَحْبِهَا جَنَانٌ، هِيَ مَعَ تَبْرِيزَ رَوْضَاتٍ». СМ. ОМПК, т. 36, гл. 11: «Мукан—город окруженный двумя реками и прекрасными фруктовыми садами; же и на площадях его; он и Тебриз и прекрасные сады».

მოცემული⁴²⁴. მაგრამ ამ ტერმინებს არა აქვთ ისეთი კონკრეტული შინაარსი, რომელიც მიგვანიშნებდა მათ ადგილმდებარეობაზე — ქალაქში თუ ქალაქის გარეთ.

სხვადასხვა თხზულებები გვაწვდიან ცნობებს, რომ ქალაქის მცხოვრებლებს ჰყავთ საქონელი. საქონელი კი თავის სადგომს და საკვებს საჭიროებდა. თივის ზეინს ქალაქელი კაცი თავისი საცხოვრებლის ეზოშიც დადგამდა. მაგრამ საქონლის სადგომი საგანგებო ნაგებობას მოითხოვდა, რომელიც, შესაძლებელია, საცხოვრებლის კომპლექსში შედიოდა ან ცალკე იდგა — ეს უკვე საქალაქო ცხოვრების და კულტურის განვითარების დონის შესაბამისად.

დამოწმებული მასალა ქალაქსა და სოფელს შორის უშუალო კავშირების, ქალაქისა და სოფლის მეურნეობის ერთმანეთისგან გამიჯვნის ხარისხის მაჩვენებელია. ეს ხარისხი გაცილებით მაღალი იყო ამიერკავკასიის დიდ პოლიტიკურ-ადმინისტრაციულ და სავაჭრო-ეკონომიკურ ცენტრებში. ყველაფერი ეს, ცხადია, ქალაქის გარეგან სახეში გამოიხატებოდა.

ფეოდალური ქალაქის გარეგანი სახის წარმოსახვას აადვილებს საქალაქო მეურნეობის ძირითადი დარგის, ხელოსნური წარმოების, შესწავლა.

⁴²⁴ رَوْحَةَ حَيْبَةَ جَنَّةَ مათ შესახებ იხ. E. W. Lane, დასახ. ნაშრ.

თ ა ვ ი მ ე ო რ ა

ამიერკავკასიის ქალაქების ხელოვნური წარმოება

ხელოვნური წარმოების განვითარების დონე დიდად არის დამოკიდებული ადგილობრივ პირობებზე, სოფლის მეურნეობას ცალკეულ ღარგებზე, წიაღისეულზე, მადნის შემადგენლობასა, ხარისხსა და მოპოვების პირობებზე და, რა თქმა უნდა, ხელოსანთა „კადრებზე“ ანუ ქვეყნის საერთო სოციალურ-ეკონომიკური განვითარების დონეზე.

X—XIII სს. თხზულებანი და არქეოლოგიის მონაპოვარი არსებითი ხასიათის ცნობებს შეიცავენ აღნიშნული საკითხების შესასწავლად.

ლითონდამმუშავებელი დარგის განვითარებას ხელს უწყობდა სხვადასხვა მადნეულის ადგილობრივ, ამიერკავკასიაში, არსებობა, მისი და მუშავეების და ლითონის გამოღობის უძველესი და უმდიდრესი ტრადიციები. ცალკეულ მხარეებში წყაროები ასახელებენ რკინის, სპილენძის, ტყვიის, თუთიის, ვერცხლის, ვერცხლისწყლის, მანგანუმის, სურმის საბადოებს!

„შიზი... მხარე აზერბაიჯანში... მისი ვერცხლისწყალი უკეთესია ჭურანისაზე, უფრო მძიმეა და სუფთა. ჩვენ გავსინჯეთ იგი და მისი შეფარდება [მისი შემცველობისა] მადნურ ვერცხლში აღმოჩნდა ერთი ოცდაათთან. ჩვენ მსგავსი არ გვინახავს აღმოსავლეთში. რაც შეეხება მის ვერცხლს, იგი ძვირია მათთან ნახშირის სიძვირის გამო“².

ოქროს ასახელებენ აღ-რანში და შიზში. „რაც შეეხება (შიზის) ოქროს იგი სამი სახისაა: ერთი სახეობა მისი ცნობილია აღ-კუმისრღ. ესაა მიწა, რომელსაც ასხამენ წყალს. მას (მიწას) ჩარეცხავენ წყალი და რჩება თიბრი, ვითარცა წვრილი მარცვალი, რომელიც იკრიბება

¹ ვახუშტი. გვ. 311; იბნ ალ-ფაკიჰი, СМОМПК. ტ. 31. გვ. 39; აბუ დულაფი (Вн: рая записка Абу Дулафа. Изд., текста, перев., введ. и комм. П. Г. Бу: такса, и А. Б. Халидова, М., 1960), გვ. 32, 34, 38, 39. აკუთი, გვ. 25, 26, 58, 68. ჰამდალაჰ ყახვინი, ნუზათ აღ-შულუბ, გვ. 89; ბაქუვი, გვ. 72 (58).

² აბუ დულაფი, გვ. 32; აკუთი, გვ. 68—69.

ვერცხლის წყლის საშუალებით. იგი წითელია, ხალუკის ფერისაა, მძიმეა, სუფთა, ხასხასა, ცეცხლგამძლე, რბილი და ჰედალი.

მეორე სახე იწოდება ას-საპრიკნდ. პოულობენ მას ნაპრებად ერთი ჰაბბიდან ათ მისკალამდე წონით. იგი ხასხასა, მკვრივი და მძიმეა, მაგრამ არის მასში ცოტა სიმშრალე.

სხვა სახეობა იწოდება ას-საჰანდნდ. იგი თეთრია, რბილი, მძიმეა, წითელია სინჯვისას და იღებება აჯასპით³. ოქროს მეორე სახეობას აბუ დულაფთან ალ-შაპრანი, მესამეს — ალ-საჯაბაზი ეწოდება⁴.

ირკვევა, თუ როგორი „ტექნოლოგიური“ პირობები უნდა დაეკმაყოფილებინა ლითონს ხელოსნის, პირველ რიგში, ოქრომშეღლის ხელში.

საქმამ მრავალფეროვნებით ხასიათდება მინერალური საბადოებიც. პირველ რიგში აღსანიშნავია მარილი, რადგანაც მას ფეოდალურ საზოგადოების სავაჭრო ურთიერთობებში მნიშვნელოვანი ადგილი ეჭირა. მარილის სარეწები ცნობილი იყო ვანის და ურმიის ტბების მიდამოებში, ბაქოს რაიონში. წყარო ანასიათეს მარილის ხარისხსაც: ურმიის ტბიდან „ამოაქეთ მარილი ბრწყინვალეობით მსგავსი თუთიისა“ და „გემრიელი“. არაბებში გავრცელებულ მარილის ოთხი სახეობიდან ერთს — „არმინიული“ ეწოდებოდა⁵.

სხვადასხვა წყაროებში დასახელებულია სხვა მინერალებიც: მაგნეზიტი, გოგირდი, დარიშხანი⁶, შაბი თეთრი და წითელი, წითელი და შავი შაბიამანი და სხვ.⁷

დასახელებულია კარგი ხარისხის და დიდი რაოდენობის ბამბა განძაში, მარალაში, კაბანში, მარანდში, ნახქევანში, ბაილაყანში, ნავდიზში, დიზმარში, ორდუბალში⁸. ცხადია, აქ უნდა ვიგულისხმოთ ამ ქალაქების სასოფლო სამეურნეო რაიონები. მოჰყავდათ სელიცი⁹. ამ კულტურას უძველესი ტრადიციები გააჩნდა ამიერკავკასიაში (კოლხური სელი).

წყაროები გვაწვდიან ცნობებს ბუნებრივი საღებავი ნედლეულის

³ აკუთი, გვ. 68—69.

⁴ აბუ დულაფი, გვ. 32.

⁵ იბნ ჰაუკალი, გვ. 97, 124—125, შ. 60. აკუთი, გვ. 25, 29, 58; აბუ დულაფი, გვ. 37—38, 39; Тарихи Дербенд-наме, с. 86; აჯაბ ალ-დუნია⁶ გვ. 200; ზაქარია ალ-ყაზვინი, გვ. 31, 35.

⁶ ორი სახის: ყვითელი და წითელი.

⁷ იბნ ჰაუკალი, გვ. 125; იბნ ალ-ფაკიჰი, გვ. 39; აბუ დულაფი, გვ. 32, 34—36, 39, აკუთი, გვ. 30, 34, 58.

⁸ პოდუდ ალ-ალეში, გვ. 161.

⁹ ისტახრი, СМОМПК, ტ. 29, გვ. 11, ВСА, I, გვ. 183; И. П. Петрушевский, Земледелие и аграрные отношения в Иране XIII—XIV веков, М.—Л., 1960, с. 193.

შესახებ. აქაური ყირმიზი, ზაფრანი, ენდრო კარგი სახელით სარგებლობდა ამიერკავკასიის გარეთაც. აღსანიშნავია, რომ ბუნებრივი საღებავების წარმოება და გამოყენება ამიერკავკასიის შორეულ წარსულში იღებს სათავეს¹⁰.

საგანგებო ყურადღებას უთმობენ წყაროები ყირმიზის საღებავს; იგი ვაჭრობის საგანიც იყო. „ქმნიწ ამ საღებავს ჰია, აბრეშუმის ჰიის მსგავსად, როდესაც ეს ირგვლივ შემოიქსოვს პარკს“¹¹. ეს ჰია „მარანდის ველებში არის და ზამთრის ერთ განსაზღვრულ კვირაში უნდა მოვროდეს; თუ არა, ყირმიზი იჩუტება და ყვითლდება“¹². „არმენიელები ამბობენ: ჩვენ ყირმიზი გვაქვს, რომელიც ჩვენს გარდა არსად არ არის. ეს არის წითელი ჰია, რომელიც გამოდის გაზაფხულის დღეებში. მას აგროვებენ, ხარშავენ და ღებავენ იმით შალს. უხვად არის ენდრო“¹³. მუკადასი უფრო აზუსტებს: საღებავების ნედლეულს ქალები აგროვებდნენ სპილენძის ჭურჭელში¹⁴.

მაგრამ არმენიის გარდა ყირმიზი, ისევე როგორც ენდრო, სხვაგანაც იყო ამიერკავკასიაში. კასპიის ზღვის უდაბურ, მტკვრის შესართავთან მდებარე კუნძულზე „იღებენ ენდროს“¹⁵.

ყირმიზის ჰია, მართლაც, მიწაში, განსაკუთრებით მარცვლეულის ფესვებზე იზრდება¹⁶.

ამიერკავკასიაში ენდროს¹⁷ გავრცელებასა და სამრეწველო მნიშვნელობაზე მიუთითებს ის ფაქტი, რომ XIX ს. რუსეთის საფეიქრო მრეწველობის საღებავებზე გაზრდილი მოთხოვნილების გამო ბაქოს გუბერნიაში, დარუბანდის ოლქში ენდროს პლანტაციები 400 ათას ფუთ ნედლეულს იძლეოდნენ წელიწადში. დარუბანდის ენდრო ერთ-ერთ საუკეთესო ჯიშად ითვლება. ამ საღებავისგან, რომელიც თავისი თვისებებით უკეთესია ვიდრე ხელოვნური, სინთეზური საღებავები, ამზადებენ, გარდა მკვეთრი წითლისა, ასევე სხვადასხვა ფერის საღებავებს¹⁸.

საღებავებს ხელოსნური წარმოების სხვადასხვა დარგში იყენებ-

¹⁰ Т. А. Бунятов. К истории крашения пряжи в древнем Азербайджане. МИАЭ., т. VI, Баку, 1963, с. 15.

¹¹ იბნ ჰაუკალი. СМОНПК, ტ. 38, გვ. 92.

¹² ჰამდალაჰ ყაზვინი, ნუჰათ ალ-ყულუბ, გვ. 88.

¹³ იბნ ალ-ფაკაჰი, გვ. 39.

¹⁴ მუკადასი, იქვე, ტ. 38, გვ. 16.

¹⁵ აკუთი, გვ. 28.

¹⁶ В. Н. Русанова, Кошил на Апшероне, ИАзФАН, 1944, № 11, с.

¹⁷ *Rubia tinctorum*.

¹⁸ С. О. Хан-Магомедов, Планировка, с. 95—96.

დნენ. არქეოლოგიური მასალით დასტურდება ამიერკავკასიაში ფერადი მინის არსებობა¹⁹.

არის ცნობები სხვადასხვა მცენარეების მოპოვების შესახებ. სომხეთში დამოწმებულია ბერძნული ლავანდი²⁰. ამ ნახევრადბუჩქოვანი მცენარის ყვავილებისგან ხდიდნენ სურნელოვან ზეთს ნელსაცხებელთა დასამზადებლად²¹. ანონიმი ავტორი გადმოგვცემს, რომ 603/1206—1207 წელს, როდესაც ის არზან ალ-რუმში (არზრუმში) იმყოფებოდა, იმ დროს ყოველდღიურად ქალაქში ასი ხ ა რ ვ ა რ ი ი ა მოჰქონდათ²².

ბაქოს ნავთობს აღნიშნულ საუკუნეებშიც სარეწაო მნიშვნელობა ჰქონდა. ცნობილი იყო რამდენიმე ფერის ნავთობი. ბაქოში „არის ნავთის [ნ ა ქ ტ] დიდი წყარო... მის გვერდით მეორე საბადოა, რომლიდანაც განუწყვეტლივ, დღე და ღამე, მიედინება თეთრი ნავთი, როგორც ვერცხლისწყლის ზეთი“²³. ასახელებენ აგრეთვე შავ და მწვანე ნავთობს²⁴.

¹⁹ შდრ. რუსთაველთან, 689: „.. ზაფრანა იმგავსოს ფერად მინამან“, და 321 „...შეიქმნა პირითა მინა-ვარდითა“; (მინის, როგორც ხელოსნური ნაწარმის შესახებ იხ. ქვემოთ).

²⁰ ლევადა Lavandula.

²¹ „ვეუხისტავოსანი“ (329) არის: „ქარზედა ბაღა, საბანლად სარაჯი ვარდის წყალისა;“ და 341: „მრაველად იყო სარაჯები ვარდის წყლისა აბანოსა“. დამოწმებული სტროფების „სარაჯი“ ა. შ ა ნ ი ძ ი ს ლექსიკონში (იხ. ჩქვე, გვ. 380) გაქმარებულია: „ღარით ან მილით ვამოყვანილი წყალი“. შდრ. ა. ნეიმანი, ქართულ სინონიმთა ლექსიკონი: „სარაჯი, შადრევანი, ფავარი (ფავანი)“, „ვეუხისტავოსანი“ დამოწმებით. ს.-ს. ო რ ბ ე ლ ი ა ნ ი, ლექსიკონი: „სარაჯა ქვისა და ძვლის ღარივით რუსეთისა;“ „ს ა რ ა ჯ ი... იგივე ღარულად ნაქმარი... ქვა ანუ ქელი აქათ-იქით ოღვას, შუა რუსეთით წყალი მოდიოდეს (მდიოდეს) ავში“. „მრავალი“ მილით ან ღარით აბანოში ვარდის წყლის დენა თითქოს ცოტა მოულოდნელია. რუსთაველს, როგორც პოეტს, რა თქმა უნდა, შეეძლო მოეცა ასეთი პოეტური სახე. მაგრამ აქ გასათვალისწინებელია შემდეგი: ი. ა ბ უ ლ ა ძ ე, დასახ. ნაწრ.. ღვთაბატონი: „ერთადა ზეთი პატარესა, ვიდრემდის აღდგ-ლა სირაჯსა, აწოფენ და ცეცხლი იგი ძლიერად ინათებინ“ მ. სწ. (მამათა სწავლანი, X და XI ს-თა ხელნაწერების მხედვით გამოსცა ი. ა ბ უ ლ ა ძ ე მ ა. შანიძის რედ., თბ., 1955), გვ. 182^რ. ამაღლ: „სარაჯ-ი (სარაქისა) იგივეა, რაც სარაჯი“. „სარაჯი“ (სარაქისა) იგივეა, რაც ფიჭა“.

მუნჯრდის, Аттат-ის Баранов-ის Dozy-ს Vullers-ის, Steingass-ის ლექსიკონები: ს ი რ ი ჯ, ს ი რ ა ჯ (შ ი რ ა ჯ) — გუნჯუთის (შირაბატის), სესამის ზეთი, ს ი რ ა ჯ — „ღამე პარი“; ა ლ-ს ი რ ა ჯ მ რ. ს უ რ შ ე ჯ — ჰურშეღი, რომელშიც თავსდება ზეთი ან მისთანანი“.

ხომ არ გულისხმობს რუსთაველთან „სარაჯი“ ვარდისწყალზე დაყენებულ ნელსაცხებელს ან სანელსაცხებელ ჰურშეღს?

²² აჯაიბ ალ-დუნია, გვ. 199; 4شبه Viola.

²³ ა ა ქ უ თ ი, გვ. 26.

²⁴ აჯაიბ ალ-დუნია, გვ. 200. დაწერილებით იხ. С. Ашурбейли, Очерк, с. 47—75. ო ლ ე ა რ ი უ ს ი (გვ. 483) მხოლოდ ორი ფერის ნავთს აღნიშნავს.

ნავთობს სამხედრო მიზნით ამიერკავკასიაში იყენებდნენ უკვე ძვ. წ. I საუკუნეში²⁵. „ნავთის“ საწვავად გამოყენების შემთხვევა დადასტურებულია ადრეული შუა საუკუნეების საქართველოშიც²⁶.

„მე ვნახე... ბაქოსთან ადგილი, სადაც [მიწიდან] ამოდის კირი“²⁷. დედნისეული კირსამშენებლო საქმეშიც გამოიყენებოდა.

ნავთობზე მოთხოვნილება — განსაკუთრებით სამხედრო საქმეში — მის მოპოვებასაც ზრდიდა. ბაქოში ყოველდღიურად იღებდნენ „ორას აქლემის საპალნე ნავთობს...“²⁸. საყურადღებოა, რომ აქვე ნავთობის „საბადოების გეგრდით არის ყვითელი ფერის მკვრივი მიწა, რომელიც იწვის სანთლის მსგავსად. მას მოამტვრევენ ხოლმე ნატეხებს და მიაქვთ ქალაქში სახლებისა და აბანოების გასათბობად“²⁹. ეს მნიშვნელოვანი, თუმცა რამდენადმე ნაკვირვანი ხანის, ცნობაა საქალაქო მეურნეობის, კულტურის ისტორიის შესასწავლად.



წარმოების საშუალებათა წარმოებასაც ფეოდალური საზოგადოება სათანადო ყურადღებას უთმობდა. მაგრამ ფეოდალური ეკონომიკის, წარმოების ძირითად შინაარსს მაინც ადამიანის უშუალო მოთხოვნილებათა (სამხედრო საქმესთან ერთად) დაკმაყოფილება განსაზღვრავდა. ხოლო ფუფუნების საგნების წარმოება და გასაღება შუა საუკუნეების ხელოსნური მრეწველობის და საერთაშორისო ვაჭრობის მთავარ მამოძრავებელ ფაქტორს წარმოადგენდა.

ახლო აღმოსავლეთის მცხოვრებთათვის, ა. მეციის აზრით, ტანსაცმელი ყველაზე მეტად მნიშვნელოვანი რამ იყო. ჩაცმა-დახურვის ხელოვნება უაღრესად დაიხვეწა; ბინის მორთულობას კი ურიცხვი ფერადი ფარდები შეადგენდნენ. ფუფუნებაში ცხოვრება აქ, უპირველეს

²⁵ Н. Пигулевская, Города, с. 57.

²⁶ იოვანე საბანის ძე, გვ. 172: „მოიღეს შემად და თივა და ნავთი და დასხეს გუჰა მას... და დააგნეს ცეცხლი“.

²⁷ ლარნატი (რუს. თარგმ), გვ. 23 შ. 3. 1:5 — «Смола, битум» «Смола — ფისი, დღვლი, კვპრი, ასფალტი» — Русско-грузинский словарь составл. Д. Чубиновым, Тифлис, 1886, 1901. ს.-ს. ორბელიანი, ლექსიკონი: „უპრი ესე კეპრი სომხურაა, ქართულად ასფლასტოსია“; „ასფალტი (ასფლათი) კლდელ და წკლიდამ გამოეა შავი (ა) კუპრის(ა) ჰვავს“. ოშკის ბიბლიაში: „აგზობდეს საწყმობსა მას ნავთსა, ფისსა, ნაქმსა და ნასხლევსა“ — ი. აბულაძე, დასახ. ნაწრ., „სუსი“.

²⁸ ბაქუევი, გვ. 87 (17). არის ცნობა ნახშირის საწვავად გამოყენების შესახებაც — იქვე, გვ. 94 (37).

²⁹ იქვე, გვ. 87 (17).

ყოველისა, კარგად ჩაცმას გულისხმობდა, ხოლო მეყუდროდ და სასიამოვნოდ ცხოვრება — კედლებისა და იატაკის ლამაზი ნოხებით მორთვას³⁰.

ამიტომაც თუ მიაღწია განვითარების მაღალ დონეს საფეიქრო ხელოსნობამ აღმოსავლეთის ხელოსნურ წარმოებაში. ამავე დონეს შესაბამებოდა ამიერკავკასიის ქალაქების საფეიქრო მრეწველობა როგორც წარმოებული საქონლის ხარისხით, ასევე ნაწარმის მრავალფეროვნებით.

აბრეშუმის ქსოვილი შედარებით ფართოდ ვრცელდება უკვე აღრეულ შუა საუკუნეებში. წელთაღრიცხვათა მომიჯნავე ხანაში შუა აზიის საქარავნო გზის ათვისებას უკავშირდება აგრეთვე ჩინეთიდან აბრეშუმის გავრცელებაც პართიის სახელმწიფოში და, შესაძლებელია, ეგვიპტეშიც. ისახება აბრეშუმის წარმოების ადგილობრივი კერებიც დასავლეთ აზიაში და ფინიკიაში³¹.

სამეცნიერო ლიტერატურაში აღნიშნულია, რომ აბრეშუმის ქიის გამოყვანა და, მაშასადამე, ქსოვილის წარმოებისათვის საჭირო ნედლეულის გამომუშავება „ბიზანტიის ოლქებში მხოლოდ VI ს. განეკუთვნება“³², მომდევნო ხანაში კი აბრეშუმის წარმოება უკვე დასავლეთიდან, ბიზანტიიდან აღმოსავლეთისაკენ ვრცელდება — სასანელებმა ბიზანტიის იმპერიიდან გადმოღებული აბრეშუმის წარმოება ხუზისტანში დანერგეს. X საუკუნეშიც ბერძნული ატლასი ისევ საუკეთესოდ ითვლებოდა³³.

სხვა მოსაზრების თანახმად. VI—X სს. შორის შეაბრეშუმეობა თანდათან ვრცელდებოდა მერვიდან და გურგანიდან ტაბარისტანში, დეილემში და სამხრეთ კასპიისპირეთის სხვა ოლქებში³⁴.

ამიერკავკასია აბრეშუმის გავრცელების ორივე აღნიშნული გზის შესაყარზე მდებარეობდა. ამდენად, აქ ის აღრევე უნდა გავრცელებულიყო. საკითხის შესწავლის დროს გასათვალისწინებელია ის ცნობები, რომლებიც, შესაძლებელია, აბრეშუმის ადგილობრივ წარმოებას უკავშირდებოდეს. კერძოდ, იაკობ ტურტაველთან დამოწმებული „ჰიქ-

³⁰ А. Мец, Мусульманский ренессанс. Перев. с немец. предисл., бнб-лиогр. и указателъ, Д. Е. Бергелъса, 1936. с. 357. საქართველო და სომხეთი შუღის ახლო აღმოსავლეთის გეოგრაფიულ არეში, მაგრამ თუ რა ვითარებაა ამ ქვეყნების კულტურის აღნიშნულ სფეროში, ეს სავანებო შესწავლას მოითხოვს.

³¹ В. Тарн, Эллин. цивилизация, с. 231—232; იხ. აგრეთვე ВДИ, 1940, № 2, გვ. 153; „M. Th. Schmitter, Chine ou Proche-Orient?“ რეზიუმე.

³² Н. Пигулевская, Города с. 226.

³³ А. Мец, დასახ. ნაშრ., გვ. 360.

³⁴ И. Петрушевский, Земледелие, с. 166. ამ თვალსაზრისით განსაკუთრებით მნიშვნელოვანი იყო ქ. ამელი; იხ. В. В. Бартольд, Место, с. 680.

ნაუხტი“ განმარტებულია, როგორც „აბრეშუმის ქსოვილი“³⁵. საყურადღებოა აგრეთვე სულხან-საბას ლექსიკონში დაცული მასალა. სახელდობრ, „ბოყი — ახალი ყაჰის პარკი; ყაჰის პარკი უმი“ და აბრეშუმთან დაკავშირებული სხვა სიტყვები („ჰიჰნაუჩი“, „ჩიგორგალი...“). თუ „ჰიჰნაუხტი“ მხოლოდ აბრეშუმის ქსოვილს აღნიშნავს, სიტყვის ეტიმოლოგიამ შესაძლებელია ზოგი რამ გაარკვიოს საქართველოში აბრეშუმის წარმოების ისტორიიდან. მით უმეტეს, რომ ჩვენში აბრეშუმის გავრცელების ხანად IV—V სს. ვარაუდობენ³⁶. აღნიშნულია ისიც, რომ VI ს. ბიზანტიურ წყაროებში წერენ იბერიული აბრეშუმის შესახებ³⁷.

განძაში გათხრების დროს აღმოჩნდა მინის პატარა რგოლები, რომელთა დანიშნულებას აბრეშუმის ქსოვას უკავშირებენ, და ვარაუდობენ, რომ მათი საშუალებით აბრეშუმის ძაფს გრეხდნენ საქსოვ დაზგაზე, ისევე როგორც ამას აკეთებდნენ აბრეშუმის ქსოვის დროს შემახს ზოგიერთ სოფელში ჯერ კიდევ ახლო წარსულში³⁸.

მინგეჩაურის V—VII სს. დათარიღებულ სამარხში აღმოჩენილი საქსოვი დაზგის ნაწილები, შალისა და აბრეშუმის ქსოვილების ნაშთებითურთ, აბრეშუმის ადგილობრივ წარმოების ვარაუდის საფუძველს გვაძლევს³⁹.

ჩრდილო კავკასიის სამარხეულ კომპლექსებშიც აღმოჩნდა აბრეშუმის ქსოვილი. ნაპოვნია სოლდის დაბალი ხარისხის ან მისი მინაბაძი ადგილობრივი წარმოების აბრეშუმის ქსოვილისგან დამზადებული ნივთი. ასეთი აბრეშუმის ქსოვილი ფართოდ იყო გავრცელებული VIII—IX სს. ჩრდილოეთ კავკასიაში⁴⁰.

X საუკუნის არაბი გეოგრაფები უცილობლად ადასტურებენ ამი-

³⁵ იაკობ ცურტაველი, შამეზა წმინდა შუშანიკის დედოფლისაჲ, ძქვიჲ, გვ. 13⁹_ა: „ხოლო ჭმრდამან წუწინჲც ნცღლად ჰრქნაუჯესა საქმესა... ჯელთა აღიხუნა დავითნი“; გვ. 372 (ლექსიკონი): „ჰიჰნაუხტი, აბრეშუმი“. შდრ. ი. აბულაძე, დასახ. ნაშრ., გვ. 558.

³⁶ გ. ლომთათიძე, წიგნი სენ, II, გვ. 566.

³⁷ „გეორგია“, ტ. VII, გვ. 31, ს. ყაუხჩიშვილის შ. 1: „ცნობილია, რომ ჯერ კიდევ VI საუკუნეში ბიზანტიურ წყაროებში არს ლაპარაკი იბერულ (ე. ი. ქართულ) აბრეშუმზე“ (ხაზი ჩვენია — პ. თ.). შენიშვნა ერთვინ იოანე უცუცეს ცნობას.

³⁸ И. Д. Джафарзаде, Ист.-археол. очерк, с. 81—82.

³⁹ С. Б. Ашурбейли, Ремесла и торговля раннесредневековых городов Азербайджана, МИАЭ—Тр. музея ист. Аз., т. II, Баку, 1957, с. 152; შდრ. С. М. Казиев, О двух кувшинных и двух катакомбных погребениях (резюме), МКА, III, Баку, 1953, с. 35.

⁴⁰ В. А. Кузнецов, А. П. Рунич, Погребение аланского дружинника IX в., СА, 1974, № 3, с. 196—202.

ერკავკასიაში აბრეშუმის ქიის კულტივირებას და აბრეშუმის ქსოვას. მათ ცნობებზე დაკვირვება საფუძველს გვაძლევს აღვნიშნოთ, რომ ამ საქმეს აქ დიდი ხნის ტრადიციები გააჩნდა.

ბარდავიში „აბრეშუმის ქია იკვებება თუთის ხეებზე, რომლებიც არავის საკუთრებას არ შეადგენს“⁴¹. იაკუთი ოდნავ აბუნდოვნებს: ბარდავიდან „გააქვთ მრავალი ნაკეთობა აბრეშუმისაგან, რომელსაც აგროვებენ თავისუფლად გაშვებულ თუთის ხეზე [s i c! — პ. თ.], რომელსაც არა ჰყავს პატრონი“⁴². განძაში „აბრეშუმის ქიის გამოზრდაში და აბრეშუმის დამზადებაში... მცხოვრებლები გამოცდილი არიან. ჭანზას აბრეშუმი ხარისხით სხვა ქვეყნებისაზე მაღლა დგას“⁴³; ამასვე იმეორებს ბაქუვი⁴⁴.

დამოწმებულ ავტორთაგან მხოლოდ ისტახრი აღნიშნავს საერთო საკუთრების (?) ბეჯის ხეებზე აბრეშუმის ქიის გამოკვების ფაქტს. ეს ცნობა საგულისხმოა ამიერკავკასიაში აბრეშუმის ქიის კულტივირების ისტორიისთვის.

თანამედროვე პირობებში, — ყოველ შემთხვევაში, საქართველოში, — აბრეშუმის ქიას ზრდიან რაიმე შენობაში საგანგებოდ გამართულ ჩელტებზე, ლასტებზე. როდესაც ქია გარკვეულ ასაკს მიაღწევს, ჩელტებზე ალაგებენ ხმელ, ხშირწინწყარიან რტოებს ან მცენარეებს. ქია შედის ამ რტოებში და ირგვლივ იხვევს პარკს. პარკის დამზადების აღნიშნულ ორ წესს შორის განხვავება, როგორც ვხედავთ, დილია.

ანონიმი ავტორის ცნობით, ბარდავის საქონელს (სხვასთან ერთად) „შეადგენს აბრეშუმი და ყ ა ზ ზ ი“, განძისას — „ყ ა ზ ზ-ქ ა შ ი დ ე და აბრეშუმი“, ხოლო ბაილაყანისას — „ყ ა ზ ზ-ქ ა შ ი დ ე“⁴⁵.

ყ ა ზ ზ-ი განმარტებულია, როგორც „დაუმუშავებელი, მეორეხარისხოვანი აბრეშუმი“⁴⁶. აბრეშუმის ქიას დ უ დ ო ლ-ყ ა ზ ზ და ყ ა ზ ზ ეწოდება (იხ. ზემოთ ზაქარია აღ-ყაზვინი და ბაქუვი).

⁴¹ ისტახრი, СМОМПИК, ტ. 29, გვ. 7.

⁴² იაკუთი, გვ. 32.

⁴³ ზაქარია აღ-ყაზვინი, გვ. 41: «في تربية دودا القز و عمل الابریشم».

⁴⁴ ბაქუვი, გვ. 91 (25).

⁴⁵ აჯარბ აღ-დუნია, გვ. 201, 202, 208; აღწერილობაში ბაილაყანის და განძის სახელწოდება აღდგენილია მთარგმნელის მიერ. შდრ. ქართ. თარგმ., გვ. 27: „ბარდავის... საქონელია: ყაქი, აბრეშუმი“. შენიშვნაში: „ტექსტშია قز (ხამი აბრეშუმი)“. ყაზვინი-ქამიდე თარგმნილია როგორც „აბრეშუმით დაქარგული ქსოვილი“ (გვ. 28, 33).

⁴⁶ برهان قاطع: «قز... ابریشم خام بد قماش را گویند... معرب کز... در گیلان... ابریشم خام اطلاق شود. در عربی بمعنی ابریشم (خام)» , دزی ج ۲ ص ۴۲. غیاث الفت بکوشش محمد دبیر سیاقی: «قز نوعی از

აქ უნდა დავიმოწმოთ იბნ ჰაუკალის ერთი ცნობა. სახელდობრ: ყირმიზის საღებავის „საფუძველი არის კია (დ უ დ), რომელიც ქსოვის თავის ირგვლივ როგორც აბრეშუმის კია (დ უ დ ო ლ-ყ ა ზ ზ) ისევე, როგორც ის იქსოვის თავის ირგვლივ პარკს (ა ლ-ყ ა ზ ზ). და გააქვთ აქედან (დვინიდან) დიდძალი აბრეშუმის ქსოვილი (ბ ა ზ ი უ ნ ა). რაც შეეხება მათ აბრეშუმს იგი გავს რუმის აბრეშუმს“⁴⁷.

ამ ცნობაში, პირველ რიგში, ყურადღებას იპყრობს ის, რომ აბრეშუმის კიას და აბრეშუმის პარკს აღნიშნავს ერთი და იგივე სიტყვა — ყ ა ზ ზ -ი.

ქართულში „ხამი აბრეშუმი“ და „ყაჭი“ აბრეშუმის პარკის სინონიმებია⁴⁸. არანაკლებ საყურადღებოა, რომ „ხ ა მ ი ეს ე გ ლ ე ხ თ ა გ ა ნ მოღებულ არს და სახელ-სდებენ... გამოუჯაგავთა ცხენთა და პირუტყვთა, ა ბ რ ე შ უ მ თ ა, ჩ ი გ ო რ გ ა ლ თ ა და რ ა გ ი ნ დ (ა რ ა ს ა ს ხ ვ ა თ ა)“. იქვე, სხვა ნუსხა: „ხამად ითქმის... გინა გამოუჯაგავი რამე, გინა გ ა მ ო უ ხ ა რ შ ა ვ ი ა ბ რ ე შ უ მ ი“ (ხაზი ჩვენია — პ. თ.)⁴⁹. ამასთანავე, „ყაჭი“ აბრეშუმი: „ყაჭ-ი აბრეშუმი: რომელი — იგი (სთული) გიქმნის თქვენ კიამან ყ ა ჭ ი ს ა მ ა ნ საქუსლად სამოსლისა ღბილისა“⁵⁰.

დამოწმებული მასალა, ჩვენი აზრით, გვაძლევს საფუძველს აღვნიშნოთ, რომ ყ ა ზ ზ -ი ნიშნავდა როგორც აბრეშუმის ქსოვილს, ასევე აბრეშუმის პარკს.

ბარდავის და სხვა ქალაქების საქონელს შორის დასახელებულია აგრეთვე ყ ა ზ ზ -ქ ა შ ო დ ე. მთარგმნელის ვარაუდით იგი „აბრეშუმით ნაქარგ ქსოვილს“ აღნიშნავს⁵¹.

R. Dozy, Supplément aux dictionnaires arabes, «*أبريشم كه كم بها شاش*» v. 1—2, 2 éd., [P.]. 1927, t. II, p. 312: «Soie non preparée». F. Steingass, *Comprehensive Persian-English dictionary*, L., p. 968: «Raw silk, a silken garment». აჭაბ აღ-დენია, გვ. 201, შ. 4: «(Казз — шёлк-сырец, шёлковые очесы, шелковое сырье второго сорта)».

⁴⁷ იბნ ჰაუკალი, კრამერისა გამოც., ტ. II, გვ. 333.

⁴⁸ ა. ნეიმანი, ქართულ სინონიმთა ლექსიკონი, „აბრეშუმის პარკი“.

⁴⁹ სულხან-საბა ორბელიანი ლექსიკონი ქართული, „ხამი“. შდრ. ხაშთ-ე ხამ — «*خام شاش...необожжённый кирпич, сырцовый кирпич*»; ზარ-ე

ხამ — «*خام زر ... самородок, слиток золота*» — *Персидско-русский словарь* ... под ред. Ю. А. Рунинчика *خام*. შევნიშნავთ, რომ ხალხური წესის მიხედვით აბრეშუმის (ყაჭის) პარკისაგან ძაღის ამოსახვევად მას ცხელ წყალში ყრიან, ხარ-შავენ.

⁵⁰ ი. აბულაძე, დასახ. ნაშრ., „ყაჭი“.

⁵¹ აჭაბ აღ-დენია, გვ. 202, შ. 2: «(Казз-кашидэ — вышитая шелком ткань(?)».

თუმცა, სპარსული ქაშიდე ქარგვასა და კერვასაც უკავშირდება⁵², მაგრამ, თუ გავითვალისწინებთ ყაზხის მნიშვნელობას და აბრეშუმის ძაფის დამზადების ტექნოლოგიას (აბრეშუმის პარკისგან ძაფის ამოხვევა, „ამოქაჩვა“)⁵³, ხომ არ შეიძლება ვივარაუდოთ, რომ ყაზხ-ქაშიდე აღნიშნავდა აგრეთვე აბრეშუმის, ყაქის ძაფს, ნართს და არა მხოლოდ ნაქარგ ქსოვილს⁵⁴.

აღნიშნულ ცნობებს ერთმანეთს თუ შევაჯერებთ გაირკვევა, რომ ბარდავის და სხვა ქალაქების საქონელს აბრეშუმთან ერთად აბრეშუმის პარკიც, ძაფიც შეადგენდა. ესე იგი, ქალაქებიდან საეპქროდ გაჰქონდათ არა მარტო აბრეშუმის ქსოვილი — მზა ნაწარმი — არამედ აბრეშუმის პარკი და ძაფიც — არასრული წარმოების პროდუქცია, ნახევარფაბრიკატი.

ეს დასკვნა მხოლოდ საეპქრო ურთიერთობათა თვალსაზრისით არ არის მნიშვნელოვანი. გამოდის, რომ ამიერკავკასიის ზოგიერთი ქალაქის აბრეშუმის წარმოება (მთლიანი ციკლი: აბრეშუმის პარკის მოწყვევა — ძაფის დამზადება — ქსოვა) იმ რაოდენობის ნაწარმს უშვებდა, რომ იგი აკმაყოფილებდა ადგილობრივ მოთხოვნილებას როგორც ნედლეულზე, ასევე პროდუქციასზე, ხოლო ნამატი ბაზარზე გადიოდა. მოგვაჩნია, რომ ასეთი ანალიზი არ არის გადაქარბებული.

ფეოდალური საზოგადოების (უკეთ: ქალაქის) ეკონომიკაც, პირველ რიგში, ადგილობრივ ბაზარს აკმაყოფილებდა. რომ ნაწარმი („ბარდავის საქონელი“) ბაზრისთვის იყო გამიზნული, არც ეს იწვევს ეჭვს. წინააღმდეგ შემთხვევაში, იგი ვაჭარ-მოგზაურის თვალსაწიერში ვერ მოხვდებოდა, მწარმოებლისეგ ხელში დარჩებოდა.

კარგად არის ცნობილი, რომ შინამრეწველი გლეხის ნაწარმი მხოლოდ ბაზარზე „გასვლის“ შედეგად. მასში „ჩამალული“ საცვლელი ღირებულების ეკვივალენტის „პოვნის“ დროს იქცევა საქონლად. ხოლო ქალაქის ხელოსნის შრომის ნაყოფი თუ ბაზრისთვის არ არის გამიზნული, ასეთი მწარმოებელი არც ჩაითვლება ქალაქის ხელოსნად: ის განუვითარებელი ხელოსნობის (სოფლის მეურნეობიდან ხელოსნობის

⁵² F. Steingass, დასახ. ნაშრ., გვ. 1035; «كشيد — A kind of needle work».

⁵³ საგულისხმოა ისიც, რომ სპარს. ზმნა ქამიდან „წევის“, „თრევის“, „ქაჩვის“ ნიშნავს.

⁵⁴ შდრ. „განძიდან გაქონდათ ბაშა და ყაქი“. რ. კიკნაძე, ქალაქები, ხელოსნობა და ვაჭრობა X—XIII საუკუნეებში, ნარკვევები მახლობელი აღმოსავლეთის ისტორიიდან, თბ., 1960, გვ. 151; აქიბ აღ-დუნა, გვ. 208. ქართ. თარგმ., გვ. 33

اطلس و ديا و قطنى و قز كشيد و ابريشم
„ატლასი, დია, ბამბეული, აბრეშუმთა დაქარგული ქსოვილი და აბრეშუმი“;
«...атлас, парча (дуба), хлопок, казз-кашуде, шелк» (ხაზი ჩვენია — პ. თ.).

გამოყოფის დაბალი დონე, სოფლისა და ქალაქის მეურნეობის სუსტი დიფერენციაცია წარმომადგენლად, გლეხური კომლის შინამრეწველად მოგვევლინებოდა.

ამიერკავკასიის ქალაქებში წარმოებული აბრეშუმის ქსოვილებიდან სხვადასხვა თხზულებებში დასახელებულია ატლასი (განძაში, თავრიზში). ცნობილი იყო ბიზანტიის (რუმის) და ბალდადის ატლასი⁵⁵; ფარჩა (ლარი) (განძაში, ხოიში). ხოის ფარჩას (ფარჩის ერთ-ერთ სახეს?) აღ-დ ო ბ ა ჯ ა ლ - ჯ ე ლ ხ ეწოდებოდა⁵⁶; ფარჩა ჩინური (თავრიზში, ნახჭევანში), არსებობდა რუმის ფარჩაც⁵⁷. შავი ფარჩის ნატიფი ქსოვილი (არდებილში); ჩინური ქსოვილი (ჯამე-ი ხნათა — ნახჭევანში); ქ ი მ ხ ა , ხ ა ზ ზ , შ ა რ (თავრიზში)⁵⁸. შ ა რ ეწოდებოდა აბრეშუმის ნართს და გადასაფარებელსაც. „სრა ედგა მოფარდაგული ოქსინოთა და შარდითა“⁵⁹. შესაძლებელია, აქ ერთი და იგივე ქსოვილი (შ ა რ , შ ა რ დ ი) იგულისხმებოდეს⁶⁰.

⁵⁵ ატლასი ცხენის აღკაშმულობაშიც გამოიყენებოდა: დასახელებულია საჩქარად მიძღვნილი არაბული ბედაურების ბალდადური ატლასით გამოკრული ბიზანტიური ატლასის ჩულები (ჩული: „სახურაფი, ასალი“) — ნ ე ს ა ე ი , გვ. 238.

⁵⁶ ზ ა ქ ა რ ი ა ა ლ - ე ა ზ ვ ი ნ ი , გვ. 43. სპარსულში ჯ უ ლ ა ხ მსხველად ნაქსოვ შალს, კოთხ აღნიშნავს. საყურადღებოა, რომ ამ ქსოვილის ტანსაცმლის მატარებელს სოციალური შინაარსიც ეძლევა: იხ. მნიშვნელობანი სიტყვებისა: جولى و جملق و جملقى შდრ. ქართ. „ჯელო“. ზირიპგერანში (დაბა დარუბანდთან) კი გარდაცვილი მდრდათა ვასეფთაფებულ ძელებს ფარჩის (დრბაჟ), ღარიბებისას კი რუხი ქსოვილის (كيس خام) ბარტოლდი: «из небеленой ткани» ტომრებში აღაგებდნენ. იხ. В. В. Бартольд. Еще о самаркандских огузьях, Сочин., т. IV, с. 121. შდრ. ღარნატი (რუს. თაქგმ.), გვ. 51: „რუმის ოქრო (ქსოვილის) ფარჩის და კოლენკორის და მისი მსგავსი ქსოვილის ტომრები“.

⁵⁷ დ ი ბ ა , დ ი ბ ა - ი ხ ა ტ ა ი , დ ი ბ ა - ი რ უ მ ი , თავისთავად ხატაი აბრეშუმის ქსოვილის ერთ-ერთი სახე იყო. შდრ. რუსთაველთან, 471: „ხარაჯა დაცდეს, შუბკვეთეს დრამკან, ასჯერ ასია, კვლა ხატური მრავალი, სხვა სტავრა, სხვა ატლასია“.

⁵⁸ იხ. აჯაბ აღ-ღუნია, გვ. 196, 200, 204, 207, 208, 210; შდრ. ქართ. თარგმ., გვ. 24, 26, 29, 33, 34. ნასირ-ი ხოსროუ, გვ 65; ჯაკუთი, გვ. 38. უნდა აღინიშნოს, რომ მ. ფ. ფენჩერი ფარჩის ქსოვილებს — სხვებთან ერთად დასახელებულია камка-ი — წარმოების დასაწყის ხანად ვარაუდობს არა უადრეს XIV საუკუნესა. М. Ф. Фенчер, Из истории торговых связей Руси со странами Востока в домонгольское время (По материалам шелковых тканей), Кавказ и Средняя Азия в древности и средневековье, М., 1981, с. 143. შდრ. მისივე, Шелковые ткани в Восточной Европе, СА, 1982, № 2, с. 67: გატარებულია იგივე აზრი.

⁵⁹ ვეფხისტყაოსანი, 331.

⁶⁰ ს.-ს. ორბელიანი, წერს ლექსიკონში: „შადი შადი ნაქსოია მძიმე და ლექსში შარდად უთქვამს რუსთველსა...“, „შადი ნაქსოვია. ვეფხისტყაოსანში რომელთაზე მწერლთა შარდად აღუწერიათ უმეცრებით“.

ზაზგასმით აღნიშნულია აბრეშუმის სიმრავლე შაბარანში. დმანისის აბრეშუმი კი სავაჭროდ გაჰქონდათ⁶¹.

ელდიგუზიანთ ყიზილ-არსლანი პოეტ მუჯირ ალ-დინ ბაილაყანის ყოველ კვირა დღეს ასაჩუქრებდა ატლასის და ქამხაბ-ის ქსოვილებით⁶². იმავე ავტორის ცნობით, შარვანშაჰის ვეზირმა პოეტი ზულ-ფაყარ შარვანი († 1280 წ. თავრიზში) დაასაჩუქრა შვიდი ხარვარი (დაახლოებით 2100 კგ) ყაჭით⁶³.

თავრიზში, აბრეშუმის ქსოვილების წარმოების ერთ-ერთ ცნობილ ცენტრში⁶⁴, ქსოვდნენ სიკლატუნს⁶⁵. აბრეშუმის ეს ოქროქსოვილი დიდად სახელგანთქმული იყო აღმოსავლეთშიც და დასავლეთშიც. შუა საუკუნეებში ამ ქსოვილის აღმნიშვნელი ეს სიტყვა გავრცელებული იყო მთელ ევროპაში⁶⁶.

ეს ძვირფასი ქსოვილი გვხვდება მთიან კავკასიაშიც. მას უდიდეს მოგვეცემს, რომ ქაშაქები (ჩერქეზები) თეთრი, ბიზანტიური ფარჩის, სიკლატუნის და სხვადასხვა, ოქროქსოვილის ტანსაცმლით იმოსებოდნენ⁶⁷.

„რუმის დობა“ ამიერკავკასიაში საგადასახადო ერთეულსაც წარმოადგენდა⁶⁸. აბრეშუმის ძვირფასი ქსოვილი იზმარებოდა ღირებულების განმსაზღვრელადაც⁶⁹.

გარდა ზემოაღნიშნულისა, აბრეშუმის წარმოება დასახელებულია დღევანდელში, ყაბალაში, ყარსში, შემახანში⁷⁰. ეს უკანასკნელი მთელი შუა

⁶¹ ააკუთი, გვ. 57.

⁶² დოვლეთ-შაჰი, გვ. 127. تذكرة الشعراء دواتشاه سمرقندی از روی 127 جاب براون با مقابله نسخ معتبر خطی قدیمی بتحقیق و تصحیح محمد عباسی، طهران [1958]

⁶³ თუქა, კ. ჩაიკინი, ერთგან დოვლეთ-შაჰს მატყუარას (плут) უწოდებს, მაგრამ ამკერად ჩვენთვის საყურადღებოა საჩუქრის რაობა — «шелк-сырец» — იხ. Иран (Сб. статей), М., 1971, с. 161.

⁶⁴ იგი დასახელებულია შუა საუკუნეების ესპანეთის, ბიზანტიის, რანის, შუა აზიის აბრეშუმის წარმოებით სახელგანთქმულ ქალაქებს შორის. იხ. М. В. Фехнер, Шелковые ткани, с. 57.

⁶⁵ سقلاطون ცნობილი იყო სკლატ-ის («სკლატი» ქართულში) ფორმითაც. მას მატყლისგანაც ქსოვდნენ. ვახუშტისთან ის უმეტესად ასეთი გვხვდება იხ. შ. შვესხია, ხელოსნობა, გვ. 97, 99, 108.

⁶⁶ R. Dozy, Supplément. I, p. 663.

⁶⁷ В. Ф. Минорский, Мас'ули о Кавказе, с. 206.

⁶⁸ იხ. ქასრავეი თაბრიზი, დასახ. ნაშრ., I, გვ. 102.

⁶⁹ М. В. Фехнер, დასახ. ნაშრ., გვ. 57.

⁷⁰ ისტახარი, იქვე, გვ. 19. იბნ კაუკალი, იქვე, გვ. 92; ააკუთი,

საუკუნეების მანძილზე აბრეშუმის ქსოვილების აღიარებულ ცენტრს წარმოადგენდა.

ცნობილი იყო სომხეთში დამზადებული აბრეშუმის სარტყლები და სხვადასხვა ხვანჭარ-თასმები (თ ი ქ ქ ა)⁷¹.

ერთი შეხედვით, ასეთი ნაწარმი თითქოს წვრილმანია, მაგრამ არის ცნობა, რომ ერთი ასეთი სარტყელი ათი დინარი ღირდა⁷². გარდა ამისა, თუ გავითვალისწინებთ ერთი ცხენის (ფეოდალურ ლაშქარზე გადამრავლებულს) აღკაშმულობისთვის საჭირო თასმებისა და სარტყლების რაოდენობას, ნათელი გახდება საფეიქრო წარმოების ამ დარგის მოცულობა და მის ნაწარმზე არსებული მოთხოვნილება.

ზემოხსენებულ ბედაურებს აბრეშუმის სადავეები ამშვენებდათ. ნადავლის ერთ-ერთ აღწერაში კი ვკითხულობთ: „...შესამოსელთა და ლარის არტახთა მიერ სავსე იყო ყოველი ბანაკი მათი“⁷³. აქვე დავიმოწმებთ რუსთაველს (1395): „აწ ვინცა ვიცი თუკეთ შეტყორცა საგდებელი სა, / მან ერთსა ბურჯსა გარდღავდოთ წვერი საბელი საგრძელი სა“ (ხაზი ჩენია — პ. თ.). ხოლო „საბელი ზოგადი სახელი არს ყო(ვ)ელთა შეგრეხილთა“; ესენია: ხეზი, ბაწარი, ლარო, შიშთილი, თოკი, საკოპავი, კაპანი, ბაგირი, წალაები, მუკუდი, ტოილო, გვარლი, ავრიტი, საგდებელი. დიდი ლექსიკოგრაფი თითოეული მათგანის დანიშნულებას და ზოგიერთის მასალასაც გვიხსიანთებს⁷⁴.

ასეთი ნაწარმის თუნდაც უდიდესი ნაწილი რომ სამეფო სახელოსნოებში, ხოლო ნაწილი გლეხურ მეურნეობაში დაემზადებინათ, იგი მაინც საზოგადოებრივი წარმოების ზრდას ნიშნავდა. საზოგადოებრივი წარმოებისთვის კი, როგორც ცნობილია, არც ერთ ეპოქაში არ არსებობს „წვრილმანი“ და „მსხვილმანი“ დარგები: საზოგადოებრივი დოვლათის შექმნაში ყველა მათგანს თავისი წვლილი მიუძღვის.

აბრეშუმის ქსოვის დახვეწილი, მაღალი ტექნიკა, ქსოვილის ნაირფერად (წითელი, ვარდისფერი, მოყვითალო, ყოლოსფერი, ჩესურჩის ფერი) ლებნა, ოსტატური ქარგვა თვალსაჩინოდ მტკიცდება ანისში, ყვავილოვანი ხევის გამოქვაბულების კომპლექსში მოთავსებული ერთ-ერთი კარგად შენახული სამარხის (პატარა გოგონასი, როგორც ვარა-

გვ. 32; ქამდალაპ ყაზვინი, ნუზატ აღყულჯბ, გვ. 92; М. Шариф-ли, Из истории города Шемахи, ИАз. ФАН, 1944, № 8, რეზიუმე.

⁷¹ М. В. Фехнер, დასახ. ნაწრ., გვ. 64—65.

⁷² А. М. Ф. დასახ. ნაწრ., გვ. 360. ავტორის შენიშვნით, მის დროსაც ბაღდადის ადგილობრივ მრეწველობაში აღნიშნული წარმოება ყველაზე მეტად მნიშვნელოვანი დარგი ყოფილა.

⁷³ ისტორიანი და აზმანი, გვ. 98.

⁷⁴ ს.-ს. ორბელიანი, ლექსიკონი, „საბელი“.

უღობენ, ტიგრან ჰონენცის ნათესავის) ნივთებით. ბავშვს ტანთ ემოსა აბრეშუმის ჩესუჩის ფერის, წითელი აბრეშუმის ძაფით ამოყვანილი, გასწვრივი ხაზებით შემკული პერანგი⁷⁵. აქ უპრიანია გავიხსენოთ: „გათენდა. ბანად წავიდა მზე, სოფელს შუქ-ნაკიდები; / დიაცმან უძღვნა მრავალი კაბა, ყაბაჩა, რიდეები, / მრავალი ფერი სურნელი, ტ უ რ ფ ა პ ე რ ა ნ გ ი, წ მ ი დ ე ბ ი: / რაც გეწადოსო, ჩაიცივი, მე ნურას ნუ მერიდეები“⁷⁶ (ხაზი ჩვენია — პ. თ.).

ამიერკავკასიის ქალაქებში აბრეშუმის წარმოება — თავისი ხარისხით ის არ ჩამოუვარდებოდა ირანის აბრეშუმს (ანდა რატომ უნდა ჩამოვარდნოდა?) — მონღოლთა ბატონობის ხანაშიც მაღალ დონეზე იდგა⁷⁷. ასეთი ვითარება ამ წარმოების ძირძველ ტრადიციანზეც მიგვანიშნებს, რომელიც არ ჩაკვდა მონღოლთა დაპყრობითი ომების „სისხლის წვიმების“ დროს.

შალის სხვადასხვა ქსოვილი (ყ ა თ ი ქ ე, ფ ა შ მ ი ნ), როგორც საქონელი, დასახელებულია ბარზანდში, განძაში, დარუბანდში, დვინში. მარანდში, შამქორში, ხურსანში⁷⁸.

სელის ქსოვილებზე საერთოდ დიდი მოთხოვნილება იყო და მისი წარმოებაც მაღალ დონეზე იდგა. ცნობილი იყო თავისი კარგი ხარისხით და ძვირადაც ფასობდა და ბ ი ყ ი („დაბიყური“, ეგვიპტის ქ. დაბიყის სახელიდან). ჩვეულებრივ, მასში აქსოვდნენ ოქროსა და აბრეშუმის ძაფს. დანიშნულების მიხედვით იგი მჭიდროდ და სიჯრიფანად იქსოვებოდა; მას გეოგრაფიული რუკების დასამზადებლადაც იყენებდნენ⁷⁹. ჩერქეზთა ქვეყანაში „ქსოვენ სხვადასხვა ქსოვილს იმ სახეობის სელისგან, რომელსაც ეწოდება ტ ა ლ ა (?) „ოქრო“ და რომელიც უფრო თხელია და გამძლე, ვიდრე დაბიყის სახეობისა. მისი ერთი თოფი ღირს ათი დინარი და ის გააქვთ მეზობელ ისლამის ქვეყნებში“⁸⁰. ალბათ, კავკასიის ბარიც არ ჩამოუვარდებოდა მთას, ამ შემთხვევაში, სელის ასეთი ძვირფასი ქსოვილების წარმოებაში.

სელის წარმოების ერთ-ერთი ცენტრი იყო დარუბანდი. აქედან

⁷⁵ სამარხის დაწვრილებით აღწერა იხ. И. Орсели. Каталог Анкийского музея древностей. вып. I, Анкийская серия. № 3, СГБ., 1910, с. 34—39.

⁷⁶ „ვეფხისტყაოსანი“, 1255.

⁷⁷ А. Ю. Якубовский, Феодальное общество Средней Азии и ее торговля с Восточной Европой в X—XV вв., Материалы по ист. Узб., Тадж. и Туркм. ССР, вып. 3, ч. I, Л., 1933, с. 45.

⁷⁸ ჰოდუდ ალ-ალემი, გვ. 159, 161, 163; მუკადასი, ВГА. ტ. III, გვ. 377; აბნ ჰაუკალი, იქვე, გვ. 92.

⁷⁹ А. Мец, დასახ. ნაშრ., გვ. 357—358.

⁸⁰ В. Ф. Минорский, Мас'уди о Кавказе, с. 206.

„გააქვთ სელის ტანსაცმელი და არ ამზადებენ სელის ტანსაცმელს არანში, არმენიაში და აზერბაიჯანში არსად, გარდა ამ ადგილებისა“⁸¹.

ეგვიპტეში, ტინისში ძვირფას, ხალიფასთვის განკუთვნილ ერთ-ერთ ტანსაცმელს (ბ ა დ ა ნ ა) იმთავითვე მთლიანს, ჩასაცმელად გამზადებულს ქსოვდნენ ისე, რომ მას აღარ სჭირდებოდა გამოქრა და შეეკერვა⁸².

ამასთან დაკავშირებით, საყურადღებოა, რომ დარუბანდიდან „გააქვთ სელის მთლიანი ტანსაცმელი“ (?)⁸³.

თუ აქაც იგივე ბ ა დ ა ნ ა იგულისხმება ქსოვის „თავისი წესით“ — ასეთ შემთხვევაში, ჩვენ ძვირფასი ცნობა გვექნებოდა ამიერკავკასიაში, კერძოდ დარუბანდში, საფეიქრო წარმოების დონის გასათვალისწინებლად.

კარგი სახელი ჰქონდა განძის ტანსაცმელს. სასახლის მონა-მსახურს ერთგული სამსახურისთვის მიგებული პატივისა და დაფასების თანდათანობით ზრდის შესაბამისად მეშვიდე წელიწადს ანიჭებდნენ ვ ი ს ა ყ ბ ა შ ი ს („კარვის უფროსი“. კარავში მის გარდა კიდევ სამი კაცი ირიცხებოდა) ხელს. ამ ხელის განმასხვავებელი, გარეგნული ნიშნები იყო ვერცხლით ნაკერი შავი ქუდი და განძის ტანსაცმელი⁸⁴.

ხოი ცნობილი ქალაქი იყო აზერბაიჯანის ოლქში, „აქედანაა ხუვეური ტანსაცმელი“⁸⁵. უფრო ზუსტად, „წმინდა, თხელი ტილოს (ქ ა რ ბ ა ს) ტანსაცმელი (ქ ე ს ვ ა თ)“⁸⁶ — აზუსტებს მეორე წყარო ამ ქალაქის ტანსაცმელს. ამ სამოსს შალის ქსოვილისგანაც კერავდნენ⁸⁷.

⁸¹ ისტაბრი, გვ. 11; შღრ. მ ა კ უ თ ი, გვ. 21.

⁸² A. Meц, დასახ. ნაშრ., გვ. 358. ბადანას შესახებ: Dictionaire Arabe-Fran-

çais par A. de Biberstein Kazimirsky: «أَبْدَانٌ. 1. Corps, surtout tronc, c. à. d. abstraction faite de la tête, des pieds et des mains».

⁸³ ი ბ ნ ჰ ა უ ქ ა ლ ი, კ რ ა მ ე რ ს ის ვ ა მ., ტ. II, გვ. 339: ويرتفع منها ثياب

-كيسان كراواته (СМОТРИК, ტ. 38, გვ. 88) არის: «Выносятся из него полотняное полное верхнее платье».

⁸⁴ სიასეთ-ნამე (Siyar al-muluk also known as Siyasat-nama of Nizam al-Mulk, ed. with crit. notes and comm. by H. Darke, Teheran, 1962), გვ. 134:

كلاهی نمدین^۳ سیاه سیم کشیده قبای گنجهای در پوشانیدندی.
B. B. Бартольд, Туркестан, с. 286.

⁸⁵ მ ა კ უ თ ი, გვ. 52.

⁸⁶ აკაბ აღდუნია, გვ. 206; ქართ. თარგმ., გვ. 31.

⁸⁷ R. Dozy, Supplément, II, p. 468.

ნახქვენის საფეიქრო საქონელს შეადგენდა: „ჩინური ქსოვილები, ნატიფი გადასაფარებლები, ქეჩა (ნაბადი?), ჩოხა (?), ქუთუნი“⁸⁸.

ღვინში „ამზადებენ თივთიკის“⁸⁹ და შალის ქსოვილებს ნოხების, ბალიშების, დასაჯდომების, გადასაფარებლებისათვის, თასმებს და სხვა არმინიულ ნაწარმს შეღებილს ყირმიზით“⁹⁰.

ცნობილი იყო აგრეთვე „რუმის ტანსაცმელი“, რომელსაც სულთნის მსახურთა ერთი ნაწილი ატარებდა⁹¹.

ხელოსნობის მნიშვნელოვან დარგს წარმოადგენდა ამიერკავკასიის ქალაქებში ხალიჩების წარმოება. საერთოდ ამ დარგის ნაწარმს ა. მეცი სამ ძირითად სახეში ანაწილებს: „1. კედლის ხალიჩები (სიტრ) 2. იატაკის ნოხები (ბუსატ) და ფარდაგები (ნაპპ) 3. ნოხები, რომლებზეც არ დადიოდნენ (ნამატ)“⁹². ნაპპ-ი იქსოვებოდა თავრიზში, ნამატ-ი (სპარს. ნამად) გაქონდათ ღვინიდან, ხოლო ბუსატ-ი (ბუსუტ) — სომხეთის ქალაქიდან, რომელსაც იაკუთი კალიკალას უწოდებს და ვანიდან⁹³.

აღსანიშნავია, რომ იაკუთისვე ცნობით, კალიკალაში მოქსოვილი ნოხები ცნობილი იყო კალის სახელით. სომხურ ნოხებს ზოგადად

⁸⁸ აჯიბ ალ-ღუნია, გვ. 218: «شعري نفيس نمد و جوقا و فوطه» სპარს. „ჩუყა (ჩუხა, ჩუხე) — გლახთა და მწყემსების უხეში შალის ქსოვილის ზედა ტანსაცმელი“ (Перс.-русс. словарь, под ред. Ю. А. Рубинчика). ქართ. „ჩოჯა ჩოხა (საბერო სამოსელი)“, ი. აბუღაძე, დასახ. ნაშრ., გვ. 512. სულხან-საბათან კი — „ჩოჯა მატულის სამოსელი, მატულის სამოსელი სქელი“. ჭუტუის ქსოვილს მრავალგვარი ვამოყენება ჰქონდა (იხ. R. D o z y, II, გვ. 289).

⁸⁹ مرغزی — „ბუმბული; ის, რაც ჰგავს შალს; თხის ბალანი; როგორც ეპითეტი — რბილის მნიშვნელობით მატულის მამართ“ (Lane). შდრ. ს.-ს. ო რ ბ ე ლ ი ა ნ ი, ლექსიკონი, თბა: „თხათასა (თჰათა ... ეწოდებოდა) ბალანი და მისსავე ქვეშე ღბილთა თჰათა თხისური“; „თივთიკი სხეთა ენა ქართულად თხისური ჰქვინან“. ძიგლ: „თივთიკი 1. ზოგერთი ცხოველის (თხის, ცხვრის, სპასამურის, კვერნის...) წვრილი და ნაზი ბალანი, ამოსულა მკისე ფაკაბის ქვეშ; ცხვრის ასეთი ბალანი-საგან მზადდება წვრილი ძაფი, რომელიც გამოიყენება ნაზი ქსოვილებისათვის. ამ ბეწვისაგან დამზადებული ქსოვილი“. კარაელი თარგმნის: «пуховые и шерстяные ткани».

⁹⁰ ი ბ ნ ქ ა უ კ ა ლ ი, კრამერის გამ., ტ. II, გვ. 343; СМОНПК, ტ. 38, გვ. 92.

⁹¹ ნ ა ს ი რ - ი ხ ო ს რ ო უ, გვ. 68.

⁹² A. Мей, დასახ. ნაშრ., გვ. 357.

⁹³ აჯიბ ალ-ღუნია, გვ. 204; ი ბ ნ ქ ა უ კ ა ლ ი, იქვე; ა ა კ უ თ ი, გვ. 74, 89.

„არმენიულსაც“ უწოდებდნენ: მათ შეხვდებოდით შორეულ ვოლგის-პირეთში — ბულღართა ქვეყანაშიც⁹⁴.

სომხური წყაროები ასახელებენ ნოხს (ტ ა პ ა ს ტ ა კ); ერთ მათგანს ათი წელი ქსოვდნენ⁹⁵.

სომხურ ნოხებს დიდად აფასებდნენ. საერთოდ შალის ნოხებში გამოირჩეოდა სპარსული, სომხური (არმენიული) და ბუხარული. ძვირფას საჩუქრად ითვლებოდა სომხური ნოხი შუა აზიაში⁹⁶. ა. მეცი წერს: «იმ დროს (X ს.) ყველაზე მეტად ფასობდა სომხური ნოხები, ესე იგი მცირეაზიური, ჩვენი სმირნული ნოხების წინამორბედნი. უკვე... ხალიფა ალ-ვალიდ II [743—744] სახლში კედლები და იატაკი დაფარული იყო სომხური ნოხებით. არ-რაშიდის [786—809] მეუღლე სომხურ ნოხზე „ზესთა-ჯდა“, ხოლო მისი ქალები — სომხურ ბალიშებზე ისხდნენ... ერთ-ერთმა ვასალმა ხალიფა ალ-მუჰთადირს [908—932] ძღვნად მიართვა სხვა საჩუქრებთან ერთად შვიდი სომხური ნოხი. სპარსული ნოხებიდან ყველაზე მეტად ისინი ფასობდნენ, რომლებიც არ ჩამოუვარდებოდნენ სომხურ ნახელავს, ისპაანის ოლქის საუკეთესო სპარსულ ნოხებს აქებდნენ იმიტომ, რომ ხარისხით ისინი ახლოს იდგნენ ძვირფას სომხურ ნოხებთან. ჯერ კიდევ მარკო პოლომ შენიშნა: „სომხეთში ქსოვენ ყველაზე კარგ და ყველაზე ლამაზ ნოხებს“. ასეთი მაღალი შეფასების მიზეზი, ალბათ, სომხური მატყლი იყო, რომელსაც ას-სა'ლიბი პირველ ადგილზე აყენებს ეგვიპტურის შემდეგ, მაგრამ პირველ რიგში ეს იყო სახელგანთქმული სომხური წითელი ფერი... კაიროს ნოხების საწყობში ხშირად აქებდნენ წითელ ნოხებს, ხოლო ეგვიპტის ქ. სეუტის „უოლოსფერი ნოხების“ შესახებ ამბობდნენ: „ისინი ჰგვანან სომხურებს“⁹⁷.

ეს ვრცელი ამონაწერი, სხვადასხვა წყაროების ცნობებს რომ ეყრდნობა, გასაგებს ხდის მემატინანეთა გულისყურს სომხური საფეიქრო ნაწარმის და საღებავების მიმართ.

გარდა აღნიშნულისა, ამიერკავკასიის ქალაქებში წარმოებული მრავალგვარი საფეიქრო ნაწარმის სიას შეადგენს: სხვადასხვა ფარდაგი თუ ნოხი — ფ ლ ა ს, ზ ი ლ უ, მ ა ჰ ჭ რ ი, ს ე ჯ ა დ ე; ბ ა ლ ი შ (ბა-

⁹⁴ الفرس الأرمنى ამ ნოხებით იყო მოყვნილი მეფის კარავი, რომელც ათას სულს იტევდა — А. П. Ковалевский, Книга Ахмеда Ибн Фадлана о его путешествии на Волгу в 921—922 гг. Статьи, перев. и комм., Харьков, 1956, с. 137. წიგნები, გვ. 213, შ. 529; აღ-მაცუბოსან (ЕГА, VII, გვ. 331, სტრ. 20-21): მ.ს.ნი ქ. ასუტნი, ზემო ეგვიპტურე] ამზადებენ კარმაზინის ნოხებს (الفرس الأرمنى), რაზლებიც ჰგვანან სომხურს (شبه الأرمنى).

⁹⁵ F. H. Аракляян, დასახ. ნაშრ., გვ. 135.

⁹⁶ იხ. В. В. Бартольд, Туркестан, с. 345.

⁹⁷ А. Мей, დასახ. ნაშრ., გვ. 361.

ლიში), ბორყა (პირბადე, ეუალი, საფარველი), ჯურაბ (წინდა), შალვერბანდ (შარვლის სარტყელი), ჯოვალ (ტომარი), ქაქალ ფუშ (ასალი, თოქალთო), შალის სხვადასხვა ნაწარმი (ვლათე ფაშმინე) და სხვა ნაწარმი.

ამ შემთხვევაშიც, წყაროების მონაცემებს სრულფასოვნად ვერ ჩავთვლით; ასე, ერთ-ერთი მათგანი თითქოს დაწვრილებით აღწერს თბილისის ხელოსნურ ნაწარმს, მაგრამ მასაც ყურადღებიდან გამორჩა აქაური საფეიქრო ნაწარმი⁹⁸. მოგვიანო ხანის ავტორი თბილისურ სავაჭრო საქონლის სიაში ასეთ ნაწარმსაც (ნაბდები, ტანსაცმელი, ნოხები, ქვეშაგები, შალი, აბრეშუმი) ასახელებს⁹⁹. ცნობა შედარებით გვიანდელია, მაგრამ დასახელებულ ნაწარმს წარმოების დიდი ხნის ტრადიციები გააჩნდა ამიერკავკასიის ქალაქებში. ასე რომ, ვფიქრობთ, არის საფუძველი ეს ცნობა ჩვენს ქრონოლოგიურ მონაცემთა გავითვალისწინოთ. მცირე აზიაში გადიოდა საქართველოსა და შირაზის ნოხები¹⁰⁰.

როგორც ირკვევა, მრავალფეროვანი იყო ამიერკავკასიის ქალაქების საფეიქრო ნაწარმის ასორტიმენტიც, თანამედროვე ტერმინს თუ ვიხმართ. წყაროებში დასახელებულია „ნაქსოვი ფერად-ფერადი“¹⁰¹, „შესამოსელნი და შესამკობელნი“ („აბდულმესიანი“) ზოლებიანი და ფერადი ქსოვილები¹⁰².

ქსოვილი მატერიალური დოვლათის, ქონების შემადგენელი ნაწილთაგანაც იყო. ლაშქრობაში მყოფი ნესავი ვადმოგვეცემს, რომ მას ბაილაყანში ჰქონდა „რამდენიმე ცხენი და ქსოვილები“¹⁰³.

ქსოვილი და ტანსაცმელი ხარკის საგანსაც შეადგენდა. „დიდი ლაშქრობის“ დროს „წარჩინებულნი... თავრეყისანი განიზრახვიდეს, რათა ხარკის მიცემითა, და ძლუნითა და შევრდობითა... დაამშუდნეს ქართველნი თავადნი და სპანი... ითხოვეს მშუდობა, არა მოოჯრება ქალაქისა მათისა. აღუთქუეს ძლუენი: ოქრო და ვეცხლი, უამრაველი თუალი პატიოსანი და მარგალიტნი ძვრფასისანი... მოიღეს ოქრო და ვეცხლი, ლარი, ცხენები, ჯორი და აქლემი, თუალი, მარგალიტი, შესამო-

⁹⁸ აჯაბ ალ-დუნია, გვ. 203.

⁹⁹ ზაქარია ალ-ყაზვინი, გვ. 40.

¹⁰⁰ Вл. Гордлевский, Государство, с. 114. ცნობის წყარო არ არის დასახელებული.

¹⁰¹ სხვათა შორის, ასე განსაზღვრავს მემეტთანე აღმოსავლეთ ამიერკავკასიისა და სპარსეთში ქართველთა „დიდი ლაშქრობის“ შედეგად ნადავლად მოპოვებულ ქსოვილებს; — ბასილი უზოსმოძლუარი (ცხოვრება მეფეთ-მეფისა თამარისი, ქ. ცხ., II), გვ. 128. შდრ. „ვეფხისტყაოსანი“, 121: ავთანდილ „ადგა და კაბა ჩაცვა, მჯობი ყოვლისა კრელისა“.

¹⁰² არღებილში და ბაილაყანში — ჰოდუდ ალ-აღემი, გვ. 158, 161.

¹⁰³ ნესავი, გვ. 272.

ს ე ლ ი... აღივსნეს დიდი და მცირე“¹⁰⁴; და კიდევ, „რომელი ადგილით ნატყუნავი სომხითთ პირუტყუ, ოქრო, ვერცხლი და ხაქსოვი“¹⁰⁵ (ხაზი ჩვენია — პ. თ.).

საფეიქრო წარმოების სიმძლავრეთა და ნაწარმის რაოდენობის შესახებ წარმოდგენას გვიქმნის ერთი ცნობა; კერძოდ, იმავე ნესავიმ მონღოლთა სარდალს გადაუხადა ათი ათასი წყრთა (თითქმის ხუთი ათასი მეტრი!) შალის ქსოვილი; „მისთვის საკმარისი არ იყო ის ტანსაცმელი, ნასის მცხოვრებთ რომ გამოსძალაო“ — აღნიშნავს მემატინანე¹⁰⁶. ნესავი კი ძლიერი, მაგრამ მაინც „მხოლოდ“ ციხე-დარბაზის“ მფლობელი იყო, თანამდებობით — ჯალალ ალ-დინის მდივანი.

ამგვარად წარმოჩნდება, ერთობ მოკლედ და ზოგადად დახასიათებული, საფეიქრო წარმოება ამიერკავკასიის ქალაქებში.



შედარებით ნაკლები ცნობები მოგვეპოვება ხელოსნური წარმოების მეტყავეობის დარგის შესასწავლად. საერთოდ კი უნდა აღინიშნოს, რომ ტყავის დამუშავება და მეტყავე ხელოსნების (დაბალთა) ნაწარმი ფეოდალურ ქალაქში ხელოსნური წარმოების მნიშვნელოვან დარგს წარმოადგენდა. ამას აპირობებდა საზოგადოების მოთხოვნილება ამ ნაწარმზე (საყოფაცხოვრებო, კულტურული, სამხედრო).

მომთაბარე საზოგადოებათა (დე შთ-ი ყ ი ფ ჩ ა ყ „ყივიჩაყთა ველი“) ახლო მეზობლობა, ადგილობრივ წყაროებთან ერთად საიმედოდ ამარაგებდა ნედლეულით მეტყავე-ხელოსნებს. ირკვევა, რომ ტყავი სავაჭრო საქონელი იყო მთის მოსახლეობისთვისაც: სარირის, დარუბანდის მეზობლად მდებარე მთის მხარის, საქონელს ტყავიც შეადგენდა¹⁰⁷.

ტყავის გამოქნა და დამუშავება საკმაოდ მძიმე ჰიგიენურ პირობებს ქმნიდა და ამის გამო მეტყავე ხელოსნები, ჩვეულებრივ, ქალაქის გარეუბნებში საქმიანობდნენ. იმავე პირობებით უნდა ავხსნათ მონის შრომის გამოყენება ამ დარგში. „ალ-ლანი... ვრცელი ქვეყანა არმინის

¹⁰⁴ ისტორიანი და აზმანი, გვ. 105—106. შდრ. „სალარო“ თანამედროვე მნიშვნელობით და ს. ს. ორბელიანთან: „სალარო ლართ საუნჯე“, „მოღარე ლარის მკველი“, „ლარი კუმაში, ფარჩა“.

¹⁰⁵ ლეონტი მროველი, გვ. 45.

¹⁰⁶ ნესავი, გვ. 103—104.

¹⁰⁷ აჯაბ ალ-დენია, გვ. 205—206. ქართ. თარგმ. გვ. 31/11: «кожи», „ტყავები“.

დღევანდია *استین* რაც გამოქნილ ტყავთან ერთად ნიშნავს აგრეთვე «тулуп; шуба; длинное меховое пальто (обычно из овчины)». შდრ. განძაში ტანსაცმლის კერგა-

მხარეში [sic. — პ. თ.] ბზბ ალ-აბეზბის ახლოს, ხაზართა მეზობლად... ისინი ქრისტიანები არიან. მოჰყავთ მათგან ტყავის დამმუშავებელი მონები“¹⁰⁸.

რამდენიმე ცნობა შესაძლებლობას გვაძლევს წარმოვიდგინოთ ხელოსნობის აღნიშნული დარგის განვითარების დონე. პირველ რიგში ყურადღებას იპყრობს დარუბანდის დაბალთა რაისის, მეთაურის გავლენა და მონაწილეობა ქალაქის ცხოვრებაში და მის გარეთაც.

შაქი ცნობილი იყო თავისი „შაქქური ტყავით“¹⁰⁹. ასევე ცნობილი იყო უკვე აღრეულ შუა საუკუნეებში ლაზური წაღები¹¹⁰. აზერბაიჯანის ორი ქალაქის (სახელები ტექსტში გამოტოვებულია) საქონელთა სიაში აღნიშნული ნატ'ი. მთარგმნელის აზრით, „ამ შემთხვევაში, როგორც ჩანს, ეს უნდა იყოს ტყავის პატარა ფარდაგი (კოვრიკ), რომელსაც საფენად იყენებდნენ ჰადრაკის და შაშის თამაშის დროს“¹¹¹. რუსთაველთან (267; შდრ. 618) ვკითხულობთ: „მან ქალმან ქვეშე დაუგო ვეფხის ტყავისა ნატები“. სულხან-საბას განმარტებით „ნატა თათინი, მოქნილი ტყავია“¹¹².

ასეთი მოქნილი, რბილი ტყავის გამოყენების სფერო ფართო იყო — მისგან შეიძლებოდა დამზადებულიყო მუსკუსის შესანახი ჰურჭელი¹¹³ და ტიკებიც. ბაქოსთან „არის კუნძული, რომლის მკვიდრნი ნადირობენ წყლის ძაღლებზე (ქილზბუ-ლ-შაა'ი). მათ ატყაუებენ, იღებენ ქონს, აღნობენ როგორც ლამპრის ზეთს (ქადაჰნი ალსურუჯი) და მიაქვთ ამ ტყავებით (ჯულჰუდ) ნავთობი (სხვადასხვა) ქვეყნებში გემებით“¹¹⁴.

მეტყავეთა ნაწარმის ერთი მთავარი დამკვეთ-გამსალებელი ფეოდალური ლაშქარი იყო.

ვახტანგ გორგასლის საჰურველს შეადგენდა აგრეთვე „ფარი მისი

¹⁰⁸ ააკუთი, გვ. 81.

¹⁰⁹ იქვე, გვ. 66.

¹¹⁰ გ. გოზალიშვილი, ფიქრები „დივენს აკრიტასის“ რეკლავ. „მნათობი“, 1976, № 4, გვ. 181.

¹¹¹ აჯაბ ალ-დუნია, გვ. 197. შევნიშნავთ, რომ ლექსიკონები მხოლოდ ამ მნიშვნელობას აღნიშნავენ.

¹¹² თალათინი კი, მისივე ცნობით, „სხვათა ენაა, ქართულად ნატა ჰქვანს“; შდრ. ფრანგ. natte.

¹¹³ ნესაევი, გვ. 245: „არა ყოველი ტყავი გამოდგება მუსკუსის შესანახად — შეგონებად წერს მემატრიანე.

¹¹⁴ ბაქუევი, გვ. 144 შდრ. რუს. თარგმ. გვ. 89 (17). გამოქნილი თევზის ტყავო არის „თეთრი როგორც თოვლი, რბილი და მგარი“. იხ. დარნატი (რუს. თარგმ.), გვ. 54. სპარს. ქალბოლმა' არის тюлень (Ю. А. Рубинчик) ეს უკანასკნელი კი — „ზღვის ძაღლი, ზღვის ღორი“, ფუქინი, სელაპი“ (Д. Чуниновის ლექსიკონი).

ვიგრის ტყავისა, რომელსა ვერა ჰყუთდა მახული“¹¹⁵. გადაუპარებულად. ყოველ შემთხვევაში, ის ირკვევა, რომ ამ ცხოველის ტყავი სხვათაგან გამოირჩეული ყოფილა, რადგანაც მასალად სწორედ მას იყენებდნენ. ზმარობდნენ თუ არა ასეთ ფარს ჩვენს საკვლევ ეპოქაში, არ ვიცით. ეს შესაძლებელია, საომარი საჭურვლის საგანგებო შესწავლით გაირკვეს.

რა არის ვიგრი? ს.-ს. ორბელიანი აღნიშნავს „ვახტანგს აქენდა ფარი ვიგრისაო“ და განაგრძობს: „...წმიდა ბასილი წერს: ლომი, ვიგრი და ვეფხიო. აწ ვიგრის ტყავს ზღვის თევზის ტყავს უჯობენ და ჯმელთა ცხოველიც არს, მისი ტყავი(ცა) ეგრევე ძვლით მოლურსმილია... ვიგრი არს რომლისა ტყავსა ფარად შემზადებენ, რომელსა სპარსნი ქარგარდანს¹¹⁶ უჯობენ... აწე რომე ვიგრის(ა) ტყავსა უწოდენ, იგი კორკოდლიოს ტყავი არს, რომელსა ქართულად ხვითქი ეწოდების. კვალად სხვა არს ოთხფერჯი ცხო(ვე)ლი, რომელსა სპარსნი დუზუბანს უწოდენ, და თევზიც არს მსგავსი ტყავმოსილობითა მათი(თა)...“¹¹⁷.

თბილისური საქონლის სიაში XIII ს. პირველი მეოთხედის თხზულება ასახელებს თახვს და „წყლის ძალს“¹¹⁸.

თახვი საქართველოშიც ბინადრობდა: „ესე არს ტბაჲ... რომელსა ეწოდების სათაკუე, და არს ამას შინა სიმრავლჳ თაჯუთაჲ და სხვათა ნადირთაჲ და არს დედა შფოთთა და ბრძოლათა. რამეთუ ყამსა ამას აქა იხილვებიან მღევარნი ნადირთანი, შეკრებულნი თუთოეულთა

¹¹⁵ ქუანშერი, გვ. 154.

¹¹⁶ ორბელიანი, აღბათ, ქარვადან-ს გელისხმობს—*کرگدن* — носорог; *قندس* — a) нарвал; б) меч-рыба — Ю. А. Рыбников-ის ლექსიკონი. განათვალისწინებელია შემდეგი: „სახის მეტყუელმან თქუა მართორქისაჲ: ეგევითარი მკვდრობაჲ და სახწ აქუს: მტრე არს და მსგავს არს თაქნისა და დრდად სანტაქ არს მკეცი იგი და რქაჲ ერთი ადგს თავსა მისსა ზედა“. ბასილი ქესარიელი, მკეცთათვის სახის სიტყუაჲ, ძვენი, გვ. 240.

¹¹⁷ ს.-ს. ორბელიანი, ლექსიკონი, „ვიგრი“.

¹¹⁸ *قندس* — *قندس* აქაჲ აღ-დუნსა, სპარს. ტექსტ. გვ. (217), სურ. 4, გვ. 203: „ნიბნერ, выдра; ქართ. თარგმ., გვ. 29; „თახვი, წყლის ძალი“. Steingass: „قندس qundus... perhaps= قندز. قندز qunduz, The beaver; sable...“. beaver=ბნრ=თახვი. თქუცა Чубинов-თან «бнбр — წაის ბეწვეული; მწვივი, წაი“. შდრ. М. Даль, Толк. сл.: «бнбр, бнбр два животных разнородныя... речной бнбр Castor Fiber...». იქვე: Выдра зверек Mustela Lutra, Lutra fluviatilis... поречная; водника... нечто среднее между норкой и морской выдрой... В реках средней России. Выдра=1. წაი. 2. წაის ბეწვი. ს.-ს. ორბ., ლექსიკ. „თაკ (თაკუ...); (ოთხე.) კოსტოტროს“.

ზგარამ ამავე დროს qunduz='соболь', 'sable'. ეს კი „სიასპურია“ — „Martes

სანახებთან და ურთიერთას მღევარნი საქმეთა უჯეროთანი, რომელნი კლვადცა მზა არიან თუთოეულისა“¹¹⁹.

ცნობიდან აშკარად ჩანს, რომ თახვზე ნადირობა ფართოდ ყოფილა გავრცელებული: იმ ზომამდე, რომ მონადირენი ამ ძვირფასი ცხოველის მოსანადირებლად ერთმანეთის დახოცვასაც არ ერიდებოდნენ — „კლვადცა მზა არიან თუთოეულისა“.

ასეთ ვითარებას კი ბაზრის, — სხვათა შორის თბილისისაც. — მოთხოვნილება განაპირობებდა.

თახვი მოხსენიებულია აგრეთვე სარირის და დარუბანდის საქონლის სიაში; უკანასკნელში — სიასამურსა და ციყეთან ერთად¹²⁰.

თახვის დამუშავების შესწავლის თვალსაზრისით საგულისხმოა ცნობები რუსეთის სინამდვილიდან¹²¹.

„წყლის ძალი“ ლექსიკონების ერთი რიგის მიხედვით ასევე თახვია თითქოს¹²², მაგრამ ირკვევა მისი მეორე მნიშვნელობაც — წავი

zibellina საშუალო სიღრის მტაცებელი ცხოველი კვერისებრთა ოჯახის; აქვს მუ-
რა-მოშავო ძვირფასი ბეწვი, — სამური, ხაზრი“ (კვბლ).

აე, რომ ყუნდუს (ყუნდუზ) = თახვი, ნიწერ. თახვის (Castor fiber) „სხეულის სიგრძე 100 სმ აღწევს, წონა 30 კგ. აქვს მასიური სხეული... კელი ბრტყელი, 15 სმ სიგანისა, თითქმის უბეწვო, რქოვანი ფარებთ დაფარული... ძვირფასბეწვიანია. უმეტესობა ღაწბლისიყვრია, მეტი მერა, ზოგჯერ — შავც... მამალს სანქესო ორგანოსთან წყვილი მემუის ყორკელი აქვს, რომელიც გამოყოფს სეკრეტს — თახვის ყა-
ირს...“ (მსმ „თახვი“). შდრ. „არს ნადირი კასპორიის, თავკველისა... და სურ-
ველი მისნი საქურნებლად წამლად არს...“ — ბასილი კესარიელი, დასახ-
ნაშრ., გვ. 240. შდრ. Физіолог. Армяно-грузинский извод. Груз. и арм.-
тексты изсл., изд. и перев. Н. М а р р, ТР, VI, с. 112—114.

¹¹⁹ ბასილი ზარზმელი, ცხოვრება და მოქალაქობა ღმერთ-შემოსილისა ნეტარისა მამისა ჩუენისა სერაპონისა, ძმძიძ, გვ. 195.

¹²⁰ აქაიბ აღ-ღუნია, (ქართ. თარგმ.), გვ. 26—27/V—A, 31/1. — قندس و سمور و سنجاب.

¹²¹ იხ. Словарь русского языка XI—XVII вв.: «Бобр... 2. Шкурка бобра, мех бобра... бобр деланный — выделанный мех бобра. Бобр сырой — невыделанная шкурка бобра. Бобр пушной — мех бобра с незычесанным пухом, подшерстком. Бобр чесанный — мех бобра с вычесанным пухом, подшерстком. Бобр черненный — подкрашенный мех бобра».

საგულისხმოა ისიც, რომ სიასამურს (ხაზრი), მაგალითად, «...подбирается со-
роками, 40 соболей составляет мех, сорочек; парный соболь, на воротники и от-
вороты» — Вл. Д а л ь, Толк. сл. «Соболь».

¹²² ნ ა ფ ი ს ი ს ლექსიკონი: „سگابی (sag-gābi) سگابی (sag-gābi) მღრღნელთა ოჯახის ერთ-ერთი ოთხფეხა ცხოველია. არაბულად قضاة ფრანგულად *кастр* [castor. — პ. თ.] სპარსულად *سگابستر* უწოდებენ“ . Б. В. М и л е р: „سگابی“ бобр“. მაგრამ Ю. А. Р у б и н ч и к: „سگ آبی a) бобр, б) выдра“.

(მწავი)¹²³ და, როგორც ჩანს, იგივე იგულისხმება თბილისურ საქონელში თახვთან ერთად. ფასობდა ამ ცხოველის ბეწვი, მისგანვე ღებულობდნენ ნივთიერებას სამედიცინო წამლის დასამზადებლად¹²⁴.

როგორც ჩანს, ტყავეულის წარმოება განვითარებული იყო თბილისში, აგრეთვე სურმარში და ყარსში. ყოველ შემთხვევაში, სპარსული ანონიმი მხოლოდ ამ ქალაქებში ასახელებს ისეთ ხელოსნურ ნაწარმს — უნაგირი, კაპარჰი, ხილიფა — რომლისთვისაც აუცალგებელი იყო ტყავი¹²⁵. იგივე ავტორი თავრიზში ტყავის ნაწარმთაგან მხოლოდ წიგნის ყდას (ჭეღღ) ასახელებს¹²⁶. ყდის მასალა თბილისიდანაც გაჰქონდათ, ხოლო ხელნაწერის სხვა „დასაკაში მასალა... რგოლი და ღილი ანისიდან“¹²⁷.

ხელნაწერი წიგნების გადაწერა, შემკობა, აკინძვა, მოვარაყება და სხვა სამუშაოები შუა საუკუნეებში ხელოსნობის სავსებით ჩამოყალიბებულ, საგანგებო დარგს შეადგენდა. ამიტომ, როდესაც წერენ „წიგნ-

¹²³ იხ. ი. აბულაძე, ძვ. ქართ. ენის ლექსიკონი: „მწავი ძაღლი, canis aquatilis sive marinus; მწავი ძაღლი - იწყლას ძაღლი, ავივე მწავი“. ბასილი კესარიელი, დსახ. ნაშრ., გვ. 241, § 28. შდრ. Филолог, т. XXVIII, გვ. 115—118. ნ. მარი „მწავი-ძაღლი“ სტუდენტოვსკის ნაშრომს (ძაღლი) ზედმეტად თვლის, გამოწვეულს მთარგმნელის მსწრაფებთ: სტუდენტოვსკი გდმრცა სომხური დღანი. A. de Biberstein Kazimirski, Dict. Arab.-Fr: قضاة—Loutre ეს უკანასკნელი = выдра = წავი. შდრ. Steingass: „سگ...sagiabgir, A water-lizard“. ნ. მიკულუხო-მაკალასთან ზემოღამოწმებული „سگ آبی“ თარგმნილი: «выдра», აჯაბ აღ-ღუნია (ქართ. თარგმ.), გვ. 29: „წყლის ძაღლი“.

—წავი: (Lutra lutra) 10 კგ-ზე იწონის, სიგრძე 70 სმ აკარბებს, გრძელი კუდი (დაახლ. 45 სმ) აქვს. ბეწვი არ სუჯლდება და იქვრს ჰაერს — БСЭ, «Выдра».

¹²⁴ იხ. ნათისის ლექსიკონი, «سگ».

¹²⁵ აჯაბ აღ-ღუნია, გვ. 203, 205, 208; გვ. 203 (217), სურ. 4: თბილისის საქონელიا كرى و قربان و كرش و... زين თარგმანი: «седла... колчаны (киш), футляры для луков (кирбан), инкрустированные слоновой костью». ქრთვ კოლჩანის გარდა (სხვა მწამენელობებთან ერთად), ნიშნავს აგრეთვე коперение (стрелы). შდრ. q quiver: case for bows and arrows; a leather, particularly of an arrow (Stein-gass). შდრ. „სათრთე ისრის ყობული: ყობული ისრზე, საფრთე... საისრე კალათა... ისარი... გინიყოფ(ე)იან... ფრთე-დაბლი და პირ-წყვილი... ფრთე-მობრტყე... ფრთე-მალლი... სამ-ფრთოსანი... უფრთო“ (ს.-ს. ორბელიანი). قربان = колчан: შდრ. „კაპარჰი, კაბარჰი საისრე“ (ი. აბულაძე, ლექს.). „კაპარჰი... ისრის ქარჰაში... ისართ ქარჰაში... საფრთხე; ხილიფა მწვილდის ჩასადებელი“, შდრ. „ქარჰაში“ (ს.-ს. ორბელიანი).

ხოშ არ გულისხმობს თბილისურ საქონლის ქიშ ისრის ფრთეს?

¹²⁶ აჯაბ აღ-ღუნია, გვ. 204.

¹²⁷ იხ. ლ. კილაშვილი, ქალაქები, II, გვ. 137.

ნი მოქედელ-მოუქედელნი“¹²⁸. აშკარაა, რომ აქ სხვადასხვა ხელობის შრომა იგულისხმება.

ანისში აღმოჩენილი ტყავის ხალათის ნაშთის მდიდრული მორთულობა, — არაბული (სტილიზებული?) წარწერა კალთის კიდზე, ვერცხლის (მოოქროვილი?) ძაფით შესრულებული ნაქარგობა და სხვა¹²⁹, — აშკარად მოწმობს ტყავის დამუშავების, ტყავეულის წარმოების დონეს.

არსებითაა კითხვა: უშუალოდ დაბადის სახელოსნო ამზადებდა მთლიანად ასეთ ნაწარმს?

არის ცნობა (თუმცა, გვიანდელი) თავრიზის მეოთხე ოლქის (ნ 53 ნ ე) ერთ-ერთ სოფელში მრავალი დაბადის საქმიანობის, ხოლო ხლათში — დაბადის სახელოსნოს — შესახებ¹³⁰.



ხის დამმუშავებელი ხელოსნობის, ხით ხურობის ნაწარმიდან ცნობათა ერთი რიგი ჭურჭლის და ხის სხვადასხვა საყოფაცხოვრებო ნივთების ხევის შესახებ მოგვითხრობენ. რა თქმა უნდა, ეს ნაწარმიც მრავალგვარი იყო დანიშნულებისა და ღირებულების მიხედვით.

სელი („სავარძელი“), მაგალითად, სამეფო კარის ავეჯშიც შედიოდა; იგი „ოქრო-ქედელიც“ კეთდებოდა, ტახტის გვერდით იდგა და მასზე სკარამანგოსხმული დიდი მოხელე დაბრძანდებოდა ხოლმე¹³¹; სელი არის „სკამი... რომელიც შეიკვრის და გაიჯსნების. სხვა კეთილ-ქრელებულსა დასადგმელსა — სავარძელი... მეფეთა და მლ(რ)დელ(თ)-მთავართ საჯდომელსა და ზედ გავალაკიანსა — საყდარი, ვიეთნი ტახტს უწოდენ“¹³². ცხადია, ტერმინთა სიმრავლე ავეჯის წარმოების მრავალგვარობას გულისხმობს.

არდებილის „საქონელია:... ხის ნაკეთობანი (ა ლ 5 თ-ი ჩ უ ბ ნ ე), სავარცხლები (შ 5'ნ ე)... საზიდრები (გ ა რ ღ უ ნ) და კარგი ხარები“¹³³.

სპარსულ ენაში შ ა'ნ ე ს მრავალგვარი მნიშვნელობა აქვს, ისევე

¹²⁸ მატიანე ქართლისა, გვ. 282. ვრცლად ამ დარგის შესახებ საქართველოში იხ. შ. მ ე ს ხ ი ა, ხელოსნობა, გვ. 117—118, 125—126.

¹²⁹ И. О р б е л и, Каталог, с. 32: «...остатки кожаной рубахи?»

¹³⁰ ჰ ა მ დ ა ლ ა კ ყ ა ზ ვ ი ნ ი, ნუზათ ალ-ყულუბ, გვ. 19; ნ ე ს ა ვ ი, გვ. 243.

¹³¹ ისტორიანი და აზმანი, გვ. 33, 43.

¹³² ს.-ს. ო რ ბ ე ლ ი ა ნ ი, ლექსიკონი, „სკამი“.

¹³³ აკაიბ ალ-დუნია, გვ. 196.

როგორც ქართულში „სავარცხელს“¹³⁴. პირველ რიგში იგი ხისკბილე-ბიანი ხელსაწყოა, როგორც ადამიანის ტუალეტის დროს, ასევე საფეიქრო წარმოებაში გამოსაყენებელი. არდებილიდან თუ საფეიქრო დაზვის სავარცხლები გაჰქონდათ. ცნობა ასეთ შემთხვევაში, რა თქმა უნდა, გაცილებით მნიშვნელოვან შინაარსს იძენს.

გარდუნის მნიშვნელობათაგან¹³⁵ ამ შემთხვევაში „საზიდა-რი“¹³⁶ უნდა ვიგულისხმოთ, რადგანაც ეტლი (კოლეციკა), როგორც საომარი საშუალება, იმ დროს უკვე აღარ იხმარებოდა¹³⁷.

დამოწმებული ცნობა უშუალოდ აღნიშნავს¹³⁸ წარმოების საშუალებათა („საზიდრები და კარგი ხარები“) სასაქონლო ნაწარმად დამზადებას. ასეთი შინაარსის ცნობები აუცილებლად ყურადსაღებია ფეოდალური ეკონომიკის შესწავლის დროს; მით უმეტეს, რომ ფეოდალურ საზოგადოებრივ წარმოებაში წარმოების საშუალებათა წარმოება ბაზრისთვის, როგორც წესი, სუსტად განვითარებულად მიაჩნათ¹³⁹. ყოველ შემთხვევაში, ფეოდალური ეკონომიკის შესწავლის დროს ეს ცნობა თავისი არსებობით გაცილებით მეტს გვაძლევს, ვიდრე ვკარგავთ მისი, თუ ასე ვიტყვით, არარსებობით.

აღსანიშნავია ისიც, რომ არზან ალ-რუმის საქონლის სიაში არის

¹³⁴ ს. ნაფრისის ლექსიკონის (გვ. 199) მიხედვით, საფეიქრო საქმეში ეს არის ხელსაწყო, რომელიც ქსოვის დროს მასში გატარებულ ძაფებს იცავს გადასკენისაგან. ს.-ს. ორბელიანი, ლექსიკონი: „სავარცხელი... თმათ დასავარცხნელი; სავარცხელი ეწოდების ფეიქრის ლათინისა ლერწმისაგან (ლერწამთაგან) შეწყობილსა... გინა საფეიქროთა შეწყობილთა საბეჭათთა ლელწამთაგან“.

Перс-русс. словарь... Ю. А. Рубинчикка: „شاه 1) гребень, гребёнка, гребешок, расчёска; آسب ~* скребница; 2) чесалка (для хлопка шерсти и т. п.); текст [ильное дело] бердо ...4) борона“. Б. В. Миллер-ის ლექსიკონი უმატებს“... 3) вейлка.

¹³⁵ იქვე: „گردونه [gārdune] и گردون [gārdun] повозка, телега; колесница“.

¹³⁶ არ ვეჭვობ „ურეგო“, რადგან არ ვცით ზუსტად შეესატყვისება თუ არა მას გარდუნი, შდრ. აჭაბ ალ-დუნი, ქართ. თარგმ. გვ. 24: „ურმეზი“.

¹³⁷ საგულისხმოა, რომ ქართულ სინამდვილეში ის იხსენიება ადრეულ შუა საუკუნეებში: მიმდინარე ბრძოლის დროს „...გარდამოკდა მუფე ვახტანგ ეტლთაგან...“ — ქუანძვერი, გვ. 173. იმავე აუტორთან (გვ. 237), ჩანართში, ცხენისწყალზე დაბანაკებულ „სარკონოზა“ ლაშქარში დადასტურებულია „უნები და ეტლები“ - დამოწმებული ორი „ეტლი“, შესაძლებელია, სხვადასხვა რამ იყო დანიშნულებითაც და აგებულებითაც.

¹³⁸ ყოველგვარი სებიექტური შეხედულების, აზრის გამორიცხვის შემდეგ ასე გადაჭრით ვერ ვიტყვით სავარცხლების შესახებ.

¹³⁹ შდრ. Ф. Я. Полянский, Товарное производство в условиях феодализма, изд. МГУ, 1969, с. 87.

„ფიქვის ხე“¹⁴⁰, ხოლო ნახჭევნის „საქონელია... ხის პატარა, მოხატული (მონაყყაშ), ძალიან კარგი თასები (ტაბაყჩე) ისე, რომ (ისინი) აქედან მთელ ქვეყანაში (წლემ) საჩუქრებად (თოპჩე) გააქვთ“¹⁴¹. ეს ხომ თანამედროვე სუვენირების წარმოებას მოგვაგონებს.

ხით ხურობაში ნახჭევნელთა დახელოვნებას სხვა ავტორიც ადასტურებს: „მისი ხალხი დაოსტატებულია ხის ხელსაწყოების და ალხალანჯის კურკლის კეთებაში“¹⁴².

ხელოსნების ამავე დარგის საქმიანობაში შედის აგრეთვე მუსიკალური საკრავების ერთი ნაწილის კეთებაც. მუსიკალური საკრავები მრავალგვარი არსებობდა და ეს ხელობაც, როგორც ჩანს, გარკვეულ დარგად ჩამოყალიბდა. ტაბულ-ხანა („ორკესტრი“) ერთგან განძეულობასა და ბაირალბთან ერთად იხსენიება და ისიც ნადავლში მოყვას¹⁴³. საკრავების მიხედვით მათზე დამკვრელნი, შესაძლებელია, ცალკე სოციალურ ჯგუფებად ერთიანდებოდნენ („მეჩანგენი“, „მეებნენი“); ეს საკითხები უკვე ქალაქის სოციალური აღნაგობის წიალში გადის.

საქართველოში ცნობილი იყო ორლანიც: „არცა მშულდი თავს იღებსო მარადის გარდაცმულობასა, არცა ძალი“¹⁴⁴ ორლანოსა მარადის განსხირპულობასა, რამეთუ ჟამსა ჯმარებისა მათისასა თითოეული მათი უწმარ იპოვოსო“¹⁴⁵; „...რამეთუ მოაკლდებოდა ძალსა მოჰმადიანთასა, და მცემელიცა ებანსა, რამეთუ ქრისტიანეთა ორლანონი ჯმოვანობდეს კიდით კიდემდე“¹⁴⁶.

არდებილში აკეთებდნენ — „სასიამოვნოსო“, აზუსტებს ავტორი — და სავაჭროდ გაჰქონდათ მუსიკალური საკრავი საზი; სარირში — კარგ ძველებურ საყვირებს¹⁴⁷.

¹⁴⁰ აჯაბ ალ-დუნია, გვ. 199; ფიქვი, ნაძვი, პიტო, სოქი (Abies). ამ ხის შესახებ იხ. ლარნატი (რუს. თარგმ.). გვ. 28, 69 შ. 62.

¹⁴¹ აჯაბ ალ-დუნია, გვ. 210; შდრ. ქართ. თარგმ. გვ. 34: „მოხატული ხის თასები და პატარა ტაბაყები იმღუნად ლამაზია, რომ მთელს მსოფლიოში გააქვთ საჩუქრებად“.

¹⁴² ბაქუვი, გვ. 137; შდრ. რუს. თარგმ. გვ. 99 (66); ხალანჯის (ხალანჯის) ხის შესახებ საკმაოდ დაიწერა, მაგრამ ამ საკითხს ამჯერად აქ ვერ განვიხილავთ.

¹⁴³ ნესავი, გვ. 60.

¹⁴⁴ ი. აბულაძე, დასახ. ნაშრ., „ძალი-ლარი, სოჰი“.

¹⁴⁵ დავით აღმაშენებლის ისტორიკოსი, გვ. 357.

¹⁴⁶ ბასილი ეზოსმოძღვარი, გვ. 131.

¹⁴⁷ აჯაბ ალ-დუნია, გვ. 196; ქართ. თარგმ., გვ. 31. უნდა შევნიშნოთ, რომ შინაგაურში აღმოჩენილი ნივთების კომპლექსის განსაზღვრამ აზრთა სხვადასხვაობა გამოიწვია: მკვლევართა ერთი რიგი მათ მუსიკალური საკრავების კომპლექსად თვლის,



შუა საუკუნეების ხელოსნური წარმოების ერთ-ერთ ძირითად დარგს ლითონის დამუშავება წარმოადგენდა. როგორც აღინიშნა, ამ დარგს ძირძველი ტრადიციები გააჩნდა ამიერკავკასიაში¹⁴⁸.

ლითონი მტკიცედ იყო დამკვიდრებული შუა საუკუნეების ეკონომიკაში. ამისდა კვალად, შესაბამისად გაიზარდა და განვითარდა ამ დარგის წარმოების რაოდენობრივი და ხარისხობრივი მაჩვენებელი. ამის მოწმობაა შუა საუკუნეების ლითონთა მრავალგვარობა და თვისებრივ-ხარისხობრივი შემადგენლობა.

ანისში, მთავარი ქუჩის ორივე მხარეს. აღმოჩნდა სახელოსნოს ნაშთები გამოღობილი სპილენძის ნარჩენიანი ბუთებით¹⁴⁹. გამოხრელთა აზრით. ეს უნდა იყოს სპილენძის წვრილმანი ნივთების და სამკაულეზის სახელოსნო¹⁵⁰. მსგავსი მასალა აღმოჩნდა ბაილაყანის საცხოვრებლების ფართობზე არსებულ ერთ-ერთ სანაგვე ორმოში, რაც მის ახლოს ლითონის სადნობ-დამამუშავებელი სახელოსნოს არსებობაზე მიუთითებს¹⁵¹.

რასაკვირველია, განვითარებული ფეოდალიზმის ხანაში არ არის

შორე — ამიერკავკასიაში აღრული ვერაზული სტეპური ტიპის ცხენის აღწრის პრველ მონაპოვრად. — იხ. А. Н. Мелентьев, Две узды из Минге-чаура, СА, 1968, № 1, с. 226.

¹⁴⁸ ამ ტრადიციების შესახებ საქართველოში იხ. შ. მესხია, ხელოსნობა, გვ. 12—13; О. Д. Лордкипанидзе, Археология в Грузии, Вестник АН СССР, 1982, № 4, с. 71—72. ცხელია, მეტალურგიის კერების აღმოცენება-განვითარებას განაპრობებს დეგლობრივ მდნეულს არსებობა. ამ თქლსაზრისით არქეოლოგები „ბოლნისის ქვეყანას“ ისტორიული საქართველოს ერთ მთავარ სარკინეთად თვლიან. იხ. გ. ლომთათიძე, დეოდალური საქართველოს ქალაქებისა და საწარმოო კრათა ისტორიისათვის, ფსაძ, 1, გვ. 15. იქვე მითითებულია ო. გრძელიმეღლის ნაწრომები საქართველოში რკინის მეტალურგიის შესახებ. შდრ. „... იწროთა რკინის ქვესათა“, ლეონტი მროველი. გვ. 51; იხ. აგრეთვე К. Х. Кушнарова, К вопросу о развитии ремесла на Южном Кавказе в древности (По данным металлургии и горнчарства), ИФЖ, 1974, № 2, ავტორი, როგორც თვითონ წერს, აყენებს და განიხილავს პალეოეკონომიკის რკ საკითხებს.

¹⁴⁹ შდრ. ს.ს. ორბელიანი, ლექსიკონი: „ბოვი ილეკროს პრველად გამოსაღობელი“. ხოლო „ლეკრო ეწოდების ოქროსა, ვერცხლსა, სპილენძსა, რკინასა, ტყუასა, კალასა და ყოველსავე მისთანათა ერთბაშად“. ნ. მართან (იხ. ქვემოთ, შ.) არის «тигель».

¹⁵⁰ Н. Марр, Ани, с. 96; И. Орбели, Каталог, с. 107, 108.

¹⁵¹ Н. В. Минкевич-Мустафаева, Раскопки на городской стене Орех-Кала в 1953—1954, гг., МИА, 67, с. 155; ორმოში იყო სპილენძის წიღის და ხის ნაწიროს ნატეხები, სფეროკონუსისებური ქურჭლის ნაშტრევეები სპილენძის წიღებით შიგნითა მხარეს, ჩამოსასხმელი თიხის ყალიბები. დაწვრილებით იხ. იქვე.

მოულოდნელი მსგავსი არქეოლოგიური აღმოჩენები, ისევე როგორც ცნობა შამქორში და არზრუმში, შესაბამისად, კარგ დანებს და ხმლებს აკეთებენო, ხოლო თბილისში — ლაგმებს¹⁵².

მაგრამ როდესაც იმ ძვირფასი ძღვენი ალწერილობაში¹⁵³, ხალიფამ ჯალალ ალ-დინს რომ გაუგზავნა, ცხენის აღკაზმულობაში დასახელებულია თბილისური აბზინდები (ქ ა ბ ა ბ ი შ ა ლ - თ ი ძ ლ ი ს ი ა)¹⁵⁴ — ეს უკვე აღარ არის წერილმანი; რადგანაც კარგი „წერილმანი“ ნივთის წარმოება ისევე მოითხოვს ხელოსნობის განვითარებულ დონეს, როგორც „მსხვილმანი“ (შდრ. ზევით).

საყურადღებოა, რომ ლაპარაკია არა ოქრომკედლის ნახელავზე, არამედ „ჩვეულებრივი“ ლითონდამმუშავებელი ხელოსნის ნაწარმზე, რომელიც საგარეო ვაჭრობის საგნად არის ქცეული — ის ხომ ხალიფას საგანძურებში თუ საწყობებში მოხვდა.

¹⁵² აქაბ ალ-დუნია, გვ. 207, 199; ქართ. თარგმ., გვ. 29/9. საგულისხმოა, რომ სპარსულში ყ ა შ ა „ქართულ ხაჩალს“ ნიშნავს: „كاش qama A large Georgian dagger“ (Steingass).

¹⁵³ უალრესად მრავალგვარი შედგენილობის ძღვენი 13 „კომპლექტი“ თავისთავად ხელოსნურა ნაწარმს მშენებელს ასაწარმოადგენს.

¹⁵⁴ ნ ე ს ა ვ ი, გვ. 238; აღნიშნულ სიაში არის: „...11. თოთხმეტი ღირსეული ძღვენი ხანებისათვის. ყოველ მათგანს შეადგენდა ცხენები თავისი მოსართავებით და თულებით, ოქროს გარსაკრავებით (საწყევტებით) და თბილისური აბზინდებით“.

XIII ს. შესრულებულ ნესავეის თხზულების სპარსულ თარგმანში არის

اطلس کو نیوشهای اطلاس. ქუნუტუშაი ატლას. ქუნუტუშაი თავისთავად ცხენის აღკაზმულობის ნაწილია, შატროვანი (?) [შდრ. ს.-ს. ო რ ა ე ლ ი ა ნ ი, ლექსიკონი: „შატროვანი (შატროვანი)... ესე არს ქვეშაეებზედ ანუ ცხენზე(დ) გადასაუარებელი ნაყერი შიძიბე თასისა (+ გინა ნაქსოვი).. უცხო რამე... საფენელი ოქროქსოვილი... ანუ ნაყერი ჭრელად მრავალფასისა...“. შდრ. იქვე, „ქუნთა“] ნ ე ს ა ვ ი (სპარს. თარგმ)

سيرت جلال الدين مينكبرنی تصنيف... نسوی ترجمه فارسی از اصل عربي
از مترجم جلال در قرن هفتم هجری به تصحیح و با مقدمات و تعلیقات
مجتبی نسوی استاد دانشگاه طهران، تهران، ۱۳۴۴. შ. მინოვი მას ვერცლად .
განიხილავს, იხ. იქვე, გვ. ۱۳ ალსანიშნავია, რომ მინოვისთან შენიშვნებში არის

აღ-ქანანბრე ალ-თიქლისნიდა და არა ქ ა ბ ა ბ ი შ ა. არაბ. كوش كبايش იგუევა, რაც სპარს. ქუნუტუშ — „ასალი (ყაჯარი)“. არაბ. كبايش kubaš მრ. كبايش kubaš (ნესავეისთან არსებულ მრ. რაცხვის ფორმას ქ ა ბ ა ბ ი შ თანამედროვე ლექსიკონებში არ იძლევიან) ნიშნავს „კაუჭი, მოსაჭერი, ბალთა, აბზინდა“ — Hans Wehr, Arabisches Wörterbuch, Leipzig, 1956: Haken, Klammer, Spange, Agraffe. როგორც ჩანს, მასთან ახლოს მდის „აბზინდას“ მნიშვნელობა: „ლითონასეციანი შესაკრავი ჭაბრისა, ცხენის მოსართავისა და მათანათა“ — ქმბლ. „...აბზინდის სახესხვაობაა აგრეთვე, რომელიც იხმარებოდა წამოსახამის შესაკრავად (აბზინდას) ზევსურეთში, საყურელს, ქართ. შ ი კ ს უწოდებენ, სამეგრელოში ყ უ ნ ს — ქმბ.

ასეთ შემთხვევაშიც რამდენიმე კითხვა წამოიჭრება; მათ შორის არსებითი: მხოლოდ საგარეო ბაზრანთვის იყა გამიზნული, თუ ამ წარმოებას „სერული“ ხანიათი ჰქონდა?

რა თქმა უნდა, ეს კითხვა თანაბარი მნიშვნელობით ეხება ამიერკავკასიის ქალაქების ხელოსნური წარმოების ყველა დარგს.

ახლა მხოლოდ ვარაუდი თუ შეგვიძლია იმის შესახებ, რომ მხოლოდ ამ აბზინდებს აკეთებდა თბილისელი ოსტატის სახელოსნო, თუ იგი ჩვეულებრივი, მრავალგვარი ნაკეთობის მწარმოებელი რკინა-კავეულის სახელოსნო იყო? ვფიქრობთ, რომ პირველი უფრო მისაღები აზრია, — ცხადია, ფეოდალური ეკონომიკის ბუნების გათვალისწინებით, — რადგანაც წარმოების ნებისმიერ დარგში ასეთი გამორჩეული, აღიარებული, ბაზარზე სახელმძღვანელო („საფირმო“) ნაწარმის დამზადება ტრადიციას, გამოცდილებას, დაოსტატებას, სპეციალიზაციას მოითხოვდა. ყველაფერი ეს კი, როგორც ცნობილია, საზოგადოებრივად აუცილებელ სამუშაო დროის კატეგორიაში უნჯდება და სხვა პირობებთან ერთად წარმოების არსს განსაზღვრავს.

აღნიშნულ და სხვა პირობებსაც თანაბრად, რასაკვირველია, ვერ დააკმაყოფილებდა ქალაქის ყოველი ხელოსნის თუ სახელოსნოს წარმოება. აქედან — განსხვავება ნაწარმის ხარისხსა და გესაღებში, ხოლო ამის შედეგად — სხვაობა მისი მწარმოებლის ეკონომიკურ-ფინანსურ შეძლებაში. ეს უკანასკნელი კი, თავის მხრივ, ფეოდალიზმის დროსაც ძირითად პირობას წარმოადგენდა წარმოების ხარისხობრივი თუ რაოდენობრივი გაუმჯობესებისა და ზრდისათვის.

ეს საკითხები მკიდროდ უკავშირდება ხელოსანთა იურიდიულ მდგომარეობას, რადგანაც თავისუფალი ხელოსნის, თავისუფალი მწარმოებლის წარმოება გაცილებით მაღლა დვას ბატონყმურ ურთიერთობებში დაბეჩავებულ მწარმოებლის შრომასთან შედარებით. ყველაფერი ეს კი საზოგადოების სოციალურ-ეკონომიკურ სტრუქტურას თავის დაღს ასვამდა და მის შინაარსს, განვითარებას, პროგრესის გზაზე აღმასვლას განაპირობებდა.

ერთ ასეთ დახელოვნებულ, აღმოსავლური ქალაქისთვის თუ არა ტიპიურ, ყოველ შემთხვევაში, მისთვის ჩვეულ პოეტ-მწიგნობარს, შაფიიტურ თეოლოგს და სახელგანთქმულ ოსტატ-ხელოსანს გვაცნობს ნესაეი. X საუკუნეში მცხოვრები ეს პიროვნება ცნობილი გახდა საოცარი ბოქლომის გაკეთებით, რომლის კლიტე ნახევარ გრამს იწონიდა; აქედან — მისი თიკუნი ა ლ-კ უ ქ ქ ა ლ („მებოქლომე“)¹⁵⁵.

ანისში აღმოჩნდა „ძალზე საინტერესო რკინის მექანიზმიანი ბრინ-

¹⁵⁵ ნესაეი, გვ. 64.

ჯაოს ბოქლომი გამოსაწვევი კლიტი. ბოქლომის ჩამოსხმული კოლოფი მოჩუქურთმებული იყო¹⁵⁶.

ხოლო ხლათში ერთი ოსტატი კი არა მთელი მოსახლეობა ყოფილა — ბაქუვის თუ დაეუჭერებთ — ისეთი ბოქლომების (ა ლ-კ უ ქ ა ლ) დამზადებაში დასელოვნებული, რომელთა მსგავსს სხვაგან ვერ იპოვიდით¹⁵⁷.

ბაქუვის უნდა დაეუჭეროთ, იმიტომ, რომ ამიერკავკასიაში ქალაქის თუ დაბის მცხოვრებთა ასეთი ჯგუფური დახელოვნება ხელოვნობის ცალკეულ დარგში ერთეული შემთხვევა არ არის. „დარუბანდთან ახლოს არის დიდი მთა, მის ღირში ორი სოფელია¹⁵⁸, სადაც ცხოვრობს ხალხი, სახელად ზირიპგერან ანუ მეჯაეშნეები. ისინი ამზადებენ ყოველგვარ საომარ საქურველს: ჯავშნებს, აბჯრებს, მუზარადებს, მანვილებს, შუბებს, შვილდებს, ისრებს, ხანჯლებს და სპილენძის ყოველგვარ ნაკეთობებს. ყველა მათი ცოლები, შვილები ვაჟები და ქალები, მონები და მონა-ქალები დაკავებული არიან ამ ხელობით მთლიანად. ისინი არ ამუშაებენ მიწას, არ აქვთ ბოსტნები (ბაღები) მაგრამ ქონება და ფული მათ სხვებზე მეტი აქვთ, რადგანაც ყოველი მხრიდან მოაქვს ხალხს მათთან ყოველგვარი სიკეთე. ისინი არიან კარგი (კეთილი) და მდიდარი ხალხი. მათ შორის არ არის რელიგია და არ იხდიან ჯიზიას“¹⁵⁹. აქვე უნდა დავიმოწმოთ შემდეგი: დარუბანდი „ნავსადგურია (კასპიის) ზღვაზე. იკრიბებიან მასში ხაზარები. სარირები, სინდანები, ხაფანები, ქურჯები, რუკლანები, ზარანქარანები, ‘ამიქები — ეს უკანასკნელნი ჩრდილოეთის მხრიდან, იკრიბებიან მასში აგრეთვე, ჯურჯანიდან, ტაბარისტანიდან, დაჰლამიდან და ჯიბალიდან“¹⁶⁰.

დარნატის ცნობა იმდენად მდიდარი შინაარსის არის, რომ მისი გამოწვლილვით განხილვა არაერთ საყურადღებო დასკვნას გვიპირდება.

პირველ რიგში, ამჟერად, ყურადღებას იპყრობს ის, რომ „ყოველი მხრიდან მოაქვს ხალხს მათთან ყოველგვარი სიკეთე“. ცხადია, ამ „სიკეთის“ სანაცვლოდ ეს ხალხი ზირიპგერანელთა ხელოსნურ ნაწარმს

¹⁵⁶ И. Орбелн, Каталог, с. 98, იქვე ნახატე.

¹⁵⁷ ბ ა ქ უ ვ ი, გვ. 92(27).

¹⁵⁸ დ ა რ ნ ა ტ ი ს მეთრე თხზულებაში (რუს. თარგმ.) გვ. 26: „დარუბანდის ზემოთ, ერთი დღის საეალზე, მთის ძირში ორ დიდ ვორაზე“.

¹⁵⁹ დ ა რ ნ ა ტ ი [Le Tuhfat al-albab de Abū Hamid al-Andalusi al-Garnati éd. d'après les Mss. 2167, 2168, 2170 de la Bibliothèque Nationale et le Ms. d'Alger par G. F e r r a n d, P. 1925 (Exl. du JA, t. CCVII, 1925)]. p. 84. დარნატი თვითონ იყო დარუბანდში. შდრ. ბ ა ქ უ ვ ი, 113 (10): „ბულღარს მცხოვრებლებს მაქვთ აურამი (ქვეყანა ბნელეთის ზღვასთან) მახვლები, რომლებსაც არ უკეთებენ არც ტარს, არც რაიმე მორთულობას. მოაქვთ ისეთი, როგორც გამოაქვთ ეს ცეცხლიდან და ჩაუშვებენ წყალში და ასეთი (მახვლები) გამოდგება მითან მასტანდ“.

¹⁶⁰ ა ა ქ უ თ ი, გვ. 21.

გაიტანდა. ეს იგი, მყიდველი (ვაჭარი) თვითონ მიდის საქონელთან. მაშასადამე, მოთხოვნილება სჭარბობს წარმოებას. ამიერკავკასიის ქალაქებში წარმოებული საომარი საქურველი ვერ აკმაყოფილებს ბაზარს და მთავი (ხელსაყრელ ბუნებრივ პირობებთან?) აღმოცენებულ წარმოებას თავისი საქონელი თვითონ არ გააქვს ბაზარზე.

თუ ასეა, საზოგადოების ბუნებრივი განვითარების პირობებში ასეთი ვითარება ხომ ჰქმნა რაღაც ხელსაყრელ პირობებს უქმნის წარმოების ზრდას, მის გაცხოველებას (რასაკვირველია, ამ შემთხვევაშიც, ანგარიშგასაწევია იმდროინდელი „საწარმოო სიმძლავრეებიც“).

თუ ვიტყვით, რომ ასეთი აზრი ნაწილობრივ მაინც მოითხოვს ამა თუ იმ შინაარსისა და განვითარების საერთო ბაზრის არსებობას, — რაც ფეოდალური სოციალურ-ეკონომიკური ურთიერთობებისთვის თითქოს ნაკლებად არის დამახასიათებელი, — ასეთ შემთხვევაში როგორღა ავხსნათ აღნიშნული ცნობა, რა ეკონომიკური პირობები წარმოქმნის და ასაზრდოებს მასში აღნიშნულ ვითარებას?

რატომ აუვლის ვაჭარი ადვილად მისადგომ და ამდენად მისთვის უფრო იაფ საქონელს გვერდს და ზირიპგერანში ავა საქონლის შესაძენად?

ახლა განვიხილოთ იაკუთის ცნობა. ზარანქარანები იგივე ზირიპგერანელები არიან¹⁶¹. ეს ცნობა, როგორც ჩანს, სავაჭრო ურთიერთობებს რომ გულისხმობს, სამწუხაროდ, არ აღნიშნავს ვის რა მიჰქონდა სავაჭროდ დარუბანდის ბაზარზე. მაშასადამე, თუ ზირიპგერანელებს (ან მათ მონებს. ამას, ამ შემთხვევაში, არსებითი მნიშვნელობა არა აქვს) თვითონ გააქვთ თავიანთი ნაწარმი ბაზარზე, ასეთ ვითარებაში ყველაფერი „თავის ადგილზე დგება“ და ზემოხსენებული მსჯელობაც საფუძველს ჰკარგავს. თუ ეს ასეა, მაშინ რა ვუყოთ ლარანტის ცნობას? ჩავთვალოთ, რომ ის სინამდვილეს არ ასახავს?

რა თქმა უნდა, ერთეული ცნობების ანალიზი, შესაძლებელია, სრულად არ ასახედეს, შეესატყვისებოდეს გარდასულ ვითარებათა მთლიან, საზოგადო სურათს. არსებითია და მნიშვნელოვანი, ვიცოდეთ ამა თუ იმ საზოგადოების რა ნაწილს მოიცავს, შეეხება („პროცენტულად“) ეს ცნობები. უნდა ვივარაუდოთ, რომ დარუბანთან — მნიშვნელოვან სავაჭრო-სატრანზიტო ცენტრთან — ზირიპგერანის სიახლოვე ქმნიდა იმ ხელსაყრელ პირობებს, ადგილობრივ არსებულთან ერთად, რომელთა წიაღშიც შესაძლებელი ხდებოდა ზირიპგერანელთა მსგავსი წარმოებით ურთიერთობათა ჩასახვა-განვითარება.

¹⁶¹ ზირიპგერანი XVI საუკუნიდან ცნობილია, როგორც ყუბაჩი. ორივე სახელი — ერთი სპარსულ, მეორე თურქულ ენაზე „მეჭაქმნეებს“, „ჭაქმნის მკეთებლებს“ ნიშნავს. ჩვენს დროში მათი წარმოების შესახებ იხ. Н. Бакланов, Злато-жузнецы Дагестана, М., 1926, с. 15—16.

ცხადია, ასეთი საკითხების განხილვა სოციალური და ეკონომიკური ვითარების (ფართოდ — მთისა და ბარის), სავაჭრო ურთიერთობათა გულდასმით, ღრმად შესწავლის პირობებშია მიზანშეწონილი.

ამიერკავკასიის ფეოდალური საზოგადოებები X—XII საუკუნეებში მიმდინარე განვითარების შედეგად აღარ წარმოადგენენ — განსაკუთრებით XII—XIII საუკუნის პირველ მეოთხედში — ჩაკეტილ, ურთიერთისგან გათიშულ, თვითკმარი ნატურალური მეურნეობის აბსოლუტური ბატონობის ნიშანმატარებელ საზოგადოებებს.

იარაღის წარმოების შესახებ ღარნატი ერთ საყურადღებო ცნობასაც გვაწვდის. ვაჭრებს ბულლარიდან „ურწმუნოების ქვეყანაში, რომელსაც უწოდებენ ვისუს (ჩრდილოეთ რუსეთის ზოგიერთი ოლქები)¹⁶² მიაქვთ მახვილები რომლებსაც აკეთებენ აზერბაიჯანში ვითარცა პირებს¹⁶³, გაუპრიალეבלად. ყიდულობენ აზერბაიჯანში ოთხ [ასეთ] მახვილს ერთ დინარად და აწრთობენ ამ მახვილებს ძლიერი წრთობით ისე, რომ როდესაც დაჰკიდებენ ძაფზე პირს და დაჰკრავენ, დიდხანს უღერს. და ეს ის [მახვილებია], რომლებიც გამოსადეგია მათთვის; და ყიდულობენ მათ ნაცვლად თახვის (ბეწვს)¹⁶⁴.

ჩვენთვის საყურადღებო ადგილს ამონაწერიდან აზუსტებს იგივე ავტორი თავის მეორე თხზულებაში: აღნიშნულ მახვილებს „აკეთებენ ზენჯანში, აბპარში, თავრიზში და ისპაანში ვითარცა პირებს, უეადოდ მორთულობის გარეშე, მხოლოდ რკინა, როგორც გამოდის ის ცეცხლიდან“¹⁶⁵.

რატომ აკეთებენ ასეთ ხმლებს? სად ხდება მათი, როგორც სახელოსნო ნაწარმის სრული ციკლის დასრულება? რამდენად ნიშანდობლივია წარმოების ასეთი ხასიათი ამიერკავკასიის სხვა ქალაქების სახელოსნოებისთვის? მხოლოდ ჩრდილოეთში გადიოდა ასეთი ნაწარმი?

¹⁶² ღარნატი, (რუს. თარგმ.), Исторический комментарий, с. 101: «...страна вису — это белозерская весь... весь занимала территорию от Восточного Приладжья до Белозерья включительно».

¹⁶³ نصل; გ. წერეთელი, არაბულ-ქართული ლექსიკონი: „წვეტი მახვილია, ისრისა და მათ.“ X. К. Баранов, Араб-русс. словарь: «острие, лезвие; клинок». როგორც ჩანს, ივლისსმება მახვილის ლითონის შთელი ტანი. შღრ. ს.-ს. ორბელიანი, ლექსიკონი: „პირი“: „პირად უწოდენ ლახვართა და მახვალთა მკვეთლობათა“. მაგრამ შღრ. „ლახვარი... გმური არს ლახვარი პირ-ბრტყელი... გეონი არს მოწლო და სამძგიდე... ხიშტი არს ლახვარი პირ-გრძელი, ძგიდე-მახვილი“ (დაყოფა ჩუენია — პ. თ.).

¹⁶⁴ ღარნატი, გვ. 118; ღარნატი (რუს. თარგმ.), გვ. 58—59; შღრ. P. M. Джанполадян, А. М. Кирпичников, Средневековая савля с армянской надписью, найденная в приполярном Урале, ЭВ, 1972, XXI, с. 23—29.

¹⁶⁵ იქვე, გვ. 33.

(იხ. ზევით: „ეს ის [მანვილებია], რომლებიც გამოსადეგია მათთვის“)-ქარქაშს ხომ ღარნატი სეერთოდ არ ახსენებს. და ისევ მრავალი სხვა კითხვა. სათანადო პასუხები საშუალებას მოგვცემდა ნათლად წარმოგვეჩინა ლითონდამმუშავებელი ხელოსნური წარმოების ხასიათი, შინაარსი, თუნდაც აღნიშნულ ოთხ ქალაქში.

„სპანი... ცხენ-თოროსანი¹⁶⁶ [sic] და ჯაჭუ-ჩაბალახოსანი“ ვახტანგ გორგასლის ლაშქარშიც გვხვდება. თვით გორგასალი „აღჯდა ტაიქსა შეგუტრვილსა ჯავშნითა“. მაგრამ აღსანიშნავია, რომ ამ ჯავშანს ისარი ატანს: „და კუალად ჰკრა სხუა ისარი ცხენსა ვახტანგისსა, და გაავლო შიგა“; ეს იმ დროს. როდესაც მებრძოლი მეფე წარმატებით იცავს თავს მტრის ისრისგან ზემოხსენებული ვიგრის ტყავის ფარით¹⁶⁷. ვფიქრობთ. ეს ცნობა გასათვალისწინებელია საქართველოში აბჯრის, კერძოდ, ცხენის ჯავშნის წარმოების შესწავლის დროს¹⁶⁸. საგულისხმოა შემდეგიც: „ქეჯიმი სამკაულია, ცხენთა გვერდთა საფარი, შექედილი ანუ ოქრომკედოვანი, მოსაჯდომელადცა და ომში საფარად... ქეჯიმი ეწოდების მას სამკაულთა (სამკაულსა) ცხენთასა, რომელ უნაგირთა დამოჰკიდებენ კეთილად შექედილთა ანუ სირმითა ნაკერთა, რათა გვერდნი დაუფარნეს ცხენთა ომსა შინა, კვალად საშვენიებელც არს“ (ს. ს. ორბელიანი, ლექსიკონი).

შესაძლებელია, „ცხენ-თოროსანი“ მხედრობა იგულისხმებოდეს გიორგი პირველის იმ ლაშქარშიც. რომლის საბრძოლო მოქმედების შესახებ წერს სომეხი მემკვიდრე¹⁶⁹.

„თოროსანი“ მეომარი კი, როგორც ჩანს, „იყო... ჰურვილი რკინითა და რვალითა ტერფთაგან ვიდრე თხემამდე“¹⁷⁰.

ქართველთა ლაშქრის შეიარაღებაში XII საუკუნის ავტორი ასახელებს „სამწვერა შუბებს“¹⁷¹.

საომარი საჭურვლის წარმოება ხელოსნობის სხვა დარგებთანაც იყო დაკავშირებული. ასე, მაგალითად, ბამბისა და აბრეშუმისგან იქსო-

¹⁶⁶ Мтт ნუსხება: „ცხენ-თოროსანი“.

¹⁶⁷ ვლანშერი, გვ. 155.

¹⁶⁸ ზღრ. ლ. ჰილაშვილი, ქალაქები, II, გვ. 30—31; იქვე შედარებით ვრცელ — საქართველოში მიმე აბჯრის შესახებ.

¹⁶⁹ არისტაკეს ლასტივერტცი, გვ. 67: «Они дерзостно напали на врага на конях обессиленных тяжелыми [всадниками], железным вооружением и длинными психотами». ზღრ. ქართ. თარგმ., გვ. 51 «ქართველები გაბედულად მიწვივნენ (მოწინააღმდეგეს) ცხენებით, რომლებიც ძალაგამოცლილი იყვნენ ტურთის, რკინის იარაღს [ტარებდას] და სწრაფი და ხანგრძლივი სვლის გამო».

¹⁷⁰ ლეონტი მკოველი, გვ. 7.

¹⁷¹ ჰუსაინი, გვ. 139. დღევანდელი არასად الطراد თარგმანში: «копья-трезуб-

ვებოდა ჯავშნის ქვეშ ჩასაცმელი საგანგებო ტანსაცმლის ქსოვილი — ყ ა ზ ლ ა ნ დ, (ქ ა ჯ ლ ა ნ დ, ქ ა ჯ ა ნ დ)¹⁷².

ქალაქის გარეგანი სახის შესწავლის დროს აღნიშნული იყო ქალაქის კარების რკინისგან გამოჭედვის შემთხვევები. მემატიანე ხაზგასმით აღნიშნავს: დარუბანდის ამირამ 993 წ. „ბრძანა დამასკოს და პალესტინის კარები გაეკეთებინათ ხალასი (ხ ა ლ ი ს) რკინისაგან“¹⁷³.

რკინის კარები მხოლოდ დარუბანდის ვალაყანს არ ჰქონდა.

რკინით ხუროთა საქმიანობის სფერო ფართო იყო. სოფლის მეურნეობაში რკინის საწარმოო იარაღის დამკვიდრება კიდევ უფრო აფართოებდა აღნიშნულ სფეროს. რკინის სახსნის აღმოჩნდა ბაილაყანის და დეინის X—XII სს. არქეოლოგიურ ფენებში. სახნავეში მისი გამოყენების გავრცელების შესახებ წარმოდგენას გვაძლევს მათეოს ედესელის ცნობა¹⁷⁴. დეინსა და ბაილაყანში ნაპოვნია რკინის შემდეგი ნაწარმი: ბარები, ნაჯახები, წყალსადენის მილები¹⁷⁵, ნალები; როგორც აღნიშნულია, სპილენძის უმეტესად — სამკაული¹⁷⁶. ახალქალაქში მოპოვებული ლითონის ნაწარმი სამ ჯგუფად არის დაყოფილი: „1. რკინის საგნები (სატევიარი, დაშნა); 2. ბრინჯაოს საგნები (სამაჯურები, ზარაკი); 3. მონეტები (უმთავრესად სპილენძისა)“¹⁷⁷.

მემატიანე წერს: მონღოლებმა „ქმნეს საკვრელი ესე საქმე უკედელითა ცხენითა...“¹⁷⁸ (ხაზი ჩვენია — პ. თ.). მაშასადამე, იქ, სადაც ცხენს ჰედავდნენ — მონღოლებთან შედარებით განვითარების უფრო მაღალ დონეზე მდგარ საზოგადოებებში — „უბრალო“ ნალის მკედელიც უნდა ყოფილიყო, ხოლო რკინა, როგორც ირკვევა, აღნიშ-

¹⁷² ნ ე ს ა ვ ი, გვ. 182; ისპანის მოსაქლეობის სომარი ტანსაცმლის შესახებ.

¹⁷³ თარის აღ-ბაბ, § 36.

¹⁷⁴ Н. Марр, Ани, с. 30: Из его (ქორეპესკობოს დაჯთაქს) дома (на пахотные работы) выходили ессемсот (плугов) по шести быков (в каждом).

¹⁷⁵ რკინის მილებს შესახებ ანჩის ვრთ-ვრთ სსსსლენი იხ. Н. Марр, Ани, с. 67 ხოლო, „აზერდის ციცი-დაბაზის აზერს მოქობლობაში გამოყენებული იყო ამ დროისთვის (XII—XIII სს. მიჯნა) უმაღლესი ტექნიკური მიღწევა, მრავალი საუკუნეები დაგრძელებს რომ იყო მცემლურ და მრავალ საუკუნეთა განვითარებაში მიუღწევლი რომ ჩანდა, — თათარს წყალსადენის რკინის მილი“ — И. Орбели, Баян и скоморох XII века, Избр. тр., Ереван, 1963, с. 321.

¹⁷⁶ Г. М. Ахмедов, Из истории некоторых городов Азербайджана в IX—XIII вв. — Труды вост. ист. АН Аз. ССР, 1958, XIII, с. 111—112; Г. К. Кафадарян, Раскопки города Дига, XXV Междунар. конгресс востоковедов, М., 1960, гв. 5—6; Н. В. Минкевич-Мустафаева, О ремесленном квартале Байлакана, СА, 1954, № 4, с. 106; მისევე, Раскопки, გვ. 163, სურ. 18.

¹⁷⁷ ე. ჯანდერი, დსახ. ნაწრ., გვ. 63; საქართველოში ლითონის დამუშავების შესახებ იხ. შ. მესხია, ლელოსობა, გვ. 110—119.

¹⁷⁸ ეამთაღმწერელი გვ. 165.

ნულ დროსაც საცვლელი ღირებულების მქონე ლითონს წარმოადგენდა: „...ვიყიდე ყანაჲ: ა: და მივეც ჯარი ერთი, რკინაჲ ლიტრაჲ რვაჲ და ქალამანი :ბ:“; „...ვიყიდე ...ყანაჲ :ა: და მივეც რკინაჲ და მატყლი დრამისა :ლ: საჲ“¹⁷⁹.

ამ ცნობებიდან. უდავოდ, ის ირკვევა, რომ რკინა „ძვირია“, ის გაცვლის საშუალებას წარმოადგენს და, ამდენად, მისი ნაწარმის შექმნა გლეხური მეურნეობისათვის გარკვეულ სიძნელეს წარმოადგენს. ასეთი ერთარება საზოგადოების რთულ, გაღრმავებულ სოციალურ და ნაწიერებას და სოციალურ ფენათა პოლარიზაციას უწყობს ხელს, რაც საბოლოო ჯამში გლეხისა და ხელოსნის შრომის, სოფლისა და ქალაქის მეურნეობის გამოიჯნაში გამოიხატება ხოლმე.

ანისში 1001—1015 წწ. აგებული მეფე გაგიკის დიდებული ტაძრის სპილენძის ჭალი საყურადღებოა არა მარტო როგორც ხელოსნური ნაწარმის ნიმუში — ის ანელთა კულტურის დონესაც წარმოგვიდგენს.

ჭალი ეკიდა 19.20 მ სიგრძის რკინის ჯაჭვზე. ჯაჭვს შეადგენდა 192 ათი სმ სიგრძის რგოლები. მაღალი ქუდის მოყვანილობის ჭალის ძირითადი ნაწილი იყო მარტივი ჰედურობით, არწივების და რგოლებში გამოჭრილი ზღაპრული ცხოველების გამოსახულებებით მორთული გვირგვინი: დიდი ჭალის შიგნით ეკიდა პატარაც. ჭალს ჰქონდა ნაირფერადი მინის 120 დიდი და პატარა ლამპარი. გვირგვინის ქვედა წრეხაზი რვა თანაბარ ნაწილად იყო დაყოფილი კაუჭებით. მათ შორის დამაგრებული იყო ფურცლოვანი სპილენძისგან გამოჭრილი, ფრთაგამოლილი რვა ფრინველი (მტრედი?). ისინი თითქოს გარშემო უფრენდნენ ჭალს. ყოველი მათგანის ნისკარტიდან ეშვებოდა ლამპარის დამპერი ძეწკვები. როგორც აღნიშნავენ, ჭალის მოწყობილობა და აღნაგობა გამორჩეული იყო¹⁸⁰.

ეკლესიას უკავშირდება აგრეთვე ანისში აღმოჩენილი ბრინჯაოს პატარა ზარის ნატეხები. ანისის ორი ეკლესიის XIII საუკუნის მეორე ნახევარში შესრულებულ წარწერებში მოხსენიებული „სამარეკლოს“ (ზ ა ნ კ ა კ ა ტ უ ნ) განხილვის დროს ნ. მარი ეხება ანისში ზარების ჩამოსხმის, წარმოების საკითხსაც. მისი აზრით XIII საუკუნის ანისისათვის ზარები ჯერ კიდევ უცხო იყო და ისინი იქ ქალკედონიანი სომხებით დასახლებულ სამხრეთ საქართველოს, სომხეთთან მოსაზღვრე, ოლქებიდან უნდა შეეტანათ. ამასთანავე, XIII ს. 70-იანი წლე-

¹⁷⁹ იხ. შ. მ. მ. ხ. ა. ა., ხელოსნობა, გვ. 111. XI ს. ამ ძვირფასი ცნობის საფუძველად შესწავლამ, შესაძლებელია, ბევრი რამ მნიშვნელოვანი გარკვევის ფეოდალურ ეკონომიკაში.

¹⁸⁰ დაუჭრილებით იხ. И. Орбели, Каталог, с. 39—45, იქვე — აღდგენილი ჭალის სურათი.

ბიდან ქალკედონიანი სომხებივე უნდა ყოფილიყვნენ ანისში ამ საქმის მოთავენი და წამომწყებნი.

ზარების წარმოების საკითხს შეეხო ი. ორბელიც, როდესაც მან შეისწავლა ქ. ვიატკის გუბერნიაში არსებული ზარების ქარხნის მფლობელის მიერ საიმპერატორო არქეოლოგიურ კომისიაში გაგზავნილი ზარის ფოტოსურათი. ეს ზარი, რომელიც ქ. ფოთიდან მოხვედრილა ქარხნის მეპატრონის ხელში, ორბელის სიტყვით, უეჭველად უძრავად დამაგრებულ და თავისუფლად მოძრავენიანი აღმოსავლური ტიპის ზარებს განეკუთვნება.

ფოთიდან ვიატკის გუბერნიაში მოხვედრილი ზარის წარმოშობისა და თარიღის დასადგენად ორბელი ზარის შემკულობას, კერძოდ, მასზე გამოსახულ ჯვარს განიხილავს და ვარაუდის სახით დაასკვნის, რომ, თუ მისი „წინასწარი მოსაზრება მართებული აღმოჩნდა და თუ ზარი ნამდვილად ანისის კულტურული გავლენის სფეროში იყო ჩამოსხმული, რაც ს ა ვ ა რ ა უ ლ ო ზ ე უ ფ რ ო მ ე ტ ი ა. ასეთ შემთხვევაში, მისი გაკეთების დრო შეგვიძლია დაქვეების გარეშე განვსაზღვროთ XII—XIII სს. ხანით“ (ხაზი ჩვენია — პ. თ.).

ნ. მარი მოკლედ იმოწმებს ორბელის ამ მოსაზრებას და წერს, რომ აღნიშნულ სფეროში არ შეიძლება ვიგულისხმოთ არც შირაკის ოლქი და არც მისი დედაქალაქი ანისი, სადაც სამრეკლოების მშენებლობა დაიწყეს მხოლოდ XIII საუკუნის 70-იან წლებიდან, — ესე იგი, სამიოდე ათეული წლით გვიან, ვიდრე სომხურსავე ალპატის მონასტერში, — და სადაც ზარები შექმნდათ ჯერ კიდევ XIII ს. ბოლოს¹⁸¹.

ერთ დროს ანისის მუზეუმში გამოფენილი და შემდეგ დაწვრილებით აღწერილი, აგრეთვე სომხეთის სხვა, და საერთოდ ამიერკავკასიის ქალაქებში გამოვლენილი არქეოლოგიური მასალა საშუალებას გვაძლევს შევისწავლოთ ლითონის დამუშავების ტექნიკური ხერხები და წარმოებასთან დაკავშირებული სხვა საკითხები¹⁸².

ლითონის ძვირფასი (სამეფო კარისა და ფეოდალური არისტოკრატის) და უბრალო (დაბალი სოციალური ფენების) ჭურჭლის შესწავლაც საყურადღებო დასკვნებს გვაძლევს სოციალური ისტორიის და კულტურულ-ეკონომიკური ურთიერთობის გასარკვევად. ასე, მაგალითად, საგანგებო გამოკვლევის საგანი გახდა ამიერკავკასიაში ცნობილი ბრინჯაოს ქვაბები.

¹⁸¹ ვრცლად ამ საკითხების შესახებ იხ. Н. Я. Марр. XI-я Ангийская, с. 37—39; მისივე, Анн, с. 103—105, 112; И. Орбели, Колокол с ангийскими орнаментальными мотивами XII—XIII века, — Избр., тр., с. 175—187, პირველად დაიბეჭდა 1912 წ.

¹⁸² იხ. И. Орбели, Каталог; მისივე, Развалины Анн, с. 20—21; Б. Н. Аракелян, Развитие ремёсел, с. 120—123.

როგორც ვაჩვენებ, ზირიპვერანის (ყუბაჩის) ლითონის ნაწარმის, კერძოდ, ბრინჯაოს ქვაბების შესწავლა გაცილებით ღრმა კულტურულ-ისტორიული წილსვლებისთვის იძლევა საფუძველს, ვიდრე ეს შეიძლება ვივარაუდოთ ამ ქვაბების როგორც „ჩვეულებრივ“ სახელოსნო ნაწარმად მიჩნევის შემთხვევაში. ამ ლითონდამამუშავებელი ხელოსნური წარმოების ცენტრის „ფესვების“ კვლევის შედეგად ი. ორბელი 30-იანი წლების დასასრულს წერდა, რომ მის წარმოქმნა-ჩამოყალიბებაში დიდი წვლილი მიუძღოდნოთ იმ ძველ ალბანელებს, რომლებიც მტრის მოძალების გამო იძულებული იყვნენ გასცლოდნენ თავიანთი ქვეყნის მიწა-წყალს. — განსაკუთრებით მტკვრისა და არეზის შუამდინარეთიდან არანიდან. — და თავი შეეფარებინათ სამხრეთ დაღესტნის მთიანეთში.

ბრინჯაოს ქვაბებიდან მკვლევარი გამოყოფს ოთხ ნაირსახეობას. ხოლო ე.ე. თაგის მხრივ, ორ ქვეჯგუფად იყოფა. ერთ მათგანს ყოფაცხოვრებაში გამოყენებული ჭურჭელი შეადგენს, მეორეს — უკვე ხმარებიდან გამოსული. მაგრამ დაფასებული და ოჯახში საპატიო ადგილზე გამოფენილი ქვაბები.

საყურადღებოა პირველ ორ სახეობაში გაერთიანებული ქვაბების სახელწოდებანი. პირველი სახეობის აღმოსავლეთისთვის ჩვეულებრივი მომრგვალებული ფსკერის და კონუსური, ზემოთკენ დავიწროებული გვერდების მოყვანილობის ქვაბს, რომლის ფორმის უხსოვარ სიძველეს სახელგანთქმული მაიკოპის ყორღანის ოქროს პატარა ქვაბი განსაზღვრავს, ეწოდება გ ა უ რ ჯ ი-ე შ ე ქ „ქართული ქვაბი“.

მეორე სახეობის ნახევარსფერულ, გადაზნექილგვერდებიან და შეუღლად ამართულ ქობიან, ორი შეუღლივე სახელურებით და ქვაბთან ერთად ჩამოსხმულ სამ პატარა ფეხებიან ქვაბებს ეწოდებათ შ ი რ ვ ა ნ-ე შ ე ქ „შირვანული ქვაბი“;

ორ უკანასკნელ, ხმარებიდან გამოსულ, მაგრამ საპატიოდ შენახულ ქვაბების ჯგუფში გაერთიანებულთ — ხ ა რ-ე შ ე ქ; ხ ა ჩ სომხურად ჯვარს ნიშნავს.

ქვაბების წარმოების ტექნოლოგიაში ორი ჩერხი გამოიყოფა. ერთ-ერთი ნაირსახეობის ქვაბები ყოველთვის მთლიანი ჩამოსხმით არის დამზადებული. მეორესი — მხოლოდ ქვედა ნაწილია ჩამოსხმული. ხოლო ზედა ნაწილი — უმეტესად ძველ ნიმუშებზე — მიმოქლონებული.

როგორც უფრო ძველ, რამდენიმე ნაწილისგან დამოქლონებულ, ასევე უფრო გვიანდელ, მთლიანი ჩამოსხმის ქვაბებს მოქლონების ადგილზე დაუყვება რელიეფური, ჩუქურთმით შემკული სარტყლები: ფართო ჰორიზონტალური — ქვაბის შუა წელზე და რამდენიმე ვერტიკალური ქობიდან შუა სარტყელზე დაშვებული.

ვერტიკალური სარტყლების ჰორიზონტალურთან შეერთების ადგილზე გამოსახულია ქვაბის ძირთან ერთად ჩამოსხმული ჭიქის მკერდი, კისერი და თავი, რომლებზეც დამაგრებულია ჩამოსხმული, რგოლების მოყვანილობის სახელურები. საუკეთესო ნიმუშებზე სახელურები ქვაბთან ერთად არის ჩამოსხმული, სხვებზე — ყრუდ დამოქლონებული.

განხილული ქვაბების ერთ ჯგუფს ი. ორბელი მოჩუქრობების და არაბული წარწერების ასოების მოყვანილობის საფუძველზე XII—XIII საუკუნეებით ათარიღებს.

სომხური თიხის ჭურჭლის (კარასი) და ქვაბების ჩუქრობის ისტორიულ-კულტურული ანალიზის შედეგად მკვლევარი ასკვნის, რომ ერთადერთი ქვეყანა კავკასიაში, სადაც შეიძლებოდა XII—XIII საუკუნეებში ეკეთებინათ ასეთი ქვაბები, ეს იყო ძველი ალბანეთის ჩრდილოეთ მთიანეთის განაპირა მხარეები, ხოლო მათი მკეთებელი ოსტატები ისინი უნდა ყოფილიყვნენ, რომელთა მაღალ დახელოვნებას აღნიშნავდა ლარნატი¹⁸³.

აღნიშნულთან დაკავშირებით საგულისხმოა ისიც, რომ ძველ შემახში აღმოჩენილი მოოქროვილი ვერცხლის თასის შეწვავლის საფუძველზე მკვლევარნი ვარაუდობენ ლითონის დამუშავების სკოლის არსებობას ადრეულ შუა საუკუნეებში, სასაწინააღმდეგო სახელმწიფოს ჩრდილოეთში, ამიერკავკასიის ტერიტორიაზე¹⁸⁴: ამ ვარაუდს კიდევ უფრო ამაგრებს ი. ორბელის დამოწმებულ ნაშრომში გარკვეული კულტურულ-ისტორიული ვითარება.

გასათვალისწინებელია ისიც, რომ „XIV ს. ბრინჯაოს ჩამოსხმის სასწაულის“ (იაკუბოვსკი). „შუა საუკუნეების მსოფლიო პრაქტიკაში სწორუპოვარი ქვაბის“ შემქმნელი ხელოსნის მამა თავრიზელი ოსტატი იყო¹⁸⁵.

საერთოდ კი, ამიერკავკასიაში გავრცელებული ჭურჭლის (თიხის, ლითონის, ხის) სახელწოდებათა და დანიშნულების გათვალისწინებაც

¹⁸³ И. Орбели, Албанские рельефы и бронзовые котлы.— Извд. тр., Ереван, 1963, с. 317—361. ამავე ნაშრომში ი. ორბელი ეხება საკათხს ვერცხლზე დამუშავებულ სელჩუკური ხელოვნების შექმნაში ამიერკავკასიის ხალხებს კულტურულ იწვევას შესახებ.

ეგრეთ წოდებული „ქ. მოსულის ბრინჯაოს“ წარმოშობის და წარმოების შესახებ იხ. Н. Марр, О раскопках, с. 50. სადაც მარი გამოთქვამს ვარაუდს ამ ბრინჯაოს სომხეთში შესაძლო წარმოების შესახებ.

¹⁸⁴ Дж. А. Халилов, Серебряное блюдо с позолотой из древней Шемахи, ВДИ, 1976, № 3.

¹⁸⁵ М. С. Булатов, Шедевр мастера Абдаль Азиза (Из истории художественного литья в эпоху среднеазиатского ренессанса), СА, 1969, № 2, с. 225-226.

კი თავისთავად მიგვანიშნებს ხელოსნური წარმოების შესაბამისი დარგების ნაწარმის მრავალფეროვნებაზე¹⁸⁶.

უნდა აღინიშნოს, რომ ზოგიერთი მკვლევარი აზერბაიჯანსა და სომხეთში ლითონის დამუშავებას ხელოსნური წარმოების წამყვან დარგადაც კი მიიჩნევს¹⁸⁷.



მინის ნაწარმი ამიერკავკასიაში ძვ. წ. უკანასკნელ საუკუნეებიდან ვრცელდება¹⁸⁸. მომდევნო ხანებში, მისი გავრცელების ზრდასთან ერთად, ადრეულ შუა საუკუნეებით დათარიღებული ზოგიერთი არქეოლოგიური მასალის საფუძველზე, შეიძლება ვიმსჯელოთ მინის ადგილობრივი წარმოების შესახებაც¹⁸⁹. ხოლო VIII—IX სს. დათარიღებული მინის საწარმოს ნაშთების აღმოჩენამ (ორბეთი) ეს მსჯელობა მყარ საფუძველზე დააყენა¹⁹⁰. ცხადია, ასეთ მდგომარეობას — პოლიტიკურ ვითარებაში მომხდარ ცვლილებებთან ერთად — ხელი უნდა შეეწყოს განსახილველ ეპოქაში მინის წარმოების შემდგომი განვითარებისათვის ამიერკავკასიაში.

არსებული მასალა შესაძლებლობას გვაძლევს დავადგინოთ მინის წარმოების ძირითადი კერები (დვინი, დმანისი, თბილისი, მცხეთა, ორბეთი, რუსთავი), ნაწარმის ხარისხი, ჯგუფები დანიშნულების მი-

¹⁸⁶ იხ. თუნდაც ს. ს. ორბელიანი, ლექსიკონი, „პურქელი“.

¹⁸⁷ Б. Н. Аракел'ян, *დასახ. ნაშრ.*, გვ. 119; Ф. А. Ибрагимов. *Металлообработывающее ремесло в средневековых гордах Азербайджана IX—XIII вв. (на основании археол. и этнограф. материалов)*, Баку, 1969, с. 3. (საკანდიდატო დისერტ. ავტორეფ.).

¹⁸⁸ ა. აფაქიძე, ქალაქები, გვ. 233; ვანი I, არქეოლოგიური გათხრები, 1947—1969; თბ., 1972, გვ. 116; Е. А. Пахомов, *Обследования и раскопки кувшинных погребений Азербайджана*, ИАз. ФАН, 1939, № 3, с. 71; Б. Н. Аракел'ян, *Пути развития*, с. 17.

¹⁸⁹ იქვე: აღნიშნულა, რომ ელინისტურ სომხეთში «...налаживается производство стеклянных изделий». ა. აფაქიძე, ქალაქები, გვ. 233—234; გ. ლომთათიძე, ფეოდალური საქართველოს ქალაქებისა და სწარმოო კერათა ისტორიისათვის (არქეოლოგიურ ძეგლთა მიხედვით), *ფსაძ*, I, გვ. 15; ე. მ. ჯაფარიძე, ნაქალაქარ ვარდციხის არქეოლოგიური შესწავლისათვის, *ფსაძ*, II, გვ. 101; Н. Н. Угрелидзе, *К уточнению стратиграфии Мичета-Самтаврского некрополя I—VIII вв. н. э.* *ფსაძ*, II, გვ. 248—249.

¹⁹⁰ გ. ლომთათიძე, *დასახ. ნაშრ.*, გვ. 15; შტა. მისივე, სტნ-ში II, გვ. 557; ნ. უგრელიძე, მინა ძველ საქართველოში, თბ., 1961, გვ. 6; მისივე, ადრეულ შუა საუკუნეთა ქართლში მინის წარმოების ისტორიისთვის, თბ., 1967, გვ. 88—92.

ხედვით; გავიხაროთ წარმოების ზოგიერთი მხარე: თვალი გავადევნოთ კავშირ-ურთიერთობათა მიმართულებებს, შინაარსს.

დანიშნულების მიხედვით ნაწარმი სამ ძირითად ჯგუფს შეადგენს: სამკაული, კურკელი, სარკმლის მინა.

ყურადღებას იპყრობს მინის ნაირფერადობა. რუსთავეში მოპოვებული მინის ნაწარმის შესწავლის შედეგად ირკვევა, რომ შუაფეოდალურ ხანაში აქ გავრცელებული იყო შემდეგი ფერის და ხარისხის მინა: მუქი მწვანე, კრიალა, ამჟამად მცირედ გამოფიტული; მომწვანო-მოცისფრო, უბუშტულებო, ალაგ-ალაგ მოყავისფრო გამოფიტული; ღია მწვანე, ბუშტულებიანი, გამოუფიტავი; მწვანე, მოსქო მინა, ყავისფრად გამოფიტული. გვხვდება სხვა ფერებიც: მოყვითალო, მომწვანო-მოყვითალო, მოთეთრო, ღვინისფერი, თაფლისფერი, მუქი შავი, მუქი მომწვანო-მოყვითალო. სიას კიდევ უფრო გაზრდიდა წინარე ხანის მინის ფერების დამოწმება¹⁹¹. ანისში გამოვლინდა შავი, მწვანე, ყვითელი, ცისფერი, ლურჯი, წითელი (ღვინისფერია). ამასთან, თითოეული ფერი (ისევე, როგორც რუსთავეში) რამდენიმე ელფერში გადადის მუქიდან ნათლამდე¹⁹². ბაილაყანში — მომწვანო, მოწითალო-ალუბლისფერი¹⁹³; განძაში — შავი, ლურჯი, მომწვანო-მოყვითალო¹⁹⁴.

რუსთავის მრავალფეროვან მინას ერთ სახელოსნოში და, ალბათ, არც ერთ ქალაქში არ აწარმოებდნენ. მაგრამ შემოტანის გათვალისწინებითაც, მაინც საგულისხმოა ესოდენ ნაირფერადი მინის ნაწარმი. შესაძლებელია, ეს მოვლენა, ობიექტური (ადგილობრივი ნედლეული) მიზეზების გარდა, მწარმოებლის მიერ ბაზრის ინტერესების გათვალისწინებითაც ავხსნათ.

მაგრამ ადგილობრივი ნედლეულის საფუძველზე მინის ნაირფერადობის ახსნა და აქედან გამომდინარე დასკვნა, — ადგილზევე აღნიშნული წარმოების არსებობის შესახებ, — შესაძლებელია, მცდარი გამოდგეს; ვინაიდან ცნობილია, რომ ერთი ადგილიდან მეორეზე გადასახლებული ხელოსნები არ წყვეტდნენ კავშირს ძველ, „მშობლიურ“ კერებთან და იქიდან ნედლეულსაც კიღებულობდნენ ახალ ადგილზე წამოწყებული მინის წარმოებისათვის¹⁹⁵. ხელოსანთა ასეთი გადასახლების შემთხვევები ამიერკავკასიაშიც არის ცნობილი როგორც ად-

¹⁹¹ მ. ჩხატრიშვილი, შუასაუკუნეთა რუსთავეში მინის წარმოების ისტორიისათვის, მსსპ. I, გვ. 138 passim.

¹⁹² И. Орбелн, Каталог, с. 124—125; იქვე, გვ. 80—82 — დაწვრილებით ანისში მოპოვებული მინის ნაწარმის შესახებ.

¹⁹³ იხ. МИА, 67, გვ. 66, 155, 162, 171 იქვე — ნაწარმის დახასიათება.

¹⁹⁴ И. Джафарзаде, Ист.-археол. очерк, с. 34.

¹⁹⁵ Р. М. Джапполадян, Резное стекло из Двина, СА, 1968, № 1, с. 274, შჩაკოვას ნაშრომის მითითებით ВВ-ში 1961, XIX, გვ. 60—67.

რეულ, ასევე შუა საუკუნეებშიც — უშუალოდ ჩვენი კვლევის ეპოქაშიც. მაგრამ ასეთი ვითარებაც, ცხადია, ხელს უწყობდა ცოდნის, გამოცდილების, საწარმოო საშუალებების, ტექნიკის ერთი ადგილიდან მეორეზე გადასვლას, გავრცელებას და — საბოლოო ჯამში — საზოგადოებრივი განვითარების ზრდას.

სხვადასხვა ქალაქში ერთი და იგივე ფერის მინის არსებობის მიზეზების გარკვევაში ნაწარმის ქიმიური ანალიზების შედარება დაგვეხმარებოდა.

საგულისხმო მასალა გამოავლინა ნადარბაზევის გათხრამ. აქაური მინის საგანთა ერთი ჯგუფი „...საყურადღებოა და ნაკლებ ჩვეულია: შერაცხს მოსქო ბრტყელი მინის რამდენსამე ნატეხს... მათმა საგანგებო შესწავლამ ცხადყო, რომ ისინი შუა საუკუნეებს მიეკუთვნება და რაც მთავარია სარკმლის მინის ნატეხებს წარმოადგენს. ეს დაკვირვება დამატებით შექსა ჰფენს სასახლის აღნაგობა-მოწყობილობის საკითხს: შესაძლოა, გარდა ნამდვილად ზედმეტად ვიწრო სარკმლებისა, ჰერშიც იყო სინათლის წყარო — მინით დაფარული ზედაპირები?“ ამასთან დაკავშირებით, მხედველობაში უნდა მივიღოთ, რომ იქვე „ამოდიოდა... სარკმლის მინის (მრგვალი, ბრტყელი, ნ ა პ ი რ ე ბ ა კ ე ც ი ლ ი) ნატეხები“ (ხაზი ჩენია — პ. თ.)¹⁹⁶.

თუ ეს ნატეხები კრამიტის მსგავსად არის ნაპირებაკეცილი, გამოთქმული მოსაზრება მეტ დამაჯერებლობას იძენს¹⁹⁷.

შუა საუკუნეების საქართველოში მინის ასეთი დანიშნულებით გამოყენება თუ დადასტურდა, ეს იქნებოდა არა მარტო კარგად განვითარებული მინის წარმოების (სქელი მინის წარმოება თხელი, საჭურჭლე მინისგან განსხვავებით ხომ საკუთარ ტექნოლოგიას მოითხოვდა), არამედ მაღალგანვითარებული საერო არქიტექტურის მაჩვენებელი კიდევ ერთი საბუთი. გასათვალისწინებელია ისიც, რომ ძეგლი ქალაქგარეთ არის აგებული.

რუსთავის მინის „ქურტყელი უმთავრესად ჩაბერვითაა გამოყვანილი: ჯვჯდება ყალიბში ნაკეთებიც“¹⁹⁸. „თვალდათვალ შენიშენით“, ნაწარმის ლაბორატორიული ანალიზის გარეშეც რუსთავის მინის ნაწარმი „ათქმის ყოველთვის მაღალხარისხოვანია: მეტწილად სრულიად უბუშტულო და მკირედ ან სრულიად გამოუფიტავი“, ასევე ხასიათდება რუსთაველი სამაჯურებიც. ისინი „სხვებთან შედარებით

¹⁹⁶ გ. ლომთათიძე, შუაუფოდალური..., გვ. 129—130.

¹⁹⁷ ესე იგი, მანა, როგორც სახურავი, — თორემ სარკმლის ჩარჩოს ნაწილში ჩარჩენილი „ღია მწვანე მინის ნატეხი“ აღმოჩენილია წრომის ტაძართან. იხ. ნ. უგრელიძე, მინა, გვ. 10—11.

¹⁹⁸ მ. ჩხატარაშვილი, დასახ. ნაშრ., გვ. 151.

გვაოცებენ არა მარტო სიუხვით, არამედ... მრავალგვარობით და კარგი ნახელაობით... კარგი ხარისხის მინით (სურ. 6)¹⁹⁹.

ნ. მარი აღნიშნავდა, რომ მცირერიცხოვანია, მაგრამ მეტად ძვირფასი ანისში ნაპოვნი მოხატული მინის ფრაგმენტები. ასეთია მოხატული სასმისის (ბოკალ) ნატეხები ადამიანის და ოქროს შროშანების გამოსახულებებით²⁰⁰. აქვია ნაპოვნი გარედან და შიგნიდან ცისფრად შეღებილი მინის ლამპრის სამი ნატეხი არაბული წარწერის ნაწყვეტებით ოქროთი შემოვლებულ სარტყელზე²⁰¹.

მინის წარმოების ტექნიკური დონის შესახებ ნათელ წარმოდგენას გვაძლევს დვინის მინის ჭურჭლის კრებულის შესწავლა²⁰². აღსანიშნავია მინის წარმოების და მხატვრულ-ტექნიკური დამუშავების ხერხების ის სიმრავლე, რომლებიც აღნიშნულ ნაშრომშია გამოკვლილი. ზოგიერთი მათგანი ანტიკურ ხანაში იქმნება და შემდგომ, შეცვლილ ვითარებაში, ახალ შინაარსს იძენს, ზოგიერთიც დღევანდელ მინის წარმოებაშიც გადმოვიდა გაუმჯობესებული სახით.

ნაწარმს აკეთებდნენ ჩაბერვით („ნელი ბერვა“, „თაჯისუფალი ბერვა“) და ყალიბში ჩამოსხმითაც (შდრ. რუსთავის მინა). ყალიბში დამზადებულ ნაწარმს შემდეგ ცივად აჭუშავებდნენ. შესაძლებელია, რომ ყალიბში წინდაწინ იყო მონიშნული ყველა ის დეტალი, რომელიც შემდეგ დამატებით მუშავდებოდა. ასეთი ფაქტები შუა საუკუნეების ხელოსნობაში „სერაული წარმოების“ ჩანასახებად უნდა განვიხილოთ.

ჩგ. წ. I ათასწლეულის შუა ხანებში მთელს წინა აზიაში ძალზე გავრცელებული იყო ძვირფასი ლითონის და მთის ბროლის ჭურჭელი. ოქროსა და ვერცხლის ძვირფას ჭურჭელთან ერთად იყო ნაკლებად ძვირი ბრინჯაოს და კერამიკის ჭურჭელი. მოუძებნეს შემცველი მთის ბროლსაც. კიქისმოქმელთა ისწავლეს გამჭვირვალეობით მთის

¹⁹⁹ იქვე, გვ. 150—151. ნაშრომში დახასიათებულია აგრეთვე ნაწარმის მხატვრული დამუშავება. მანის 11 სამკურთხელო და ერთ ბექქელ ალჰოჩნდა XII—XIII სს. დათარიღებულ ბაქოს სამარხებში. საყურადღებოა აქ აღმოჩენილი მრავალგვარი ნივთის მრავალფეროვანი მასალა: თიხა, ფერადი თიხა; ოქრო, ვერცხლი, რკინა, სპილენძის და ერთი ბრინჯაოს მონეტა (თემურჩაანთა და XV ს. დასაწყისის შარვანშაჰებისა); ქარვა, ლავნატი, მარგალიტი, სადაფი, მშალტა ცისფერი ქვიპრით, სარდორი ლილაქვა, აქატი; დაშლილი აპრეშუმის ნაკერი. — იხ. В. В. Бартольд, Отчет об осмотрах мусульманского кладбища в г. Баку, Сочин. т. IV, с. 136 — 138 არის ფოტოც.

²⁰⁰ შდრ. შროშანა სასანური ირანის და ამიერკავკასიის პოლიტიკური ხელისუფლების სიმბოლოებში.

²⁰¹ დაწვრილებით იხ. Н. Марр, XI — я, с. 61; მსივე, Ани, გვ. 101.

²⁰² იხ. Р. М. Джанполадян, დასახ. ნაშრ., შდრ. ნ. უ გ რ ე ლ ი ძ ე, აღრეულ..., გვ. 86—88.

ბროლის მსგავსი მინის წარმოება, რომელიც შეიძლებოდა გამოედნოთ და ჩამოესხათ ყალიბებში როგორც ლითონი, ხოლო კვეთით დაემუშავენინათ როგორც ბროლი. ამრიგად, ლებულობდნენ ჭურჭელს, რომელიც ჰგავდა როგორც ლითონს ასევე, ბროლს, იყო უფრო იაფი და არანაკლებ მშვენიერი“²⁰³.

ს.-ს. ორბელიანი: „ჭიქა არს კაეისა მიერ გამოდნობი (გამოდნობილი) კელოვანთაგან და მისგან შთაბერვისა მიერ შეიქმენ ჭურჭელთა მსგავსთა ბროლისათა, საწდეთა . . . და ყოველთა ჭურჭელთა, რომელიმე შეღებენ ფერად-ფერადად, გინა ჭურჭელთა მათ, გინა სარკველთათვის კანკელთა სასინათლოთათვის, რომელიმე თვალთა პატიოსანთა ამსგავსებენ, რომელიმე მინასა შე(3)მზადებენ, რომელთა შთასხმენ ოქროთა შიგან ვითარცა მხატვრისაგან კელოვანთასა დახატულსაებრ. რომელიმე თმათა მსგავსთა იქმენ და სხვანი მრავალთა უცხოებსა სხვარიგსა (სხვარიგთა)“²⁰⁴.

ხელოვნური ბროლის წარმოებასთან დაკავშირებით საგულისხმოა შემდეგი ცნობაც: ხალიფასადმი მისი წარმომადგენლის მიერ გაგზავნილ ალფ არსლანის მიერ ანისის ალების აღწერილობაში, — სიბტ იბნ ალ-ჯაუზთან რომ არის დაცული, — ნათქვამია: „...ამბობდნენ, რომ ერთ-ერთ ეკლესიაში იპოვეს წყლის ცხრა ბროლის ჭურჭელი. ისინი დაამტკიცეს და გაიყვეს მეომრებმა. ყოველი ნატეხი იწონიდა 18 რატლს (რატლი=406,5 გ)“²⁰⁵.

ისმის კითხვა: ხომ არ ჰქონდა ალფ არსლანის მეომრების თვალში ბროლის ჭურჭლის ნატეხებს გარკვეული ღირებულება?

ბროლის და საერთოდ მინის წარმოების ერთ-ერთ ცენტრად გვევლინება თბილისი. მისი „საქონელია... მინა, ფიალები, კარგი ბროლის ნაკეთობანი“²⁰⁶.

ჭურჭლის მხატვრულად შემკობის ხერხთაგან ციყად დამუშავება გულისხმობდა ხეხვას, თლა-დაწახნაგებას, კვეთას. ისინი თვალსაჩინო-

²⁰³ P. M. Джанполадян. Резное стекло, с. 273.

²⁰⁴ ლექსიკონი „ჭიქა“.

²⁰⁵ იბ. ჰუსაინი, გვ. 191, ზთარგმნელის შ. 4.

²⁰⁶ აქაბ ალ-დუნია, გვ. 203 (217), სურ. 4: **...شيشه و يالاه آلت ابيگينه**

თარგმანი: «стекло (шیشه), пилалы, хорошие хрустальные изделия (алат-и асгინე)». „ბეჩე“, ამ შემთხვევაში, მინასაც ნიშნავს და ბროლსაც. დამოწმებულ ნაწყვეტში სწორედ „ბროლი“ უნდა იგულისხმებოდეს, რადგანაც მინის ისლანდურად თხზულების ავტორმა სხვა სიტყვა („შიშე“) იხმარა. შდრ. ქართ. თარგმ., შ. 50: „დ. მეგრელაძე და მ. იმევი ფიქრობენ, რომ შესაძლებელია ბროლის ნაწარმის მოსაღესები იგულისხმებოდა (მოსაღესი კონუსური ბროლია, რომლის ზედა მხარე ლითონით არის შექცდილი და მინიტურული დეკორატიული ქანდაკებით შემკული)“.

დაა დახასიათებული — ამა თუ იმ ხერხით დამზადებული ჭურჭლის მაგალითზე — დამოწმებულ ნაშრომში და აქ სიტყვას არ გავაგრძელებთ.

დვინის მინის ჭურჭლის ნამდვილად ძვირფასი კრებულიდან ყოველთვის არ ხერხდება ადგილობრივ წარმოებული ნიმუშების გამოყოფა. მაგრამ დვინელთა სოციალური ფენების და ეკონომიკური შეძლების შესწავლა-განსაზღვრას ის ღიდად შეუწყობს ხელს.

ნაწარმის მხატვრულ დამუშავებასთან დაკავშირებით ყურადღებას იპყრობს ის, რომ „ადრეფეოდალურ ხანაში ამოხეხილ ფოსოებს ანუ ფაცეტებს თუ რელიეფურ ორნამენტს, რომელიც მინის ჭურჭელზე ტალღურ ზედაპირს ქმნის, შუა ფეოდალურში ენაცვლება რელიეფური ძაფებისა და ხვეული კოპების (ხშირად ფერადის) დაძვრვება“²⁰⁷. ცხადია, ასეთ და მსგავს ცვლილებებს განვითარებული ფეოდალიზმის ხელოსნურ წარმოებაში თავისი საფუძველი გააჩნდა.

ირკვევა, რომ მინა სულ უფრო ღრმად იჭრება ყოფა-ცხოვრებაში. „საგანგებო დანიშნულების მინის საგნებიდან შეგვიძლია დავასახელოთ შიბაქი, რომელიც რუსთავეშიც და საქართველოს სხვა ნაქალაქარებშიც მრავლადაა მოპოვებული... იგი ფორმით ჰგავს თანამედროვე ყოფაში შემორჩენილ ხის შიბაქებს. ნაკეთებია მწვანე, ბუმბუტულებიანი მინისაგან.

რუსთაველ შიბაქებს პარალელები ეძებნებათ აზერბაიჯანის და შუა აზიის ნაქალაქარებიდან მომდინარე, XI—XIII სს. დათარიღებულ მასალებს შორის“²⁰⁸.

პირველ რიგში, ყველაფერი ეს, რა თქმა უნდა, „შუა ფეოდალური ხანის საქართველოში — და აზერბაიჯანსა და შუა აზიაშიც, დაძვნილთ ჩვენ — ბავშვის პიგიენის ჯეროვან დონეს მოწმობს“²⁰⁹.

აქ სხვა რამეც შეიძლება გაირკვეს, ასევე არანაკლებ მნიშვნელოვანი; კერძოდ, როდის შეცვალა ხემ მინა შიბაქის დამზადებაში და რამ გამოიწვია ეს? ნივთის დანიშნულების გაუმჯობესებისკენ (იგივე სანიტარულ-პიგიენური მოთხოვნილებებიდან გამომდინარე: მაგრამ ამ თვალსაზრისით, თითქოს მინა უკეთესია ხეზე) თუ წარბოების გაიფებისაკენ („იძულებით“?) სწრაფვამ?

მინა ვრცელდება, როგორც პრაქტიკული დანიშნულების ჭურჭელი. დვინის კრებულიდან „კვეთილი მინის ერთ ჯგუფს შეადგენს პატარა, სქელკედლიანი, სწორკუთხა, ყალიბში ჩამოსხმული და დამა-

207 მ. ჩხატარაშვილი, დასახ. ნაშრ., გვ. 151.

208 იქვე. გვ. 149—150, აზერბაიჯანისა და შუა აზიის მიმართ დამოწმებული სათანადო წყაროები.

209 იქვე, გვ. 150.

ტებით ცივად დამუშავებული სანელსაცხებლები... მცირე ზომისა და ვიწრო ყელის გამო ეს ჭურჭელი მოხერხებული იყო სურნელოვანი ზეთების, ამბრთა და მურთა შესანახ-გადასატანად. ისინი ძალზე ხშირად გვხვდება მთელს აღმოსავლეთში, მათ შორის კავკასიაშიც. სამარაში ნაპოვნი ზოგიერთი მათგანი საიმედოდ თარიღდება IX—XI სს. ეს დათარიღება ემთხვევა დვინურს. სომხეთში მსგავსი ჭურჭელი ნაპოვნია ანისში და ანბერდში²¹⁰. ასევე მრავლად გვხვდება ამგვარი ჭურჭელი შუა საუკუნეების ადრეულ და შუა ხანების საქართველოში²¹¹.

იზრდება მინის ნაწარმის რაოდენობა და ფართოვდება მომხმარებელთა სოციალური წრეც. „რუსთავის მინის ნაწარმი განსაკუთრებით მრავალფეროვანი ხდება შუაფეოდალურ ხანაში... (XI—XIII სს.)... მინის ჭურჭელი, სამკაული, სარკმლის მინა და საგანგებო დანიშნულების საგნები უხვადაა წარმოდგენილი... ნაქალაქარზედაც და ნაციხარზედაც, კულტურულ ფენებშიცა და სამარხებშიც“²¹². ასეთი ვითარება უკვე ადრეულ შუა საუკუნეებშიც აღინიშნება (დვინი, ურბნისი).

ქალაქის სოციალური ფენების ეკონომიკური მდგომარეობის, საყოფაცხოვრებო კულტურის დონის გასარკვევად მნიშვნელოვანია მკვლევარის აზრი: „გვეგონია, რომ ჭიქისებრი სასმისები საყოველთაო მოხმარების საგანი უნდა ყოფილიყო, ძაბრისებრი კი — უფრო ძნელმისაწვდომი, ე. ი. შეძლებულ მოქალაქეთათვის განკუთვნილი“²¹³. ამავე ფენის კუთვნილებად ივარაუდება დვინის კრებულის ძვირფასი, მაღალმხატვრული, როგორც ჩანს, შემოტანილი ნაწარმი²¹⁴. ძვირფასი მინის, ფერადი ბროლის ჭურჭელი შედის კავკასიონის „ოლქების მეფეების სამფლობელოებშიც“²¹⁵.

მინის ნაწარმი გარკვეულ ეკონომიკურ კავშირ-ურთიერთობათა არსებობას სახავს როგორც ამიერკავკასიის შიგნით (დვინი, რუსთავი, ურბნისი, ორბეთი, თბილისი, ბაილყანი, მინგჩაური, ჩმა, ბაქო, დმანისი), ასევე მის გარეთ (ანისი — სირია, სპარსეთი; დვინი — სამარა; რუსთავი — რეი, ტირიტაკა)²¹⁶.

²¹⁰ P. M. Жанполадян, დასახ. ნაშრ., გვ. 271—272.

²¹¹ ნ. უგრელიძე, დასახ. ნაშრ., გვ. 28—40.

²¹² შ. ჩხატარაშვილი, დასახ. ნაშრ., გვ. 144.

²¹³ იქვე, გვ. 147.

²¹⁴ P. M. Жанполадян, დასახ. ნაშრ., გვ. 274.

²¹⁵ იბნ ჰაუკალი, СМОНПК, ტ. 38, გვ. 98.

²¹⁶ შ. ჩხატარაშვილი, დასახ. ნაშრ., გვ. 140—147; 149; В. В. Бартольд, Отзв., с. 211; P. M. Жанполадян, დასახ. ნაშრ., გვ. 269.



არსებული მასალის შესწავლა ნათელყოფს ხელოვნური წარმოების მეთუნეობის დარგის განვითარების დონეს ამიერკავკასიაში. ადგილობრივი ნედლეულის წყაროები ხელსაყრელ პირობებს უქმნიდა დარგის ჩასახვა-განვითარებას ჯერ კიდევ უძველესი დროიდან. იღრისის ცნობით (XII ს. შუა წლები), ვანის ტბის ნაპირზე, სომხეთში „მოიპოვებენ ერთი სახის თიხას, რომლიდანაც ამზადებენ ჭურჭელს სითხისათვის და გააქვთ ერაყში, სირიაში, ეგვიპტეში სადაც ყიდიან ძალიან მაღალ ფასში“. ხოლო, განვითარებული კერამიკული წარმოების მქონე ამ ქვეყნებში მხოლოდ უაღრესად მაღალხარისხოვანი კერამიკის გატანა თუ შეიძლებოდა²¹⁷.

საყურადღებოა, რომ მეთუნეობის კერები ამიერკავკასიის ისტორიის უძველეს ხანებში დასტურდება. მინგეჩაურის ნაქალაქარზე გამოვლენილი ექვსი თიხის ჭურჭლის გამოსაწვევი ჭურა ქრონოლოგიურად ძვ. წ. III საუკუნიდან ახ. წ. VI—VIII სს. თავსდება. ორსართულიანი აგებულების ამ სახეობის ჭურები არსებობდნენ XI—XII საუკუნეებშიც²¹⁸. ბაილაცანში აღმოჩენილ ჭურებიდან კი ორი IX ს. თარიღდება, ხოლო ერთი — XII—XIII სს. „კერამიკის გამოსაწვევი კარგად შენახული ღუმელი აღმოჩნდა ენგალში XI—XIV სს. დათარიღებულ საგნებთან ერთად. XII საუკუნის ღუმელი გამოვლინდა დმანისში“²¹⁹.

ჭურების ტექნიკური აგებულების შესასწავლად მნიშვნელოვანი მასალა მოგვეცა თბილისში გათხრილმა XII—XIII საუკუნეების ხუთმა ჭურამ. გაირკვა მეთუნეობასთან დაკავშირებული არქეოლოგიაში მანამდე ცნობილი საგნების (სამფეხი, სოლი. კაკვი, ერთ ხაზზე განლაგებული ჭურის კედელში ჩარჩენილი სოლების ნაშთები) დანიშნულება. გამოსაწვევ ჭურაში გამშრალ, ერთმანეთზე დაწყობილ ჯამის მოყვანილობის ჭურჭელს შორის სამფეხს დგამდნენ. მისი კვალი აშკარად ჩანს ზოგიერთი ჭურჭლის შიდა ზედაპირზე. სახელურიან ჭურჭელს კი ჭურაში გამაგრებულ სოლებზე S-ის მაგვარი კაკვებით ჰკიდებდნენ. აღნიშნული ფორმის კაკვები და სოლები სხვაგანაც აღმოჩნდა და,

²¹⁷ Б. А. Шелковников. Средневековая белоглиняная поливная керамика Армении и свидетельство Идриси, СА, 1958, № 1, 227, შტრ. Н. Марр, Ани, გვ 128, შ. 165 ა.

²¹⁸ Г. И. Ионе. Гончарные пещи древнего Мингечаура, КССИМК. вып. XXIV, 1949, с. 42—54.

²¹⁹ Н. В. Минкевич-Мустафаева, Раскопки, с. 182—183; О. Д. Лордкипанидзе, Археология, с. 73; СА, 1968, № 3, с. 303.

როგორც ჩანს, შუა საუკუნეების მეთუნეობის ტექნოლოგიაში საყოველთაოდ გავრცელებულ ტექნიკურ საშუალებას წარმოადგენდა. დვინში აღმოჩენილი სოლები სხვადასხვა სიგრძის და დიამეტრის არის (სიგრძე 40—50 სმ-დან 1 მ-მდე). შესაძლებელია, ისინი ან სხვადასხვა ქურაში გამოიყენებოდა ან ერთსა და იმავეში, ოღონდ სხვადასხვა სიბრტყეზე. თბილისური კაკვების მსგავსი შუა აზიაშიც არის ცნობილი. მაგრამ დვინში ჭერჭერობით მათთვის არ მიუყვლევიათ. მკვლევრის აზრით, მათ გამოიყენებდნენ ჰიქურიანი სურების და სხვა სახელურიანი ქურკლის გამოსაწვავად. დვინში კი მოუქიქავ ქურკელს პირდაპირ ალაგებდნენ სოლებზე გამოსაწვავად²²⁰.

სახელოსნოებში აღმოჩნდა წყალსადენის ნაშთები, რომლითაც სახელოსნო წარმოებისათვის საპირო წყლით მარაგდებოდა.

აღსანიშნავია, რომ გათხრების სამივე ობიექტზე ქურები ერთად იყო თავმოყრილი ისე, რომ დაზიანებული, გამოუსადეგარი ქურის ადგილზევე აუშენებიათ ახალი. ერთ ადგილზეა აგებული ქურები ბაილაცანში, დვინში²²¹.

წარმოების ტექნიკური აღჭურვილობის შესასწავლად მნიშვნელოვანია ისიც, რომ, როგორც X—XI სს. ერთი სომეხი პოეტის ცნობა არკვევს, ძველთაგანვე ცნობილი მეთუნის ჩარხს აღნიშნულ საუკუნეებში ღვედით აბრუნებდნენ²²².

არქეოლოგიური მასალის სხვადასხვა საშუალებებით და მიზნით შესწავლა წარმოების ტექნიკის სხვადასხვა მხარეს გვირკვევს.

ბაილაცანის მოკიქული კერამიკის ქიმიური ანალიზით გაირკვა ნაწარმის სხვადასხვა ჯგუფის ქიმიური შედგენილობა პროცენტულად²²³, გამოწვის ტემპერატურა²²⁴, ჰიგროსკოპიული ტენი და სხვა მონაცემები²²⁵.

დვინის მასალიდან ირკვევა, რომ მსხვილმარცვლიანი თიხით უფრო ხშირად სარგებლობდნენ ძირითადად დიდი ბადიების და ლამპრების (ჭრაქების) დასამზადებლად. ამ სახის ქურკლის შესწავლით ერთი მნიშვნელოვანი დასკვნაა მიღებული: თიხის გარეცხვის და აზელვის პროცესი სწრაფი და უხარისხო იყო, თუმცა თვით ნაწარმს ძვირფასი

²²⁰ А. А. Калантарян, К вопросу, с. 287—288.

²²¹ გ. ლომთათიძე, არქეოლოგიური გათხრა თბილისში 1948 წლის ზამთარში, მსპა, ტ. 1. თბ., 1955; გვ. 135—136, 141, 144—145; Н. В. Минкевич-Мустафаева, Раскопки, с. 174; А. А. Калантарян, К вопросу, с. 280, 288.

²²² Б. Н. Аракелян, Развитие ремесел, с. 124.

²²³ კახის შემადგენლობაში სხვადასხვა რაოდენობით შედის: SiO₂, Al₂O₃, TiO₂, Fe₂O₃, CaO, MgO.

²²⁴ უმაღლესი — დაახლოებით 900°, უმაღლესი — 800-860°.

²²⁵ МИА, 67, с. 301.

ქიქურით ფარავდნენ. ეს, როგორც მკვლევარი აღნიშნავს, სავარაუდოა, ამ ნაწარმზე დიდი მოთხოვნილების შედეგად ხდებოდა.

წვრილმარცვლიანი თიხით უმეტეს შემთხვევაში სითხის შესანახად გამოიზნულ ქურქელს ამზადებდნენ. დიდი ოსტატობით და გულდაგულ, ფაქიზად ამუშავებდნენ ნაწარმის მოუქიქაჲ ზედაპირს. დაზგაზე გამოყვანილ ბადიებს და ხელით ნაძერწ კრაქებს ჭერ, შედარებით დაბალ ტემპერატურაზე გამოწვავდნენ, შემდეგ ფარავდნენ ანგობით, მოხატავდნენ და ხელმეორედ გამოწვავდნენ უფრო მაღალ ტემპერატურაზე. წინარე ხანისგან განსხვავებით, ანგობზევე დაიტანდნენ ხოლმე ჩუქურთმას.

აღსანიშნავია, რომ იმავე მასალის მოქიქულ ნაწარმში ბევრია წუნი: ჩანს დამწვარი ქიქურის კვალი, ამობუშტული და დეფორმირებული ნაწილები. ყველაფერი ეს ღუმელში ტემპერატურის არასწორი მართვით უნდა იყოს გამოწვეული²²⁶.

მაგრამ ასეთი ნიშნები ზოგადად არ ახასიათებდა მეთუნეობის განვითარების ტექნიკურ დონეს თვით დღინში და ამიერკავკასიის ქალაქებშიც. იმავე დღინში გათხრილი წყალსადენის თიხის მილების შესწავლა ნათელყოფს წარმოების ტექნიკურ შესაძლებლობებს. მილის სიგრძე 43—46 სმ, დიამეტრი ვიწრო ნაწილის 12—17,5 სმ, ფართობი — 17—21,5 სმ, კედლის სისქე 1,5—3,5 სმ იყო²²⁷. კარგად განლექილი თიხისგან დამზადებული, მშვენივრად გამომწვარი ეს მილები ამავე დროს მკვეთრად განსხვავდებიან დღინის ცენტრალური კვარტლის V—VII სს. წყალსადენის მილებისაგან თიხის ხარისხით, ფერით და ზომებით²²⁸.

გასათვალისწინებელია ისიც, რომ XII—XIII სს. მოქიქული თიხის ქურქელის წარმოებაში ითვლება ახალი ხანის დასაწყისად. რიგი პრინციპიალურად ახალი ტექნოლოგიური ხერხების (მაღალ უზვეჯაყიანი მასების, უტყვიო გამჟვარვალე ქიქურების და სხვ. აღმოჩენა) გამოგონებასთან ერთად ხასიათდება კერამიკულ წარმოებაში კობალტის ფართო გამოყენებით, რამაც თავის მხრივ წარმოშვა კერამიკის ახალი ტიპები, სახეები, ჯგუფები. კობალტის საღებავს კერამიკაში სამი მიმართულებით იყენებდნენ: ... 1) საღებავად ქიქურს ქვედა მოხატვის დროს; 2) გამჟვარვალე და გაუმჟვარვალე ქიქურების საღებრებად; 3) საღებავად გაუმჟვარვალე ქიქურებზე ქიქურსზედა მოხატულობისათვის. აქედან მეორე და მესამეს საწყისები წინა ხანებში ეძებნება, ხოლო პირველი XIII—XV სს. არის დამახასიათებელი ... კობალტი (ლურჯი ფერის საღებარი) ძირითადად გვხვდება ლუსტრით

²²⁶ А. А. Калантарян, К вопросу с. 285—286.

²²⁷ შტრ. ზემოთ დამოწმებულ ქალაქის წყალსადენის მილებს.

²²⁸ А. А. Калантарян, К вопросу, с. 281.

მოხატულ კერამიკულ ნაწარმზე, რომელიც სამარაში, მესოპოტამიაში და დღინში IX საუკუნიდან არის ცნობილი, ხოლო მომდევნო ხანებში — ფართოდ გავრცელებული²²⁹.

შეიძლება აღინიშნოს, რომ თიხის ჭურჭლის ზოგიერთი სახის მხატვრული დამუშავება მაღალ დონეზე იდგა ამიერკავკასიის კერამიკულ ცენტრებში. ასე, მაგალითად, ბაილასანის მოქიქული ჭურჭლის ერთ-ერთი ჯგუფი, მკვლევრის აზრით, რომელმაც გულდასმით შეისწავლა განათხარი მასალა, „თავისი მხატვრული ხარისხით გამოყენებითი ხელოვნების თვალსაჩინო მოვლენას წარმოადგენს IX საუკუნის ამიერკავკასიაში“²³⁰.

თიხის ნაწარმი შუა საუკუნეების ქალაქის ისტორიის სხვადასხვა საკითხებზე გასარკვევად პირველხარისხოვან წყაროთა რიგში დგება, როდესაც ის კარგად არის შესწავლილი. მაგრამ აქ პრაქტიკულთან ერთად თეორიული სიძნელეებიც იჩენს თავს. გარდა ამისა, მხოლოდ გამოწვლილით შესწავლილი არქეოლოგიური კომპლექსების შედარებითი ანალიზის საფუძველზეა გამართლებული ისტორიული განზოგადოებებისა და შესაბამისი დასკვნების მიღება²³¹. ცხადია, პრობლემა გაცილებით რთულდება და კვლევის შედეგიც უფრო მნიშვნელოვანი ხდება, როდესაც საქმე ეხება დიდ რეგიონებს თუ რამდენიმე ქვეყანას.

ჭურჭელს დანიშნულების მიხედვით ჩვენი წინაპრებიც განასხვავებდნენ: „...საფქვილე, საცერცვე, საზეთე და სალუნე — ყოველივე ჭურჭელი...“²³². მაგრამ ამჯერად ყურადღებას თიხის ჭურჭლის ტექნოლოგიური მხარე იპყრობს.

რა თქმა უნდა, სწორ საფუძველზე კლასიფიცირებული მასალა კვლევის წარმატების კარგი საწინდარია²³³. ჩვენი მიზნებიდან გამომ-

²²⁹ Н. М. Булатов Кобальт в керамике Золотой Орды, СА, 1974, № 4, с. 135.

²³⁰ А. Л. Якобсон, Художественная керамика Байлакана (Орен-Кала) (По материалам раскопок 1953—1955 гг.), МИА, 67, с. 236.

²³¹ შტრ. В. Ф. Генинг, Программа статистической обработки керамики из археологических раскопок, СА, 1973, № 1, გვ. 114, 134; С. Е. Михальченко, Систематизация массовой неполивной керамики золотоордынских городов Поволжья, СА, 1973, № 3.

²³² ლეონტი მროველი, გვ. 134; შტრ. ს.-ს. ორბელიანის ლექსიკონი. „ჭურჭელი“.

²³³ ამიერკავკასიის ქვეყნების თიხის ჭურჭლის კლასიფიკაციის საკითხებზე უკვე კარგა ხანა მიიზღო ცვლევითი ყურადღება: В. Н. Левиатов, Керамика Старей Гавдлжн. Бак., 1940; ზ. მაისურაძე, ქართული მხატვრული კერამიკა XI—XIII სს. (დმინსის ანოზიანი კერამიკა), თბ., 1953; ვ. ჯღვარაძე-კერამიკული წარმოება XI—XIII სს. საქართველოში (არქეოლოგიური მასალების მი-

დინარე, მასალას ორი ჯგუფის მიხედვით განვიხილავთ, რადგანაც თითოეულ მათგანში გაერთიანებული ჭურჭელი — თავის მხრივ რამდენიმე ქვეჯგუფებად რომ იყოფა — თვალნათლივ წარმოგვიჩინეს ამა თუ იმ საზოგადოების ჩვენთვის საყურადღებო ტექნიკურ-ეკონომიკურ განვითარების ნიშნებს და სოციალურ ელფერს.

დამოწმებულ ნაშრომებში ქრონოლოგიური, მხატვრულ-ტექნიკური თუ სტილისტური ნიშნებით დაყოფილი ჯგუფების უბრალო ჩამოთვლაც კი ნათლად წარმოაჩენდა ამიერკავკასიის კერამიკის მთელ მრავალფეროვნებას; მაგრამ ჩვენ ამისვანაც თავს ვიკავებთ. იმიტომ, რომ ამ ჯგუფების მხოლოდ დასახელება, თუნდაც მათი ძალზე მოკლე დახასიათებით, მკითხველს ვერ წარმოუდგენს არსებულ ვითარებას სასურველი სისრულით. ამის გამო, მასალას ორი ძირითადი ჯგუფის — მოუჭიქავი და მოჭიქული კერამიკა — მიხედვით განვიხილავთ. ასეთი გეზი იმიტაც არის გამართლებული, რომ იგი შესაძლებლობას გვაძლევს შედარებით ნათლად წარმოვსახოთ კერამიკული წარმოების და ნაწარმის ტექნიკურ-ტექნოლოგიური და სოციალურ-ეკონომიკური ფაქტორები.

მოუჭიქავი თიხის ნაწარმი სანდო წყაროს წარმოადგენს არქეოლოგიური მასალის დათარიღებისათვის და, ამდენად, შუასაუკუნეთა საქალაქო ცხოვრების სხვადასხვა ქრონოლოგიური მონაკვეთების შესასწავლად. ის, განსაკუთრებით მოჭიქული კერამიკის საუკეთესო ნიმუშებთან შეფარდებული, დიდ მნიშვნელობას იძენს ქალაქის მოსახლეობის სოციალური ფენების განშრეება-დახასიათების დროს. ასეთივე ღირებულება აქვს ამ მასალას ქალაქებს შორის კულტურულ-ეკონომიკური კავშირ-ურთიერთობების, ცალკეული ქალაქის თუ ქვეყნის საშინაო ბაზრის შინაარსის, ხასიათის დადგენა-შესწავლისათვის²³⁴.

უბრალო, მოუჭიქავი საყოფაცხოვრებო დანიშნულების ჭურჭელი, გასაგები მიზეზების გამო, საერთოდ სქარბობს ხოლმე განათხარ მასალაში. „ამგვარი ჭურჭელი... სრულებით სხვადასხვა დანიშნულების, ფორმისა და მოცულობის ნიმუშებისგან შედგება“²³⁵. მათგან დიდი

ხედვით), თბ., 1956, გვ. 16; Б. А. Шелковников, Полнвная керамика из раскопок города Анн, Ереван, 1957; А. Л. Якобсон, Художественная...; იმ ნაშრომებში წინააღმდეგობა შეინიშნება კლასიციკლის საფუძვლების შერჩევაში. იხ. ვ. ჯაფარიძე დასახ. ნაშრ., გვ. 15, შ. 1, სადაც ავტორი არ ეთანხმება ზ. მაისურაძეს დმანისის კერამიკის დაჯგუფებაში; იაკობსონი კი ჯაფარიძისეულ კლასიციკლის მიჩნევას არადამაკმაყოფილებლად, რომლის მთავარ ნაჯად მას მასალის ქრონოლოგიურად აღრევა მოაჩნია, იხ. მისი დასახ. ნაშრ., გვ. 229.

²³⁴ შდრ. Г. М. Ахмедов, Неполнвная керамика Орен-Кала IX—XIII вв. (по материалам раскопок 1953—1955гг.), МИА, 67, с. 166. ეს დებულებები, რა თქმა უნდა, საყოველთაოა და მდებელი ისტორიკოსის ლაბორატორიაში.

²³⁵ ვ. ჯაფარიძე, „კარას“-ის სახელწოდებისათვის ქართულში, სსმმ, ტ. XV—B, 1948, გვ. 64.

ზომით გამოირჩევა ერთი ჯგუფი. ასეთი ჭურჭელი ანისში ნ. მარის ხელმძღვანელობით ჩატარებული გათხრების დროს აღმოჩნდა და სომხური სახელწოდების (კ ა რ ა ს) მიხედვით დამკვიდრდა არქეოლოგიურ ლიტერატურაში. მის ქართულ შესატყვისად დერაგი, ხოლო განძასა და ბაილაყანში გათხარილი მასალიდან — კ ა უ პ ი, შუა აზიაში — ხ უ მ-ი (ხ ო მ) მიაჩნიათ²³⁶.

მხოლოდ ბაილაყანში აღმოჩენილ ამ სახის ჭურჭელს მკვლევარი სამ ძირითად ჯგუფად ყოფს²³⁷. პირველ ჯგუფში გაერთიანებულია დიდი (სიმაღლე ზოგჯერ 1,5 მ. აღწევს), გაუკრიალებელი ჭურჭელი, რომლის ტანი შუაში ფართოვდება, ხოლო ძირში ვიწროვდება, ფსკერი პატარა, ბრტყელი აქვს. ყელი დაბალი, გასქელებული ქობა (სისქე ოთხიდან — ექვს სმ-დე) გადაკეცილია, სახელურები, უმეტეს შემთხვევაში, არ აქვს. მაგრამ განძაში აღმოჩენილ კ ა უ პ ე ბ ს (დიამეტრი — 40—60 სმ, სიმაღლე — 1 მ.) ორი ან ოთხი მთლიანი სახელურები აქვს²³⁸. ბაილაყანში ამ სახის სახელურიანი ჭურჭელი მეორე ჯგუფშია გაერთიანებული; მოპოვებული მასალით შემდეგი ზომები (სმ-ბში) გამოირკვა: მაღალი, სწორი ყელის სიმაღლე 20—30, პირის დიამეტრი — 20—30, უდიდესი დიამეტრი — 60—70, ფსკერის დიამეტრი — 20, პირის სისქე — 1,5—2,5, კედლის სისქე — 1—1,5.

საგულისხმოა ბაილაყნური კ ა უ პ ე ბ ი ს მესამე ჯგუფი, რომლებიც თავისი „მოყვანილობით არაფრით არსებითით არ განსხვავდებიან“ ამიერკავკასიაში (ანისი, განძა, გარნისი, დვინი, თბილისი) და მის გარეთ (სამარა) ცნობილ ასეთი სახის ჭურჭლისაგან²³⁹.

მეორე ჯგუფის დიდი, სქელკედლიანი ჭურჭელი დაფარული იყო თეთრი წერნაქით (ანგობით), მესამესი — წითელი საღებავით და თან გაკრიალებული. აქვე აღვნიშნავთ, რომ გ. ახმედოვის დასკვნით, პირველი ჯგუფის ჭურჭელი, დანარჩენებთან შედარებით, იაფი და ფართოდ გავრცელებული საქონელი იყო, გამოიყენებოდა მხოლოდ სამეურნეო დანიშნულებით — „თხევადი და ნახევრადთხევადი პროდუქტების შესანახად“, ხოლო II, III ჯგუფისა — ძირითადად საზეიმო ხასიათის ჭურჭელი (ღვინისა) იყო, ქეიფის დროს ხმარებულნი.

საყურადღებო ცნობებს გვაწვდის აღნიშნული ჯგუფების ჭურჭლის დამზადების ტექნიკაზე და მორთულობაზე დაკვირვება. თუ II ჯგუფის კ ა უ პ ე ბ ი ს კეცი თანაბრად არის ხოლმე გამომწვარი, III ჯგუფის —

²³⁶ Г. М. Ахмедов, *დასახ. ნაშრ.*, გვ. 192—194.

²³⁷ ბაილაყანის კაუპები ჯგუფების მიხედვით დაწვრილებით არის დახასიათებული: *ობ. იქვე*, გვ. 192—205; იქვე ლიტერატურა წამოჭრილი საკითხების ირგვლივ.

²³⁸ В. Н. Левинатов, *Украшения на карасах из Старой Ганджи*, ИАН Аз. СССР, 1945, № 8, с. 50—51.

²³⁹ Г. М. Ахмедов, *დასახ. ნაშრ.*, გვ. 197—198.

ყოველთვის არ არის ასე. ამავე ჯგუფის შესწავლით ირკვევა, რომ კ ა უ პ ს გამოყვანის შემდეგ ნახევრად გამოაშრობდნენ, შეაყრიალებდნენ, საბექდავით დაიტანდნენ ჩუქურთმას, ლებაედნენ ფუნჯით და შემდეგ ხელახლა გამოწვავდნენ.

საერთოდ, როგორც აღნიშნავენ, დიდი ზომის თიხის ჭურჭელი პატარასაგან შედარებით უფრო ძნელი გასაყეთებელი იყო და მეთუნის დიდ გამოცდილებას და დაოსტატებას მოითხოვდა. ამასვე ადასტურებს გ. ახმედოვის მიერ დამოწმებული ეთნოგრაფიული ჩანაწერი. ამიტომ გასაგებია, რომ ამ სახის ჭურჭლის დამზადების სიძნელით ავხსნათ ის ფაქტი, რომ „საყოფაცხოვრებო დანიშნულების მოუქიქავი ჭურჭლის ფართო ასორტიმენტიდან მხოლოდ კ ა უ პ ე ბ ს აქვთ ზოგჯერ წარწერები, ტვიფრები და ოსტატის ნიშნები, ისევე, როგორც მოქიქული ჭურჭლის ზოგიერთ ნიმუშს და სფეროკონუსებრ ჭურჭელს — ესე იგი ყველაზე ძვირად ღირებულ ჭურჭელს“²⁴⁰.

მეორე ჯგუფის ჭურჭელი მხატვრულად დამუშავებულია ამოსახვით, დეკორაციული კვეთით, ტვიფრით, მიკრული ლილვაკებით, ლომების დაკრული გამოსახულებებით. ამ უკანასკნელთ ცალკე ამზადებდნენ და შემდეგ დააკრავდნენ ჭურჭელს. აღსანიშნავია, რომ „ლომის ნაჭდევი გამოსახულებანი ბაილაყანის კ ა უ პ ე ბ ი ს მეორე ჯგუფის დამახასიათებელი ნიშანია და სხვა სახის ჭურჭელზე არ გვხვდება“²⁴¹.

რა თქმა უნდა, ლომის გამოსახულებას თიხის ჭურჭელზეც ამიერკავკასიის იმ ძირძველ ტრადიციებთან აქვს კავშირი²⁴², რომელთა ერთი ნაკადი ქალაქის გარეგანი სახის შესწავლის დროს გამოვლინდა ნაგებობებზე არსებული ქანდაკის სახით.

აღნიშნული სახის ჭურჭლის მხატვრული დამუშავების შესწავლის შედეგად მიღებული მოსაზრებებიდან, სხვებთან ერთად, საყურადღებოდ მიგვაჩნია ის, რომ, როგორც ჩანს, ამ ჭურჭელს საცხოვრებელ შენობაში გამოსაჩენ ადგილზე, და არა საწყობში ან სარდაფში, დგამდნენ და ამით ამდიდრებდნენ მის მორთულობას; ეს იმიტომ, რომ ჭურჭლის მხოლოდ ერთი მხარეა მხატვრულად დამუშავებული, მეორე მხარე, სავარაუდოა, მათ კედლისკენ ჰქონდათ მიბრუნებული²⁴³.

დასახელებული ჭურჭლის მოხატვის თავისებურებების ახმედოვისეული ახსნა მართებულად მიგვაჩნია, რადგანაც ფაქტის სხვაგვარად გააზრებისათვის საფუძველი, ყოველ შემთხვევაში ამჟამად, არ გავაჩნია.

²⁴⁰ Г. М. Ахмедов, *დასახ. ნაშრ.*, გვ. 205.

²⁴¹ იქვე, გვ. 196.

²⁴² იქვე, გვ. 196—197.

²⁴³ იქვე.

თუ აღნიშნული ქეშმარიტ სურათს ასახავს, ის ბაილაყნელთა და ყველა ამ ქურკლის მყიდველთა ყოფის კულტურის დონის განმსაზღვრელად გამოდგებოდა. სხვათა შორის, ამ აზრს განამტკიცებს ბაილაყანისზე სხვადასხვა ქურკლის სახურავების მორთულობა და თვით ფორმაც²⁴⁴. ჩანს, რომ ყურადღების გარეშე არ ტოვებდნენ ნივთის ესთეტიკურ მხარესაც. ამასთანავე, არ უნდა დაგვავიწყდეს, რომ განხილული ქურკელი უბრალო, თიხის, სამეურნეო დანიშნულების ქურკელია.

მესამე ჯგუფის ქაუპები მოხატულია სახვითი ნახატებიანი ტვიფრებით დატანილი სარტყლებით. ეს მხატვრული სარტყლები დაქდეულია საგანგებო ცილინდრული ლილვაკებით, რომლებზეც ნეგატიურ-რელიეფურად ამოკვეთილი იყო გამოსახულება. ბაილაყანში 26 ასეთი სარტყელია გამოვლენილი²⁴⁵; მაგრამ თვით ლილვაკები არ ჩანს, ჯერჯერობით. სამაგიეროდ, ისინი აღმოჩნდნენ განძაში (თიხის), ანისში (ქვის)²⁴⁶.

ასეთი საშუალებების დანერგვა უცილობლად მიგვანიშნებს ფეოდალურ წარმოებაში „სერიული“ პროცესების აღმოცენება-დამკვიდრებაზე. ჩვენ არ ვეხებით საკითხს, არსებობდა თუ არა ასეთი პროცესები წინარე ეპოქების ხელოსნურ წარმოებაში. მნიშვნელოვანია ის, რომ ისინი სწორედ განსახილველ ეპოქაშია დადასტურებული ბაილაყანში და ამიერკავკასიის სხვა ქალაქებში.

აქედან დასკვნა მხოლოდ ერთი შეიძლება გამოვიტანოთ: ბაილაყანის პეტუნეობის სახელოსნოებში ნაწარმის მხატვრულ დამუშავებაზე ცდილობენ ნაკლები დრო დახარჯონ. თუ ამ შემთხვევაში, ნაწარმის მხატვრული დამუშავების ხარისხი არ აგებს, — ქურკელი მასზე დაქდებულ სარტყლის მოხატულობას გამოწვის შემდეგ მკვიდრად რა „სამუდამოდ“ ინარჩუნებს, — ამას ვერ ვიტყვით ცალკე გამოძიებული ლომის გამოსახულებებით ქურკლის მოკაზმვის შემთხვევაში, რადგანაც ისინი შეიძლებოდა ჩამოკვენილიყვნენ კიდევ — ასეთი ერთეულებიც აღმოჩნდა გათხრების დროს. მაგრამ სახელოსნოდან ბაზარზე გასული ამგვარად დამუშავებული, — ნაკლები დროის დახარჯვით, — საქონელი მყიდველს, ცხადია, იზიდავდა.

აღსანიშნავია ისიც, რომ ბაილაყანში, სადაც კერამიკული წარმოების მაღალი დონე თვალნათლივ დასტურდება, IX—XII სს. ყველა არქეოლოგიურ ფენებში გვხვდება ქურკელი (ქვაბები და სხვა სახის

²⁴⁴ იქვე, გვ. 205—210, სურ. 1, ტაბლ. IX, 2, 3; ამ უკანასკნელის ფორმა იქცევა ყურადღებას. ავტორის შენიშვნით, ერთ-ერთი მათგანი ჰგავს აზერბაიჯანელთა დღევანდელ ყოფაში გავრცელებულ ფლაეს ქურკლის სახურავს — сержичи.

²⁴⁵ იხ. იქვე, გვ. 200—201: სარტყლების სურათები.

²⁴⁶ იქვე, გვ. 198.

ჭურჭელი), რომელიც არ არის დამზადებული დაზგაზე. მათგან თითქმის მთელი ერთეულია მრგვალმუცლიანი ქოთანის, ბრტყელი ძირით და ფართო ყელით, გასქელებული პირით, კეცი მხსვილი სილის მინარევით ხასიათდება და არათანაბრად არის გამომწვარი. ზომები: სიმაღლე — 17 სმ, დიამეტრი: ყელის — 11 სმ, ფსკერის — 9 სმ, ტანის — 16 სმ, კედლის სისქე — 1 სმ. ჭურჭელს ათარიღებენ (ნაპოვნი ადგილის მიხედვით) XII—XIII ს. დასაწყისით. მაგრამ ასეთი წარმოების ჭურჭელი იშვიათია ბაილასანის განათხარ მასალაში²⁴⁷.

ხელით ნაძერწი ჭურჭლის არსებობა არ არის აუცილებელი ქალაქის მოსახლეობის ეკონომიკური შეძლების დიფერენციაციით ავსნათ ყოველთვის. ამის მიზეზი ფეოდალური მეურნეობის ხასიათშიც უნდა ვეძებოთ — ფული ცოტაა, ძნელად საშოვარი და, ამდენად, „ძვირი“.

საერთოდ კი XI—XIII სს. ბაილასანში არქეოლოგიური მონაპოვრის საფუძველზე აღინიშნება მოუქიქავი ჭურჭლის — კერძოდ, დოქების — ნაწარმის ხარისხის გაუმჯობესება და ასორტიმენტის ზრდა. ამ დოქების ერთი სახეობის (ა ფ თ ა ფა — სიმაღლე — 30 სმ, ყელის დიამეტრი 6 სმ, უდიდესი დიამეტრი — 19,5 სმ.) შემადგენელ ნაწილებს (ტანი, ყელი, სახელური, ტუჩი) ცალკე ამზადებდნენ და შემდეგ აერთებდნენ. ავტორი აღნიშნავს, რომ ასეთი წესი ზელოსნურ წარმოებაში დღესაც გამოიყენება, და არა მარტო მეთუნეობაში, არამედ ლითონის ჭურჭლის წარმოებაშიც. ამ დოქების წარმოების დროს ყელში ჩადგამდნენ ხოლმე ბადეს²⁴⁸.

„როდესაც შემოტანილზე ან იმპორტულის მიმსგავსებულ ნაწარმზეა ლაპარაკი, გვერდს ვერ აჯუღლით საწურიანი დოქების ერთ ჯგუფს, რომლის საუკეთესო წარმომადგენელი აღმოჩენილია თბილისში... ჭურჭელი თხელკედლიანია, ღია ფერის თისისა. ყელში გასაწური ფილტრი აქვს დატანებული, რომელიც აუურულ ორნამენტებს გადმოსცემს. დოქს ირგვლივ გვერდებზე რელიეფური წესულები შემოუყვება. მათ შორის ასევე რელიეფურად შესრულებული სპარსული წარწერაა მოთავსებული“²⁴⁹.

აღნიშნული ორი საწურიანი დოქი განსხვავდება ერთმანეთისაგან მოყვანილობითაც და ხარისხითაც²⁵⁰. ორივესგან განსხვავდება XII—XIII სს. ფენებიდან წარმომდგარი მდიდრულად მოჩუქურთმებული (ყელთან, ტვიფრიანი სარტყლით) დოქები ბაილასანიდან, რომლებსაც, ასევე, ბადე აქვთ ყელში ზოგს გამოწვის შემდეგ. ზოგსაც გამოყვანის

²⁴⁷ იქვე, გვ. 211.

²⁴⁸ იქვე, გვ. 214.

²⁴⁹ ლ. კილაშვილი, ქალაქები, II, გვ. 152—153.

²⁵⁰ შტრ. ტაბულები XI—1 (იქვე) და XI 1, 2 (Г. М. Ахмедов, დასახ. ნაშრ., გვ. 215).

დროს ჩადგმული. ასეთი დოქების ზედა ნაწილი დამზადებულია საგანგებო ყალიბებში, რომლებშიც წინდაწინ იყო ამოკვეთილი ჭურჭელზე დასატანი ჩუქურთმა. აღსანიშნავია, რომ ერთი ასეთი ყალიბი (ნატეხები) ნაპოვნია სამარაში, მეორე (მთელი) შეიძინეს კაიროში²⁵¹. „...საწურიანი ფილტრები... ერთხანს თითქმის ძირითადი ნიშანი ყოფილა მახლობელი აღმოსავლეთის ქვეყნების თხელკედლიანი თიხის ნაწარმისათვის. თხელკედლიანი თიხის ჭურჭელი ხშირად შემკული წარწერებით და აუთრული საწურით ძლიერ გავრცელებულია შუა საუკუნეების ეგვიპტეში და მესოპოტომიაში. ეგვიპტეში, მაგალითად, ფილტრი, ჭურჭლის ყელში, შემკული იყო ხოლმე ფაქიზი სახეებით. ფილტრი საჭირო იყო მწერებისა და ბუზებისაგან სითხის გასაწმენდად“²⁵². საწურიანი დოქების გამოყენებასთან დაკავშირებით გასათვალისწინებელია, რომ „ა ფ თ ა ფ ი ს მსგავს ჭურჭელს ამჟამად ლითონისგან აკეთებენ და იყენებენ განბანის დროს“²⁵³.

საგულისხმოა ისიც, რომ IX—X სს. მოუქიქავი დოქების საუკეთესო ნიმუშები აღმოჩნდა იმავდროულ მოქიქულ კერამიკასთან ერთად. ისინი ერთობ თავისებური მოყვანილობისა არიან და მათი მსგავსი 1953—1955 წწ. ბაილასანის გათხრებში არ გამოვლენილა²⁵⁴.

მოუქიქავი თიხის ნაწარმის, როგორც ხელოსნური წარმოების მრავალფეროვნების, შესახებ შეიძლება ვიმსჯელოთ ყოველი კარგად შესწავლილი შუა საუკუნეების ნაქალაქარზე გამოვლენილი მასალის საფუძველზე. ამჟამად ყურადღებას ახალქალაქის მაგალითზე შევაჩერებთ: „...მ ო უ ქ ი ქ ა ვ ი (ჩვეულებრივი თიხისა, უწერნაქო): ა) სამზარეულო ჭურჭელი (ქოთნები, კოჭებები, სადულრები, სარქველები... კეცები, ტაფისმაგვარი); ბ) სასუფრე ჭურჭელი (ჯამები... ფილები, დოქები, ხელადები, ... ლანგრები, ქილები, ზოგჯერ მოხატული); გ) სამეურნეო ჭურჭელი და მოწყობილობა (დერგები... ქვევრები, ქოცოები, თონები, კრები); დ) საგანგებო დანიშნულებისა („ზარისებრი“ ზედადგარები, კრაქები, სფეროკონუსები, ჩიბუხები, „ხარინიანი“ (?) ჭურჭელი)...“²⁵⁵.

ე. ჯანდიერის დაკვირვებით, „ზემოაღწერილი კერამიკის უმეტესობა დამზადებულია ძალზე ტლანქად დამუშავებული, ცუდად გაცრილი თიხისაგან, ლეგად ან მოყავისფროდაა გამომწვარი... თვით ამ კერა-

²⁵¹ იქვე, გვ. 216—218.

²⁵² ლ. ქილაშვილი, დასახ. ნაშრ., გვ. 153.

²⁵³ Г. М. Ахмедов, Неполивная..., с. 214 ავტორი იმუშავებს: «М. И. Атакишьева, Об утвари из окрестных сел г. Мингечаура».

²⁵⁴ Г. М. Ахмедов, დასახ. ნაშრ., გვ. 214.

²⁵⁵ ე. ჯანდიერი, დასახ. ნაშრ., გვ. 63; აღნიშნული მასალა ქრონოლოგურად შთავსებულია XI—XIII საუკუნეებში.

მიკისა და თანმხლები მეთუნეობის უფრო მეტყველი ნაწარმის ტიპოლოგიური შეჯერების შედეგად დავასკვნით, რომ... ისინი — თავისებური მასალით, ნაკეთობით, მოყვანილობით, მარტივი ორნამენტითა და, უფრო კი, სისადავით — ჩაითვლება იმ კუთხის ოსტატთა, ხშირად ტლანქ და მოუხეშავ ნახელავად... მათი მოყვანილობისა თუ შემკულობის ზოგიერთი მოტივის პარალელები იძებნება რუსთავის, დმანისის, თბილისის, ანისის, დვინის, და სხვა განათხარათა მასალებში, მაგრამ მსგავსებასთან ერთად აქვე პრინციპული თავისებურებაც იჩენს ხოლმე თავს“²⁵⁶.

რა თქმა უნდა, ეს ერთეული, მხოლოდ ახალქალაქისთვის დამახასიათებელი მოვლენა არ იყო. განსაკუთრებით ფართოდ ვრცელდება ხოლმე — და ამიტომ კავშირების გამოვლენა-შესწავლისათვის დიდ მნიშვნელობას იძენს — ჭურჭლის შემკულობის ესა თუ ის ხერხი. მაგალითად, „მოჭიქული დოქების შემკობა ჩანახუნქებით ოდნავადაც არ არის ორენ-კალის (ბაილაყანის — პ. თ.) კერამიკის თავისებურება. დოქების შემკობის იგივე ხერხი აღინიშნება XI—XII სს. ამიერკავკასიის სხვა. შუა საუკუნეების ქალაქებშიც: მინგეჩაურში, ძველ განძაში, დვინში, ანისში, თბილისში. ჭურჭლის დამუშავების ეს ხერხი ამიერკავკასიიდან გავრცელდა ალბათ ყირიმის შუა საუკუნეების ქალაქებშიც“²⁵⁷.

თიხის მოუჭიქავი ჭურჭლიდან დიდი ხანია ყურადღებას იპყრობს თავისი ფორმით²⁵⁸ და წარმოების ტექნოლოგიით ევრეთ წოდებული სფეროკონუსებრი ჭურჭელი. ეს იყო „უმთავრესად მონაცრისფროდ გამოშწვარი, სქელკედლიანი, ვიწროხვრელიანი, სფეროსებრი ტანისა და კონუსური ძირის პატარა ზომის ჭურჭელი“²⁵⁹. ის ხერხი, რომლითაც ამ სახის ჭურჭელს გამოწვავდნენ, კლინკერის სახელით არის ცნობილი და თანამედროვე პირობებშიც საკმაოდ რთულად ითვლება²⁶⁰. ჭურჭელი, ჩვეულებრივ, გაკეთებულია ხოლმე ძალზე წმინდა, წვრილმარცვლიანი თიხისგან, აქვს სქელი — განსაკუთრებით ყელთან და ძირში, ფსკერთან — ორივე მხრიდან ანგობით დაფარული კედლები. მიუხედავად სადა გარეგნობისა, იგი სრულიადაც არ იყო იაფი ნაწარმი²⁶¹. ამიტომაც არის, რომ არქეოლოგიური მასალის დახასიათების დროს სფეროკონუსებს ცალკე ჯგუფად გამოყოფენ ხოლმე.

²⁵⁶ იქვე, გვ. 66. აღნიშნული მასალა X—XIII სს. განეკუთვნება.

²⁵⁷ Г. М. А х м е д о в, დასახ. ნაშრ., გვ. 216.

²⁵⁸ ფორმის მიხედვით ჭურჭლის „წინაპრად“ შეიძლება მივიჩნიოთ ბერძნული aryballos, იხ. ძსმ, I, გვ. 566.

²⁵⁹ ლ. ჭილაშვილი, ქალაქები, II, გვ. 149.

²⁶⁰ Э. В. Р т в е л а д з е, Сфероконические сосуды из Маджар, СА, 1974-№ 4, с. 283.

²⁶¹ Р. М. Джанполадян, Сфероконические сосуды из Двина и Ани, СА, 1958, № 1, с. 202.

აღსანიშნავია ამ ჭურჭლის გავრცელების ერთობ ფართო საზღვრები და ფორმის ანალოგიურობა როგორც მოყვანილობით²⁶², ასევე, სიდიდით. ამიერკავკასიაში სფეროკონუსები აღმოჩნდა ანბერდში, ანისში, ახალქალაქში, ბაილყანში, განძაში, გორში, დვინში, დმანისში, ეჩმიადინში, ვარძიაში, თბილისში, ნადარბაზევში, რუსთავეში, უჯარმაში. ყაბალაში, შაბარანში და სხვაგანაც²⁶³.

ბაილყანის სფეროკონუსები შემდეგი ზომისაა: სიმაღლე 7,5—13 სმ, უდიდესი დიამეტრი 8—12 სმ. ყელის ზვრელის დიამეტრი 0.5—1 სმ, კედლის სისქე 0,5—2 სმ, ზოგჯერ (ფსკერთან აპლოს) — 3.5 სმ-დე. ხშირია 300—315 სმ³-დან 393—408 სმ³-მდე ზომის მოცულობის ჭურჭელი, საერთოდ კი გვხვდება 215 სმ³-დან 622 სმ³-მდე მოცულობისა²⁶⁴. საგულისხმო ცნობებს გვაწვდის ანისში აღმოჩენილი სფეროკონუსების²⁶⁵ დახასიათება: „კედლები, განსაკუთრებით ტეხილებში შეიწოვენ წყალს, თუმცა საკმაოდ დუნედ. კედლების მოყვანილობა უმეტესად შეესაბამება გარეგან ფორმას, მაგრამ ზოგჯერ განსხვავდება მისგან, განსაკუთრებით ფსკერში. ფსკერი შიგნიდან ხშირად მომრგვალოა, ზოგჯერ თითქმის ბრტყელი. კედლებს ახასიათებთ მნიშვნელოვანი სისქე, რომელიც სულაც არ არის დამოკიდებული ჭურჭლის ზომაზე. კედლები შეადგენენ მოცულობის უმეტეს ნაწილს, ასე რომ ჭურჭლის მოცულობა თუ არის 295 სმ³. მისი ტევადობა უდრის 125 სმ³, და შესაბამისად 590—265, 760—287, 1270 — ასევე 287 და ა. შ. . . ყველაზე დიდის სიმაღლე არის დაახლოებით 0,25 მ“²⁶⁶.

აზრთა სხვადასხვაობას იწვევს ჭურჭლის დანიშნულება²⁶⁷. ი. ორბელმა ადრევე გამოთქვა აზრი (ჩვენი შეხედულებით, სავსებით სწორი), რომ ჭურჭელი გამოიყენებოდა ყოველგვარი ძვირფასი და საშიში სითხის შესანახ-გადასატანად²⁶⁸.

²⁶² შეიწმენება მცირე გადახრა: არის ისეთებიც, რომელთაც ყელი გვერდზე აქვთ გაკეთებული — იხ. P. M. Джанполадян, დასახ. ნაშრ., გვ. 202.

²⁶³ იქვე, გვ. 205; ლ. ქილაშვილი, ქალაქები, II, გვ. 150.

²⁶⁴ Г. М. Ахмедов, Неполночная..., გვ. 222; Н. В. Минкевич-Мустафаева, Раскопки..., с. 181; იქვე მოცულობათა ცხრილი ნაპოვნი ერთეულების მიხედვით და ტაბლ. XIV; შდრ. ვ. ჭაფარიძე, ქართული კერამიკა, ტაბლ. IX, 17—29.

²⁶⁵ ი. ორბელის სატყუთ, ჭურჭლის ფორმა უმეტესწილად არის კვერცხისმაგვარი.

²⁶⁶ Н. Марр, Ани, с. 94—96. ნ. მარა იმომებს ვრცელ ამონაწერს ი. ორბელის ნაშრომადან. შდრ. ქ. მაჭარის სფეროკონუსების ზომები: უმსხვილესი — 15×11 სმ, უმცირესი — 10,5×8 სმ, უფრო ხშირად — 12×9 სმ, 13×9 სმ; Э. В. Ртвелидзе, დასახ. ნაშრ., გვ. 281.

²⁶⁷ ვრცლად იხ. ლ. ქილაშვილი, ქალაქები, II, გვ. 150—152.

²⁶⁸ И. Орбели, Каталог, с. 73—74; Н. Марр, Ани, с. 98.

სფეროკონუსებზე გვხვდება სხვადასხვა შემკულობანი, ნიშნები და წარწერები. ამ უკანასკნელთაგან ჩვენს ყურადღებას იპყრობს ბაილაცანის სფეროკონუსებზე აღნიშნული წარწერები და ნაქდევები. ყველა ისინი (ერთის გარდა) გაკეთებული იყო ნედლ თიხაზე, გამოწვამდე²⁶⁹.

წარწერის გარკვეულობით და სისრულით გამოირჩევა ჭურჭლის ნატეხზე შერჩენილი წარწერიანი ჭდე. ქუფური სტილით შესრულებული სამსიტყვიანი წარწერის თითოეული სიტყვა ცალკე ხაზზე, სტრიქონზეა მოთავსებული. დასახლებულ ნაშრომში წარწერის დაწვრილებით განხილვა-შესწავლის შემდეგ ლ. გიუზალიანი მას ასე კითხულობს: „გააკეთა ფადლუნმა ბაილაცანში“²⁷⁰. როგორც გაიკვია, ოდნავ შეცვლილი იგივე წარწერაა მოთავსებული ასევე ჭურჭლის ნატეხზე შემორჩენილ მეორე ჭდეზე: „გაკეთებული ფადლუნის [მიერ] ბაილაცანში“²⁷¹. მესამე ჭდე, თითქოს პირველი ორის შემოკლება იყოს, სამის ნაცვლად ორ სიტყვას შეიცავს და ასე იკითხება: „გააკეთა ფადლუნმა“²⁷².

აღნიშნული ჭდეების პოვნის ვითარება და ტექნიკური მანევრებლები საკმაო დამაჯერებლობით ადასტურებენ მათ ერთდროულ წარმოშობას. არანაკლებ მნიშვნელოვნად მიგვაჩნია მკვლევარის დასკვნა, რომ სამივე ჭდეზე აღბეჭდილი „ფადლუნი“ ერთი და იგივე პირის სახელია და, რომ ამ ჭდეთაგან ერთ-ერთი, რამდენიმე ცალად არსებობდა. ყველაფერი ეს კი იმას მოწმობს, რომ სახელოსნო, რომელიც ფადლონს ეკუთვნოდა „მნიშვნელოვანი რაოდენობის სფეროკონუსებრ ჭურჭელს აწარმოებდა. თუ იმასაც კი დავუშვებთ, რომ ჭდეებს ერთდროულად კი არ ხმარობდნენ, არამედ ისინი თანმიმდევრულად ცვლიდნენ ერთიმეორეს, ამ შემთხვევაშიც, თვით მათი გამოყენების ფაქტი, წარწერის ნაცვლად, რომლის დატანა უფრო მეტ დროს მოითხოვდა, უნდა ადასტურებდეს წარმოების მნიშვნელოვან სიდიდეს. ეს თანაბრად ეხება იბრაჰიმის წარმოებასაც, რომლის ჭდე შეგვჩიდა მოკიჭულ და მოუჭიქავ ნიმუშებზე, რომლებიც თავისი ხარისხით აშკარად განეკუთვნებიან უხეშ და იაფ მასობრივ ნაკეთობათა კატეგორიას.

²⁶⁹ Л. Т. Гюзальян, Надписи на местной керамике из Орен-Кала, МИА, 67, с. 340.

²⁷⁰ იქვე, გვ. 341: عمل فضلون البيلقان იქვე დაბეჭდილ ჭდის ფოტოზე დაკვირვებაჲ წაკითხვის სასწორემე ექვს არ ბადებს.

²⁷¹ იქვე, გვ. 342: [عملی فضلون بالبيلقان] «сделанное Фадлуном в Байлакане». ფოტოზე წარწერა წინა წარწერასთან შედარებით რთულია და ძნელად იკითხება, რადგანც е...отгнск до обжнга был немного придавлен и утратил свою четкость».

²⁷² იქვე, გვ. 344: عمل فضلون.

სფეროკონუსებზე ჭურჭლის მნიშვნელოვან წარმოებას ადასტურებს აგრეთვე გათხრებით აღმოჩენილი გამოსაწვევი ქურების რაიონში წარმოების წუნის სიუხვე²⁷³.

იბრაჰიმის წარწერა მოთავსებულია უხეში კერამიკის ნიმუშზე, მუქი მწვანე ქიქურით დაფარულ ნაცრისფერი კეცის ნატეხზე დაბეჭდილ ჯდზე, რომელზეც შემორჩა წარწერის ნაწილი: „გააკეთა ეს იბრაჰიმმა“²⁷⁴.

წარწერები არის მოუქიქავი ჭურჭლის სხვა ერთეულებზეც. როგორც გიუზალიანი აღნიშნავს, მათ შორის განსაკუთრებით თვალსაჩინოა ქაუპის ნატეხზე ორი ნაწილისაგან შემდგარი, ნედლ თიხაზე ამოკაწრული წარწერა. სპარსულენოვანი წარწერის მარცხენა ნაწილში შეცდომებია დაშვებული. მარჯვნივ იმავე ხელით და იმავე ჩვევით ერთ სტრიქონად შესრულებულ წარწერაშიც არის შეცდომა. წარწერას ლ. გიუზალიანი ასე კითხულობს: „გააკეთა ალიმ, აზიზის შვილმა, მე-თუნი²⁷⁵“. ასეთ წაითხვას (ფრჩხილებში ჩასმული პირველი ბენის გამოტოვებით) ამაგრებს ამავე სახის ნაწარმზე არსებულ წარწერებში მოხსენიებული „ალი“ და „გააკეთა“. ერთი მათგანი კი საყურადღებო ცნობას შეიცავს: „გააკეთა ოსტატმა ალიმ“²⁷⁶. გიუზალიანი აღნიშნავს, რომ აქ პირველად ორენ-კალას წარწერებში ვხვდებით სიტყვას უსთაღ „ოსტატი“²⁷⁶.

საყურადღებოა ის გარემოებაც, რომ ბაილაყანშიც დასტურდება ხელობის მამიდან შვილზე გადასვლის შემთხვევები. ასე, მამის ხელობას გაჰყვა ფადლუნის შვილიც. როგორც ლ. გიუზალიანი აღნიშნავს, ფადლუნთან დაკავშირებული შემთხვევა სხვებისაგან «მომგებიანად განსხვავდება», იმით, რომ ფადლუნს ჩვენ ვიცნობთ არა მარტო შვილის წარწერებიდან, არამედ საკუთარ ნაწარმზე თავისივე სახელის აღნიშვნებითაც.

ასევე საყურადღებოა ის გარემოებაც, რომ ფადლუნის შვილმა „არ გადაიღო ნაწარმზე ტვიფრის დატანის მამისეული ჩვეულება და ჭურჭლის მხრებზე ზოგჯერ, რამდენადაც შეიძლება ვიმსჯელოთ მოღწეული ნიმუშების მიხედვით, საკმაოდ ვრცელ, ერთმანეთზე გადაბმულ წრიულ წარწერებს აკეთებდა“²⁷⁷. როგორც მკვლევარი აღნიშნავს, არ არის გამორიცხული, რომ მსგავსი წარწერები ყოფილიყო სხვა ასეთივე სახის ისეთ ჭურჭელზე, რომელსაც არ შემორჩა ზედა ნაწილი. ერთ-ერთ

²⁷³ იქვე.

²⁷⁴ იქვე, გვ. 337: عمله ابراهيم.

²⁷⁵ იქვე, გვ. 337—339: عمل (بن) علي بن عزيز الفخاري.

²⁷⁶ იქვე, გვ. 339—340: عمل استا [دعلي].

²⁷⁷ იქვე, გვ. 345.

ასეთ ნიშან-წარწერას, რომელსაც ნაწილობრივ ფარავს გამოწვის ღროს მასზე მიკრული მეორე ჭურჭლის ნაწილი, როგორც მას სჩვევია, დაწვრილებით განიხილავს (ფოტოსურათების დართვით) ლ. გიუზალიანი და დაასკვნის: «მთელი წარწერიდან დარწმუნებით იკითხება მხოლოდ შემდეგი: 'გააკეთა აჰმ[ედმა] შეილმა ფადლუნისა... მფლობელი ამისა'»²⁷⁸. სხვა ნატეხზე აღმოჩნდა ოსტატის სახელის დაბოლოება მ დ, რომელსაც მოსდევს ი ბ ნ ფ ზ, რაც პირველ ნიშან-წარწერასთან შეჭერებით ადვილად აღსდგება როგორც «[აჰ]მედ ძე ფადლუნისა»²⁷⁹.

ნაწერს ლ. გიუზალიანი ნასხის სტილს მიაკუთვნებს, რადგანაც იგი არ შეიცავს ქუფური სტილის რაიმე აშკარა ნიშნებს, იმ ღროს, როდესაც სხვა წარწერაში ასეთი ნიშნები აშკარად შეინიშნება.

მესამე წარწერაში იკითხება: «გაკეთებული აჰმედ ძისა...»²⁸⁰. ფორმა ა მ ა ლ ო («გაკეთებული») მეორდება მეოთხე ნიშან-წარწერაშიც, რომელსაც მკვლევარი ასე კითხულობს: «გაკეთებული აჰმედისა. სიკეთე (ფადლუნს?)...»²⁸¹.

შემდეგ, «როგორც ხატტაბის»²⁸² და ფადლუნის სახელების საკითხის განხილვის, ასევე ამ შემთხვევაშიც უეჭველია, რომ ნიშან-წარწერებში მოხსენიებული «აჰმედი» ერთ პიროვნებას უნდა გულისხმობდეს. ამისათვის საკმარის საფუძველს წარმოადგენს ამ სახელთან განმეორებადი მამის სახელი 'ფადლუნის ძე'. ამასთანავე, ხატტაბის ნიშნების და ფადლუნის ტვიფრების ანალოგიით, აჰმედის ნიშნებშიც აღინიშნება სხვადასხვა ხელწერა. იქვე ავტორი ასაბუთებს ამ აზრს და დაასკვნის: «უველაფერი ეს ამტკიცებს, რომ აჰმედის სახელსწრით საქმის ვითარება ისეთივე იყო, როგორც მამამისის და ხატტაბის სახელსწრით, ესე იგი, რომ ნ ი შ ნ ე ბ ს ა კ ე თ ე ბ დ ა წ ა რ მ ო ბ ე ბ ი ს ნ ე ბ ი ს მ ი ე რ ი მ ო ნ ა წ ი ლ ე»²⁸³ (ხაზი ჩვენია — პ. თ.).

სახელი «ხატტაბი» გვხვდება ბაილაყანის მოჭიქული კერამიკის იაკობსონისეული კლასიფიკაციის მე-9 ჯგუფში გაერთიანებულ ჭურჭლის წარწერებში. ეს არის სრულიად ახალი, მეტად თავისებური სახის გრაფიკული ნახატი შესრულებული მანგანუმის ფონზე გრავირებით მოხატული მოჭიქული ლანგრები. ეს კერამიკა მხოლოდ ბაილაყანისთვის არის დამახასიათებელი და არსად სხვაგან ამიერკავკასიის

²⁷⁸ იქვე, ... صاحب... فصلون... [د]! عمل احد.

²⁷⁹ იქვე, [ا] مد ابن فض [اون].

²⁸⁰ იქვე, გვ. 346. ... عملی احمد ابن.

²⁸¹ იქვე, გვ. 346.

²⁸² ამის შესახებ იხ. ქვემოთ.

²⁸³ იქვე, გვ. 347.

ქალაქებში იგი არ გვხვდება, თუ არ ჩავთვლით რამდენიმე ფრაგმენტს განძიდან. იაკობსონი აღნიშნავს, რომ «ეს კერამიკა მგონი რომ წარმოადგენს მონღოლების წინაპროინდელი ბაილაცანის მხატვრული კულტურის ყველაზე საინტერესო მოვლენას.

ლანგრებს აქვთ წითელი, წერნაქით დაფარული კეცი... მანგანუმის ფონზე ნაწარმოებია მეტად ფაქიზი გრავირება ისე, რომ საკვეთის წერილი დადიოდა მხოლოდ ანგობის ფენამდე, რისი წყალობითაც მუქ მანგანუმის ფონზე ნახატი გამოიყოფა თეთრი ხაზებით.

ეს ჭკუფი საკმაოდ მნიშვნელოვანი და ძალზე მრავალფეროვანია ნახატის მხრივ, მაგრამ მასში სქარბობს „სელჩუკური ჯაჭვის“ ან უფრო რთული წნულის ან კიდევ სტილიზებული, გულის მოყვანილობის მცენარეული ფიგურების სახით გაბედულად და ზუსტად შესრულებული გეომეტრიული ნახატი. მხოლოდ ერთ ფრაგმენტზე (ტაბლ. XXXII, 5) ცენტრში დახატულია მტრედი, რომლის ბუმბული გამოსახულია გრავირებული კულულებით, მეორეზე — პატარა თევზი²⁸⁴.

ლ. გიუზალიანი აღნიშნული ჭკუფის მასალას ორ არათანაბარ ნაწილად ყოფს. უდიდესი ნაწილისთვის დამახასიათებელ ნიშნებს შორის ყურადღებას იპყრობს ნახატის ფაქიზი, ოსტატური შესრულება და წარწერების თუმცა სხვადასხვა ჩვევა, მაგრამ ერთი და იმავე, რამდენადმე კალიგრაფიული ღირსების მქონე ხელი²⁸⁵.

სამი ნატეხისგან შეკრულ რთული გრაფიკული ჩუქურთმით მოხატულ ლანგარს შიგნიდან, ნაპირზე ზოლად დაუყვება სპარსული ლექსის ტაეპი. მეორე ასეთივე ლანგრის ზედა პირის ფსკერზე, წრეში ზის წარწერა „ხატტამ“. ეს სახელი „რამდენჯერმე გვხვდება ორენ-კალას კერამიკაზე და უმეტესად განხილული ჭკუფის ნივთებზე. მაგრამ, აღნიშნული შემთხვევისგან განსხვავებით, ის ყოველთვის შეთავსებულია მსგავსი ნიშნებისათვის ჩვეულებრივ არაბული ზმნის ფორმასთან ა მ ა ლ 'გააკეთა'. ასეთი სრული სახით — 'გააკეთა ხატტამა'²⁸⁶ ნიშანი შემორჩა ერთ-ერთ ნატეხზე²⁸⁷.

მკვლევრის აზრით, ეს წარწერა საერთო ნახატზე რამდენადმე მიმალულია. მაგრამ სხვა ნიშნები, რომლებშიც ხატტამის სახელია აღნიშნული, მოთავსებულია უფრო ღია, თვალსაჩინო ადგილებზე. აქვე დაეძინა, რომ, იმავე მკვლევრის აზრით, ნიშან-წარწერის ადგილის საკითხში ასეთი ვითარება ბაილაცანის ნაწარმის დამახასიათებელი თვისებაა და ამით იგი არსებითად განსხვავდება, მაგალითად, ირანის კერამიკისაგან²⁸⁸.

²⁸⁴ А. Л. Якобсон, Художественная..., с. 273.

²⁸⁵ Л. Гюзальян, Надписи..., с. 326.

²⁸⁶ იქვე, გვ. 328.

²⁸⁷ იქვე.

²⁸⁸ იქვე, გვ. 325, 328.

ამ სიტყვას ვეღარ გავაგრძელებთ ხატებას წარწერების შესახებ. აღვნიშნავთ, რომ ბაილაყანის კერამიკის ერთი სახის ნაწარმის მნიშვნელოვანი რაოდენობა სწორედ ამ სახელს უკავშირდება. საყურადღებოა, რომ „გააკეთა ხატებმა“ აღნიშნულია განსხვავებული სახის თიხის ნაწარმზე.

ყოველივე აღნიშნულის საფუძველზე გიუზალიანი დაასკვნის: „როგორც ჩანს, ხატები — ოსტატი, ამავე დროს სახელოსნოს მფლობელიც იყო. ალბათ მას ეკუთვნის განსაკუთრებული ოსტატობით დამზადებული ნაწარმი. სახელოსნო აწარმოებდა სხვადასხვა სახის კერამიკას. სამუშაოს მხატვრული ნაწილის ყოველი შემსრულებელთაგანი ანდა ყოველი მხატვარ-მწერალთაგანი მათ მიერ დამზადებულ ნაწარმზე სვამდა ნიშანს მაგრამ არა თავისი სახელით, არაჲდ სახელოსნოს ოსტატ-მფლობელის სახელით. ამით აიხსნება როგორც ხარისხობრივი განსხვავება ერთი და იმავე სახის ნაწარმში ასევე, წარწერებსა და ნიშნებში შემჩნეული სხვადასხვა მწერლის ხელი“²⁸⁹.

მაგრამ არანაკლებ მნიშვნელოვნად მიგვაჩინია ის, რომ „ხატების შემთხვევა ერთეული არ იყო ბაილაყანში. იგივე შეიძლება ითქვას სხვა ნიშნის — „გააკეთა ნასირმა“ — შესახებ, რომელიც მეორე ადგილზეა გამოვლენილი სიმრავლის მხრივ“²⁹⁰.

გარდა აღნიშნულისა, ბაილაყანის მოქიქული კერამიკის სხვადასხვა ტექნოლოგიური ხარისხისა და მხატვრული ღირსების ნაწარმზე გამოვლინდა პირთა სახელები: ალი, იუსუფი, ლაშქარი ჩვეულ ზმნასთან — „გააკეთა“ — შეთავსებით. არის აგრეთვე „ქე რუსთემისა“ და „ამირ ჰამზა(?)“, რომლებთანაც აღნიშნული ზმნა წარწერებში აღარ შემორჩა²⁹¹.

ამ შემთხვევაშიც არა ერთი და ორი კითხვა იბადება, მათ შორის არსებითი: როგორია აღნიშნული ხელოსნების იურიდიული სტატუსი? ამ საკითხის გარკვევის გარეშე წარმოუდგენელია შუა საუკუნეთა აღმოსავლეთის ქალაქის სოციალურ-ეკონომიკური თუ პოლიტიკურ-ადმინისტრაციული აღნაგობის, არსის გაშუქება. ვფიქრობთ, რომ ბაილაყანის ხელოსნური ცხოვრების ზემოაღწერილი მასალა სათანადოდ იქნება გათვალისწინებული მომავალში აღნიშნული საკითხის შესწავლის დროს.

ბაილაყანის თიხის ნაწარმზე არსებული ჰდებების და ნიშან-წარწერების განხილვის დროს უნდა გავიხსენოთ რუსთაველთან (1551): — „იაგუნდისა ჭამები იყვის ლალისა კიქები, / კვლა უცხო ფერთა ჭურ-

²⁸⁹ იქვე, გვ. 335.

²⁹⁰ იქვე.

²⁹¹ იქვე, გვ. 336—337.

ქელთა სხდის უცხო-უცხო სიქები“. როგორც გაირკვა, „სიქები ისხდა“ არა მარტო „იაგუნდის ჯამებსა“ და „ლალის კიქებზე“, არამედ უბრალო და ძვირფასი თიხის ჭურჭელზეც.

ბაილაცანის კერამიკაზე (ჭურჭლის ძირზე) დასმული ტვიფრები შეისწავლა იაკობსონმა²⁹². დავიმოწმებთ მის ზოგიერთ დასკვნას: კერძოდ, სხვადასხვა ჯგუფში დანაწილებული ტვიფრები, სავარაუდოა, რომ სხვადასხვა სახელოსნოს ეკუთვნოდა; ამა თუ იმ სახის ნახატზე და ორნამენტაციის ტექნიკაზე არ იყო ხელოსნების მკაცრი სპეციალიზაცია; მოქიქულ ჭურჭელს ტვიფრადნენ არა მარტო ბაილაცანში, ერთგვარი და, როგორც ჩანს, ერთი და იგივე ტვიფრებიც კი აღინიშნა განძაში, შაბერანში, მაგრამ აზერბაიჯანის გარეთ ისინი არ არიან ცნობილი; თუმცა ასეთი ტვიფრვა არ იყო საყოველთაოდ გავრცელებული, რადგანაც ლანგრებისა და თასების უმრავლესობას, მათ შორის რთულად მოხატულებსა და მხატვრულად გამორჩეულებსაც, საერთოდ არა აქვთ ტვიფრა; ამასთანავე, დატვიფრულთაგან ბევრი განეკუთვნება ყველაზე უბრალო და, შესაბამისად, იაფ ნაწარმს, მაშასადამე, ტვიფრვა არ უკავშირდება მოქიქული ჭურჭლის ხარისხს; აღნიშნულის გამო, ძნელია ტვიფრებში დავინახოთ ხელოსანთა ნიშნები, თუმცა თავისი ხასიათით ისინი ყველაზე მეტად შეესატყვისებიან ასეთ ნიშნებს; საკითხის ასე თუ ისე გადაწყვეტა მოითხოვს გაცილებით მეტი რაოდენობის მასალას²⁹³.

დასკვნებში შეიმჩნევა გარკვეული წინააღმდეგობა, არც მოპოვებული მასალა გვეჩვენება მცირერიცხოვანად. ცხადია, რომ საკითხი შემდგომ შესწავლას მოითხოვს.

აღნიშნული ჭდეებისაგან განსხვავებით, ხელოსნის საკუთარი სახელის აღნიშვნა ტვიფრზე და წარწერებში და ნაწარმის ზედაპირზე, — არც თუ იშვიათად თვალში საცემ ადგილზე, — მათი მოთავსება, რა თქმა უნდა, ხელოსნური წარმოების წყობისა და შინაარსის შემდგომი განვითარების ნიშნად უნდა განვიხილოთ.

საგანგებო ნიშან-ჭდეები და განსხვავებული შინაარსის წარწერები ამიერკავკასიის სხვადასხვა ქალაქებში აღმოჩენილ ხელოსნურ ნაწარმზეც დასტურდება. განძაში ნაპოვნ წითელკეციანი, ანგობით დაფარული, მოქიქული თასის ფსკერის ზედა პირზე შემორჩენილი წარწერა ასე იკითხება: „გააკეთა აჰმედ აბუბაქრის ძემ განძელმა“²⁹⁴.

ფრიალ მნიშვნელოვანი და საყურადღებო სოციალურ-კულტურუ-

²⁹² მარტო 1953—1954 წწ. გათხრებმა გამოავლინა თხრის პირველ ფართობზე (I раскоп) 91, ზეობზე — 17 უწარწერო ტვიფრა; А. Л. Якобсон, Художественная..., с. 288—299, ილუსტრაციებით.

²⁹³ იქვე, გვ. 298—299.

²⁹⁴ И. Джафарзаде, დასახ. ნაშრ., გვ. 74.

ლი ხასიათის დასკვნები გამოაქვს ნ. მარს ანისის კერამიკის წარწერების შესწავლით. „იმ ძვირფას ქურქულზე, უქვევლად რომ ეროვნებით სომხებს და სარწმუნოებით ქრისტიან ანისის უკანასკნელ მმართველებს ეკუთვნოდა წარწერები მხოლოდ არაბულ, ზოგჯერ სპარსულ ენაზეა გაკეთებული და არც ერთი ასო — სომხურზე... არსად არ გვხვდება მინიშნებაც კი რაიმე ქრისტიანულ მოტივზე, რაიმე სომხურ ხალხურ საყოფაცხოვრებო ხასიათებზე.

ამ უაღრესად დამახასიათებელი ვითარების მნიშვნელობა კიდევ უფრო იზრდება, როდესაც მას ჩვენ ვაღარებთ იმას, რომ საზოგადოების საშუალო და დაბალ კლასებში მიმოქცევადი უბრალო თიხის და შედარებით უბრალო ნახელავი ქურქლის მრავალრიცხოვან ნატეხებზე სომხური წარწერა, სომხური ტიპები და ქრისტიანული სიუჟეტები ჩვეულებრივი მოვლენაა. ...უბრალო თიხის ქურქლის ნატეხებზე სხვა წარწერები, გარდა სომხურისა ჩვენ ჯერ არც გვიპოვნია“. მარი იქვე ღრმად განიხილავს ამ მოვლენის მიზეზებს, არსს და დაასკვნის: ეს მოხდა იმიტომ, რომ ანისში „დაირღვა ყოველგვარი პროგრესის ძირითადი საფუძველი — კულტურულ ტრადიციათა უწყვეტობა“²⁹⁵.

უბრალო თიხის ქურქლის წარწერებიდან ამჯერად აღსანიშნავია საკმაოდ სქელკედლიანი კარასის ორ ნატეხზე საბეჭდავით ნედლ თიხაზე დაქდებული წარწერების გ რ ი გ ო რ ი. ი. ორბელის აზრით, ორივე წარწერა სრულებით ერთი და იგივე შინაარსის არის და სავესებით შესაძლებელია, რომ ორივე ერთი და იმავე ხელოსნის გრიგორის სახელოსნოში იყოს გაკეთებული²⁹⁶. მეორე, დიდი კარასის შემორჩენილ ნაპირზე „უხეში, შერეული სახის ასოებით ამოკაწრული“ საკუთარი სახელი: თ ო რ ო ს. ცნობილია მსგავს წარწერებში აღნიშნული სხვა საკუთარი სახელები და სახელების საწყისი ასოები²⁹⁷. გარდა ამისა, ხელოსნის ნიშნები არის არა მხოლოდ თიხის ნაწარმზე: ანისში გათხრილი შენობის პერანგის ქვების პირზე აღნიშნულია „ოსტატთა ორი, სამი სახის ნიშნები, რომელთაგანაც ერთი ცნობილია ანისის XI—XII სს. მშენებლობაში“²⁹⁸.

ზემოთ, საწურიანი დოქების დახასიათების დროს, ლ. ჭილაშვილის ნაშრომზე დაყრდნობით აღწერილი იყო თბილისში აღმოჩენილი ერთი დოქი. მას «ირგვლივ გვერდებზე რელიეფური წხულები შემოუყვება. მათ შორის ასევე რელიეფურად შესრულებული სპარსული წარწერაა მოთავსებული. დოქი დაზიანებულია და ასევე არასრულია წარ-

²⁹⁵ Н. Марр, Анн, с. 43—44.

²⁹⁶ И. Орбели, Каталог, с. 64.

²⁹⁷ იქვე, გვ. 64—65: «...с визарпанскими грубыми буквами мешаного типа...»

²⁹⁸ Н. Марр, დასახ. ნაშრ., გვ. 94.

წერაც. ორრიგად შემოვლებული (ტაბ. XI—1) წარწერიდან გასარჩევია: ზედა რიგში ბ ე რ ა ნ ბ ა რ ა შ დ ა ჰ ა ნ ე ვ ა ქ ა რ დ ე „მის პირდაპირ პირდაღებული“, ქვედა რიგში ი ნ ქ უ ზ ე . . . ქ ა რ დ ე „ეს ხელადა...“ [sic! პ. თ.]. აწ განსვენებული ვ. ფუთუროძის აზრით, აქ შეიძლება იყოს ომარ ხაიმის ლექსის ნაწყვეტი. მის ლექსებში ხშირია ღვინის ჭურჭლების ხსენება²⁹⁹.

შეგნიშნავთ, რომ ორივე დამოწმებულ ნაშრომში ქვედა რიგის ფრაზის თარგმანს აკლია მესამე სიტყვის თარგმანი „გააკეთა“; ესე იგი, უნდა იყოს „ეს ხელადა... გააკეთა“.

ღოქის სადაურობისა და თარიღის შესახებ აღნიშნულია: „ერთი რამ ცხადია: სპარსულწარწერიანი ჭურჭელი სტრატიგრაფიულად წინ უსწრებს საწარმოს, რომლის დანგრევაც XIII საუკუნეში მომხდარა. ღოქის თარიღიც XIII საუკუნემდე კარგა ხნით ადრე უნდა ვიანგარიშოთ. იგი, ჩანს, შემოტანილია სპარსეთის რომელიღაც ცენტრიდან. მისი განსაზღვრა, როგორც „ირანული ელემენტისა“, წარწერის მიხედვით მაინც, ალბათ, ეჭვს არ უნდა იწვევდეს. მთავარი კი ის არის, რომ აღნიშნულმა ღოქმა მოგვცა საშუალება მსგავსივე იმპორტული ნიშნები გვეპოვა სხვა ნაწარმშიც“³⁰⁰.

ომარ ხაიმის რობაიებში ფრაზა ი ნ ქ უ ზ ე სულ ორჯერ გვხვდება, მაგრამ არც ამ შემთხვევებში და არც საერთოდ რობაიებში არ არის დამოწმებული ფრაზები³⁰¹.

შესაძლებელია, თბილისში აღმოჩენილ ჭურჭლის მეორე ფრაზაში ხელოსნის წარწერა იგულისხმებოდეს: „ეს ხელადა [მავანმა] გააკეთა“ და იმავე ხასიათს ატარებდეს, როგორსაც — ზემოგანნილული წარწერები.

ხელოსნურ, განსაკუთრებით კერამიკულ, ნაწარმზე სხვადასხვა ნიშან-ჭდეების დატანა თუ ამოტვიფრვა არც უძველესი დროისათვის იყო უცხო. ამიერკავკასიაში ტვიფრები და დანაკაწრი ნიშნები კერამიკაზე ცნობილი იყო ჯერ კიდევ ურარტუს დროიდან³⁰². ანტიკურ სამყაროში კი მათ ხშირად საგანგებო და პრაქტიკული დანიშნულებაც

²⁹⁹ ლ. კილაშვილი, დსახ. ნაშრ., გვ. 152—153, იქვე წარწერის სპარს. ტექსტი; გ. ლომთათიძე, არქეოლოგიური გათხრა, გვ. 154, იქვე — დამოწმებული ტრანსკრიფცია.

³⁰⁰ ლ. კილაშვილი, დსახ. ნაშრ., გვ. 153.

³⁰¹ Омар Хайям. Рубаийат. Подготовка текста, перев. и предисл. Р. М. Алеева, и М.-Н. О. Османова. под ред. Е. Э. Бертельса, ч. 2, М., 1959, иб. რობაი 239, 256.

³⁰² Г. А. Тирациян, Из материалов раскопок Армавира в 1973 году, ИФЖ, 1974, № 3, с. 179.

ჰონდათ³⁰³. როგორც ირკვევა, ტრადიცია არც შუა საუკუნეების ხელოვნურმა წარმოებამ დაარღვია.

აღსანიშნავია, რომ IX—X სს. შუა აზიის ზოგიერთ ქალაქში წარმოებულ ძვირფას ქურქულზე მხატვარ-კალიგრაფის მიერ შესრულებული მოხატულობისა და სხვადასხვა შინაარსის წარწერების გვერდით უბრალო სამზარეულო თიხის ქურქულზე ჩნდება მწარმოებელი ხელოსნის მიერ ნედლ თიხაზე გამოწვამდე შესრულებული დანაკაწრი წარწერები³⁰⁴. საყურადღებოა ისიც, რომ კერამიკულ და საფეიქრო ნაწარმზე ნივთის მფლობელის სავარაუდო სახელის გარდა, გვხვდება ხელოსანთა სახელებიც³⁰⁵.

X—XI საუკუნეებში კერამიკულ ქურქულზე წარწერების მომრავლებას ამავე საუკუნეებში თავისუფალი აზროვნების ყოველგვარ გამოვლენასთან ორთოდოქსალური ისლამის გამწვანებულ ბრძოლასაც უკავშირებენ³⁰⁶

რუსეთის ქალაქებში თიხის ქურქულზე წარწერები X ს. ზეორე ნახევრიდან ჩნდება, ხოლო XI—XIII სს. ისინი ჩვეულებრივ მოვლენად გადაიქცნენ, და არა მარტო მეთუნეობაში³⁰⁷. წარწერების ერთ ნაწილს მკვლევარნი ხელოსანთა ნიშნებად მიიჩნევენ. აღნიშნულია შემთხვევები, როდესაც ისინი მემკვიდრეობით გადადიან³⁰⁸. გამოთქმულია მოსაზრება, რომ ხელოსნის მიერ ტვიფრის დასმის ერთი მიზანი საკუთარი ნაწარმის ნაყალბევისაგან დაცვა იყო³⁰⁹. იგივე მკვლევარი წარწერებს ხელოსანთა შორის წერა-კითხვის გავრცელების დამადასტურებელ ნიშნადაც განიხილავს³¹⁰.

მაგრამ ეს შეიძლება ყოველთვის ასე არ იყოს. მით უმეტეს, საბეჭდავების გამოყენების შემთხვევებში. ამასთან დაკავშირებით, საგულისხმოა დმანისში ნაპოვნ ქურქლის ნატეხზე არსებული არაბული დამწერლობის მსგავსი წარწერა, რომელიც „წერა-კითხვის უცოდინა-

³⁰³ К. Бюхер, Очерки экономической истории Греции. Перев. с немец... Л., 1924, с. 102—103.

³⁰⁴ А. М. Беленицкий. Арабская надпись из Пянджикента, ЭВ, XI, 1956, с. 28—29.

³⁰⁵ В. А. Крачковская, Эволюция куфического письма в Средней Азии, იქვე, III, 1949, გვ. 4, 6.

³⁰⁶ О. Г. Большаков, Арабские надписи на поливной керамике Средней Азии IX—XII вв., იქვე, XIX, 1969, გვ. 16.

³⁰⁷ М. Н. Тихомиров, Великий Новгород в истории мировой культуры, — Русская культура X—XVIII вв., М., 1968, с. 26.

³⁰⁸ Б. А. Рыбаков, Ремесло Древней Руси, изд. АН, 1948, გვ. 176—177, სავარაუდო თიხის ნაწარმზე ტვიფრების შესახებ, იხ. გვ. 175—182.

³⁰⁹ М. Н. Тихомиров, Древнерусские города, М., 1956, с. 112.

³¹⁰ М. Н. Тихомиров, Великий Новгород, с. 28.

რი ხელოსნის ნახელავი უნდა იყოს³¹¹. ანისის ზოგიერთ წარწერაში აღინიშნება ვულგარიზმი და შეცდომები³¹². ბილაყანის მასალა არკვევს, რომ ქურჭლის მოხატულობაში არაბული ან სპარსული წარწერის მინაბაძი ყოველთვის არ ნიშნავს წერის უცოდინარობას — იგი მორთულობის ნაწილს წარმოადგენს. ერთ ფრაგმენტზე კი არის მინაბაძიც და წარწერაც³¹³.

რა ვითარება არსებობს წარწერების თვალსაზრისით საკუთრივ ქართულ კერამიკულ წარმოებაში? „მაგალითად, სომხურ მასალებში არც თუ იშვიათად ჯამებზე ხელოსნის ნიშნებია მოცემული, რითაც ნაწარმის ცალკეულ ჯგუფებს გამოჰყოფენ. აზერბაიჯანულ თიხის ნაწარმზე ოსტატების სახელებია აღნიშნული... ქართული კერამიკის არც ერთ ნიმუშზე ასეთ რამეს ვერ ვხვდებით. არის თუ არა ეს ტრადიციის გავლენა? აუცილებლად არის. რა გასაკვირია თიხის ქურჭელს რომ ხელოსნის სახელი არ ეწეროს, როცა ალავერდის ამშენებელზე არაფერი დაუწერიათ, სიტყვა არ გამეტეს შუამთის, ზეგნის, ურიათ-უბნის და სხვათა ქტიტორებზე (ამ მხრივ განსაკუთრებით კახეთის ძეგლებია გამოსარჩევი). ეს ქართული მოკრძალები ტრადიციული ნიშანი იყო, იმ ტრადიციისა, რომელმაც თავისი დალი დაასვა მხატვრული კერამიკის ადგილობრივობას“³¹⁴ (ხაზი ჩვენია — პ. თ.).

მაგრამ ქართველი ხელოსანი განზე იდგა კერამიკული წარმოების განვითარების ზოგადი მიმდინარეობიდან? შიგ ქალაქში (თბილისი, დმანისი) შემოჭრილ წარმოების „სიახლეზეც“ თვალს ხუჭავდა? განა ნაწარმზე ხელოსანთა ნიშნების დასმის „საკუთარი“ ტრადიცია არ მოსდგამდა ქართულ სამშენებლო კერამიკას? საქმე ის არის, რომ, უბრალოდ, არქეოლოგიურ გათხრებს ჟერჯერობით, როგორც ჩანს, სათანადო მასალა (უშუალოდ სიტყვა „გააკეთა“-ს აღნიშვნით) არ გამოუვლენია³¹⁵.

³¹¹ ზ. შაჩსურაძე, ქართული კერამიკა, გვ. 33.

³¹² Н. Марр, Раскопки, с. 19: «...в надписи оригинальны самые начертания букв G и P: первая изображена в виде грузинского рукописного G, а вторая в виде греческого γ».

³¹³ А. Л. Яковсон, Художественная..., გვ. 274, შ. 98; მინაბაძეების შესახებ: გვ. 265, 270, 272—274, 276, 278, 285.

³¹⁴ ლ. ქილაშვილი, დასახ. ნაშრ., გვ. 158.

³¹⁵ ქურქელზე გამოწვამდე დატანილი ზოგიერთი სახის ასო-ნიშნები საქართველოშიც გვხვდება. იხ. გ. ლომთათიძე, რუსთაველი წარმოებული არქეოლოგიური თხრის უმარაგებელი უკანა შედეგები, მსპა, I, 1955, გვ. 183, 185. შდრ. ლ. ქილაშვილი, დასახ. ნაშრ., გვ. 167: „ეს ორნამენტი ქართული ასოა 'G'. აქ ისეთავე ანალოგია ზომ არა გვაქვს, როგორც ქართულ ჯამებზე, რომლებზედაც არაბული წარწერის იმიტაციაა მოცემული სპარსულ-არაბული ნაწარმის გავლენით?...”

მაგრამ არსებული მასალაც საყურადღებოა. კერძოდ „შუაფეოდალურ ხანაში გვევლება აგრეთვე წარწერიანი კრამიტები (მაგ. რუსთავეში, არმაზის ხევის მონასტერში, უჯარმაში, შიომღვიმეს), მაგრამ, სამწუხაროდ, წარწერათა ნაწყვეტ-ნაწყვეტობისა თუ ძლიერ დაქარაგმებისა გამო მათი ამოკითხვა არ ხერხდება“³¹⁵. მაგრამ „შიომღვიმის კრამიტზე (საქ. ხელოვნების სახელმწიფო მუზეუმის საინვ. № 900) კირელიეფით არის გამოყვანილი ნეგატიურად შვიდი ასო: ო-ჟ-ღ-ს ონ („თაყას შეუღღენ ღმერთმან“ — ჟ. ჟ.)“³¹⁷.

ვინ უნდა იყოს ეს „თაყა“ თუ არა კრამიტის მომპრელი ხელოსანი, იქნებ, სახელოსნოს მფლობელიც და, ამგვარად (ვფიქრობთ, არცთუ უსაფუძვლოდ), — ხატბაბის და ფადლუნის ქართველი „კოლეგა“.

როგორც ჩანს, მას გვერდში უნდა ამოუღდეს თოდორეც (თოდორე?). საქმე ის გახლავთ, რომ რუსთაველი დერგებიდან „...ერთი დერგის ყელ-პირის ნატეხს (რ ა ე ს წ № 693) ბაკოზე გამოწვამდე ამოღარული აქვს სამი მხედრული ასო 'თოდ', რაც ალბათ შემოკლებული 'თოდორე' არის. სავსებით დასაშვებია, რომ იგი ხელოსნის სახელს წარმოადგენდეს. პალეოგრაფიული დაკვირვებით, წარწერა XII—XIII სს. მიეკუთვნება“. ავტორის შენიშვნით „წარწერა წაიკითხა და ხნოვანება დაადგინა ისტ. მეცნ. კანდიდატმა თეიმურაზ ბარანველიძემ“³¹⁸.

ყოველ შემთხვევაში, ნებისმიერი „მოკრძალებით“ (ლ. კილაშვილი), თუნდაც ის ქართული იყოს, სოციალურ-ეკონომიკური შინაარსის მოვლენის ახსნა თითქოს არ უნდა იყოს დამაჯერებელი.

როგორც აღვნიშნეთ, წარწერებიდან და საბუკნალების გამოყენების შემთხვევებიდან, პირველ რიგში, ისეთები იქცევენ ჩვენს ყურადღებას, რომელთა შინაარსი ხელოსნური წარმოების ცალკეული უჯრედის (სახელოსნოს) შესწავლაში გვეხმარება. ზემოხსენებული შიომღვიმის კრამიტის წარწერა „რელიეფით არის გამოყვანილი ნეგატიურად“. ესე იგი, ტვიფრზე არასწორად, პოზიტიურად იყო ამოკრძილი წარწერა? თუ ასეა, ამომპრელს უხეში შეცდომა დაუშვია, რომელიც შემდეგ აღარ გაუსწორებიათ (ვერც შეამჩნიეს?). ასეთ შეცდომასთან

იკონოგრაფიული შინაარსის („წმ-ნდა გიორგი“) ოთხი ქართული ასოა (და არა „ქართული წარწერა“, როგორც აღვნიშნულია, — იხ. იქვე, გვ. 168; — წარწერა არაბულია) მოთავსებული ხლათში აღმოჩენილ, XIII ს. დასაწყის მიუთუენებულ ბრანჯოს ლამპარზეც. — იხ. И. Орбели, Грузинская бронзовая лампада с арабскими надписями, Извр. тр., с. 336—340, პრველად გამოქვეყნდა ПЭР-ში.

³¹⁵ ჟ. ჯღამაია, სამეცნიერო კრამიკის წარმოება ფეოდალური ხანის საქართველოში, ვსბპ, I, გვ. 100.

³¹⁷ იქვე, გვ. 101.

³¹⁸ თ. არჩვაძე, მოუქიპეთ თიხის ქურჯლის წარმოების ისტორიისათვის შუასაუკუნეთა საქართველოში (რუსთაველი დერგები), ვსბპ, I, გვ. 127.

უმნიშვნელოდ გეჩვენება ის, რომ ზემოაღნიშნულ დერგების ერთ ცალზე „ბაკოს ირგვლივ ნატეფრი სარტყელი თავდაღმაა. ვ. ჯაფარიძე მსგავს შემთხვევას დმანისის ერთ ასეთსავე ნიმუშზე შეგირდის შეცდომით ხსნის“³¹⁹ (ხაზი ჩვენია — პ. თ.); და ხლათის ლამპრის შემკულობაზე დაშვებული შეცდომა. როდესაც ოსტატმა ორი წყვილი მამაკაცისა და ქალის გამოსახულების (ერთმანეთის შენაცვლებით მოცემული ღეთისმშობლის და მთავარანგელოზ გაბრიელის) ნაცვლად ჩამოსახამ ნიმუშზე სამი ქალის და ერთი მამაკაცის გამოსახულების ყალიბი მოათავსა³²⁰.

რა თქმა უნდა, ასეთი შემთხვევები გამონაკლის წარმოადგენს და ისინი გაუწაფავი ხელოსნის თუ ახლად დაწყებული წარმოების დამახასიათებლად უნდა მივიჩნიოთ. იმავე რუსთაველ დერგებზე, მაგალითად, „ამოტიფრულ გამოსახულებათა დიდი ნაწილი მიღებულია ნედლ თიხაზე ცილინდრული, ნევატიურად ნაკვეთი საბეჭდავის გორებით“³²¹ (ხაზი ჩვენია — პ. თ.).

ბაილყანის თიხის ჰურკლის ტეფრების შესწავლის შედეგად გარკვეული დასკვნების გამოტანის დროს, რასაკვირველია, უნდა გავითვალისწინოთ ახლო თუ შორეული, მსგავსი თუ განსხვავებული სოციალურ-ეკონომიკური წყობის მქონე რეგიონების (ქვეყნების, სახელმწიფოების) სინამდვილეში არსებული სათანადო მასალა.

თუ როგორ იურიდიულ მიმართებაში იმყოფებიან, ვთქვათ, ხატები და ფაღლონი იმ სახელოსნოების მიმართ, რომელთა ნაწარმს მათი სახელები აზის, ამის შესახებ ზემოთ იყო ნათქვამი — ისინი სახელოსნოს მფლობელად მიაჩნია ლ. გიუზალიანს, რომელიც რამდენიმე წლის შემდეგაც იმავე მოსაზრებას გამოთქვამდა³²². მაგრამ, როგორია ამ სახელოსნოებში მომუშავეთა იურიდიული უფლებები, სარგებლობენ თუ არა აქ მონის ანდა თუნდაც ქირაზე მომუშავეის შრომით?

აღძრულ კითხვებზე ერთნიშნა პასუხისთვის მასალა თითქმის რომ არ გაგვაჩნია. მით უფრო მეტი მნიშვნელობა ენიჭება საკითხის შედარებით შესწავლას.

ზემოთ აღნიშნული იყო, რომ ალ-ლანი არის „ბაბ ალ-აბვაბის ახლოს, ხაზართა მეზობლად“ მდებარე „ერცელი ქვეყანა“; „მოჰყაღო მათგან ტყავის დამმუშაებელი მონები“³²³. ღედანში არის თუჯლა-

³¹⁹ თ. არჩვაძე, დასახ. ნაშრ., გვ. 129, შ. 26.

³²⁰ И. Орбели, დასახ. ნაშრ., გვ. 337.

³²¹ თ. არჩვაძე, დასახ. ნაშრ., გვ. 128.

³²² Л. Т. Гюзальян, Написи на двух сферокопических сосудах из Байлакана, ПС, 13 (76), 1965, с. 166—167.

³²³ ააკუთი, გვ. 91.

ბუ მინჰუმ 'ყ ა ბ ო დ უ ა ჯ ლ ა დ ი ნ²⁴. სიტყვასიტყვითი თარგმანი: „მოჰყავთ მათგან ტყავების მონები“. ცხადია, პირველ თარგმანში „დამმუშავებელი“ აზრის ნათლად გადმოცემის მიზნით არის ჩართული.

ძნელია გადაჭრით ითქვას, რას გულისხმობს ამ კონკრეტულ შემთხვევაში იაკუთი — ტყავის დამმუშავებელ მონა (დატყვევებულ?) ხელოსნებს თუ ზოგადად ტყავის დასამუშავებლად გამოყვანილ მონებს? უკანასკნელ შემთხვევაში თითქოს ზედმეტია „ტყავის“. მაგრამ თუ ხელოსანი გამოყავდათ, მაშინ უპრიანი იქნებოდა — „ხელოსანი-დაბალები“.

ყოველ შემთხვევაში, ჩვენი აზრით, „ტყავის დამმუშავებელი მონები“ „ტყავის მონებთან“ შედარებით მცირეოდენს, მაგრამ თითქოს მაინც იძლევა რაღაც მინიშნებას, რომ მასში ხელობის მქონე ადამიანები ვიგულისხმობთ. აქედან გამომდინარე, ჩვენ დედნისეულ, სიტყვასიტყვით თარგმანს ვაძკობინებთ. „ტყავის მონებში“ ტყავის გამოქნის საწყისი, უხეში პროცესის შემსრულებლები უნდა ვიგულისხმობთ.

თუ დარუბანდის დაბალთა რაისის მფლობელობაში (ან გამგებლობაში?) თუნდაც ერთი სახელოსნო არსებობდა, ასეთ შემთხვევაში, შეგვიძლია ვივარაუდოთ, რომ იგი აღნიშნული მონების შრომის გამოყენების ობიექტს წარმოადგენდა.

თუ ხელოსნური წარმოების მეტყავეობის დარგში იყენებდნენ მონის შრომას, — გაიხსენოთ: ზარიპგერანში „...მონები და მონა-ქალები დაკაებული არიან ამ (იარაღის წარმოების) ხელობით მთლიანად“ (იხ. ზემოთ). — სრული საფუძველი გააქვს ასეთი რამ მეთუნეობასა და სხვა დარგებშიც ვიგულისხმობთ. მაშასადამე, ხატებასაც და ფაღლუნსაც შეეძლოთ თავის კუთვნილ მეთუნეობის სახელოსნოში (აქაც მძიმე სამუშაოს — თიხის მოჭრა. მოჭელია და სხვათა შესასრულებლად) ისევე გამოეყენებინათ მონის შრომა. როგორც ამას აკეთებდა დარუბანდში დაბალთა რაისი ალ-ჰაისამ ბ. მაიმუნ ალ-ბაი²⁵.

ზემოთ, ქალაქის გარეგანი სახის განხილვის დროს, შევეხეთ ბაილაყანის რაბადში არქეოლოგიური გათხრებით გამოვლენილ ნაგებობათა კომპლექსს, სადაც, როგორც ვარაუდობენ, ხილისა და ყურძნის გადამმუშაება ხდებოდა. ამჭერად ჩვენთვის საყურადღებო ის არის, რომ ამ კომპლექსის ერთ-ერთ აუზში იპოვეს ბექდის დაფა წარწერით „ალლაჰ მუჰამედ“. კომპლექსის მკვლევრის აზრით, არ არის გამო-

²⁴ იქვე, არაბ. ტექსტი, გვ. 85.

²⁵ მის. გველენისა და მოქმედების შესახებ დარუბანდში და მის ფარგლებს გარეთაც იხ. 3. თ ო ფ უ რ ი ა, ამიერკავკასიის ქალაქების ისტორიიდან. გვ. 120.

რიცხული, რომ ბეჭედი საწარმოს მფლობელს კუთვნიბოდა³²⁶. თუ ეს მართლაც ასე იყო, ბაილაცანის საქალაქო ცხოვრებიდან კიდეც ერთი პიროვნება წარმოგვიდგება — მუჰამედი, ასევე სახელოსნო-საწარმოს მფლობელი. დაუზბრუნდეთ ისევ კერამიკული ნაწარმის განხილვას.

მოკიქული, ანგობით დაფარული, სხვადასხვა ხერხით მხატვრულად დამუშავებული ნაწარმი განსაზღვრავს კერამიკული წარმოების დონეს და მხატვრულ ღირსებას. სათანადო ლიტერატურის შესწავლის შედეგად შეიძლება აღინიშნოს, რომ ამიერკავკასიის კერამიკული წარმოების ცენტრებში დამზადებული მაღალმხატვრული ნაწარმი თავისი ხარისხით არ ჩამოუვარდება იმდროინდელ საერთო დონეს.

კიქურის დამზადება არ იყო მარტივი პროცესი. სპარსული ბ ა ი ა ნ ა ლ - ს ა ნ ა ა თ ი („ტრაქტატი ხელოსნობის შესახებ“) მეხუთე თავს სხვადასხვა ფერის („ყველა სახისო“ — წერს ავტორი) კიქურის დამზადების ხერხებს უძღვნის. აქ აღწერილია წითელი, მწვანე, ყვითელი, ცისფერი, ლაქვარდის, იაგუნდის, ფისტის (ფსტის), უნაბის, ოქროსფერი ყვითლის³²⁷ კიქურების დამზადების წესები. ყვითელი ფერის კიქური, მაგალითად, ასე უნდა დამზადებულიყო: „იღებენ ერთ ღირკემ³²⁸ ქლიბით (ს ჭ ჰ ა ნ) დაფხვნილ მაგნეტიტს (ს ა ნ გ-ე ა ჰ ა ნ), ერთ ღირკემ სპილენძის მადანს (ს ა ნ გ-ე მ ე ს), ერთ ღირკემ კარგად დაფხვნილ შავ კორალს (აგატს) (ს ა ნ გ-ე შ ა ბ ე)³²⁹, ერთ ღირკემ კალას (ს ა ნ გ-ე

³²⁶ Н. В. Минкевич-Мустафаева, Производственные сооружения ремесленного квартала Байлакана, СА, 1968, № 3, с. 220.

³²⁷ შესაბამისად (მარჯნიდან მარცხნივ): سرخ ، سبز ، زرد ، آسمان گون ؛ لاجوردی ، یاقوت ، فسقی ، عنبی ، زرد برنگ زرماند.

³²⁸ ირანელი ღირკემი, როგორც წონითი ერთეული, 4,3, გ. ზოლო არაბული, 4,68 გ უდრდა. იხ. გ. ჭ ა ფ ა რ ი ძ ე, IX—X საუკუნეების არაბული მეტროლოგიის ისტორიიდან (წონის ერთეულები და საწყაოები), მსშ შრომები, ტ. 121, 1967, გვ. 274. უღრ. მისივე „ნარკვევი ქართული მეტროლოგიის ისტორიიდან (IX—XIX სს.)“, თბ., 1973, გვ. 38—39: „არაბული მონეტები იჭრებოდა ღირკემისა და მისკალის ბაზაზე. სპონეტო საქმეში არსებული წონის კანონიკური სისტემის (ღირკემი = 14 კირატს, მისკალი = 20 კირატს) გარდა, არსებობდა კრდე სხვა სისტემებაც [დამოწმებულია ე. ჰანციის ნაშრომი — პ. თ.] რომელთა თავისებურებათა მიუხედავად ძირითადი სპონეტო ერთეულები — ღირკემი და მისკალი (ღინარი) ერთი და იგივე წონის იყო (შესაბამისად 2.97 და 4.25 გგ). ღირკემის განხილულ სისტემა არ იყო კანონიკური, თუმცა მას გავრცელების საკმოდ დიდი არეალი ჰქონდა ... IX ს. შუა წლებიდან მთელ მახლობელ და შუა-აღმოსავლეთში ღირკემის ფაქტიური წონა ამჟღავნებს მდრეკილვას ზრდისაკენ. სახალიფოს ნებისმიერ ზარაფხანაში მოქრილი ღირკემების საშუალო წონა აღებატება თეორიულს (2.97 გ-ს), ამასთან, წერილობითი წყაროები არ მიუთითებენ რაიმე ცვლილებაზე მონეტების წონით სტანდარტში“.

³²⁹ شہ (შაბე); მაგრამ იგივე, ოლონდ სხვაგვარად განმარტებული (შაბა) ნიშნავს წითელ სპილენძს, თითბერს.

ნ რ ზ ნ ზ) და ერთ ღირებულ დატხენილ წითელ გოგირდოვან დარიშხანს (ს ა ნ გ-ე ზ ა რ ნ ნ ზ). შემდეგ ყველაფერი ეს კარგად აურიე მაგარ ძმარში (ს ე რ კ ე-ი თ ნ ზ), თასი ან სხვა რაღაც თასის მსგავსი, რაც გსურს ამით დაფარე და რამდენიმე ხანს ცეცხლში ატრიალე, ვიდრე არ გამაგრდება და გაფაქიზდება“³³⁰.

თბილისის კერამიკულ სახელოსნოში ჭიქურის წარმოების აშკარა კვალი აღმოჩნდა 1948 წ. წარმოებული გათხრების დროს. სახელოსნოს ფართობზე მიაკვლიეს თეთრი კაეის და სპილენძის ჩაყანგულ ნატეხებს. იქვე იპოვეს ქვის როდინი, ხელსაფქვავე, „პატარა სასწორო ან, უკეთ, მისგან შემორჩენილი სპილენძის ორი ჭამუკა (დიამეტრი 6 სმ), თხელი და სამ-სამ ადგილას ნაპირგახერგეტილი“³³¹.

როგორც ვხედავთ, თბილისის სახელოსნოს წარმოების იარაღებს შორის სპარსულ ტრაქტატში დამოწმებული ქლიბი არ ჩანს. მას, ალბათ, როდინი ცვლიდა, რომლითაც — უნდა ვივარაუდოთ — ხელსაფქვავეზე დაფუძნებულ ნელლეულს დამატებით ნაყავდნენ საჭირო ფხენილის მისაღებად.

ანისში, ბაილაყანში, განძაში, დმანისში, თბილისში მოპოვებულ ანგობით დაფარულ თუ წითელ ან სხვა ფერის კეცთან მოჭიქულ კერამიკულ ნაწარმზე თვალის ერთი გადავლებითაც კარგად ჩანს, რომ აღნიშნულ ცენტრებში იცოდნენ დამზადება და იყენებდნენ კიდევ ყველა იმ ფერის ჭიქურს, რომელსაც დასახელებული ტრაქტატი აღნიშნავს. აქ გვხვდება როგორც უფერო ჭიქური, რომელიც უცვლელად ინარჩუნებს მხატვრულად დამუშავებული ანგობის ფერს, ასევე ფერადი ჭიქურები: მწვანე, ყვითელი, ლურჯი, ცის, იის, ნარინჯის, ფიროზის ფერი. ყველა ამ ფერადი ჭიქურის გარკვეული ზომების ერთმანეთში შეზავებით ლებულობდნენ ფერთა განსაკუთრებულ სიუხვეს.

აღნიშნული ფერების ჭიქურით შემკული ნაწარმი შეადგენს სწორედ იმ მხატვრულ კერამიკას, რომელიც ადასტურებს თინის დამუშავების მაღალ დონეს ამიერკავკასიაში და მას იმდროინდელი საუკეთესო ნიმუშების გვერდით აყენებს.

ყურადღებებს იპყრობს ანისში მოძიებული მოჭიქული ჭურჭლის მარისეული განხილვა: „არც ერთი გათხრა არ ჩატარებულა ანისში უბრალო თუ მონათული მოჭიქული ჭურჭლის ნამსხვრევების პოვნის გარეშე. მაგრამ არსად ანისში არ ამოდიოდა საღებავებისა და ნახატის

³³⁰ بيان الصناعات تأليف أبو الفضل حبيش بن | ج 54. بايان آل-სاناهات. ج 54. باقاهم تفليسي (دانشمند قرن ششم) با مقدمه... بقام ايراج افشار مستخرج از فرهنگ ايران زمين دفتر 4، جلد 5، 1336.]

³³¹ გ. ლ. მთათიძე, დასახ. ნაშრ., გვ. 135, 143, 148, 149.

მიხედვით საუკეთესოდ შერჩეული მოკიქულა³³² თიხის და აგრეთვე მინის ჭურჭლის უკეთესი ნატეხები ვიდრე სასახლეში. ამასთანავე, ამ ნატეხებს პოულობდნენ არა ჩვეულებრივ ნაყარ ნიადაგში, არამედ ღრმა ორმო-სათავსებში. . . მასალის, თიხის, ასევე მოხატულობის და საღებავების მიხედვით ისინი დიდ მრავალფეროვნებას ქმნიან. საღებავების თვალსაზრისით აღსანიშნავია, რომ არ ჩანს კაშკაშა, თვალისმომკრელი ფერები: ივრცნობა გემოვნება, მიდრეკილება რბილი, ფერმკრთალი ტონებისადმიც კი. გვხვდება ერთფეროვანი ერთეულებიც... შედარებით ღია ფერებიდან გარკვეული უპირატესობა ენიჭება ცისფერს შავი, ზოგჯერ ყვითელი ოქროსფერი ნაყშებით.

მწვანე და ლურჯი ფერები უფრო ხშირად მეორეხარისხოვან ნაწარმში გვხვდება. არის ერთი, ლურჯი ფერის ჭურჭლის მთელი კატეგორია, რომელიც საყურადღებოა ასეთი თუ ისეთი რელიეფური ფიგურებით, მრავალფეროვანი ვარდულებით, ნახევარსფეროთი, ჯვრით, ადამიანისსახიანი ლომის თავით და ქალის გვირგვინოსანი თავით. განსაკუთრებით გავრცელებულია ლომის თავი ადამიანის სახით³³³.

ამ შემთხვევაში ჭურჭლის სადაურობის საკითხთან შედარებით უფრო მეტ მნიშვნელობას იძენს ამონაწერში დაცული ანისის მცხოვრებთა სოციალური და კულტურული დონის განმსაზღვრელი ცნობები. ხოლო თუ განსაკუთრებით ძვირფას ჭურჭელს ანისში არ ამზადებდნენ და გარედან შემოჰქონდათ, ესეც ანგარიშგასაწევი ვითარებაა, რადგანაც ამ ქალაქის განათხარ კერამიკულ მასალაში არის ერთეულები. თავისი მხატვრულ-ხარისხობრივი მანსალოებლებით (განსაკუთრებით მტკიცე და მკიდრო კეცი) შორეულ აღმოსავლეთს (ჩინეთი) რომ განეკუთვნებინ. აქრეა ირანული (რეი) წარმოშობის ნაწარმი³³⁴. მაგრამ საკუთრივ ანისში გარკვეული სახის ძვირფასი მოკიქული ჭურჭლის წარმოება ევსს არ იწევეს საკითხის მკვლევართა შორის³²⁵.

აქვე დავიმოწმებთ დასკვნას შელკოვნიკოვის ნაშრომიდან. ავტორი განხილულ მასალას XI—XIII საუკუნეებით ათარილებს. X და

³³² «...глазирванной и поливной посуды...».

³³³ Н. Марр, დასახ. ნაშრ., გვ. 43. ანისის მოკიქული კერამიკის VI ჯგუფში გავრთხანებულა ცხვური და ლურჯი ჭიქურით დაფარული ნაწარმი ხასიათდება რელიეფური, დაკრულა (დანაქერწი) მასკარონებით (იტალ. mascherone, ადამიანის სახის ან ცხოველის თავის გამოსახულებიანი სკულპტურული მორთულობა), რომელთა მსგავსი არსად, გარდა კავკასიისა, არ გვხვდება. მსგავსი მორთულობით შემკული ჭურჭელი ცნობილია დვინიდან, დმანისიდან; იხ. Б. А. Шелковник, დასახ. ნაშრ., გვ. 51—54.

³³⁴ იქვე, გვ. 46—50, V ჯგუფი; გვ. 55—59, VII, VIII, X ჯგუფები, გვ. 60—64 XI—XIV ჯგუფები.

³³⁵ იქვე, გვ. 38—39, 42.

XIV სს. ნიუტები გამონაკლისის სახით აღინიშნება. XI ს. შუა ხანას, სელჩუკიანთა მიერ ანისის დარბევის წინა დროს განეკუთვნება მაღალხარისხოვანი ფაიანსის მნიშვნელოვანი ნაწილი, მსგავს ფაიანსებს (ქაშანურებს) პოულობენ ირანში, მაგრამ ანისურს აქვს განმასხვავებელი ნიშნები. განსაკუთრებით ორიგინალურია მეორე და მესამე ჯგუფების ფაიანსები, რომელთა სრულიად განსხვავებული ნიშნები გამოირიცხავს მათ ირანულ წარმოშობას. ასევე განსაკუთრებული, მხოლოდ ანისში აღნიშნული მორთულობა ვეაიძულებს ამ ნაწარმს ადგილობრივი წარმოშობა მივაწეროთ. მაშასადამე, ანისში, ანდა სადმე მის მეზობლად, XI საუკუნეში არსებობდა კერამიკული ცენტრი, რომელიც აწარმოებდა თეთრ, ძალზე ფაქიზ, დახვეწილად მოხატულ ფაიანსებს. მოხატვის ხასიათს მივყავართ შორეული აღმოსავლეთის შესაძლებელ გავლენამდე.

XII ს. დასასრულსა და XIII საუკუნეს მიეკუთვნება იმპორტული, განსაკუთრებით ჩინური და ირანული, ნაწარმის დიდი რაოდენობა, რაც მიუთითებს „ანისის სავაჭრო ბურჟუაზიის“ ვაჭრობის ხასიათსა და სიმდიდრეზე. აღსანიშნავია ჩინური ნაწარმის მრავალფეროვნება, კიდევ უფრო მდიდარია ირანული კოლექცია. XII—XIII საუკუნეების ირანული ფაიანსის თითქმის ყველა ძირითადი სახე წარმოდგენილია ანისში... XII—XIII სს. კერამიკა უეჭველად აღსატურებს საქალაქო ცხოვრების მნიშვნელოვან განვითარებას, ანლო და შორეულ აღმოსავლეთის ქვეყნებთან სავაჭრო ურთიერთობათა ცხოველ ხასიათს და ანისის საზოგადოების „მაღალი კლასების“ მორქმულობას. მეორე მხრივ, ზაქარიანთა ეპოქაში, ბაგრატუნიანთაგან განსხვავებით, როგორც ჩანს, არ არსებობდა ადგილობრივი მაღალხარისხოვანი კერამიკული წარმოება. აღნიშნულ დროში ადგილობრივს შეიძლება მივაწეროთ მხოლოდ წითელკეციანი კერამიკა და ფაიანსები დაკრული რელიეფური მორთულობებით. მაგრამ კეცის და ჭიჭურის ხარისხი შეუდარებლად დაბლა დგას XI საუკუნის დახვეწილ აქურულ ფაიანსებთან შეფარდებით³³⁶.

საქართველოში არქეოლოგიური კვლევის შედეგად რიცხობრივად თანდათან იზრდება ფაიანსის მოპოვებული ნიმუშები. ამ მხრივ უპირატესობა დღესდღეობით დასავლეთ საქართველოსთან შედარებით აღმოსავლეთ საქართველოს ეკუთვნის. ამის მიზეზად პირველის არქეოლოგიურად სუსტად შესწავლა მიაჩნიათ. დასავლეთ საქართველოში „...სულ რამდენსამე განათხარში (ბათუმში—„თამარის ციხეზე“, გო-

ნიოსა და სოხუმში) გამოერევა ფაიანსის კურკლის თითო-ოროლა ნატეხი...“³³⁷.

დამოწმებულ ნაშრომში ავტორი ფაიანსის ნაწარმს სამ ქრონოლოგიურ ჯგუფად ყოფს: ადრე, შუა და გვიანფეოდალური. „ადრეფეოდალური საქართველოს კერამიკული ნაწარმი ჯერ არ არის საკმაოდ შესწავლილი. იმდროინდელი ფაიანსის ნაწარმი არქეოლოგიურ მონაპოვრებში წარმოდგენილია ერთადერთი ნატეხით, რომელიც კუხეთის რუსთავის ნა ც ი ხ ა რ ის არქეოლოგიური თხრისას აღმოჩნდა. აღნიშნული ნატეხის სათანადო კურკელი მესობოტამიიდან ჩანს შემოტანილი“³³⁸ (ხაზი ჩვენია — პ. თ.). აღნიშნული ნატეხის თარიღად ავტორი IX ს. მეორე ნახევარს მიიჩნევს³³⁹.

ჩვენთვის საგულისხმო მეორე ჯგუფის მასალა „აღმოჩენილია: თბილისში, კუხეთის რუსთავში, დმანისში, გუდარეხსა და უჯარმაში [ახალქალაქში „(ლუსტრიანი, შემოზიდული)“]³⁴⁰ ამ მონაპოვარში გვხვდება ადგილობრივია და შემოზიდული ნაწარმიც“³⁴¹.

საქართველოში კერამიკური წარმოების ტექნიკური დონის შესასწავლად მნიშვნელობას იძენს აღმოჩენილი ფაიანსის კურკლის წარმოების სადაურობის გარკვევა. თუმცა, საკითხის კვლევის დროს, გარკვეული უნდა გვქონდეს, თუ რამდენად განაპირობებს ამ წარმოებას ადგილობრივი ბუნებრივი პირობები. კერძოდ, შეიძლება თუ არა აღმოცენდეს (შუა საუკუნეების წარმოების ტექნიკურ შესაძლებლობათა დონის გათვალისწინებით) ფაიანსის წარმოება იქ, სადაც არ არსებობს ამისათვის საჭირო საგანგებო ხარისხის და შემადგენლობის თიხის საბალოები?

საქართველოში „მოპოვებული თიხის კურკლის უფაქიზესი და ულამაზესი თეთრკეციანი სახეობის, ფაიანსის... საგანგებოდ და გულდასმით შესწავლამ“, — მკვლევარის განცხადებით — „საგულისხმო და თითქმის მოულოდნელი სურათი გადაგვიშალა თვალწინ... გამოირკვა, რომ გარდა ირანული საწარმოო ცენტრებიდან შემოზიდული ფაიანსის კურკლისა, შუაფეოდალურ ეპოქაში ჩვენს ქალაქებშიც (თბილისში, დმანისში, რუსთავში?) კეთდება საკმაოდ სათუთი და მშვენიერფერადი ფაიანსის სხვადასხვაგვარი, ზოგჯერ თავისებური კურკელი. ამ უკანასკნელის გამოცნობას, სხვა ნიშნებთან (მოყვანილობა, შემკულობა) ერთად ხელს უწყობს მისი კეცი — მონატრის-

³³⁷ E. შამაიაშვილი, შუასაუკუნეთა საქართველოში ფაიანსის წარმოების და მოხმარების ისტორიისათვის, ფსპდ, I, გვ. 106.

³³⁸ იქვე.

³³⁹ იქვე, გვ. 107.

³⁴⁰ ე. ჭანდოიერი, ჭავჭავთის ახალქალაქის., გვ. 63.

³⁴¹ გ. ლომთათიძე, ფეოდალური საქართველოს..., გვ. 14.

ფრო და 'ხეშირი' (ჩანს, ჩვენებური, მაგ., ქვემო-ქართლური კაოლი-
ნის დამახასიათებელი). ამრიგად, მახლობელი აღმოსავლეთიდან მოძა-
ლებულ იმპორტთან ერთად შემოსული მიდრეკილება ფაიანსის უხვად
წარმოებისადმი მარჯვედ არის განხორციელებული რუსთაველის ხანის
საქართველოში. ეს ბოლოდროინდელი კვლევით დადგენილი გარემო-
ებაა, უწინ ამას ვერც ვიფიქრებდით³⁴².

მაგრამ ასეთი დაბეჭითებული მტკიცების საფუძველს თითქოს არ
იძლევა ნ. მამაიაშვილის ნაშრომი, რომელსაც იმოწმებს გ. ლომთა-
თიძე.

ჩვენთვის საყურადღებოა, რომ „საქართველოს ნაქალაქართა არქე-
ოლოგიურ განთხარებში X ს. ფაიანსის ნაწარმი ჯერჯერობით ცნობი-
ლი არ არის... ჩვენში XII—XIII სს. ფაიანსის ნაწარმი ყველაზე
მრავალრიცხოვანი. მიუხედავად იმისა, რომ აღმოჩენილი ქურქლები
ნატეხებითაა წარმოდგენილი, მათში — ქ ე რ ჯ ე რ ო ბ ი თ ს ა კ-
მ ა ო დ პ ი რ ო ბ ი თ, მ ა გ რ ა მ მ ა ი ნ ც — ხერხდება ადგილობრი-
ვი ნაწარმის გამოყოფა უცხოურისაგან... გამოირკვა, რომ ნაწილს პა-
რალელები მოეძებნება საქართველოს გარეთ, ხოლო გარკვეული მოყ-
ვანილობის, ჭიქურისა და კეცის მქონე ნაწარმი განსაკუთრებით დიდი
რაოდენობით გვხვდება საქართველოს ამა თუ იმ ნაქალაქარში და არ-
სად სხვაგან. ამან საფუძველი მოგვცა გვევარაუდა მათი ადგილობრივი
წარმომავლობა³⁴³ (ხაზი ჩვენია — პ. თ.). ადგილობრივი ნაწარმის გა-
მოყოფა ხერხდება ზოგჯერ კეცის, ზოგჯერაც კეცის ქიმიურ-ტექნო-
ლოგიური ანალიზით.

აღნიშნული ნიმუშების ქიმიური ანალიზის შედარებით ირკვევა,
რომ ადგილობრივში კირი გაცილებით მეტია (7%), ვიდრე შემოტა-
ნილ სპარსულ ნიმუშში (მხოლოდ 2%-მდე). ამის თაობაზე მკვლევარი
წერს: „ადგილობრივი ნაწარმის კეცის კაზმში კი კირი ხელოვნურად
უნდა იყოს შეტანილი — შესაძლოა იმ მიზნით, რომ კეცი უფრო თეთ-
რად გამომწვარიყო და თან გამოწვას უფრო დაბალი ტემპერატურა
ჰყოფნოდა: ცნობილია, რომ კირიანი ფაიანსი უფრო ადრე გამოიწვე-
ბა“³⁴⁴. მაგრამ, როგორ მოქმედებს წარმოების ტექნოლოგიაში ასეთი
ცვლილებები ნაწარმის ხარისხზე? მით უმეტეს, რომ „რეკეპტურა და
ტექნიკური პროცესები ყოველთვის ექვემდებარებიან ადგილობრივი
ნედლეულის თავისებურებებს“³⁴⁵.

³⁴² გ. ლომთათიძე, დასახ. ნაშრ., გვ. 17.

³⁴³ ნ. მამაიაშვილი, დასახ. ნაშრ., გვ. 108—109 იქვე დამოწმებულია
ადგილობრივი და შემოტანილი ნიმუშების ქიმიური შედგენლობა. შდრ. ზევით
ბილაყანის მოქიქული ნაწარმის ერთი ჯგუფის ქიმიური ანალიზი.

³⁴⁴ იქვე, გვ. 109.

³⁴⁵ Б. А. Шелковников, Фаянсы, расписанные люстром по белой
непрозрачной глазури из Орен-Кала, МИА, 67, с. 316.

ყოველ შემთხვევაში, ფაქტი ადასტურებს ადგილობრივ კერამიკულ წარმოებაში საკუთარი ტექნოლოგიური ჩვევების, პროცესების არსებობას.

მკვლევრის მიერ ადგილობრივ ნაწარმად მიჩნეულ „გამჭვირვალე ჭიქურით დაფარული, სადა, შეუმკობელი ჭურჭელიდან“ ყურადღებას იპყრობს რუსთავეში აღმოჩენილი სამარხილები, რომელთაც „სხვადასხვა მოყვანილობა და კეცი აქვთ. ისინი დაფარულია ცისფერი (სპილენძის) ან ლურჯი (კობალტის) გამჭვირვალე ჭიქურით“. ეს სამარხილები წარმოების ტექნიკური დონის, წარმოების პროცესის თვალსაზრისით იქცევენ ჩვენს ყურადღებას. „მიუხედავად კეცის ნაირგვარობისა, რუსთავეის ყველა აღნიშნული სამარხილე ადგილობრივ ნაწარმს უნდა წარმოადგენდეს, თუნდაც იმიტომ, რომ ისინი ნაშრობად საკმაოდ დეფორმირებული და შეუხედავი არიან და ძნელი წარმოსადგენია, ისეთები სიღრმეში შემოეტანათ. იგივე შეიძლება ითქვას ძველ განჯაში განათხარ სამარხილებზედაც“³⁴⁶. წარმოების წუნს ვერ ვიგულისხმებთ, რადგან მის შესახებ არაფერია აღნიშნული.

დაუდევრად და დაბალ ტექნიკურ დონეზე შესრულებული ნაწარმი გამოვლინდა ბაილაყანშიც. ერთ-ერთი ასეთია იშვიათი მოყვანილობის ოქროსფერი ელვარების ყავისფერი ლუსტრით მოხატული ფაიანსის პატარა დოქი. „ძთელი ნახატი იმდენად დაუდევრად არის შესრულებული, რომ გამოსახულებანი ჩანს მხოლოდ გულდასმით გასიჩვების დროს“³⁴⁷.

რა განპირობებს ასეთ ვითარებას? წარმოების დაბალი ტექნიკური დონე თუ ნაწარმზე გაზრდილი მოთხოვნილება? მაგრამ უკანასკნელ შემთხვევაში ბაზარი იღებს ასეთ საქონელს? მხედველობაში უნდა გქონდეს, რომ საქმე ეხება ფართო მოხმარების მასობრივ ნაწარმს, მაგრამ ისიც კი „გამჭვირვალე ჭიქურით დაფარულა, სადა“ და ამავე დროს „შეუმკობელი“ ფაიანსის ნაწარმია.

მსგავსი ვითარება აღინიშნება მე-3 ჯგუფში. დმანისში, თბილისში, რუსთავეში აღმოჩენილი „რელიეფური ორნამენტით შემკული ჭურჭელი“ წარმოადგენს „საკმაოდ დაუდევრად ნაკეთებ, ტლანქ ჭურჭელს“³⁴⁸.

უნდა ვიფიქროთ, რომ ბაზარი „ითმენდა“ ასეთ ნაწარმს. „ჩვენში განათხარი, XII—XIII სს. კუთვნილი ფაიანსის დიდი ნაწილი წარმოადგენს იმპორტულ ნაწარმს“. ასეთი ნაწარმის ერთ ჯგუფში გაერთიანებულია „შავი და ლურჯი საღებავებით მოხატული და სპილენძის ცისფერი გამჭვირვალე ჭიქურით დაფარული ჭურჭელი“. ავ-

³⁴⁶ ნ. მამაიაშვილი, დასახ. ნაშრ., გვ. 110.

³⁴⁷ ნ. ა. შერკინიჩიკოვა, დასახ. ნაშრ., გვ. 322—323.

³⁴⁸ ნ. მამაიაშვილი, დასახ. ნაშრ., გვ. 112.

ტორისვე დასკვნით, რუსთავსა და თბილისში აღმოჩენილი ასეთი ჭურჭელი „ირანის ქალაქ ქაშანში ყოფილა ნაკეთები. მაგრამ მათი ერთი სახელოსნოს ნაწარმად ჩათვლა შეუძლებლად მიგვაჩნია კეცის სხვადასხვაგვარობის გამო: თბილისში ნაპოვნი ნატეხის კეცის სიმტკიცე უდრის — 3, რუსთავის ნაპოვნისა — 6. და საერთოდაც, რუსთავისა შე უ დ ა რ ე ბ ლ ი ვ უ ფ რ ო ფ ა ქ ი ზ ი ჭურჭელია, ვიდრე თბილისისა. ამდენად, ვფიქრობთ, შესაძლოა ორივე ჭურჭელი ერთი ქალაქის — ქაშანის სხვადასხვა სახელოსნოს ნაწარმი იყო (?)“³⁴⁹.

თუ ეს ასეა, საგულისხმო აქ ის არის, რომ ქაშანში გაკეთებული შედარებით მღარე ხარისხის ჭურჭელი თბილისში მოხვდა.

ასეთი მდგომარეობის ერთ-ერთ მიზეზად ადგილობრივ ფაიანსის წარმოების შედარებით დაბალი დონე და სუსტი საწარმოო სიმძლავრე უნდა მივიჩნიოთ. მით უმეტეს, რომ ქართული ფაიანსის საკითხი ჯერ კიდევ კვლევის საწყის (მოპოვებული მასალის სიმცირის გამოც) საფეხურზეა. „...მაგრამ ამასთანავე, ის საბუთები, რომლების მოწველივბაც სადღეისოდ შეგვიძლია, ადგილობრივი ნაწარმის გამოყოფისათვის მთლიანად საკმარისი ჯერ კიდევ არ არის და ამდენად, დასკვნასაც შემდგომ მეტი დასაფუძვლება დასჭირდება.“

ბუნებრივია, რომ საამისოდ საჭიროა ახალ-ახალი მასალების მოპოვება“³⁵⁰.

ასეთ საბუთებს კი თანდათან ავლენს არქეოლოგიური კვლევა-ჩიება. კერძოდ, დმანისში ჩატარებულმა ასეთმა კვლევამ გამოავლინა XII ს. თუნე, რომლის მახლობლად აღმოჩნდა კერამიკული საღვარი, რომელსაც ზედ დაღეენთოდა ცისფერი ფაიანსის ჭურჭლის ნაწილები³⁵¹. ეს ფაქტიც დმანისში ფაიანსის ჭურჭლის წარმოებას ადასტურებს.

ანისსა და ბაილაყანში ფაიანსის ადგილობრივი წარმოების საკითხის გაურკვეველობის შესახებ წერდნენ შელკოვნიკოვიც და იაკობსონი³⁵². პირველი მათგანი, ბაილაყანში აღმოჩენილი ფაიანსის ჭურჭლის შესწავლის შემდეგ, გამოყოფს ნაწარმს, რომელიც „პროვინციულ ცენტრში“ უნდა ყოფილიყო დამზადებული, მაგრამ თუ სად იმყოფებოდა ეს ცენტრი, ირანში თუ აზერბაიჯანში, ცნობების უქონლობის გამო, ავტორისათვის გაურკვეველია“³⁵³.

³⁴⁹ იქვე, გვ. 116—117.

³⁵⁰ იქვე, გვ. 116.

³⁵¹ ვ. ჯ ა ფ ა რ ი ძ ი ს მოხსენება არქეოლოგთა სესიაზე თბილისში 1966 წ. იხ. СА 1968, № 3, გვ. 303, ქრონიკა.

³⁵² Б. А. Шелковников, Поливная керамика, с. 38—39, 42, 45;

А. Л. Якобсон, Раскопки, с. 107.

³⁵³ Б. А. Шелковников, Фаянсы, с. 323.

მაგრამ ქალაქის ეკონომიკაში კერამიკულ წარმოებას და მისი განვითარების დონეს არ განსაზღვრავს მხოლოდ ძვირფასი ფაიანსის ან ლუსტრით მოხატული მოკიქული ჭურჭელი. საქალაქო მეურნეობის თვალსაზრისით სათანადო შესწავლა-შეფასებას მოითხოვს მოკიქული ჭურჭლის სხვა სახეობებიც.

ენახთ, როგორ აფასებენ მკვლევარები ბაილაცანის მოკიქულ მხატვრულ კერამიკას (ზემოთ, წარწერების განხილვის დროს დახასიათებული იყო ამ ჭურჭლის ერთი ჯგუფი). ეს ნაწარმი რამდენიმე თვალსაზრისით იქცევა ყურადღებას; პირველ რიგში, წარმოების ტექნიკური დონის და ნაწარმის მხატვრულად დამუშავების თვალსაზრისით. არანაკლები მნიშვნელობა აქვს ბაილაცანის მაღალმხატვრულ ნაწარმს როგორც ხალხის ხელოვნების, ხალხური შემოქმედების შესწავლისთვის ძვირფას მასალას. „ეს გამოყენებითი ხელოვნება, რომლის შემოქმედნი ქალაქის ხელოსნები იყვნენ, მასობრივი და თავისი შინაარსით უალრესად დემოკრატიული იყო. ამიტომ მასში გაცილებით სრულად აისახა მთელი ხალხის აზრებიც, გრძნობებიც, წარმოდგენებიც და მისი მხატვრული გემოვნება“³⁵⁴.

ბაილაცანის მხატვრული კერამიკა, ქრონოლოგიურად IX—XIII საუკუნის დასაწყისს რომ განეკუთვნება, დიდი რაოდენობით არის მოპოვებული. „ის უეჭველად ადგილობრივი წარმოებისაა, ჰემარიტად მასიურ მასალას წარმოადგენს და ამიტომ ის ტორიულად ძალზე მნიშვნელოვანი“³⁵⁵ (ხაზი ჩვენია — პ. თ.). ის შედარებით კარგად არის ჩვენს დრომდე მოღწეული და თავისი პირველყოფილი სახით შესაძლებლობას გვაძლევს წარმოვიდგინოთ ნაწარმის არა მარტო ფორმა, არამედ მხატვრული დამუშავების ხერხების მრავალფეროვნება. „სწორედ ამიტომ შუა საუკუნეების გამოყენებითი ხელოვნების შესწავლისათვის ბაილაცანის ადგილობრივი კერამიკა ლითონთან ერთად განსაკუთრებით ბევრს გვაძლევს. ის არცთუ იშვიათად ახალ ფურცლებს შლის ამიერკავკასიის და მთელი ახლო აღმოსავლეთის მხატვრული ხელოსნობის ისტორიაში“³⁵⁶.

ბაილაცანის საქალაქო ხელოსნობის, კერძოდ, მისი კერამიკული წარმოების განვითარების შესწავლისათვის საყურადღებოა ის დასკვნები, რომლებიც აღნიშნული ნაწარმის შესწავლიდან გამომდინარეობს. საგულისხმოა, რომ ისტორიული პერსპექტივის შესაბამისად აღინიშნება წარმოების ზოგიერთი მხარის მხატვრულ-ტექნიკური დონის ზრდა. ხოლო XI ს., როდესაც ამიერკავკასიას მომთაბარე სელჩუ-

³⁵⁴ А. Л. Яковсон, Художественная с. 228.

³⁵⁵ იქვე.

³⁵⁶ იქვე.

კიან თურქთა წამლეკაემა ტალამ გადაურა (ზოგან აღარც გადაიარა — ადგილზევე ჩაილეკა), მოძიჯნავე საუკუნეებთან „შედარებით სუსტად არის წარმოდგენილი. თუმცა ამის ერთ-ერთი მიზეზი, ჭერჭერობით, — როგორც აღნიშნავენ — სათანადო არქეოლოგიური ფენების არადამაკმაყოფილებლად გამოვლენაც არის.

ამიერკავკასიისა და ირანის მხატვრული კერამიკისთვის დამახასიათებელ საერთო ნიშნებთან ერთად ბაილაცხანისეული მხოლოდ მისთვის კუთვნილი ნიშან-თვისებებითაც გამოიყოფა. ადრეული ხანიდან ამ თვალსაზრისით აღსანიშნავია მე-3 ჯგუფი, რაოდენობრივად მცირერიცხოვანი, მაგრამ მხატვრული ღირებულებით „IX საუკუნის ამიერკავკასიის გამოყენებითი ხელოვნების თვალსაჩინო მოვლენა“³⁵⁷.

ამ ჯგუფში გაერთიანებულია ღია-წითელი ფერის კეცის თასებისა და ლანგრების საერთო ნიშანს წარმოადგენდა გამჭვირვალე, ტყვიის ჭიქურის ქვეშ ანგობზე შესრულებული პოლიქრომიული ნახატი. ისევე როგორც ბაილაცხანის მხატვრული კერამიკის იაკობსონისეული კლასიფიკაციის სხვადასხვა ჯგუფებში, აქაც გამოიყოფა რამდენიმე ქვეჯგუფი. მკვლევრის დასკვნებიდან ჩვენთვის განსაკუთრებით საგულისხმოა ის, რომ IX საუკუნის განხილული მასალის პოლიქრომიული მხატვრობა „ძალზე თვალნათლივ გვიჩვენებს, რომ ეს იყო ადგილობრივი მეთუნეების დაძაბული მხატვრული შემოქმედებითა ძიების სფერო. ეჭვი არ არის, რომ ეს შემოქმედება იკვებებოდა ღრმა ტრადიციებით, რაშიც გვარწმუნებს ზოგიერთი ნახატის მოტივების არქაულობა, სასაზურაო წრის ხელოვნებას რომ აღადგენს მესხიერებაში“³⁵⁸.

საყურადღებოა ის გარემოებაც, რომ ადრეული ჯგუფების (1—3) თასებსა და ლანგრებზე თითქმის არ გვხვდება, ერთეული გამონაკლისის გარდა, ცხოველების, ფრინველების, ადამიანის გამოსახულება. ამ გამონაკლისს წარმოადგენს დიდი, ღრმა, სფეროსებური, ნახევარზე მეტად შემონახული თასი დიდებული მონადირე-მხედრის გამოსახულებით³⁵⁹.

მაგრამ მომდევნო ხანაში ამ მხრივაც შეინიშნება მნიშვნელოვანი ძვრები. საგანგებო გამოკვლევის საგანი გახდა აღნიშნული კლასიფიკაციის მე-8 ჯგუფში გაერთიანებული ხუთი პოლიქრომიული ნახატი შესრულებული თასი ნადირობის, ჩოგანბურთის სცენების და მხედრების გამოსახულებებით. დასკვნა ასეთია: ამ გამოსახულებების მსგავსი, არ გვხვდება არათუ ახლო აღმოსავლეთის, არამედ არც საქართველოს და სომხეთის მოქიქულ კერამიკაში³⁶⁰. ეს გარემოება მით უმეტეს სა-

³⁵⁷ იქვე, გვ. 236.

³⁵⁸ იქვე, გვ. 242.

³⁵⁹ იქვე.

³⁶⁰ А. А. Иессен, Пять чаш из Байлакана, — Исследования по исто-

ყურადღებოა, რომ აღებული ხანის ამიერკავკასიის მოქიქული კერამიკის მხატვრულ დამუშავებაში აშკარად ჩანს ურთიერთკავშირი.

აღნიშნული მხატვრობის ნიმუშები ბაილაყანის კრებულში არ არის მრავალრიცხოვანი, საკმაოდ შეზღუდული რაოდენობის არის. ადვილად შესაძლებელია დასახელებული თასები რამდენიმე მხატვარ-კერამიკოსის ნახელავი იყოს, რომელნიც დაოსტატდნენ მხატვრობის გარკვეულ დარგში³⁶¹.

ანგოზზე პოლიქრომიული მხატვრობით შემკული ბაილაყანის ნაწარმი უახლოეს მსგავსებას ავლენს, პირველ რიგში, ამიერკავკასიის ქალაქებში წარმოებულ კერამიკასთან. ეს განსაკუთრებით ნათლად ჩანს დღინში მოძიებულ მასალაზე³⁶². ასეთი სახის ნაწარმი ცნობილია ბაქოდან (არცთუ დიდი თასი მამლის ორიგინალური გამოსახულებით, X—XII სს.)³⁶³, ანბერდიდან³⁶⁴.

XII და XIII საუკუნის დასაწყისი ბაილაყანში მხატვრული კერამიკის წარმოების ბრწყინვალე გაფურჩქვნის ხანაა. ასეთი ვითარება, ცხადია, ბაილაყანის საქალაქო ცხოვრების საერთო აღმავლობას გამოხატავს, რასაც, როგორც ირკვევა, „ხანგრძლივი წინა ისტორია გააჩნდა“³⁶⁵.

საქალაქო ცხოვრების ეკონომიკური მხარის ამაღლება-განვითარება სოციალურ-ეკონომიკურ ურთიერთობებს ამწვავებდა, რაც, თავის მხრივ, ქალაქის შფოთიან პოლიტიკურ ცხოვრებაში გადაიზარდებოდა ხოლმე. ეს ვითარებაც აშკარად დასტურდება ბაილაყანში.

როგორი ვითარება გვაქვს საქართველოში მხატვრული კერამიკის თვალსაზრისით? „სრულიად სამართლიანად XII—XIII საუკუნეები ქართული მხატვრული კერამიკის აყვავების ხანად არის მიჩნეული და არა მარტო ქართული კერამიკისათვის“³⁶⁶.

თბილისის მიმართ ასეთივე დასკვნა გამოაქვს ქართული კერამიკის სხვა მკვლევარსაც: „ჩვენს ხელთ არსებული არქეოლოგიური მასალა გვაფიქრებინებს, რომ თბილისში მოქიქული კერამიკის წარმოება თავის მაღალ განვითარებას XI—XIII საუკუნეებში აღწევს, ხოლო XVII—XVIII საუკუნეებში უფრო შემცირებული ჩანს... როგორც

при культуры народов Востока, сб. в честь акад. И. А. Орбели, М.—Л. 1960 с. 95.

³⁶¹ А. Л. Якобсон, *დასახ. ნშრ.*, გვ. 272.

³⁶² იქვე, გვ. 244.

³⁶³ О Ш. Исмаиляде, *Исследования Старого Баку*, АО — 1981, с. 422.

³⁶⁴ Т. А. Изманлова, *Керамика из раскопок в Анберде*, Труды Отдела этн. культ. и искусства Востока, IV, Л., 1947, с. 185.

³⁶⁵ А. Л. Якобсон, *დასახ. ნშრ.*, გვ. 246.

³⁶⁶ ლ. კილაშვილი, *დასახ. ნშრ.*, გვ. 161.

ჩანს, XVI—XVII საუკუნეებში ფუფუნების საგანია ფაიფური, ისე როგორც XI—XIII საუკუნეებში იყო ფიანსი, ხოლო ფიანსი ზღვბა ყოველდღე მოსახმარი ჭურჭელი, ისე როგორც XI—XIII საუკუნეებში იყო მოჭიქული კერამიკა³⁶⁷.

ნაწარმის მხატვრულად დამუშავების თვალსაზრისით საყურადღებოა, რომ „შუაფეოდალური ხანის საქართველოს მოჭიქული კერამიკისათვის დამახასიათებელია, ე. წ. სიუჟეტური გამოსახულებით დამშვენებული ჯამების სიმრავლე. განსაკუთრებით გავრცელებულია ადამიანისა და ფრინველის გამოსახულება... შუა საუკუნეთა ქართველი ოსტატების განსაკუთრებული სიყვარული და ყურადღება ცხოველისა და ფრინველის გამოსახულებისადმი კარგად ჩანს თელავური ჯამების ნაგალითზედაც“³⁶⁸.

საერთოდ მოჭიქული ჭურჭლის წარმოების სიდიდის განხილვის დროს გასათვალისწინებელია ამ ნაწარმის გავრცელების „სოციალური არე“. თბილისში „ქალაქის განაპირა ზღუდეზე შიგნით მდგმული“ სახელოსნოები („7 სათუნე ქურა, კერები, სამუშაო შენობები“) „დიდძალ ნაწარმს მიაწოდებდნენ თბილისელებსაე თუ გარეშე მყიდველებს. უმთავრესად ჩვეულებრივ, არც თუ დიდად შეძლებულ მოქალაქეებსა და მდაბიოებსაც (რაკი იმდროინდელ ნ ა ს ო ფ ლ ა რ ე ბ ი ც თ ი თ ქ მ ი ს ყ ო ვ ე ლ თ ვ ი ს გვხვდება მოჭიქული წითელკეციანი ჯამები და მინის სამაჭურები“³⁶⁹ (ხაზი ჩენია — პ. თ.).

ეს ვითარება კონკრეტულად დაადასტურა მცხეთის არქეოლოგიური ექსპედიციის მიერ გამოვლენილი და შესწავლილი გლეხის საცხოვრებელი კომპლექსის მასალამ. „საცხოვრებელი კომპლექსის გათხრისას დიდი რაოდენობით გამოვლინდა მოჭიქული ჭურჭლის ნატეხები. სწორედ მათი საშუალებით კომპლექსი XI—XIII საუკუნეებით თარიღდება“³⁷⁰.

კერამიკული წარმოების ზრდა-განვითარების ერთ-ერთ მთავარ ბერკეტს სამშენებლო მასალაზე მოთხოვნილება წარმოადგენდა. ამ თვალსაზრისით, ცხადია, მნიშვნელობას იძენს, თუ რომელი მასალა სჭარბობს საქალაქო (სოფლის) მშენებლობაში. კერძოდ, რა მასალი-

³⁶⁷ მ. მიწიშვილი. თბილისის დედაციხეზე აღმოჩენილი კერამიკა, ფსპდ, II, 1974, გვ. 198—199. სქელჯღლიანი ფაიფურის ნატეხები (ავტორის თვალსაზრისით, როგორც ჩანს, ჩინეთიდან შემოტანილი) აღმოჩნდა განის XII საუკუნის კულტურულ ფენებში, В. Н. Левнятов, Керамика, გვ. 5, შ. 1.

³⁶⁸ ც. ჩიკოძე, ქალაქ თელავის ისტორიისათვის (ნავთიერი კულტურის ძეგლებისა და წერილობითი წყაროების მიხედვით). ფსპდ I, გვ. 41.

³⁶⁹ გ. ლომთათიძე, დასაზ. ნაშრ., გვ. 10.

³⁷⁰ ალ. ბოხოჩაძე, მასალები შუაფეოდალური ხანის მცხეთის ისტორიისათვის, ფსპდ. I, გვ. 21.

საგან არის ნაგები, გადახურული საცხოვრებელი თუ სხვა დანიშნულების ნაგებობანი. განსაკუთრებით გალავანი. საკითხის გასაშუქებლად სხვადასხვა ხასიათის ისტორიული თხზულებანი და არქეოლოგიური კვლევა-ძიება საყურადღებო მონაცემებს გვაწვდიან. ასე, მაგალითად, არღებილში ნაგებობათა უმეტესი ნაწილი თიხისაგან არისო, გადმოგვცემს ისტახრი³⁷¹. (ჩვენ ამჟერად მხოლოდ თიხის მასალაზე ვამახვილებთ ყურადღებას). ასევე, შემახაში თიხის შენობებს ასახელებს მუკადასი. ბარდავში — თაბაშირის და გამომწვარი აგურისაგან; აქვე საკრებულო მეჩეთის სვეტების ერთი ნაწილი თაბაშირისა და აგურისაგან იყო გაკეთებული. დვინშიც თიხის სახლებს აღნიშნავს იგივე ავტორი³⁷². ბაილაცანში უმრავლესი შენობები გამომწვარი აგურისგან არისო აგებული, აღნიშნავს ჰამდალამ ყაზვინი და იქვე დასძენს, თუმცა ახლა დანგრეულიაო³⁷³. თავრიზის შენობები კი „აგებულია მოკიქული წითელი აგურისა და თაბაშირისაგან, ძალიან გამძლედი“³⁷⁴. აღსანიშნავია, რომ ითილში ჩეფის „სასახლე აგურისგანაა აგებული და არა აქვს არაეის შენობა აგურისაგან მის გარდა. მეფე არ აძლევს უფლებას, რომ ვინმემ ააგოს სახლი აგურით მის გარდა“. იგივე ავტორი, იმოწმებს რა იბნ ფადლანს, წერს: ითილს, ხაზართა სამეფოს დედაქალაქს „შემოვლებული აქვს კედელი, ოღონდ შენობები მასში მიმობნეულია. მათი საცხოვრებელი ქეჩის კარებებია, გარდა მცირედი შენობებისა, რომლებიც თიხისაგანაა აგებული“³⁷⁵.

ამიერკავკასიის სინამდვილეში არ მოგვეპოვება მსგავსი შინაარსის ცნობა, რომელიც ასეთ მკვეთრ სოციალურ ზღვარს ავლებდეს ქალაქის ნაგებობათა გარეგან სახეს შორის. თავისთავად ეს ცნობაც ნათლად მეტყველებს ამ რეგიონის ეკონომიკურ თუ სოციალურ-კულტურულ დაწინაურებაზე. მაგრამ გარკვეული სხვაობა ნაგებობის მასა-

³⁷¹ ისტახრი, СМОПК, ტ. 29, გვ. 5.

³⁷² მუკადასი, იქვე, ტ. 38, გვ. 8, 9.

³⁷³ ჰამდალამ ყაზვინი, ნუჰჰათ ულ-ყულუბ. გვ. 91. აღსანიშნავია, რომ 1884 წ. ორენ-ყალას (ბაილაცანის) ნანგრევების ერთ-ერთი მხილველის თანახმად ნაქალაქარის ზოგიერთ ადგილზე „გახსნილია აგურის ნამდვილი კარიერები. ყველგან ყრია ქიქურით დაფარული, სხვადასხვა ზომის აგურის ნამტვრევები... ამბობენ, რომ 10 შლის წინაა ჯერ კდევე არსებობდა მოკიქული (эмалированный) აგურის მოზაიკით შემკული მანარეთის საფუძველი“. იხ. МИА, ტ. 67, გვ. 39. „XIX ს. დადგენილათა გვევთავს სასახლას ნანგრევებიდან წაღებული აგური ქუთათისის შენობათა ასახედად გამოუყენებიათ“, რადგანაც „სასახლის უდიდესი ნაწილი შესანიშნავად გამოწყვარი, არაჩვეულებრივად მკაცრე ხარისხის აგურით არის ნაგები“. იხ. ქ. ჯღაშაია, სამეცნიერო კრამაქის წარმოება ჯეოდალური ხანის საქართველოში, ფსაძ I, გვ. 96. იქვე ლიტერატურა.

³⁷⁴ მაკუთი, გვ. 38.

³⁷⁵ იქვე, გვ. 47.

ლაში, რასაკვირველია, აქაც აღინიშნება. კერძოდ, შუაფეოდალური ხანის საქართველოს ნამოსახლარების გათხრამ „გვიჩვენა, რომ აგური საცხოვრებელი სახლების მშენებლობაში ნაკლებად ყოფილა გამოყენებული და აქაც უპირატესობა ქვას ენიჭებოდა (ოღონდ უფრო რიყისას ან ნატეხს). დმანისში საცხოვრებელი სახლების დიდი უმრავლესობა ნაგებია ქვით, ხოლო აგური უმთავრესად ბუხრებისა და თახჩების ამოსაყვანადაა ნაშმარი. დმანისის აბანოს მშენებლობაში კი ქვასთან ერთად აგურიც მონაწილეობს. ასეთი სურათია რუსთაყის ნაქალაქარისა და ნაციხარის თხრისას გამოვლენილ ნაგებობებშიაც, სადაც სახლები თუ სამეურნეო დამხმარე შენობაც ძირითადად რიყის ქვითაა ნაგები, ხოლო აგური უმეტესად იატაკის საფენად და თონების გარშემოსაწყობად არის გამოყენებული“³⁷⁶.

საქართველოს საერო თუ საეკლესიო მშენებლობაში აგურის გამოყენების შესწავლის შედეგად ირკვევა, რომ ადრეფეოდალურ ხანაში, — წინარე ეპოქასთან შედარებით. — აგურის გამოყენება ფართოვდება. ხოლო „შუაფეოდალურ ხანაში სამშენებლო კერამიკის წარმოებასა და გამოყენებას უფრო ფართო მასშტაბი მიუღია წინა ხანასთან შედარებით. ამას გვამცნობენ როგორც იმდროინდელი შემორჩენილი აგურის ნაგებობანი, ისე არქეოლოგიური თხრით მოპოვებული მასალები“³⁷⁷. აღნიშნული დროის მშენებლობაში აგურის მოჭარბებამ ქართული ხუროთმოძღვრების ისტორიაში „ქვისა“ და „აგურის არქიტექტურის“ დაპირისპირებაც კი გამოიწვია.

ცნობილია ბაილაყანის საქალაქო მშენებლობაში გამოყენებული აგურის ზომებიც. ქალაქის გალავნის ერთ ნაწილში აღმოჩენილი გამოუწვავი აგურის: — $47 \times 47 \times 14$ — 17 სმ; თიხის დუღაბით³⁷⁸ ნაგები და წინა პირი თიხის ხსნარითვე შელესილი, ნახევრადოვალური კოშკის ნაშთისა (იმავე ტექნიკის წყობით) — $52 \times 52 \times 14$ სმ; ქალაქის გალავნისა და ასევე ნახევრადმრგვალი კოშკისა — $49 \times 49 \times 14$ სმ; ქალაქის კედელთან მიბჯენილი პატარა კედლისა — $26 \times 26 \times 5$ სმ და $28 \times 28 \times 5.5$ სმ (ამავე წყობაში სიმეგრისათვის ჩართულია გამომწვარი აგურის ერთი რიგი; აგურის ზომა — $22 \times 22 \times 5$ სმ); კოშკისა — $32 \times 32 \times 7$; ქალაქის კედლისა — $49 \times 49 \times 14$ სმ.

გამომწვარი აგურის: „პატარა ქალაქის“ ერთ-ერთი კუთხის კოშკის მოპირკეთებულის — $21 \times 21 \times 4$ სმ; თიხის კედლის საყრდენისა — $24 \times 24 \times 5$ სმ-დან $27 \times 27 \times 5$ სმ-მდე; კოშკის საძირკვლისა — $28 \times$

³⁷⁶ გ. ჯღაშიაი, დასახ. ნაშრ., გვ. 97.

³⁷⁷ იქვე, გვ. 96—97.

³⁷⁸ ...на глиняном растворе..., იხ. МИА, ტ. 67, გვ. 41.

×28×6 სმ; პატარა კედლისა — 27×27×5 სმ; კოშკის მოსაპირკეთებლისა — 26×26×5 სმ; გამომწვარი აგურისგან ნაგები კედლის გასწვრივ წარმოქმნილი 1 მ სისქის ნაშალში აღმოჩენილებისა 21×21×5 სმ, 26×26×6³⁷⁹; სანაგვე ორმოში აღმოჩენილისა — 20×20×4 სმ³⁸⁰. ქრონოლოგიურად მასალა ზოგადად ბაილაცანის მეტ-ნაკლებად გაცხოველებული საქალაქო ცხოვრების ხანას — XI—XIII საუკუნის დასაწყისს — მოიცავს.

საქართველოში შეუფერდალური ხანის ნამოსახლარის გათხრის დროს აღმოჩენილი „ქართული აგურის“ ზომაა 21×21 — 23×23 სმ, სისქით 4—4,5 სმ³⁸¹. თელავში X—XI საუკუნეების ნაგებობანი „აშენებულია დიდი, თანაბარი ზომის რიყის ქვებითა და მტკიცე დულაბით, რომელშიც გამოყენებული იყო ოთხკუთხა მოყვანილობის აგური ზომით 25×25×6 სმ“³⁸².

ერთდროულად ერთი თუ რამდენიმე ზომის აგურს უშვებდა სახელოსნოთა წგუფი? სწორედ რომ წგუფი, რადგანაც ძნელი დასაშვებია, რომ ასეთი მრავალგვარი ნაწარმი — ნაწარმზე მოთხოვნილების დაკმაყოფილება რომ აღარ ვიანგარიშოთ — ერთ ან ორიოდ სახელოსნოს დაემზადებინოს. ოთხი სამეთუნეო ქუჩა ქალაქის ძირითადი ფართობის გარეთ, ეგრეთ წოდებულ (1933 წლის ექსპედიციის მიერ) „III ქალაქში“ აღმოჩნდა³⁸³.

ერთმანეთისგან სრულიად დამოუკიდებლად მოქმედებენ აგურის ეს სახელოსნოები („ქარხანას“, ალბათ, ვერ ვიხმართ, რადგანაც მათი საწარმოო სიდიდეების და შრომის ორგანიზაციის იურიდიულ-ეკონომიკური პირობების გასათვალისწინებლად არავითარი ცნობები არ გავყვანივთ), თუ მათ შორის რაიმე ეკონომიკური ან იურიდიული შინაარსის ვალდებულება არსებობს?

კერამიკული წარმოების ერთ-ერთი დარგი, რომელიც ასევე მკიდროდ იყო დაკავშირებული მშენებლობასთან. შორენკეცების დამზადება იყო. ამ დარგის არქეოლოგიური მონაპოვრის შესწავლით ირკვევა საქართველოში (დმანისი, თბილისი, რუსთავე) შორენკეცების წარმოების ტექნიკურად განვითარებული დონე. „გამოწვის მაღალი ხარისხი და ფერადი კიქურის ბრწყინვალეობა პირველი შესწავლისთანავე ეცემა თვალში ადამიანს. რუსთაველის ხანაში ქართული შორენკეცი და კრა-

³⁷⁹ არ ვამორბობთ ერთხელ უკვე აღნიშნულ ზომებს.

³⁸⁰ იხ. იქვე. გვ. 41, 148, 149, 150, 151, 153, 156, 157, 169.

³⁸¹ გ. ლომთათიძე, შეუფერდალური ხანის, გვ. 129.

³⁸² უ. ჩოკოიძე, თელავი გვიანფერდალურ ხანაში (ისტორიულ-არქეოლოგიური გამოკვლევა), ფსბძ II, გვ. 69.

³⁸³ MI1A, ტ. 67, გვ. 43.

მიტი დიდი გულმოდგინებითაა დამზადებული და კერამიკული წარმოების მაღალი კულტურის ერთ-ერთ მოწმობას წარმოადგენს³⁸⁴.

შორენკეცებზე დაკვირვება საგულისხმო ცნობებს წარმოაჩენს წარმოების შინაარსის შესასწავლად. კერძოდ, აღნიშნულ ქალაქებში აღმოჩენილი შორენკეცების შესწავლით გაირკვა, რომ ზოგიერთი მათგანი „კედლების კუთხეების მოსაპირკეთებლად ყოფილან განკუთვნილი. ეს კი იმას ნიშნავს, რომ ხელოსნებს წინასწარ დაკეითით უკეთებიათ შორენკეცები: სცოდნიათ, თუ სად მოსახმარისი, რა მოყვანილობისა და ზომის დეტალები სჭირდებოდათ მშენებლებს“³⁸⁵. ასეთივე დასკვნა გამომდინარეობს თბილისური შორენკეცების შესწავლის შემდეგ: აქაური შორენკეცული მოზაიკის პატარა დეტალები ცალკეა დამზადებული, მაგრამ „წინასწარ სცოდნიათ, თუ რა სახეები ექნებოდათ შესადგენი და იმის კვლობაზე უმზადებიათ სხვადასხვა მოყვანილობა-ზომის დეტალები“³⁸⁶.

არქეოლოგიური მასალის ამგვარი შესწავლის შედეგად მიღებული ცნობები საიმედო საშუალებას წარმოადგენს, რათა გონების თვალთ შევიხედოთ ასეთ სახელოსნოში და მისი საქმიანობა წარმოვიღვიწოთ. წარმოების ასეთი შინაარსი თითქოს აუცილებლად მოითხოვს დამკვეთსა და მწარმოებელს შორის ზუსტად მოწესრიგებულ, სათანადო საბუთიანობით გამართულ ურთიერთობას. ეს იმ შემთხვევაშიც, თუნდაც მხოლოდ მწარმოებელი რომ საქმიანობდეს ბაზრის მოთხოვნილების შესაბამისად.

საზოგადოების (უკეთ: მისი გარკვეული ნაწილის) ეკონომიკური სახსარიანობის თვალსაზრისით, საყურადღებოა, რომ «შორენკეცები იხმარებოდა არა მარტო ნაგებობათა კედლების შესამკობლად, არამედ ხშირად იატაკზე მოსაფენადაც. ამას ამტკიცებს 1948 წ. თბილისის კერამიკულ სახელოსნოში ექვსკუთხა სწორკუთხა და კვადრატული, ჯერ მოუქიჩაღი თუ უკვე მოჭიჩული შორენკეცების აღმოჩენა. მათი გამოყენების ჯერჯერობით პირველ, შესანიშნავ მაგალითს გვაძლევს ოზანის „ამაღლების“ ტაძარი (კახეთში), სადაც XII ს. იატაკი, ხელახლა შეკეთების შემდეგ, მოუფენიათ ტოლგეერდა. სამკუთხა, ექვსკუთხა და რომბისებური მოქიჩული ფილებით. ზოგ მათგანზე სგრაფიტოს რეკნიკით გამოხატულია მცენარეული ორნამენტი. ფილა-შორენკეცები დაფარულია ყავისფერი, ფირუზისფერი და მწვანე კიჭურით. ზ. მაისურაძის აზრით, „ოზანის მხატვრული კერამიკა არ არის შემთხვევითი მოვლენა და ამიტომ გამონაკლისიც... ამგვარი კერამიკული შემკულობა

³⁸⁴ ქ. ჯ. ლაშაიძე, დასახ. ნაშრ., გვ. 98.

³⁸⁵ იქვე.

³⁸⁶ გ. ლომთათიძე, არქეოლოგიური გათხრა, გვ. 158.

საერო ნაგებობებს, ციხე-დარბაზებსა და სასახლესაც ამშვენებდა, რომლებიც კიდევ ელიან გათხრა-შესწავლას და გამოვლინებას»³⁸⁷.

ცისფერი შორენკეცები, — როგორც აღნიშნავენ, ქართული არქიტექტურისათვის ეს ახალი მოსაპირკეთებელი მასალა, — გამოყენებულია აგრეთვე საქართველოს სასულიერო დანიშნულების სხვა შენობებზეც (ტიმოთესუბნის, კაბენის წმინდა გიორგის, ძველი ბოგვის ეკლესიები)³⁸⁸.

საქართველოში „ნაგებობათა შორენკეცებით შემკობა აღმოსავლეთის ქვეყნიებიდან არის შემოსული“³⁸⁹.

ცნობილია აგრეთვე მოპირკეთების მასალად მოზაიკური ქვის გამოყენების შემთხვევებიც. მოციქულთა ტაძრის სომხურ-სპარსული სტილის ნართექსი, ანისის ერთ-ერთი ულამაზესი შენობა, შესანიშნავია აგრეთვე თავისი მრავალფერადი კენჭებით გამოყვანილი სხედასხვა გამოსახულებებიანი მოზაიკური ჭერით. ამ თვალსაზრისით, ნართექსი მეტოქეობას უწევს ანისის მეჩეთს³⁹⁰.

სამშენებლო კერამიკის ერთ-ერთ დარგს კრამიტის წარმოება შეადგენდა. ამიერკავკასიაში მას, მართლაც რომ, ძირძველი, ძლიერი და მდიდარი ტრადიციები გააჩნდა³⁹¹. ძველი ალბანეთის მკვლევარნი აქ არა მარტო კრამიტის განვითარებულ წარმოებას, არამედ ხელოსანთა სპეციალიზაციას და შრომის ორგანიზაციის საკმაოდ მაღალ ფორმებსაც აღნიშნავენ. აღნიშნულია ისიც, რომ აღრეფეოდალური ხანის ალბანეთშიც საკმაოდ ფართოდ იყენებდნენ კრამიტს მშენებლობაში და რომ ფორმის მიხედვით ის გარკვეულ მსგავსებას ავლენს წინა ეპოქასთან, ხშირად კრამიტის ზედაპირს წითლად ლებავდნენ³⁹². ასევე, მუქი-მოწითალო ფერის საღებავით არის ხოლმე შეღებილი მცხეთური კრამიტის³⁹³.

ფართოდ იყო გამოყენებული სახურავის მასალად კრამიტი სომხეთშიც. როგორც ნ. მარი აღნიშნავს, „კრამიტით გადახურვა ქრისტიანული სომხეთის უძველეს ნაგებობათა დამახასიათებელ ნიშანს წარმოადგენდა. როგორც ჩანს, ეს არქაული ნიშანი დიდი ხნის განმავლო-

³⁸⁷ გ. ჯღამაია, დასახ. ნაშრ., გვ. 98.

³⁸⁸ იქვე.

³⁸⁹ იქვე.

³⁹⁰ Н. Марр, Ани, с. 73—74.

³⁹¹ იხ. ა. აფაქიძე, ქალაქები, გვ. 44—77.

³⁹² И. А. Бабаев, Античная черепица Кавказской Албании, СА, 1973, № 1, об. აგრეთვე ჯ. ხალილოვის და ი. ბაბაევის, ი. ა. ალიევის, ი. ალიევის და ფ. ოსმანოვის სტატიები — СА, 1974, № 4; ВДИ, 1975, № 3 1975, № 1.

³⁹³ ა. აფაქიძე, ქალაქები, გვ. 69.

ბაში იყო შენარჩუნებული³⁹⁴. მომდევნო ხანაში, კერძოდ VII საუკუნე-
ნიდან, იწყება კრამიტის შეცვლა ქვით, „მაგრამ ქვის სრული და განუ-
ყოფელი ბატონობა იწყება მოგვიანებით. თუმცა, კრამიტით იყო და-
ხურული X საუკუნის შირაკავანის ტაძარი და მისი ტყუპისცალი ეკ-
ლესია სოფელ ოღუზლუში“³⁹⁵.

ანისის სასახლის ეკლესიის სახურავის შემორჩენილი კრამიტის ნატე-
ხების აღწერილობიდან და მარის ნაშრომში გამოქვეყნებული სურა-
თებიდან აშკარად ჩანს მსგავსება მცხეთურ კრამიტთან. ანისურ კრა-
მიტსაც შერჩენოდა წითლად შეღებვის კვალი³⁹⁶. ადრეულ ფორმას
კრამიტი ინარჩუნებს საქართველოშიც (იხ. ქვემოთ).

მაგრამ 1953—1955 წწ. ბაილაყანში ჩატარებული გათხრებით მო-
პოვებული მასალა ამ ქალაქში სახურავად კრამიტის გამოყენების იშვი-
ათობაზე მიუთითებს.

როგორც ჩანს, ეს არ არის შემთხვევითი გარემოება. „შუათფოდა-
ლური ხანის ნაქალაქართა თხრა (დმანისი, რუსთავი) გვიჩვენებს, რომ
აღმოსავლეთ საქართველოს მოსახლეობის ფართო ფენების სახლები
ძირითადად ბანიანი ყოფილა, კრამიტით დახურული კი იშვიათია და
ჩანს, შეშლებულ პირებს ეკუთვნოდათ. ეს სამშენებლო მასალა (ბრჯე-
ლი და ღარისებრი კრამიტი) უმთავრესად განსაკუთრებული დანიშნუ-
ლების ნაგებობათა (საყდრები, სასახლეები) მშენებლობაშია გამოყენე-
ბული“³⁹⁷.

ბაილაყანში აღმოჩენილი კრამიტის რამდენიმე ნატეხის კეცი ფო-
რებიანი, მუქი-წითელი ფერისაა, სწორი მაღალი გვერდით. აღსანიშ-
ნავია, რომ თავისი ფორმით ისინი ძლიერ ჰგვანან ზვარტნოცისა და მრე-
ნის ადრეშუასაუკუნეების კრამიტს სომხეთიდან და ჩრდილოეთშავი-
ზღვისპირეთის (ქერსონესი, ალუშტა) კრამიტს³⁹⁸.

ცხადია, კრამიტით ბანიან სახლებს არ ხურავდნენ და მისი გამო-
ყენების იშვიათობა თითქოს სახურავის აგებულებასაც გვიხსნის. თუ
ახ. წ. დასაწყისის ალბანეთში კრამიტის გამოყენების სიხშირე (ყაბა-
ლაში, მაგალითად, რამდენიმე ათეული ათასი ნატეხი აღირიცხება)³⁹⁹
მაღალსახურავიანი შენობების, — მათ შორის საერო დანიშნულების
ნაგებობანიც უნდა ვიგულისხმოთ, — არსებობას მიგვანიშნებს, შუა-

³⁹⁴ Н. Марр, Описание дворцовой церкви в Ани, Петроград, 1916, с. 20—21.

³⁹⁵ იქვე:

³⁹⁶ იქვე.

³⁹⁷ ჯ. ჯღამაია, დასახ. ნაშრ., გვ. 99.

³⁹⁸ А. Л. Якобсон, Раскопки, с. 60.

³⁹⁹ И. А. Бабаев, დასახ. ნაშრ., გვ. 54.

ფეოდალური ხანის დასაწყისის ბაილაცხანში კრამიტის იშვიათობა ბანიანი სახლების სიმრავლეზე მიგვიბრუნებს.

საქართველოში კრამიტის წარმოების ისტორიიდან აღსანიშნავია ის გარემოება, რომ „ჩვენში ანტიკურ ხანაში შემუშავებული მოყვანილობა კრამიტისა შუაფეოდალურ ხანაშიც არ შეცვლილა, ოღონდ ზომა შეცვლიდა ერთიორად და. გარდა ამისა, ვიწრო აკეცილი გვერდებიც შესაბამისად უფრო დადაბლდა, ხოლო ფართო ბოლოში გარდირგარდმო დაბალი ღობე გაჩნდა წვიმის წვეთების სახურავში გაუონვის შესაფერხებლად“⁴⁰⁰.

ყველაფერი ეს უწყვეტ ტრადიციებსა და წარმოებაში დანერგილ სახლებზე მეტყველებს.

სამშენებლო კერამიკის განვითარების დონის შესახებ შეგვიძლია ვიმსჯელოთ საქართველოში აღმოჩენილი სხვადასხვა ფერით მოპოქეული კრამიტის წარმოების საფუძველზე. გარდა ამისა, „ყურადღებას იქცევს ერთი წყება კრამიტი“⁴⁰¹. რომელთაც ფართე ბოლოზე გამოწვამდე. ჩამოყალიბებისას ბარელიეფურად გამოყვანილი აქვთ სამყურა ყვა-ვილი თუ ფოთოლი — ძლიერ სტილიზებული და, ჩვენი აზრით, ეგებ ჰერალდიკური ემბლემაც“⁴⁰². მსგავსი ყვავილებით შემკული, მწვანედ მოპოქეული კრამიტი აღმოჩნდა თბილისშიც XIII საუკუნის სახელოსნოს გათხრის დროს. „მაშინვე იქნა გამოთქმული აზრი, რომ ამგვარი კრამიტი უნდა დაწყობილიყო სახურავის მხოლოდ განაპირა, ქვემოდაც გამოსაჩენ ნაწილებზე, სადაც მათი დამწკრივება ლამაზსა და სიმეტრიულად გაბმულ ორნამენტს წარმოქმნიდა... ეს მოსაზრება განამტკიცა ნადარბაზევის გათხრამ. როდესაც ყვავილიანი კრამიტი საკმაოდ მრავლად აღმოჩნდა და თან მით უფრო თვალსაჩინო შეიქნა, რომ იგი მხოლოდ გარკვეულ, უმცირეს ნაწილს შეადგენს საერთოდ კრამიტისა... ასეთი კრამიტი აღინიშნა რამდენსამე სხვა ძეგლებზედაც“⁴⁰³. ყველაფერი ეს ასეთ ნაგებობაში მცხოვრებთა გემოვნების, საყოფაცხოვრებო კულტურის დონის განმსაზღვრელია.

ცხადია, ამგვარი და მოპოქეული კრამიტის გამოყენება სამშენებლო საქმეში საზოგადოების ეკონომიკური დონის ამაღლება-განვითარებო უნდა ავხსნათ. კერძოდ, ესეც არის განვითარებული ფეოდალიზმის

⁴⁰⁰ გ. ჯღამაია, დასახ. ნაშრ., გვ. 99; შდრ. ა. აფაქიძე, ქალაქები, გვ. 59; „პეტეისი დარინი კრამიტი კლდე ერთი არსებითი ნაწილით განსხვავდება აქამდე ცნობილი ანტიკური და შუასაუკუნეების კალიპტრებისაგან. ეს განსხვავება, ასე უკუვთ, კონსტრუქციული ხასიათისა და მის დიდი პრაქტიკული მნიშვნელობა უნდა ქონოდა“.

⁴⁰¹ ქვემო ქართლში, ნადარბაზევის გათხრის დროს აღმოჩენილი.

⁴⁰² გ. ლომთათიძე, დასახ. ნაშრ., გვ. 128.

⁴⁰³ იქვე.

ეპოქაში საწარმოო ძალების და ეკონომიკის დაწინაურების, განვითარების ახალ, შედარებით მაღალ საფეხურზე ასვლის ნიშნები.

განსაკუთრებით ფართოდ იყო გამოყენებული საქართველოში მოქიქული კრამიტი ეკლესია-ტაძრების გადასურვაში. საბუღალბო, „ე. თაყაიშვილის ცნობით, იშხანის ტაძრის გუმბათი დაფარული ყოფილა ცისფრად და წითლად მოქიქული კრამიტებით⁴⁰⁴, ხოლო ოშკის გუმბათის კრამიტები წითლად და მწვანედ ყოფილა მოქიქული. ამგვარივე მოქიქული კრამიტები ზურბია ხახულის მთავარ გუმბათოვან ეკლესიასაც⁴⁰⁵. აქ საყურადღებოა ის გარემოება, რომ მკვლევრის თანხმად, „როგორც ირკვევა, ამ ეკლესიების სახურავის მხოლოდ ნაწილი ყოფილა მოქიქული კრამიტით დაფარული, ხოლო იქ, სადაც გადახურვა ქვემოდან არ ჩანდა, მოუჭიქავი კრამიტი დაუწყევიათ. აქედან შეგვიძლია დავასკვნათ, რომ მოქიქულ, და მაშასადამე, ბევრად უფრო ძვირ კრამიტს, უმთავრესად დეკორატიული მნიშვნელობა ენაგებოდა, ისე, რომ სადაც ის არ გამოჩნდებოდა, მომპირნეოდას არც თაკილობდნენ“⁴⁰⁶.

თუ ეს მართლაც ასეა, და ჩვენს წინაპრებს მხოლოდ ქვემოდან გამოსახენი ადგილები დაუხურავთ მოქიქული კრამიტით, ამაში „სადაც კილო“ არაფერია, პირიქით, ეს მათი პრაქტიციზმის ნიშნაც შეიძლება ჩაითვალოს.

შემდეგ იგივე ავტორი წერს: „მოქიქული კრამიტითვე ყოფილა დაბურული თბილისის ლურჯი მონასტერი, ტიმოთესუბანი, ყინციის, წულრულაშენი, გუდარეხი, კვეტერის სასახლეცა და ეკლესიაც“⁴⁰⁷.

მაგრამ აქედან ჩვენთვის გაურკვეველია, აღნიშნული ტაძრების და სასახლის სახურავების ასევე მხოლოდ ქვემოდან გამოსაჩენი ნაწილი იყო მოქიქული კრამიტით გადასურული, თუ მთელი სახურავი? მით უმეტეს, რომ, როგორც გაირკვა, მოქიქული კრამიტი შუაფეოდალური ხანის საერო ნაგებობათა გადასასურავად გამოუყენებიათ დასავლეთ საქართველოშიც. კერძოდ. წალენჯიხის რაიონში სოფელ ფახულანთან ნაციხარის ტერიტორიაზე მდებარე კომპლექსის (გალაენით შემოიღულული ეკლესია, ორი სწორკუთხა შენობა და გალანის აღმოსავლეთით მდებარე სწორკუთხა კოშკი) არქეოლოგიური შესწავლით „ნათელი გახდა, რომ ეკლესია და ეს ორი ნაგებობა აგებულნი არიან შუაფეოდალურ ხანაში (XI—XIII სს.) და ისინი თავის დროზე ერთ მთლიან კომ-

⁴⁰⁴ ავტორი შენიშნავს „ეტყობა აქ ე. თაყაიშვილი „წითლად მოქიქულს“ ეწოდებს სოსანი, ბადრიჯნისფერი ანუ ლეიძლსფერი ქიქერით დაფარულ კრამიტს, თორემ ნამდვილად წითელი ქიქურა ძალიან ძნელი წარმოსადგენია“.

⁴⁰⁵ ე. ჯღამაია, დასახ. ნაშრ., გვ. 100.

⁴⁰⁶ იქვე.

⁴⁰⁷ იქვე.

პლექსს შეადგენდნენ. ნაგებობის კედლები შელესილი და წითელი და ყავისფერი საღებავით მოხატული ყოფილა, ზუსტად ისევე როგორც ეკლესია. რაც მათ ურთიერთკავშირზე და თანადროულობაზე მიუთითებს⁴⁰⁸. კიდევ უფრო საყურადღებოა, რომ ეკლესია დასურული ყოფილა ფირუზისფრად მოქიქული, ბრტყელი, გვერდებაკეცილი, ფართო ბოლოში გარდიგარდმო წვიმის წვეთების შემკავებელი დაბალღობიანი კრამიტით, „რომელსაც ყალიბშივე გამოყვანილი სტალიზებული ყვავილის რელიეფური გამოსახულება ამშვენებს. ჭიქური თეთრ ანგობზეა გადასხმული. ამ ხანის მოქიქული კრამიტის აღმოჩენა კი განსაკუთრებით საყურადღებოა, რადგანაც მისი არსებობა დასავლეთ საქართველოში აქამდე დადასტურებული იყო მხოლოდ გეგუთში, გიორგი III-ის მიერ ნაგებ სასახლეში“⁴⁰⁹.

თუმცა მეთუნეობის ნაწარმს არ წარმოადგენს, მაგრამ, როგორც ხელოსნურ ნაწარმს, და ამასთანავე, რამდენადაც სახურავის მასალას ვიხილავთ, აქვე შევეხებით ანისის სინამდვილეში დადასტურებულ სახურავის მასალად ქვის ფილების გამოყენების ფაქტს. საყურადღებო ამ შემთხვევაში ის არის, რომ X საუკუნეში აგებული მოციქულთა ტაძრის კონუსური გუმბათი გადახურული იყო ბროწეულებისა და ყურძნის მტევნების გამოსახულებით მოჩუქურთმებული ქვის ფილებით. ხოლო მეორე ეკლესიის სახურავის ფილები შემკული იყო ყოველ ფილაზე თითო „შროშანის“ გამოსახულებით⁴¹⁰.

ეკლესიის — პოლიტიკური ხელისუფლების იდეოლოგიური დასაყრდენის — სახურავის ამგვარად მოჩუქურთმება არ არის მოულოდნელი, პირიქით, მას თავისი აგებულებითაც უნდა მიეზიდა და მოეხსნა მნახელი.

ცხადია, მოვლენათა ასეთ რიგს არ განეკუთვნება ქართულ სინამდვილეში დადასტურებული ზემოხსენებული საერო არქიტექტურის ნაგებობათა სახურავის მხატვრულად დამუშავებული კრამიტით გადახურვის შემთხვევები.

ნაწარმის მხატვრული გაფორმების შესწავლაც საყურადღებო დასკვნებს იძლევა წარმოების განვითარების, მასში მომხდარი დადებითი ცვლილებების შესახებ. როდესაც ასეთი ცვლილებები საყოველთაოდ გავრცელებულ და მოსახმარ უბრალო თიხის კურკლის წარმოებაში აღინიშნება, ეს უკვე არა მარტო მეთუნეობის, არამედ საერთოდ საზოგადოების კულტურულ-ეკონომიკური განვითარების ნიშნად უნდა მი-

⁴⁰⁸ ჟ. ჯღამაია, „უესაუკუნეთა ნაციხვარი „ნოჯიხუ“ სოფ. ფახულანთან, საქართველოს არქეოლოგიის საკითხები, I, თბ., 1978, გვ. 105—111.

⁴⁰⁹ იქვე, გვ. 107.

⁴¹⁰ H. Mapp, *Ани*, с. 73, 100—101.

ვილოთ. ამ თვალსაზრისით საყურადღებოა რუსთაველი დერგების შესწავლის საფუძველზე მიღებული დასკვნები.

ამ ჭურჭელზე, რომლის წარმოებაში გამოყენებულია 17-ნაირი ცილინდრული საბეჭდავი, მხატვრული დამუშავების „ხერხის ზოგადი ერთგვარობის მიუხედავად, სამკაულის გამოყვანის მანერა სხვადასხვანაირია“⁴¹¹ (ხაზი ჩვენია — პ. თ.). უკვე ამის საფუძველზე შეგვიძლია დავასკვნათ სახელოსნოში რამდენიმე ხელოსნის მუშაობის ფაქტი. აქედან კი თავისთავად წამოიჭრება კითხვა ამ ხელოსანთა შორის იურიდიულ-ეკონომიკური დამოკიდებულების შესახებ.

სწორედ „ამოტვიფრული სარტყლების შესაბამისად“ მკვლევარი რუსთავეში გაკეთებული დერგების I ტიპში გამოყოფს ხუთ ქვეჯგუფს. მათი ძირითადი მახასიათებლების ერთმანეთთან შედარებით ნათლად ირკვევა დერგების მხატვრულ დამუშავებაში მომხდარი ცვლილებები, წარმოების განვითარება. „პირველი ჯგუფისათვის დამახასიათებელია ძლიერი სტილიზაცია და პირობითობა, თან მარტივი კომპოზიცია და პერსპექტივის სრული უქონლობა. სარტყელზე გამოსახულ ფრანველებსა და ცხოველებს ტანი ერთნაირად აქვთ დამუშავებული: მხოლოდ კონტურია მოხაზული... მეორე ჯგუფის გამოსახულებანი პირველთან შედარებით ნაკლებ სქემატური და სტილიზებული არიან, ისე რომ აქ შესაძლებელი ხდება გამოცნობა, თუ რა არის დახატული, იგრძნობა პერსპექტივაც და დინამიურობაც“. სხვა გამოსახულებათა შორის სარტყელზე არის თევზიც, რომლის შესახებ ავტორი შენიშნავს: „რუსთავეის გარდა, ამოტვიფრული თევზის გამოსახულება დერგებზე გვხვდება მხოლოდ აზერბაიჯანში (ორენ-ყალა. ძველი განჯა [და მინგჩაურის შუა საუკუნეების დასახლებები — პ. თ.]), რასაც გ. ანმედოვი იქაური, ადგილობრივ მხატვრულ ტრადიციას უკავშირებს. ჩვენი მასალის შესწავლის შემდეგ, ეს მოსაზრება აღარ ჩანს საფუძველიანი“⁴¹². დავუმატებთ: თუ შუა საუკუნეებში ჭურჭელზე თევზის გამოსახულება უძველეს დროიდან ამიერკავკასიაში ცნობილ თევზის გამოსახულებას უკავშირდება, ამ შემთხვევაში ტრადიცია ღრმად იღვამს ფესვებს.

„მესამე ჯგუფში ყველაზე მეტად იგრძნობა რეალობისადმი სწრაფვა... მეტი ყურადღება ექცევა ცალკეული დეტალების დამუშავებას. ჩნდება ახალი ელემენტები — მაგ., თვალი... ფიგურები მოძრავი არიან... მეოთხე ჯგუფის დეკორატიულ სარტყელთა გამოსახულებისათვის დამახასიათებელია თითოეულის საკუთარ ჩარჩოში მოთავსება... რუსთავეში გამოყენებული ჩანს ამ სტილის სამი, სხვადასხვა ზომის საბეჭდავი. სამივე სარტყლის გამოსახულებას რამდენიმე ნიშანი და

⁴¹¹ თ. არ ჩ ვ ა ძ ე, დასახ. ნაშრ., გვ. 129.

⁴¹² იქვე, შ. 26.

დეტალი ერთნაირი აქვს... ისინი ერთი ხელოსნის მიერ დამზადებული საბეჭდავით არიან ნატეფრი⁴¹³. ეს გამოსახულება ზედმიწევნით ჰგავს თბილისში აღმოჩენილ დერგზე არსებულს. ეს შემჩნეული აქვს ლ. კილაშვილსაც, რომელიც გამოთქვამს ვარაუდს მათი ერთი სახელოსნოდან მომდინარეობის შესახებ და ასეთი სახელოსნო მას უფრო რუსთავში ეგულება. ნაციხარზე მოპოვებული ნატეფები რამდენადმე განმტკიცებენ ამ ვარაუდს⁴¹⁴.

მასხადამე, მეზობელ ქალაქებს შორის, ორივეს რომ საკუთარი კერამიკული წარმოება გააჩნია, ნივთიერად დასტურდება სანაქრო-ეკონომიკური კავშირ-ურთიერთობა. ისიც საყურადღებოა, რომ თბილისის (ან რუსთავის, ამას არსებითი მნიშვნელობა არა აქვს) მცხოვრები რაღაც ნიშნის გამო მეზობელი ქალაქის ნაწარმს ამჯობინებს. ასეთ, — ამიერკავკასიის ქალაქებს შორის ეკონომიკური ურთიერთობის ამსახველ, — ფაქტებს არა ერთს და ორს გვაწვდის არქეოლოგიური მასალა. ასე, XII—XIII საუკუნის დასაწყისის ბაილაცხანის თიხის ქვაბები ძლიერ, დეტალებშიც კი, ჰგვანან განძაში აღმოჩენილ ქვაბებს⁴¹⁵. ეს კი საშინაო ბაზრის არსებობის მაჩვენებელია⁴¹⁶.

ასევე, „ჩარჩოში ჩასმული ფრინველებისა და ცხოველების გამოსახულება საქართველოში ასეთი კერამიკის გარდა არქიტექტურული ძეგლების ჩუქურთმაშიც გვხვდება (ნიკორწმინდა, დმანისი)“⁴¹⁷. ესეც ამიერკავკასიის (და მის გარეთაც) სხვადასხვა ქალაქში დამზადებული კერამიკული ნაწარმის დამახასიათებელი ნიშანია. ასევე ხდება ჩუქურთმის თუ მხატვრული დამუშავების ზოგიერთი ხერხის გადასვლა ხელოსნობის ერთი დარგიდან მეორეში⁴¹⁸.

⁴¹³ იქვე, გვ. 130.

⁴¹⁴ იქვე.

⁴¹⁵ Г. М. А х м е д о в, Неполнвая керамика, с. 192.

⁴¹⁶ აქვე შეგვიშნაეთ, რომ თიხის ნაწარმის საქმ-სცოდნით, გულდასმით შესწავლა საწოდ ცნობებს გვაწვდის ქალაქებსა და ქვეყნებს შორის ეკონომიკური და კულტურული კავშირ-ურთიერთობების დასადგენად. ასე მაგალითად, ბაილაცხანის კერამიკული ნაწარმის ზოგიერთი ნიმუში ან ყველი მოყვანლობით, წარმოების ტექნოლოგიით, მხატვრული დამუშავების ხერხებით ამა თუ იმ ხარისხს მსგავსებას ამიერკავკასიის ანტიკურ, ანსში, ბაქში, განძაში, გარნსში, დეისში, დმანისში, ზ-რ:ჰგვრანში (ყუბანი), თბილსში, მინჯჩაურში, ამიერკავკასიის გარეთ — ირანს, მესოპოტამიის, სირიის, პალესტინის, ყირიმის, ელფსპირეთის, შუა აზიის ქალაქებში დამზადებულ თუ მოხვედრულ მრავალგვარ ნაწარმთან. იხ. Г. М. А х м е д о в, დასახ. ნაშრ., გვ. 190, 192, 194, 197, 198, 203, 205, 208, 210, 212, 214, 216, 218, 220, 222. А. Л. Я к о б с о н, Художественная, გვ. 231, 232, 236, 237—239, 244, 245, 246, 248. З е о, 252, 256. 260, 262, 264, 266, 270, 272, 273, 285.

⁴¹⁷ თ. ა რ ჩ ვ ა ძ ე, დასახ. ნაშრ., გვ. 120.

⁴¹⁸ Г. М. А х м е д о в, დასახ. ნაშრ., გვ. 192—194.

„მეხუთე ჯგუფში გამოსახულება ძალზე რეალისტური და დინამიკურია, რაც მას საესეებით განასხვავებს ზემოთ აღწერილი ოთხეუ ჯგუფისაგან. აქ ხელოსანი ძალზე დახვეწილად, ფაქიზი გემოვნებით გადმოგვეცემს თითოეულ დეტალს... ამრიგად გამოყვანილი მხოლოდ ერთი სარტყელი გვაქვს“⁴¹⁹ (ხაზი ჩვენია — პ. თ.).

ჩვიდმეტიდან მხოლოდ ერთი ასეთი სარტყლის არსებობა ნათლად ადასტურებს რუსთავეში კერამიკული წარმოების არათანაბარ განვითარებას. ასეთი სარტყლებით, — უნდა ვივარაუდოთ, რომ სინამდვილეში ის ერთზე მეტი იქნებოდა, — მომუშავე ხელოსანი თუ სახელოსნო სხვისთან შედარებით, ცხადია, ეკონომიკურად წელმაგარი, დაწინაურებული იქნებოდა. ეს კი ამ სახელოსნოს პატრონის თუ მასში მომუშავე ხელოსნების სოციალურ სახესაც განსაზღვრავდა და მათ მნიშვნელობა-გავლენასაც საქალაქო ცხოვრების ყოველდღიურობაში.

რაც შეეხება რუსთაველი დერგების პირველი ტიპის დათარიღებას, ასეთი ღიოთარება აღინიშნება: „...შესაძლებელია შეიქნა უფრო ზუსტი თარიღების დადგენა: ცალკე გამოიყო, ერთი მხრივ, შედარებით საღა, უწერნაჭო, ხოლო მეორე მხრივ, მდიდრულ-ორნამენტური (წერნაჭით შეღებილი და მოხატული, ამოტიფრული სარტყლებით, რელიეფური წიბოებით, რკალებითა და 'ლილაკებით' შემკული) დერგები. პირველი მათგანი X I ს., ხოლო მეორე XII—XIII სს. დათარიღდა“⁴²⁰.

ასევე, არანაკლებ საყურადღებოა ჩვენთვის ის, რომ „ზოგადად და ახლოებით ასევე თარიღდება ისინი ღმანისში. თბილასში (X I—XIII სს.), ანისში, დვინში (X I—XIII სს.), ანბერღში. ძველ განჯასა და ორენ-ყალაში (X II—XIII სს.)“⁴²¹.

რუსთავეს დერგების ერთი ჯგუფი ავლენს ისეთ ნიშნებს, რომლებიც „არ გვხვდება საქართველოს იმედროულ სხვა ნაქალაქარებში განათხარ დერგებზე“⁴²². ერთმანეთთან როგორც მსგავს, ასევე განსხვავებულ ნიშნებს ატარებს რუსთავეის დერგები აზერბაიჯანისა და სომხეთის მსგავს ნაწარმთან შედარებით⁴²³.

ესეც ფეოდალური წარმოებისთვის დამახასიათებელი ნიშნებია. მისთვის ხომ მეტ-ნაკლებად უცხოა წარმოების სტანდარტიზაცია.

მაგრამ ამ მიმართებრთაც აღინიშნება გარკვეული ცვლილებები. კერძოდ, „XII—XIII საუკუნის დასაწყისში ბაილყანის კერამიკული წარმოების დიდი აღმავლობა და გაცხოველება აისახა არა მარტო წარმოების სიდიდეში, არამედ ჭურჭლის დამზადების და მხატვრული და-

⁴¹⁹ თ. არ ჩ ე ა ძ ე, დასახ. ნაშრ., გვ. 130.

⁴²⁰ იქვე, გვ. 132.

⁴²¹ იქვე, სათანადო ლიტერატურის დამოწმებით.

⁴²² იქვე, გვ. 127.

⁴²³ იქვე, გვ. 132—133.

მუშაების ტექნიკის გაუმჯობესებაში. წარმოების ზრდამ გამოიწვია ნაწარმის გარკვეული სტანდარტიზაცია, რაც დამახასიათებელია კერამიკული წარმოების მსხვილი ცენტრებისათვის. სულ უფრო ფართოდება მხატვრული დამუშაების დროს საბექდავების გამოყენება — ეს ზოგავდა მეთუნის მიერ წარმოებაში დახარჯულ დროს და ზრდიდა მისი შრომის ნაყოფიერებას. ნაწარმის გაზრდილი რაოდენობა აკმაყოფილებდა არა მარტო ადგილობრივ მოთხოვნილებას, არამედ სავაჭრო-დაც გაჭქონდათ.

ქვეყნის ისტორიაში დროის აღნიშნული მონაკვეთი აღინიშნება საწარმოო ძალების ზრდით, ხელოსნობის შემდგომი განვითარებით. ფართოდება და ღრმადება ხელოსნობის სოფლის მეურნეობიდან გამოყოფის პროცესი. ხელოსნურმა წარმოებამ მნიშვნელოვანი ადგილი დაიკავა აზერბაიჯანის ეკონომიკურ ცხოვრებაში.

ბაილაყანის მოუქიქავე კერამიკის სრულყოფილება, მისი ტექნიკური და მხატვრული თვისებები, ხელოსანთა წარწერები და კერამიკული ნაწარმის სხვადასხვა სახეობათა სტანდარტიზაცია, განსაკუთრებით XII—XIII საუკუნეებში, ასახვენ კერამიკული წარმოების შიგნით შრომის დანაწილების მიმდინარეობას, რაც თავის მხრივ გამოიხატებოდა მეთუნეობის ცალკეული დარგების გამოცალკეევებით და ხელოსანთა შემდგომი დახელოვნებით. ასე, მაგალითად, გამოირჩეოდნენ თუ არა მთელი სახელოსნოები, ყოველ შემთხვევაში, ცალკეული ოსტატები მაინც, რომლებიც დახელოვნებული იყვნენ სხვადასხვა ნაწარმის კეთებაში⁴²⁴. ყველაფერი ეს კიდევ უფრო თვალსაჩინოდ დასტურდება მოქიქული კერამიკის წარმოებაში.

სრული საფუძველი გვაქვს აღვნიშნოთ, რომ ყველაფერი ის ძირითადი, რაც ბაილაყანის კერამიკული წარმოების შინაარსს ახასიათებს, დამახასიათებელია აგრეთვე ამიერკავკასიის ხელოსნური წარმოების ყველა დანარჩენი ცენტრისათვის.

აი, რას წერს მკვლევარი დვინის „მსხვილი კერამიკული საწარმოო კომპლექსის“ არქეოლოგიური შესწავლის საფუძველზე: „კერამიკული წარმოების ტექნოლოგიური პროცესის სირთულის და მრავალსახეობის დამადასტურებელი მასალის ანალიზი საშუალებას გვაძლევს ვივარაუდოთ შრომის დანაწილების და სხვადასხვა სპეციალიზაციის ოსტატების არსებობა. ასეთი ვითარება არ იყო შემთხვევითი ისეთი მსხვილი საწარმოო ცენტრისათვის როგორც იყო დვინი⁴²⁵. კერამიკულა წარ-

⁴²⁴ Г. М. Ахмедов, *დასახ. ნაშრ.*, გვ. 226.

⁴²⁵ იხ. აგრეთვე А. Калантарян, *Раскопки центрального квартала г. Двина (1964—1965) ИФЖ*, 1967, № 1, с. 215. ავტორის განცხადებით, ხელოსნური წარმოების ნივთების, განსაკუთრებით კერამიკული, მინის და ლითონის ნაკეთობათა სიმდიდრე დვინს ახლო და შუა აღმოსავლეთის უმსხვილესი ეკონომიკური ცენტრების რიგში აყენებს.

მოების ასეთი სპეციალიზაციის დროს მეთუნე-ხელოსნებს ნამდვილად ჰქონდათ თავიანთი საგანგებო ღუმელები, რასაც ადასტურებს (გათხრების) სწვადასხვა კვადრატებში მოპოვებული მასალა. ხელოსნების ესა თუ ის ჯგუფი ან ცალკეული სახელოსნოები უშვებდნენ მხოლოდ გარკვეული სახის ნაწარმს. ამასთან, გათვალისწინებული იყო ჭურჭლის მოყვანილობა და, განსაკუთრებით, მათი ორნამენტაცია, რაც, ჩვენი მასალებით თუ ვიმსჯელებთ, მთლიანად ერთტიპიური იყო. დენის აღნიშნულ სახელოსნოში მზადდებოდა ძირითადად ოთხი სახის ნაწარმი — მოჭიქული ფიალები და ჯამები, უბრალო დოქები, ჭრაქები, სამარილები; ყოველ მათგანს გააჩნია საკუთარი ვარიანტები. ყველაზე დიდ ჯგუფს ქნნიან ფიალები და ჯამები... თუ გავითვალისწინებთ, რომ მსგავსი ჭურჭლის უდიდესი რაოდენობა დენის ციტადელში იყო ნაპოვნი, წარმოების სტანდარტიზაციის შესახებ გარკვეული დასკვნები შეიძლება გავაკეთოთ. სახელოსნოს წარმოებაში აღნიშნული ვიწრო სპეციალიზაცია აგრეთვე იმაშიც გამოიხატება, რომ ყველა ფიალა და ჯამი მხოლოდ მოჭიქულია და შესრულებულია მწვანე და ყვითელ ელფერში. ჯამების არა მარტო მოყვანილობა და ჭიქურის დატანის ჩვევა ადასტურებს მათ სტანდარტიზაციას, არამედ თვით ორნამენტალური მოტივების დატანის ხასიათშიც იგრძნობა ერთტიპიურობა“. და შემდეგ დასკვნა — „...დენის განხილულ სახელოსნოში უდიდესი რაოდენობის წუნდებული ნაწარმის აღმოჩენა და შესწავლა გვიჩვენებს, რომ ხელოსნური წარმოება XII—XIII სს. სომხეთის ქალაქებში სპეციალიზირებული იყო. ყოველი სახელოსნო შინაგანი ბაზრის მოთხოვნილებათა დასაკმაყოფილებლად აწარმოებდა გარკვეულ მკაცრად განსაზღვრულ ნაწარმს. წარმოების ასეთი ფორმა ძალზე საინტერესოა შუასაუკუნეების სომხეთის ხელოსნური წარმოების მასობრივი ხასიათის შესწავლისათვის. 3. მასალის შესწავლა ავლენს სწვადასხვა სახის ხელოსნური ნაწარმის მკაცრ სტანდარტიზაციას“⁴²⁶ (ხაზი ჩვენია — პ. თ.).

ფეოდალურ ხელოსნურ წარმოებაში შრომის სპეციალიზაციის დონის შესწავლა-განსაზღვრის დროს გარკვეული უნდა იყოს მისი შინაარსი, როგორია ის — დარგობრივი თუ შიგადადარგობრივი.

პირველი, როგორც ცნობილია, ფეოდალურ წარმოებას ახასიათებს, ხოლო მეორე, რომელიც ერთი საწარმოო პროცესის მრავალ, ერთმა-

⁴²⁶ А. А. Калантарян, К вопросу, с. 288—289. შტრ.: XII საუკუნეში «...в тот век усиливающегося технического разделения труда один и тот же мастер не смог бы и чеканить с таким искусством и гравировать с такой уверенностью в руке и наносить последнюю отделку позолотой и чернью». И. Орбели, Киликийская серебряная чаша конца XII века, Избр. тр. Ереван, 1963, с. 324.

ნეთზე დამოკიდებულ წარმოების უჯრედებად დაშლას გულისხმობს, კაპიტალისტური წარმოებითი ურთიერთობებისთვის არის დამახასიათებელი. სპეციალიზაცია, ძირითადად, სახელოსნო წარმოების მრავალ, განსხვავებულ, ერთმანეთისგან დამოუკიდებელი ხელოსნური დარგების გაჩენით ხასიათდება. უშუალოდ სახელოსნოს შიგნით წარმოების ერთი, გარკვეული პროცესის დანაწილება თუკი არსებობს, იგი მარტივია, ჩანასახოვან შინაარსს ატარებს, დაწინაურებულ სახელოსნო წარმოების ცენტრებისათვის არის დამახასიათებელი და არა ფართოდ გავრცელებული.

ამიერკავკასიის ხელოსნური წარმოების დიდი, განვითარებული ცენტრების ნაწარმის შესწავლამ გამოავლინა სახელოსნოს შიგნით შრომის დანაწილების გარკვეული ნიშნები.

ცხადია, მნიშვნელობას იძენს ცნობები, რომლებიც უშუალოდ ეხებიან და აშუქებენ საკითხს. საყურადღებოა ამ თვალსაზრისით ჰერათში 1182 წ. გაკეთებული ბრინჯაოს სურაზე არსებული წარწერა. იგი გადმოგვცემს, რომ „ინკრუსტაციის სამუშაო შეასრულა მაჰმედმა ძემ მუჰამედისამ“⁴²⁷. კიდევ უფრო საგულისხმოა იმავე ჰერათში 1163 წ. დამზადებული ბრინჯაოს ქვების წარწერა, რომელშიც ცალ-ცალკეა დასახელებული ნაკეთობის შემკვეთის, კედურობის შემსრულებლის და თვით ქვების გამკეთებელი ხელოსნის სახელები⁴²⁸.

რ. კესატი წერს: „ქვაბზე მომუშავე ყოველი მონაწილის ხელობის ხაზგასმით აღნიშვნის სურვილი საფუძველს გვაძლევს ჩავთვალოთ, რომ ქალაქებში ოსტატ-ხელოსნებს შორის შრომის ტექნიკური დანაწილება უკვე ჩვეულებრივი რამ იყო, თუკი ამის შესახებ თვით ოსტატები წერდნენ მათი ხელიდან გამოსულ ნივთებზე“⁴²⁹.

შუა საუკუნეების ამიერკავკასია არ იყო გამოთიშული მეზობელ საზოგადოებათა კულტურულ-ეკონომიკური განვითარებისაგან. ამის გამო, აღნიშნულ ცნობების შუქზე კიდევ უფრო საგულისხმო ხდება ის ცნობები, რომლებიც ამიერკავკასიის ქალაქებში ხელოსნური წარმოების შინაარსს ასახავენ.

თუ რამდენად იყო საქართველოში ზოგიერთი დარგის ხელოსნური წარმოება დანაწევრებული, ეს კარგად ჩანს ერთი ცნობიდან. 1365 წ. ერთ-ერთ მინაწერში ვკითხულობთ: „წყალობითა ღვთისათა მომცა, თნიერ მოძღურისა კელოვნება ესე ვითარი: პირველად კელი სწყაჲა კუცობისაჲ; კელი მეორე მწიგნობრობისაჲ; [კელი მესამე] წერაჲ კუცურისაჲ; [კელი მეოთხე] შექმნაჲ ეტრატისაჲ; [კელი მეხუთე] შეეკრ-

⁴²⁷ Л. Г ю з а л ь н, Бронзовыѣ кушны 1182 г., ПЭР, с. 231.

⁴²⁸ Р. К е с а т и, Гератский бронзовый котелок 1163 г., იქვე, გვ. 239.

⁴²⁹ იქვე, გვ. 240.

ვამ წიგნისაჲ; [ველი მეექვსე] მხატვრობისაჲ; [ველი მეშვიდე] მკერვალობისაჲ; [ველი მერვე] ტყავის კერვისაჲ; [ველი მეცხრე] ხუროვნობისაჲ; [ველი მათე] ყოვლისა მსოფლიო მუშაკობისაჲ⁴³⁰.

მაშასადამე, გარდა იმისა, რომ ეს პიროვნება მოძღვარი იყო, მას ჰქონდა ცოდნა ხუცესობის სასწავლებლად, ფლობდა მწიგნობრობის ხელს და ამ დარგთან დაკავშირებულ ოთხ მომიჯნავე ხელობას (ხუცურის წერა, ეტრატის შექმნა, წიგნის შეკერვა ანუ აკინძვა და წიგნის მხატვრობა); გარდა ამისა, მან იცოდა „მკერვალობა“, „ტყავის კერვა“, „ხუროვნობა“ და, ყოველივე ამასთან ერთად, — მას შეეძლო „ყოველი მსოფლიო მუშაკობა“, ანუ სოფლის მეურნეობის დარგებში მუშაობა.

საყურადღებოა, რომ კაცი, რომელიც ამდენ „კელს“ ფლობს, საჭიროდ რაცხს „ყოველი მსოფლიო მუშაკობის“ ცოდნაც მოიხსენიოს. ეს იმდენად ხელოსნობის სოფლის მეურნეობიდან გამოყოფის სისუსტის მაჩვენებლად არ უნდა მივიჩნიოთ, რამდენადაც საკუთრივ ფეოდალური წარმოების ხასიათის, შინაარსის დამახასიათებლად: ასეთი განათლებული და მრავალი ხელობის მცოდნე პიროვნება სოფლის მეურნეობასთან კავშირს, როგორც ჩანს, არ წყვეტს⁴³¹.

საგულისხმოა წიგნის საწარმოო პროცესის დანაწევრება. ამ შემთხვევაში ბანდაიძეს (მინაწერის ავტორს), რასაკვირველია, ერთს შეეძლო წიგნის შექმნა, რადგანაც მან ამ საქმის (დარგის) ყველა ხელობა იცოდა. მაგრამ საყურადღებო გარემოება სწორედ ის არის, რომ მის დროს უკვე წარმოება ცალკეულ, შემადგენელ ნაწილებად არის დანაწევრებული და, მაშასადამე, თითოეულ ამ ნაწილს ცალკე ხელოსანი ასრულებდა. ეს კი ხელოსნური წარმოების თუმცა განსაკუთრებული, — შეიძლება ითქვას, არა ნიშანდობლივი, — მაგრამ მაინც მისი ერთ-ერთი დარგის შიგადარგობრივი დანაწევრებაა. გავიხსენოთ ზემოაღნიშნული: „ყდის მასალა თბილისიდანაც გაჰქონდათ, ხოლო ხელნაწერის სხვა დასაკაზმი მასალა... რგოლი და ღილი ანისიდან“ (იხ. ზევით, გვ. 104).

ხელოსნური წარმოების ცალკეულ დარგებად დანაწევრება და ცალკეულ დარგებს შიგნით ხელობათა გამოყოფა, და არა შიგადარგობრივი დანაწევრება, დაწვრილებით არის შესწავლილი შ. მესხიას აღნიშნულ ნაშრომში.

სომხეთის სინამდვილეში კი მკვლევარი აღნიშნავს არა მარტო ხე-

⁴³⁰ იხ. შ. მესხია, ხელოსნობა, გვ. 25. ჩვენი თემისთვის ცნობა გვიანდელია. მაგრამ ცხადია, რომ აქ ჩამოთვლილი ხელოსნობის დარგები XIII—XIV საუკუნეებში არც შექმნილა და არც მათი დანაწევრების პროცესი დაწყებულა აღნიშნულ საუკუნეებში.

⁴³¹ ეს სწორედ ის ვითარებაა, ურომლისობას ასე მწვავედ განიცდის დღევანდელი, XX საუკუნის, ქალაქის მწარმოებელი.

ლოსნური დარგების რაოდენობრივ გამრავლებას, დარგობრივი სპეციალიზაციის გაფართოებას, ახამედ შრომის დანაწილებას საკუთრივ სახელოსნოს შიგნითაც⁴³²; ასევე — აზერბაიჯანშიც⁴³³.

ბუნებრივია, გაჩნდეს კითხვა: სად, როგორ ვითარებაში უნდა წარმართულიყო წიგნის შექმნის ესოდენ ვიწროდ სპეციალიზირებული წარმოება — ამის აღნიშვნის საფუძველს ბანდაიძის ცნობა გვაძლევს. ძნელი დასაჯერებელია, რომ ერთი წიგნის შესაქმნელად სხვადასხვა ადგილზე (თუნდაც შინ) წარმართულიყო (ხუცურად) წერა, ეტრატის შექმნა, შეკერვა, მოხატვა წიგნისა და სხვა სამუშაოები.

სწორედ ამიტომაც დაუკავშირდა, როგორც ჩანს, შუა საუკუნეებში ხელნაწერი წიგნების წარმოება ყველაზე მეტად ეკლესია-მონასტრებს, სადაც უკვე თავმოყრილი, შეკრებილი იყო მომავალ „მწიგნობართა კადრები“.

მაგრამ შუა საუკუნეების მთელი ხელოსნური წარმოება ხომ მხოლოდ ეკლესია-მონასტრებში არ მიმდინარეობდა? წარმოების სპეციალიზაციას კი, მეტ-ნაკლები სიდიდით, წარმოების ყველა დარგი განიცდიდა.

ხელოსნური დარგების და ცალკეულ ხელობათა რაოდენობის გარკვევა თავისთავად, ობიექტურად, გარკვეულ წარმოდგენას შექმნის ხელოსნური წარმოების დანაწევრების დონის, წარმოებითი პროცესების შესახებ.

თუ ჰომეროსის და ჰესიოდეს პოემებში მხოლოდ ათიოდე ხელობაა დასახელებული, ძვ. წ. V—IV სს. თხზულებებში მათი რიცხვი უკვე 50-ს აღწევს⁴³⁴. შედარებით მეტია (64; ბ. რიბაკოვის მონაცემებით) ძველი რუსეთის ქალაქებში. ხოლო XVIII ს. მეორე ნახევარში „საქართველოს ქალაქებში გავრცელებული ხელოსნობის სხვადასხვა დარგი 60-მდე დაითვლებოდა“⁴³⁵, მაგრამ ზოგიერთი ამ დარგებიდან რამდენიმე ხელობას აერთიანებდა. XIX ს. ერევნის აღწერილობაში კი ჩამოთვლილია 46 ხელობა, რომელთაგან მხოლოდ სამია უცხო (ასოთამწყობ-

⁴³² Б. Аракелян, Развитие ремесел, с. 149—150.

⁴³³ С. Ашурбейли, Ремесла и торговля, с. 158; Г. М. Ахмедов, Из истории, с. 124.

⁴³⁴ Н. Н. Бондарь, О товарном производстве в условиях рабовладельческой формации, Киев, 1955, с. 24—25.

⁴³⁵ საქართველოს ისტორია, თბ., 1958, გვ. 363, შტრ. სიბ, ტ. IV, გვ. 540, შტრ. ფ. გოგ. ჩაიშვილი, ხელოსნობა საქართველოში განსაკუთრებით წარმოების პრიორიტული ფორმების გათვალისწინებით, თარგმ. გერმანულიდან ნ. ვამრეკელისა, თბ., 1976, გვ. 124—127; სადაც XIX ს. დასასრულის მონაცემებით დაანგარიშებულია ხელოსნობის სახეობათა 11 კჯუფში გაერთიანებულ ხელობათა რაოდენობა — ხუც—75.

ნი და ტიპოგრაფიის მუშები, მესაათე და ცხელი ჩაის გამყიდველი) X—XIII სს. ამიერკავკასიის ქალაქების ხელოსნური წარმოებისათვის⁴³⁶. ხოლო დანარჩენი ფეოდალური საქალაქო ცხოვრების ყოველდღიური და ჩვეულებრივი ყოფაცხოვრების განუყოფელ ნაწილს წარმოადგენენ.

XIX ს. დასასრულს გერმანიაში ჩატარებულმა აღრიცხვამ გამოავლინა 10298 ხელობა. ამ სიაში შედის მთელი მოსახლეობის ყოველგვარი საქმიანობა. მაგრამ 1440 წ. ფრანკფურტში არსებობდა — საარქივო მასალების თანახმად — სულ მცირე 151 ხელობა. ეს რიცხვი შეიძლება 340-მდე გაიზარდოს⁴³⁷.

ბაღდადში კი ასი ათასი ხელობა იცოდნენო, წერს ალ-იაყუბი⁴³⁸. თაერისში კი — „არ არსებობს ხელობა აქ რომ არ მისდევდნენო“. არ ჩამორჩება „სიზუსტეში“ სპარსული წყარო⁴³⁹. არღებილში „მრავალი ხელოსანია (ხის ნაკეთობათა) შესაკეთებლად და დასამუშავებლად“⁴⁴⁰. ერთი და იგივე ხელოსანი ამზადებს და შეაკეთებს კიდევ ამ ნაკეთობებს, თუ შემკეთებელი ცალკე ხელოსანია?

ზევით ხმლების არასრული წარმოების შესახებ ღარნატის ცნობის განხილვის დროს კითხვას ვსვამდით, თუ რამდენად იყო ნიშანდობლივი წარმოების ასეთი ხასიათი ამიერკავკასიის ქალაქების სახელოსნო წარმოებისათვის.

ახლა, როდესაც ძირითად ხაზებში განვიხილეთ აღნიშნული წარმოების მთავარი დარგები⁴⁴¹ და როდესაც ამ დარგების დახასიათების დროს ყურადღებას ვამახვილებდით საკუთრივ წარმოების შინაარსის და ხასიათის ამსახველ ნიშნებზე — ასეთი ნიშნები კი არცთუ მცირე რაოდენობით გამოვლინდა, — ახლა, თუ ყველაფერს ამას გავითვალისწინებთ, შეიძლება აღინიშნოს, რომ ამიერკავკასიის ქალაქების სახელოსნო წარმოების შინაარსი რთულ, განვითარებულ ხასიათს ატარებდა. ამ სირთულეს, პირველ რიგში, ქმნიდა ქალაქებში სახელოსნოთა სიმრავლე და ამ სახელოსნოებში მომუშავეთა რაოდენობა.

⁴³⁶ С. П. З е л и н с к и й, Город Эриван, СМОМПК, т. I, 1881, გვ. 37.

⁴³⁷ К. Б ю х е р, Возникновение народного хозяйства, вып. 2, СПб., 1907, с. 155.

⁴³⁸ ახ. Б. Я. Ш и д ф а р, Абу Нувас, М., 1978, с. 69.

⁴³⁹ აჯაიბ ალ-დუნია, გვ. 204.

⁴⁴⁰ მ ა კ უ თ ი, გვ. 8.

⁴⁴¹ რასაკერაველია, შეიძლებაოც ცალკე დარგად გამოგვეყო შენებელთა, ქვის დამუშავების, მოჩუქურთმების და ფეოდალური საქალაქო წარმოების სხვა დარგები. ხოლო აღნიშნული დარგები რომ დიდად იყო განვითარებული, ამას ნათლად მოწმობს საკვლევი ხანის ამიერკავკასიაში აგებული და ჩვენს დრომდე მოღწეული არქიტექტურის ბრწყინვალე ძეგლები.

რა თქმა უნდა, ეს საკითხი უფრო ნათლად და ღრმად ქალაქის სოციალური აღნაგობის, საკუთრივ ქალაქის და ქალაქის მცხოვრებთა, პირველ რიგში ხელოსანთა, იურიდიული მდგომარეობის, სახელოსნოს ადმინისტრაციულ-უფლებრივი ვითარების, საქალაქო, საშინაო და საგარეო ვაჭრობის, ფეოდალური სასაქონლო წარმოების ხასიათის და სხვა საკითხების შესწავლის შედეგად გაშუქდება.

შ ე მ ო კ ა ე ბ ა ნ ი

ჯეორგია — „ბიზანტიელი მწერლების ცნობები საქართველოს შესახებ. ბერძნული ტექსტი ქართული თარგმანითურთ გამოსცა და განმარტებები დაურთო სიმონ ყაუხჩიშვილმა.

•თსუ — თბილისის სახელმწიფო უნივერსიტეტი.

მაის — მახლობელი აღმოსავლეთის ისტორიის საკითხები, თბილისი, 1972.

მაცნე — საქართველოს სსრ მეცნიერებათა აკადემიის მაცნე ისტორიის, არქეოლოგიის, ეთნოგრაფიის და ხელოვნების ისტორიის სერია, თბილისი.

მსკა — „მასალები საქართველოს და კავკასიის არქეოლოგიისათვის“.

•სიამ — საქართველოს ისტორიის აღმოსავლური მასალები, თბილისი, 1976.

•სსს — საქართველოს ისტორიის საკითხები, თბილისი.

სსმმ — „საქართველოს სახელმწიფო მუზეუმის მოამბე“.

•ფსაძ — ფეოდალური საქართველოს არქეოლოგიური ძეგლები, I, 1969; II, 1974, თბილისი.

ქველ — ქართული ენის განმარტებითი ლექსიკონი.

ქსე — ქართული საბჭოთა ენციკლოპედია.

•ქ. ცხ. — ქართლის ცხოვრება. ტექსტი დადგენილი ყველა ძირითადი ხელნაწერის მიხედვით ს. ყაუხჩიშვილის მიერ, ტ. I, 1955; ტ. II, 1959, თბილისი.

•ქეიქ — ი. იმნაიშვილი, ძველი ქართულა ენის ისტორიული ქრესტომათია, თბილისი, 1970.

АНКА — Армянские надписи в Карсе и Ани.

АН — Академия наук

АО — Археологические открытия. АН СССР, Институт археологии.

БСЭ — Большая советская энциклопедия.

ВВ — «Византийский временник», Л.—М.

ВДИ — «Вестник древней истории», М.

ДАН Аз. ССР — «Доклады Академии наук Азербайджанской ССР», Баку.

ЗВОРАО — «Записки Восточного Отделения Имп. Русского археологического общества», СПб.

ИАК — «Известия (Имп.) Археологической комиссии», СПб.

ИИАН — «Известия Императорской Академии наук», СПб.

ИАз. ФАН — «Известия Азербайджанского филиала Академии наук СССР»

ИФЖ — «Историко-филологический журнал», Ереван.

КСИА — Краткие сообщения о докладах и полевых исследованиях Института археологии АН СССР, М.

КСИМК — Краткие сообщения о докладах и полевых исследованиях Института истории материальной культуры АН СССР. М.—Л., М.

•МИА — Материалы и исследования по археологии СССР, № 67, Материалы Азербайджанской (Орен-Калинской) археологической экспедиции, т. I, 1953—1955 гг., М.—Л. 1953.

- МИАз — Материалы из истории Азербайджана.
- МКА — Материальная культура Азербайджана
- ПС — «Палестинский сборник», М.—Л.
- ПЭР — Памятники эпохи Руставели, Л., 1938.
- СА — «Советская археология», М.
- СМОМПК — Сборник материалов для описания местностей и племен Кавказа, Тифлис.
- ТР — Тексты и разыскания по армяно-грузинской филологии.
- УЗНВАН — Ученые записки Института востоковедения АН СССР, М.—Л., 1954.
- ЭВ — Эпиграфика Востока, М.—Л.
- «Эйрене» — Проблемы античной истории и культуры (Доклады XIV международной конференции античников социалистических стран «Эйрене») I, II, Ереван, 1979.
- BGA — Bibliotheca geographorum arabicorum. Edidit M. J. de Goeje, pars I—VIII, Lugduni Batavorum.
- EI — The Encyclopaedia of Islam. New ed. Leiden—London, 1960—...
- GMNS — „E. J. W. Gibb Memorial“ Series. New Series

РЕЗЮМЕ

Книга разработана по данным разноязычных (арабских, армянских, грузинских, персидских) и разнохарактерных (исторических, географических, литературных, документальных) источников, в подавляющем большинстве принадлежащих указанному хронологическому периоду, и по материалам специальной литературы, созданной изучением археологического материала, добытого в результате раскопок городов и населенных пунктов Закавказья.

В первой главе — «Внешний вид (топография) городов Закавказья», — исходя из трехчастного деления города (цитадель, город, рабад), автор ставил целью рассмотреть и дать по возможности полную картину внешнего вида города. Основное внимание уделялось изучению процесса становления указанных частей города, их взаимоотношениям, определяемых общественным развитием. Результатом всего этого было формирование феодального города.

Одним из возможных путей возникновения города и в Закавказье было развитие — в силу создавшихся политических и социально-экономических условий — городской жизни около замка; этот путь хорошо прослеживается на примере градостроительства Ани, Атени, Мцхета и др. Есть примеры и одновременного строительства города, когда в феодальном здании осуществлением специальных работ (постройка крепости, крепостных стен) воздвигался город (Изидийя, Марага, Михйарийя). В отношении последнего, например, источник сообщает: «Он построил стены вокруг поместья Михйарийя, которое он превратил в город с замком посередине».

Таким образом, если корни становления Ани и других городов уходят в раннефеодальную эпоху, то Изидийя и другие превращаются в город в начале периода развитого феодализма в Закавказье.

Изучение цитадели городов Закавказья отчетливо выясняет ее социальную сущность; и в истории этих городов прослеживается выделение, отгораживание цитадели от остального города. В этом отношении особенно интересным представляется отъединение отдельной стеной от Байлакана укрепленного «Малого города». Примечательно, что исследователи, изучавшие городище, не называют, — по-видимому, из-за его территориальных размеров, — эту часть города цитаделью.

Не всегда удастся достоверно определить, все ли города (большие и малые) имели цитадель. Разумеется, разъяснение этого вопроса имеет важное значение для характеристики политического значения и социально-экономической сущности городов. Следует отметить, что некоторые ученые (В. В. Бартольд, К. В. Тревер) отрицали существование цитадели в Дербенте в X в. В работе разъяснена ошибочность такого утверждения; исходя из политического значения и социально-экономической структуры города, ее констатация имеет большое значение, ибо трудно представить Дербент без цитадели, который уже в X в. жил бурной городской жизнью, полной политическими переворотами, социальными, религиозными, экономическими, наконец, внутриклассовыми противоречиями.

Изучена топография самой цитадели. Выясняется, как и следовало ожидать, что в ней вместе с жилыми помещениями для высших слоев общества воздвигали и культовые здания. Вместе с тем засвидетельствованы факты выбора правителем места для своей резиденции вдали от города или же предпочтения постройки нового города.

Затронут вопрос о конкретном содержании терминов [кухендиз, кала', хисн, шахр, цихэ (крепость), цихэ-калакип (крепость-город), миджнаберд (вышгород)], употребляемых источниками в описании городов. Некоторые из средневековых авторов (например, Мукаддаси) будто бы различают по конкретному содержанию хисн и кала'. Но в большинстве случаев остается неясным, что именно подразумевают эти термины — башню или цитадель. Решение этого важного вопроса представляется возможным только комплексным — особенно археологическим — его изучением.

Автором книги высказано предположение, что корреляцию существующей между кухендизом и шахристаном (кала — мадиной) в грузинской исторической действительности выражали цихэ и цихэ-калаки.

Кратце рассмотрены примеры строительства новых городов в Закавказье и их возникновения у цитадели. Значительные сведения для исследования целого ряда вопросов истории города представляют крепостные стены. В этом отношении особое внимание привлекает изучение крепостных стен больших городов Закавказья, и не только их. Выясняется, что впереди крепостных стен г. Ахалкалаки (обращает на себя внимание семантика слова — «новый город») в Грузии имелась невысокая стена — «фасил» по-араб. (ср. греч. «тринкос»). Это еще одно свидетельство высокого уровня фортификационных сооружений городов Закавказья. Имеются интересные сведения и о строении городских стен Ани и Дербента. В частности, по свидетельству арабских и армянских средневековых авторов, в стенах этих городов были устроены церкви и мечети.

Стены города Ани (так называемые «Ашотовы» и «Смбатовы» стены) своим расположением ясно обозначают границы города и позволяют определить размеры территориального роста этой «жемчужины», по определению Н. Я. Марра, на археологической карте Кавказа. В то же время стены Дербента своей «неподвижностью» могли сдерживать территориальный рост города. Однако, как выясняется, заключенная между двумя параллельными стенами площадь города в разные эпохи не всегда была полностью заселена. Но так ли обстояло дело и в изучаемый период — пока что не ясно.

Вначале без крепостных стен функционировали Язидийя и Ахалкалаки. Но впоследствии и они, по своему значению не входившие в ряд первостепенных городов Закавказья, обзавелись городскими стенами. Второй из них и в условиях недостроенных стен вел борьбу с войсками турок-сельджуков во главе с Алп Арсланом.

Выясняется, что крепостные стены Дербента и Тбилиси были 18—20 м в высоту. Стены такой высоты не составляли исключения на Ближнем Востоке.

Несмотря на противоречивость показаний источников, можно констатировать, что многие города Закавказья были укреплены крепостными стенами; это обстоятельство, в первую очередь, указывает и на экономическую мощь данного общества. Известен случай «наказания» города разрушением его крепостных стен.

Изучение городских ворот выявляет также немало значительных сведений. Одно количество ворот само по себе, разумеется, указывает на величину города, а их наименования — на культурно-экономические связи с другими городами, странами.

В некоторых случаях (например, Ахалкалаки) стены города могли быть и не завершены строительством, но городские ворота уже функционировали; это, прежде всего, объясняется финансово-экономическими интересами — ведь при ворот действовали городские таможи.

Ворота выражали мощь и силу города. Поэтому стремились строить их внушительных размеров и архитектурно величественными. Иногда ворота изготовлялись из чистого железа (Дербент), являвшегося и в этот период ценным материалом. Есть сведения, что его в торговле применяли как меновую стоимость.

Видимо, снятие ворот считалось большим бесчестьем для города и славой для того, кто это делал; только этим и можно объяснить действие грузинского царя, снявшего городские (тоже железные) ворота Ганджи и увезшего их в Грузию, которые и ныне хранятся в Гелати.

Исследователями высказано предположение (И. А. Орбели, В. М. Сыроев), что некоторые рельефные изображения, находившиеся на городских стенах и воротах, являются городским гербом.

Отмечая одну из этимологических значений рабада [«...1) предместье, 2) загон (для скота)»], коротко рассмотрены пути возникновения (около города, крепости) и развития этой существенной части средневекового восточного города, топография самого рабада (базары, культовые здания), факты антагонистических отношений между городом и рабадом (Дербент); описаны базары, торгово-ремесленные дома и ряды, ремесленные мастерские, гостинные дворы (каравансарай), «торговые места» (базаргах), бани, водопроводы и другие сооружения и здания жилищно-коммунального, хозяйственного, административного, культурного назначения, которые в целом составляли и определяли внешний вид города.

Описывается порт Дербента — один из лучших технических сооружений своего времени на Ближнем Востоке.

Затрагиваются вопросы благоустройства и санитарно-гигиенического положения городов Закавказья.

Внешний вид города в основном определяется его социально-экономическим развитием, степенью выделения сугубо городского хозяйства от сельского; переходный этап отражается и на топографии города. В этом отношении характерно наличие термина «село-град».

Анализируя сведения источников, автором труда выдвинуто предположение, что упоминаемые средневековыми авторами в топографических описаниях городов сельскохозяйственные угодья не всегда находились непосредственно в черте, пределах самого города. Подчеркивается, что глубокое изучение и решение этих вопросов следует проводить в тесной связи с типологическим исследованием городов Закавказья.

Во второй главе — «Ремесленное производство городов Закавказья» — предварительно рассмотрев природные условия (сельскохозяйственное сырье, полезные ископаемые, красители), изучены основные отрасли ремесленного производства.

Главная задача состояла в определении местонахождения в городе ремесленных мастерских; в выявлении характера производства и организации труда; в установлении степени стандартизации и специализации труда ремесленников в условиях феодальной экономики.

Рассматривая текстильное производство, один из массовых и широко распространенных отраслей вообще средневекового ремесленного производства, в работе дана перечень и характеристика шелковых, шерстяных, льняных тканей и других предметов ткацкого дела.

После краткого рассмотрения путей распространения шелкоткацкого ремесла на Ближнем Востоке и изучения сведений источников, позволяющих иметь определенное представление о местном производстве, сделан вывод о том, что в центрах ремесленного производства Закавказья вырабатывали шелк-сырец и шелковые ткани не только для местного рынка, но и на вывоз.

Данные источников свидетельствуют о высоком развитии шерстяного производства. Особенно славилась далеко и за пределами Закавказья продукция армянского ковроткачества.

Развитым центром производства полотняных тканей представляется Дербент. В частности, заслуживает внимания вырабатываемая здесь «бадана», «полотняное полное верхнее платье» (Ибн Хаукал, в переводе Н. А. Караулова). В Египте, например, эти роскошные изделия «...сразу же ткали в форме облачения, так что их не нужно было ни кроить ни шить» (А. Мец).

Широкой известностью пользовалась также одежда, изготовленная в Гандже и Хой.

Относительно мало сведений о кожевенном ремесле, но и имеющиеся — вместе с некоторыми косвенными данными — создают определенное мнение о характере и некоторой специализации этой отрасли ремесленного производства.

Привлекают внимание сведения относительно деревообрабатывающего ремесла, мастера которого среди прочих изделий изготавливали также повозки (гардун) для продажи.

Археологический материал (орудия труда, оружие, предметы быта, прикладного искусства и др.) и сведения источников утверждают существование развитого уровня металлообрабатывающего производства. Обнаружены остатки мастерских для плавки металла и изготовления разных металлических изделий. Выявляются явные признаки специализации и в этой области общественного производства как в изготовлении отдельных изделий («тифлисские застёжки» кабабиш ат-тифлисийа), так и в более широком масштабе — производстве оружия; специализируются и отдельные города, и сельские местности (Зирих-геран—Кубачи). Имеются сведения о производстве в Азербайджане лезвий саблей, вывозимых на продажу далеко на Север (Гарнат). Рассмотрены условия общественного развития, способствовавшие росту ремесла.

Установлены основные центры стекольного производства (Двин, Рустави и др.), разнообразные способы технологии и художественного оформления (литье в формах, медленное и свободное дутье, гранение и др.), выявлена широкая гамма основных и оттеночных цветов, указано на качество стекла, отмечено освоение технологии искусственного хрусталя. Выяснено более широкое проникновение стекла в быт широких слоев населения.

Археологический материал гончарного производства и количественно и качественно представляется основным источником для изучения характера труда в этой отрасли производства и структуры самой ремесленной мастерской. В этом отношении особенно ценные сведения содержат надписи и клейма, выявленные на керамической продукции мастерских городов Закавказья.

Материал предоставляет возможность изучить техническое оснащение и технологию производства, выявить как общие признаки, так и присущие только одному центру характерные черты гончарного ремесла.

В работе дана характеристика неполивной и поливной, разнообразной и по назначению (посуда, тара, строительная керамика) и по технологическому процессу, а также по художественному оформлению, керамики.

ბეოგრაფიულ სახელთა საძიებელი

- აბპარი** 113
აზერბაიჯანი 4, 23, 32, 51, 62, 77, 82, 96, 101, 144, 159
აზია დასავლეთი 87
 მცირე 57, 99
 შუა 61, 87, 93, 98, 125, 128, 132, 147, 174
 წინა 123
ალაჯა იხ. ანისის ლეღე
ალ-ბაბი იხ. დარუბანდი
ილბანეთი 119, 168, 169
ილ-ლანი 72
ალუშტი 169
ამიერკავკასია 3—8, 11, 16, 18, 19, 21—26, 29, 36, 39, 43, 44, 47, 48, 49, 50, 51, 56—57, 59, 61, 63, 64, 69, 72,—74, 77, 81—89, 92, 93, 95—100, 108, 110—113, 117, 119—121, 123, 126—127, 129—134, 137, 138, 141, 144, 146, 152, 153, 160—162, 164, 168, 173, 174, 176, 178, 181, 185, 187, 189, 190
ამული 87
ანბერდი 126, 138, 162, 174, 175.
ანდალუზია 72
ანისი 8—10, 15, 26, 27, 31, 32, 34, 36—39, 46—48, 53—58, 62—72, 94, 104, 105, 108, 110, 116, 117, 121, 123, 124, 126, 132, 134, 137, 138, 145, 148, 153—155, 159, 168, 172, 174, 175, 179, 185—187
ანისის სამეფო 8, 9
ანისის ლეღე 8, 69
ანტიოქია 27
არაგვი 6
არანი 6, 80, 96, 118
არაქსი იხ. არეზი
არდაველი იხ. არღეზილი
არღეზილი 22, 32, 35, 42, 43, 51, 59, 62, 69, 75, 76, 92, 105, 107, 164, 181
არეზი 8, 22, 78, 118
არზანი 52
არზან ალ-რუმი იხ. არზრუმი
არზან რუმი იხ. არზრუმი
არზრუმი 67, 85, 106, 109
არშენია იხ. არშინია
არშინია 14—16, 61, 84, 96
არპა-ჩაი იხ. ახურიანი
არტანი 20
არტანი (თიანეთთან) 52
არტანუჯი 8, 10, 42, 61
არშარუნიცი 9
არწი 29, 58
ასიუტი 98
ატენი 25, 54, 185
აფხაზეთი 61
აღმოსავლეთი ახლო (მახლობელი) 8, 32, 64, 74, 87, 136, 155, 157, 160, 161, 176, 187, 188
შორაველი 154, 155
შუა 176
ახალქალაქი 20, 29—31, 38, 54, 62, 63, 72, 115, 136—138, 156, 186, 187
ახალციხე 70
ახლათი იხ. ხლათი
ახურიანი 8, 48, 72
ბაბ ალ-აბვაბი იხ. დარუბანდი
ბაბ ალ-ლანი 72
ბაღლისი 22, 71
ბათუმი 155
ბილაყანი 14, 15, 33, 35, 36, 57—60, 62, 63, 67, 68, 71, 72, 76, 83, 89, 99, 108, 115, 121, 126—128, 130, 132—136, 138—144, 148, 150—153, 157—162, 164—166, 169, 170, 174—176, 185

- ბაიჯან ქურდი 15
 ბალე 15
 ბარდავი 22, 33, 37, 43, 45, 51, 52,
 57, 59, 75, 80, 89—91, 164
 „ბარდავის ქვეყანა“ 80
 ბარზანდი 95
 ბაქო 23, 39, 50, 57, 71, 83—86, 101,
 123, 126, 162, 174
 ბაღდადი 58, 76, 92, 94, 181
 ბეირუთი 74
 Белозерье 113
 ბინანტია 87, 92, 93
 ბნელეთის ზღვა 111
 „ბოლნისის ქვეყანა“, 108
 „ბულღართა ქვეყანა“ 98
 ბულღარი 111, 113
 ბუხარა 27
 განძა 13, 24, 32, 33, 35, 37, 58, 41,
 55, 59, 60, 65, 66, 71, 83, 89, 91,
 92, 95, 96, 121, 132, 134, 137, 138,
 142, 144, 153, 158, 163, 174, 175,
 187, 189
 გარნისი 132, 174
 განჯა იხ. განძა
 განჯა-ჩაი 13
 გაჩიანი 20
 გეგუთი 69, 164, 172
 გელათი 38, 66, 187
 გერმანია 181
 გონიო 155
 გორი 138
 გრემი 54
 გუდარეხი 156
 გურგანი 87
 დაბილი იხ. ღვინო
 დაბიყი 95
 დაეინი იხ. ღვინო
 დამლაში იხ. ღვინო
 დამასკო 59
 დარა 42
 დარუბანდი 11—13, 18, 25—28, 32, 34,
 35, 37, 39, 43—45, 47, 52, 57, 59 —
 61, 71, 72, 73, 75, 76, 84, 92, 95,
 96, 100, 101, 103, 111, 112, 115,
 151, 186—189
 დარუბანდის საამირო 25
 დალესტანი 118
 ღვინო 21, 22, 32, 35, 37, 43, 45, 47,
 49, 51, 59, 70, 90, 93, 95, 97, 115,
 120, 123, 125, 126, 128—130, 132,
 137, 138, 154, 162, 164, 174—177,
 189.
 დერბენტი იხ. დარუბანდი
 დეშთ-ი ყიფჩაყ იხ. „ყიფჩაყთა ველი“
 დიზმარი 83
 დმანისი 46, 54, 68, 93, 120, 126, 127,
 137, 138, 147, 150, 153, 154, 156,
 158, 159, 165, 166, 169, 174, 175
 დუმბატ 75
 დუნაისარი 42
 მგვიპტე 87, 95, 96, 98, 127, 136, 189
 ევროპა 93
 ეფრატი 24, 62
 ელარბინი 40
 ერაყი 127
 ერევანი 22, 180
 ესპანეთი 93
 ეჩმიაძინი 138
 ვანი 97
 ვანის ტბა 83, 127
 ვარაყი 61
 ვარსანი 33, 45, 51
 ვარძია 138
 ვიატკა 117
 Висы (ქვეყანა) 113
 ვოლგისპირეთი 98, 174
 ზენჯანი 49, 113
 ზვარტნოცი 169
 ზირიკვერანი 92, 112, 118, 151, 174,
 189
 ზურტაკეტი 54
 თავრეყი იხ. თავრიზი
 თავრიზი 32, 42, 45, 49, 52, 63—65,
 68, 77, 78, 80, 92, 93, 97, 104, 105,
 113, 164, 181
 თბილისი 11, 14—16, 20, 22, 24, 26,
 31, 32, 37, 49, 57, 58, 60, 62, 67,
 68, 73, 76, 77, 99, 103, 104, 109,
 120, 124, 126, 127, 132, 135, 137,
 138, 145, 146, 153, 156, 158, 159,

- 162, 163, 166, 167, 170, 174, 175, 179, 187
- თერგი (?) 72
- თიანეთი 52
- თიბრიზი იხ. თავრიზი
- თინისი 54
- თურქეთი 8
- თრიალეთი 29
- იაზიღია 14, 18, 24, 25, 29, 185, 187
- იბერია 61
- ისპანი 59, 98, 113, 115
- ირანი 67, 93, 95, 123, 142, 155, 159, 161
- ითილი 61, 73, 164, 174
- იფრიკია 75
- ალ-მაზიღია იხ. იაზიღია
- აურა 111
- კაზანი 83
- კავკასია 8, 12, 72, 95, 119, 126, 154, 186
- მთიანი 93
- ჩრდილოეთი 88
- კავკასიონი 11, 12, 126
- კაირო 29, 98, 136
- კალი კალა იხ. ყალიყალა
- კარი 20
- კარსი იხ. ყარსი
- კასპი 20
- კასპიის ზღვა 11, 73—75, 84, 111
- კასპიისპირეთი 87
- კახეთი 20, 148, 167
- კმატი 76
- კლარჯეთი 7
- კონსტანტინოპოლი 74, 75
- ლაზთა ქვეყანა 9
- ალ-ლანი 100, 150
- ლიზანი 17
- მადინა 45
- მიაფარიყინი 17, 41,
- მამაფარიყინი იხ. მიაფარიყინი
- მაიკოპი 118
- მალუ 25
- მანაზკერტი 22
- მანგლისი 68
- მარანდი 22, 34, 35, 43, 83, 84, 95
- მარალა 22, 32, 43, 49, 50, 57, 59, 66, 79, 83, 185
- მარდინი 42
- მარტიროპოლი იხ. მიაფარიყინი
- მაჭარი 138
- ალ-მამდიდა 75
- მერვი 34
- მესოპოტამია 130, 136, 156, 174
- მინგეჩაური 88, 107, 126, 127, 137, 173, 174
- მოპიარია 14, 25, 185
- მოსული 62, 119
- მრენი 169
- მტკვარი 6, 16, 62, 118
- მულანი ქ. 80
- მულანი 72
- მცხეთა 6, 7, 8, 10, 40—42, 45, 54, 59, 67, 120, 163, 170, 185
- ნადარბაზევი 69, 122, 138, 170
- ნაგარინი 22, 45
- ნავლიზი 42, 83
- ნასა 100
- ნაყუევანი იხ. ნახუევანი
- ნახუევანი იხ. ნახუევანი
- ნახუევანი 23, 33, 46, 54, 60, 64, 78, 83, 92, 97, 107
- ნელქარი 20
- ნიკორწმინდა 174
- ნილოსი 75
- ნესიზინი 42
- ნოევოროდი 28
- ოზანი 167
- ოლთისი 15, 16
- ორბეთი 120, 126
- ორღუბადი 83
- ორენ-კალა (ორენ-ყალა) იხ. ბაილყანი
- ოღუზლუ 169
- პალესტინა 174
- პართიის სახელმწიფო 87
- Приладожье Восточное 113
- ჟინვალი 127
- ჩაკა 62
- ალ-რანი 82
- რეი 126, 154

- რუმი 24, 90, 92
 რუსეთი 10, 102, 103, 113, 123, 147, 180
 რუსთავი 120—122, 125, 126, 137, 138, 149, 156, 158, 159, 165, 166, 169, 173—175, 189
 რუსთავი კუხეთის 156
- სათავე ტბა 102
 სალმასი 63
 სამარა 76, 126, 130, 132, 136
 სამარყანდი 42
 სამეგრელო 109
 სარირი 100, 103, 107
 სარმინი 29
 სასანელთა სახელმწიფო 119
 საფურცლე 40
 საქართველო 3, 4, 16, 26, 29—32, 38, 40, 48, 56, 60, 66, 67, 72, 86, 87, 89, 99, 102, 107, 108, 117, 122, 125, 126, 155—157, 161—163, 165, 166, 168—171, 174, 178, 180, 186, 187
 სეუტი 98
 სირია 37, 61, 126, 127, 174
 სომხეთი 3, 5, 8, 17, 22, 29, 32, 39, 66, 68, 76, 85, 87, 94, 97, 98, 117, 119, 120, 126, 127, 161, 168, 175, 177, 179
 სომხითი 100
 სოლდი 88
 სოხუმი 156
 სპარსეთი 55, 99, 126, 146
 სუმაშატი 24
 სენბათმანი 32
 სურახანა 50
 სურმარი 41, 104
 სხალტბა 69
 სხალტბის ქდ. 70
- ტაბარისტანი 87, 111
 ტიგრანაქერტი 17, 18
 ტიგროსი 62
 ტირი 74
 ტინისი 96
 ტირიტაკა 126
 ტრაპეზუნტი 61
 ტრიპოლი 75
 ტულათი 16
- ულთა 15
 ურარტუ 146
 ურბნისი 126
 ურმია 22, 45, 58
 ურმიის ტბა 83
 უშნუ 52
 უჩანი 68
 უჯანი 51
 უჯარმა 46, 138, 149, 156
- ფაქენდი 28
 ფარაენა 54
 ფარსი 72
 ფახულანი 171
 ფინიკია 87
 ფოთი 117
 ფრანკფურტი 181
 ალ-ქურათი იხ. ევფრატო
- ქაზნა 50, 64
 ქართლი 67, 170
 ქერსონესი 169
 ქაშანი 159
 ქინძარა 40
 ქიში 42
 ქუთაისი 164
 ქუფა 59
- ლართა 40
- შაბალა 22, 45, 93, 138, 169
 ყაზახი 62
 ყალიყალა 32, 39, 97
 ყანდარია 43, 45
 ყარსი 8, 93, 104
 «ყივჩაყთა ველი» 100
 ყირიმი 137, 174
 ყუბაჩი იხ. ზირიპკერანი
- შაბარანი 18, 22, 29, 33, 50, 63, 71, 93, 138, 144
 შაბურანი იხ. შაბარანი
 შაბერანი იხ. შაბარანი
 შავიზღვისპირეთი (ჩრდილოეთი) 169
 შამახია იხ. შემახა
 შამქორი 33, 95, 109
 შარვანი (შირვანი) 17, 18, 24, 55
 შაქი 101
 შიზი 49, 82

შირაზი 99	ხოი 92, 96, 189
შიომღვიმე 70, 149	ჯუჯისთანი 87
შირაკი 117	ხუნანთა (?) 24
შეიზარი 29	ხუნანი 20, 24
შემახა 17, 18, 33, 88, 93, 119, 164	ხუნაჩი 61
	ხურასანი 82
ჩერქეზთა ქვეყანა 95	ხურსანი 82
ჩინეთი 87, 154, 163	
ჩმა 126	ჯავახეთი 20, 29, 55
ცხენისწყალი 106	ჯაზირა 42, 59
	ჯანბადაკი 22
წალენჯიხა 171	ჯანზა იხ. განძა
წალელისთავი 65	ქეიქუნი 30
წუნდა 20	ქიბალი 111
	ქუმანთა 24
ხაზართა სამეფო 164	ქურჯანი 111
ხეესურეთი 109	
ხერაზმი 76	ჰამლანი 39
ხილატი იხ. ხლათი	პარავა 29
ხლათი 33, 46, 58, 67, 71, 105, 111,	პერათი 178
149, 150	კიმსი 59.

შინაარსი

შესავალი .	3
პირველი თავი	
ამიერკავკასიის ქალაქების გარეგანი სახე .	5
მეორე თავი	
ამიერკავკასიის ქალაქების ხელოსნური წარმოება .	82
შემოკლებანი	183
Резюме	185
გეოგრაფიულ სახელთა სიძიებელი .	191

ПАВЕЛ АМБАКОВИЧ ТОПУРИА
ГОРОДА ЗАКАВКАЗЬЯ
X — первая четверть XIII в.
(Внешний вид. Ремесленное производство)

(на грузинском языке)

ТБИЛИСИ
«МЕЦНИЕРЕБА»
1985

დაიბეჭდა საქართველოს სსრ მეცნიერებათა აკადემიის
სარედაქციო-საგამომცემლო საბჭოს დადგენილებით

სბ 2507

რეცენზენტები: ისტ. მეცნ. დოქტორი კ. კუციია
ისტ. მეცნ. კანდ. გ. ბერაძე

გამომცემლობის რედაქტორი დ. ლეჟავა
მხატვრული რედაქტორი გ. ლომიძე
ტექნორედაქტორი ნ. თყეჯავა

გადაეცა წარმოებას 6.3.1984; ხელმოწერილია დასაბეჭდად 1.3.1984;
ქალაქის ზომა 60×90¹/₁₆. ქალაქი № 1; ბეჭდვა მაღალი;
გარნიტურა ვენური; პირობითი საბეჭდი თაბახი 12,5; საალ-
რიცხვო-საგამომცემლო თაბახი 11,0;
უე 01461; ტირაჟი 1400. შეკვეთა № 308;
ფასი 1 მან. 60 კაპ.

გამომცემლობა „მეცნიერება“, თბილისი, 380060, კუტუზოვის ქ., 19
Издательство «Мецниереба», Тбилиси, 380060, ул. Кутузова, 19

საქ. სსრ მეცნ. აკადემიის სტამბა, თბილისი, 380060, კუტუზოვის ქ., 19
Типография АН Груз. ССР, Тбилиси, 380060, ул. Кутузова, 19